



BIBLIOTECA NAZ.  
Vittorio Emanuele III

XXIII

E

55

NAPOLI

NAPOLI

//

5

222



XXIII

0.

.45



2.  
M. FRIDERICI CHRISTIANI  
**BAUMEISTERI**

AUGUSTI GYMNASII GORLICENSIS  
RECTORIS

INSTITUTIONES  
METAPHYSICÆ

COMPECTENTES

ONTOLOGIAM, COSMOLOGIAM  
PSYCHOLOGIAM

THEOLOGIAM DENIQUE NATURALEM  
Methodo WOLFII adornatæ.

EDITIO QUARTA VENETA,

Post XV. Wittembergensem

AUCTIOR ET EMENDATIO.



VENETIIS, MDCCLXXXIX.

\*\*\*

TYPIS ANTONII ZATTA.

*Superiorum Facultate, & Privilegio.*



A. Ω.

## P R Æ F A T I O

A D

## L E C T O R E M.

ÆQue ita tandem, quam dudum dedi, fidem solvo, non profecto soluturus nisi vel me invitum ad laborem, quem inchoaram, perficiendum varia commovissent. Rem narrabo. Tres nunc sunt anni, cum institutiones philosophiæ rationalis edidi. Versabar tum Wittembergæ, in erudienda juventute occupatus. Libellum, meis adornatum usibus explicabam commilitonibus, nec id sine omni, ut opinor, fructu, cum maximo certe (quod præfiscine dixerim) audientium plausu. Vix dum ea, quæ typis curaveram excudenda, interpretari occæperam, cum auditorum haud pauci me rogarent, ut Metaphysicam eadem conscriberem methodo. Commilitonum satisfactorum precibus, meditabar opus. At, quod interea ostērebatur mihi, novum munus nimium quantum! Rationes meas conturbabat. Cum enim, de Cathedra devocatus Academica, præter omnem meam spem & expectationem, rei scolasticæ gubernaculis ad-moverer, iis me destinari videbam laboribus, ut de Metaphysica ne cogitare quidem possem. Nec de ea, in lucem emittenda, nunc cogitarem, nisi

a 2

& Bi-

& Bibliopola, cum quò transegeram, me urisset,  
 & eruditorum plurimi, cum in litteris, ad me da-  
 tis, tum in publicis scriptis, ad fidem liberandam  
 essent cohortati. Amicorum itaque obsecutus vo-  
 luntati, quicquid hujus est scriptionis, tibi offero,  
 L. B. majoremque in modum Te rogitò, velis nò-  
 vos, qui, me absente, irrepperunt, benignius ex-  
 cufare. Quod reliquum est, sub novi anni auspi-  
 cio, prosperrima quæque Tibi apprecor, remque  
 Tuam ex voto feliciterque agere Te volo. Vale,  
 Gerlici. clolcccxxxviii. Ipsis Calend. Januariis:



# CONSPECTUS

## CAPITULUM

In hac Metaphysica contentorum .

*Prolegomena, in quibus Metaphysices natura, & indoles interior, ususque item insignis exponitur.* pag. 5

### ONTOLOGIÆ.

<b>C</b> AP. I. De principio contradictionis.	pag. 17
- II. De principio rationis sufficientis.	24
- III. De possibili, & impossibili.	36
- IV. De existentia.	43
- V. De notionē entis, & non-entis,	45
- VI. De essentia.	50
- VII. De generalibus entis affectionibus.	58
- VIII. De eo, quod idem, ac diversum.	65
- IX. De determinato, & indeterminato.	78
- X. De toto, & parte.	82
- XI. De ente singulari, & universali.	87
- XII. De necessario, & contingente.	94
- XIII. De ordine, veritate Metaphysica, & perf.	101
- XIV. De ente composito.	114
- XV. De ente simplici.	130
- XVI. De ente finito, & infinito.	150
- XVII. De principiis, & causis.	158
- XVIII. De signo, & signato.	177

### COSMOLOGIÆ GENERALIS.

Cap. I. De Cosmologia in genere.	178
- II. De notionē, sive conceptu mundi.	180

- III. De essentia, & natura corporum, ac pen-  
dentibus inde affectionibus. 196
- IV. De legibus motus. 200
- V. De corporum elementis. 205
- VI. De naturali, & supernaturali, sive mira-  
culo. 222

## PNEUMATOLOGIÆ

### PSYCHOLOGIAM,

& Theologiam Naturalem, Complexæ.

*Caput praliminare de spiritu in genere.* 225

### PSYCHOLOGIÆ EMPIRICÆ.

- Cap. I. De anima existentia.* 229
- II. De facultate cognoscendi ejusque parte in-  
feriori. 231
  - III. De facultate sentiendi. 233
  - IV. De facultate imaginandi. 237
  - V. De facultate fingendi. 242
  - VI. De statu vigiliarum, somni & somnii. 244
  - VII. De memoria, oblivione, & reminiscen-  
tia. 246

De facultate cognoscendi, ejusque parte  
superiori.

- Cap. I. De facultate attendendi, & reflectendi.* 249
- II. De intellectu. 252
  - III. De ingenio, ratione, rationisque analo-  
g<sup>o</sup>. 258
  - IV. De voluptate, & tedio. 264
  - V. De appetitu, & aversatione. 269
  - VI. De affectibus. 274
  - VII. De modo alios convincendi. 203

VIII.

- VIII. De commercio anime, & corporis, quatenus illud constat ex experientia. 290

## PSYCHOLOGIÆ RATIONALIS.

- Cap. I. De essentia & natura anime, rationibusque eorum quæ sunt in anima. 299

- II. De modo, quo anima cum corpore est conjuncta. 310

### S E C T. I.

- De Systemate influxus Physici. ibid.

### S E C T. II.

- De Systemate assistentiæ, seu causarum occasionalium. 329

### S E C T. III.

- De Systemate Harmoniæ præstabilitæ, sive Leibnitiano. 321

- Cap. III. De immortalitate. 331

- IV. de animabus brutorum. 319

## THEOLOGIÆ NATURALIS.

- Cap. I. De Dei existentia. 350

- II. De essentia, & attributis Dei in genere. 364.

- III. De intellectu divino, & attributis cum ipso connexis. 373

- IV. De voluntate Dei, & attributis cum eadem connexis. 379

- V. De operibus divinis. 405

- VI. De proprietatibus quibusdam divinis. 413

## I N D E X

## RERUM PRÆCIPUARUM

*Numerus paginam indicat.*

- A**bstrahere quando dicamus? 255  
 Abstractæ notiones. 6. 256  
 Accidens 60. est vel prædicabile, vel prædicamen-  
 tale. ibid. 148  
 Actio, ejus definitio 139. simplex, vel compo-  
 sita, 140. vel spontanea, vel coacta 291. & 292  
 Agendi vis in quonam consistat? 270. differt a po-  
 tentia agendi. ib. & seq.  
 Agere libera quando dicamur? 292  
 Acumen quid sit? 257. ejus gradus, ibid. pertinet  
 ad intellectum. ibid.  
 Acquiescentia quid? 281. affectus admodum gratus:  
 ibid. potest degenerare in vitiosam φλαξίαν. ibid.  
 Adjuncta quid? 65. sunt vel propria, vel commu-  
 nia. ibid.  
 Æmulatio quid? 285. plures huic affectus sunt im-  
 mixti. 286  
 Affectus, ejus definitio 274. quomodo generetur?  
 ibid. vel in tædio, vel in voluntate consistit.  
 275  
 -- dividuntur in gratos & ingratos, ibid. sunt vel  
 originarii, vel derivativi. ibid.  
 Amor quid? 277. quotuplici modo consideratur?  
 ibid. unde oriatur? ibid. & seqq. ejus criteria  
 allegantur. 278  
 Analogum rationis, 264 in brutis locum habet 343  
 Anima quid? 230. ejus existentia unde nobis inno-  
 tescat? ibid. ejus regimen in corpus, 298. est ens  
 simplex 302. gaudet vi cogitandi, sive repræsen-  
 tativa ibid. ejus essentia in quonam consistat? 307  
 ejus immortalitas in quonam consistat? 332. cum  
 cor-



- corpore interire nequit, 333. post mortem perceptiones suas continuat, 334. post mortem in statu perceptionum distinctarum versatur. 336
- Animositas quid? 289
- Apperceptio quid? 231. ad omnem cogitationem requiritur. 232
- Appercipere quando dicamur? 231
- Appetendi facultas quid? 269. & seq.
- Appetitus quid? 269. cum eo est voluptas conjuncta, 270. gradus admittit, 271. est, vel sensitivus, vel rationalis, 272. ejus lex quænam sit? ibid.
- Appetitus sensitivi, & rationalis pugna. 289
- Attributum quid? 59
- Attributa entis non possunt ab ejusdem essentia separari 59. sunt necessaria, æterna, immutabilia, incommunicabilia, 60
- Attendere quando dicamur? 249 & seq.
- Attentionis gradus quinam sint? 240
- Aversatio quid? 270. cum ea conjunctum est tædium. ibid.

B

- B**onum quid? 268. est vel verum, vel apparens, ibid.
- Bonum minus quid? ibid.
- Bruta, sunt animabus prædita, 339. cogitant, ibid. sensationibus, imaginatione, & memoria gaudent, 340. agunt secundum legem imaginationis, 340. gaudent appetitu sensitivo, & aversatione sensitiva, ibid. carent ideis rerum distinctis, ibid. abstrahere nequeunt, 341. carent ratione, 371. & seq. habent analogum rationis, 343. habent spontaneitatem in agendo, non libertatem. 344.
- Brutorum animæ sunt entia simplicia, non spiritus, 344. sunt ex sua natura destructibiles, ibid. inter hominis, & bruti animam maxima est differentia. 346.

# x INDEX RERUM

## C

<b>C</b> asuum similitum expectatio,	263
Causa, ejus definitio, 164. efficiens ibid. est	
vel libera, vel necessaria, 165. est vel unica,	
vel æquivoca. ibid. est vel instrumentalis, vel	
principalis, 166. est vel physica, vel moralis, ibid.	
est vel per se, vel per accidens talis, 167. soli-	
taria, 168. vel est proxima, vel remota ibid. est vel suf-	
ficiens, vel insufficiens, 169. nihil est causa sui	
ipsius, 170. qualis est causa univoca, talis quo-	
que est effectus, ibid. causa causæ est etiam cau-	
sa causati, 171. omnis causa efficiens vi agen-	
di prædita esse debet. ibid. causa absolute eadem	
contrarios effectus producere nequit, 171. non	
potest esse plus in effectu, quam fuit in causa, 172.	
causa, quatenus est causa, & effectus sunt simul	
173. finalis quid? ibidem; impulsiva quid? 175.	
materialis,	170
Causæ locæ quid? 168. subordinata,	169
Causalitas quid?	164
Causatum quid?	165
Cogitatio quid?	231
Cogitationum profunditas.	232
Commiseratio quid? 279. est filia amoris.	280
Conditio sine qua non.	170
Confusio quid?	107
Connexa quænam dicantur?	183
Connexa 161. sunt vel ratione temporis, vel ratio-	
ne spatii,	185 & seqq.
Consensus quid?	107
Conscii nobis nostrum quando dicamur?	230
Contingens quid? 97. inter mutabilia refertur, 98	
Contradictio quid? 18. est vel implicita, vel expli-	
cita.	19
Corpus quid 199. ejus materia quænam sit?	198-
corpori naturale quodnam dicatur?	213
Corpora quid? 196. eorum elementa quænam sint? 306.	
Cosmologia quid? 278. recte ad metaphysicam re-	
fer-	

fertur, 179. ejus plures sunt usus. ibid.  
Creatio quid? 405

## D

**D**ecretum quid? 403  
Dependere ab altero quando ens dicatur? 159.

Desiderium quid? 284

Determinare quid significet? 78

Determinationes quid? 80

Deus, ejus definitio 340. ejus existentia demonstratur. 355. ejus attributa quid? 364. non cupus habet vi entis alterius extra se ad existendum. 366. est ens a se, 366. est ens independentens. ibid. est immutabilis. 367. est æternus, ibid. ejus duratio est immensurabilis. 368. est ens primum & ultimum, ibid. non potest esse ens compositum, ibid. est ens simplex, ibid. & seq. non potest habere limites, 369. est ens infinitum, ibid. habet omnes perfectiones actus, quæ in ipso sunt compossibiles, & quidem sine ullo gradu 369. & 371. est immensus, ibid. est unicus; ib. gaudet intellectu perfectissimo 373. ejus intellectus est fons essentiarum, & est purissimus, 377. & 375. nec sentit, nec imaginatur, 378. nec abstrahit, nec ratiocinat, ib. est omniscius, 378. & seqq. ratione summa & purissima gaudet, 377. gaudet voluntate perfectissima 379. elegit mundum optimum 384. ejus voluntas est immutabilis, 393. est liberrima 393. est principium omnium existentiarum rerum contingentium, ibid. & seq. est sanctissimus, 402. non habet affectus, 403. est spiritus perfectissimus, ibid. ejus decretum quid? 403. liberrime creavit mundum; 405. ejus providentia quid? 407. gaudet sapientia summa 399. & seq. habet summam bonitatem, 399. & seqq. est justissimus, 400. est omnipotens, 401. omnia conservat, 407. ad actiones creaturarum quomodo

- do concurrat? 408. omnia gubernat, 409. providet omnibus creaturis, *ibid.* Deo omnia sunt presentia, 412. est ens actuosissimum, 413. Dei maiestas in quonam consistat? *ibid.* Est beatissimus, *ibid.* Est dominus omnium. 414.
- Disparata quid? 59.
- Dispositio naturalis quid? 62.
- Dissemblia quid? 68.
- Diversa quid? 67. sunt, vel numero, vel specietalia. *ibid.*
- Dormire quando dicamur? 244.
- Dolor quid? 267. & seq.

## E

- E** Adem quid? 65. sunt vel absolute, vel respective talia, 66.
- Ens quid? 46. est vel actuale, vel potentiale; *ibid.* fictum, 46. reale, 47. singulare, 87. universale, 89. necessarium, 95. contingens. 97. est vel privativum, vel positivum, 47. unum, 61. verum, 106. perfectum. 113.
- Ens rationis quid? 46. est vel ratiocinata, vel ratiocinantis. *ibid.*
- Ens compositum, ejus definitio, 115. ejus essentia in quonam consistat? 116. non existit absolute necessario, 117. est extensum, 118. inest spatio, 123. est divisibile 127. potest fieri majus & minus 118. est mensurabile, 123. ejus figura est mutabilis, 129.
- Ens simplex, ejus definitio 130. ejus existentia probatur, 131. non est extensum, 132. caret omni magnitudine, *ibid.* caret figura, *ibid.* est indivisibile, 133. ex composito non oritur, 134. ex simplici non potest oriri, 135. ex nihilo producitur, *ibid.* oritur in instanti; 136. interire quando dicatur? *ibid.* si interit, debet annihilari. *ibid.*
- Ens finitum, ejus definitio, 152. non omne habet actu, quod habere potest, 154. eo concipi majus quid potest. *ibid.*

Ens

# P R Æ C I P U A R U M.

xiii

Eas infinitum, ejus definitio, 152. omnes realitates compossibiles actu possidet, & quidem sine ullo gradu, 163. & seq. nullam admittit successionem, 154. nullius mutationis capax est, 155. debet esse ens absolute necessarium, ibid. non potest esse ens compositum, ibid. duo entia infinita nec dan- tur nec dari possunt. 155. & seq.	
Essentia quid? 50. est absolute necessaria. 54 est immutabilis, 62. est æterna, 56. est incommuni- cabilis, 57. nec minui, nec augeri potest. 58	
Essentialia quid?	52
Exceptio a regula perfectionis quid?	111
Existentia quid?	42
Extensum quid?	91

## F

F	Acultas quid?	14E
F	Fatum quid? 146. rationabile, 185. Muhame- danum, 191. Stoicum ibid. Astrologicum, ibid. Spinosisticum. ibid.	
F	Fictio quid? 243. est vel possibilis, vel impossibi- lis. ibid.	
F	Fiducia quid?	283
F	Figura quid?	129
F	Fingendi facultas quid?	243
F	Finis, ejus definitio, 173. est vel principalis, vel minus principalis, ibid. est vel proximus, vel re- motus, 174. est vel externus, vel internus, ibid. ultimus, ibid. est vel cujus, vel cui, ibid sup- ponit ens intelligens. 175	
F	Finitum quid?	152
F	Fluctuatio animi quid?	ibid.
F	Forma rei quid?	176
F	Futurum quid?	125

## G

<b>G</b> Audium quid?	281
Genus quid? 91. est vel superius, vel inferius.	161
Gloria quid?	281
Gradus quid?	151

## H

<b>H</b> Armoniz præstabilitæ systema quid?	321
---	-----

## I

<b>I</b> Dea quid?	231
Idearum associatio quid?	240
Idealistæ.	247
Identitas quid?	66
--- est vel specifica, vel numerica; ibid. & seq.	
Imaginatio quid? 241. ejus lex quænam?	237
Imaginandi facultas quid?	502
Impedimentum quid?	175
Immutabile quid?	98
Imperfectio quid?	112
Impossibile quid? 37. est vel absolute, vel hypothetice tale.	38
Independens quid?	159
Indeterminatum quid?	159
Indifferentiæ status.	79
Individuum quid?	87
Infinitem quid?	152
Influxistæ	313
Influxus Physici systema quid?	313
Ingenium	358
Ingeniosus	ibid.
Instrumentum quid?	166
Intellectus quid? 226. & 252. ejus gradus 253. est vel purus, vel impurus.	ib. & seq.
	In-

PRÆCIPUARUM.

xv

Intelligere rem quando dicamur ?	<u>253.</u>
Interitus corpus nostri quid ?	
Invidia quid ?	<u>280.</u>
Ira quid ?	<u>286.</u>
Iracundia quid ?	ibid.
Judicium unde oriatur ?	<u>254.</u>
Iustitia quid ?	<u>400.</u>

L

Lætitia quid ?	<u>276.</u>
Leges motus quid ? <u>296.</u> sunt contingentes	
<u>201.</u>	
Libertas quid ?	<u>293.</u>
Limes quid ?	<u>150.</u>
Locus quid ?	<u>123.</u> & seq.

M

Magnitudo quid ?	<u>85.</u>
Magnum.	ib.
Malum quid ? <u>268.</u> minus.	ibid.
Materia quid ?	<u>176.</u>
Medium quid ?	<u>175.</u>
Memoria quid ?	<u>246.</u>
Mensura quid ?	<u>128.</u>
Metaphysica quid ? 7. ejus utilitas ?	10
Metus quid ?	<u>284.</u>
Minus quid ?	<u>85.</u>
Mirabile quid ?	<u>215.</u>
Miraculum, <u>214.</u> produci debet ab ente aliquo, a mundo diverso, <u>217.</u> fit per saltum, ibid. per hoc ordo naturæ turbatur, <u>219. confusio in</u> nexum rerum introducitur.	ibid.
Modi quid ? <u>60</u> sunt contingentes, & mutabiles.	
<u>62.</u>	
Monades quid ?	<u>206.</u>
Mori corpus nostrum quando dicatur ?	<u>331.</u>
Motiva quid ? <u>272.</u> sunt vel volendi, vel nolendi.	
ibid.	

Mul-

xvi INDEX RERUM

Multitudo quid?	70
Mundus ejus definitio, 182. optimus, 388. in hoc datur nexus per causas efficientes, & finales, 185. est contingens, 194. ejus perfectio in quam consistat?	223

N

Natura quid?	
- Naturale, 212. corpori naturale quid? ib.	
Spiritui naturale quid?	212
Necessarium quid? 95. est vel absolute, vel hypothetice tale.	ibid. & seq.
Nexus quid?	162. 179
Nihilum quid? 48. est vel privativam, vel negativum.	49.
Nolitio quid?	170
Noluntas quid?	290
Non-ens quid?	49
Nota characteristica quid?	68

O

Oblivio quid?	247
Occasionalistæ.	320
Occasionalium causarum systema quid?	320
Odium quid?	278
Omnipotentia Dei quid? 401. impossibilibus non potest largiri existentiam.	ibid.
Ontologia quid? 11. demonstrationem requirit. ibid. methodo mathematica tractanda est, 12. non est Lexicon philosophicum, 13. reliquis scientis philosophicis antecellit, 14. facit ad veritates inveniendas, 15. ejus usus maximus est, ibid.	
philosophia prima cur dicatur?	11
Opposita quid? 95. quotuplicis sint generis? ibid.	
Ordo quid? 102. & seqq. ejus regula, 102. est vel simplex, vel compositus.	103
Organa sensoria quid?	124

P. Pars





# INSTITUTIONUM METAPHYSICARUM.

---

## PROLEGOMENA

*De Metaphysices Natura & Indole interiore,  
usuque item insigni.*

### §. I.

**C**UM, qua ante hunc annum, metho-  
do institutiones philosophiæ rationa-  
lis conscripsi, eadem nunc metaphy-  
sicam, in recitationum mearum aca-  
demicarum usum, adornare mecum  
constituerim, operæ pretium existimo, nonnulla  
de elegantissimæ hujus utilissimæque disciplinæ  
natura intrinseca, usuque peramplo, præfari.  
Quæ autem hic, προλεγόμενων loco, præmissurus  
sum, cum eo pertinebunt, ut ii, qui animum  
præceptis metaphysicis imbuiere volunt, sciant,  
in qua potissimum re ipsorum curæ evigilare  
debeant, tum vel maxime ideo disputabuntur,  
ut imperiti rerum metaphysicarum otores desi-  
nant

*Metaph. Baum.*

A

nant

## 6 METAPHYSICES PROLEGOMENA

nant tandem & erubescant metaphysicam iniquius criminari, despiciere, & ad quiesquilias, ac purgamenta amandare.

NOTA. Ut vero, quæ sit metaphysicæ interior natura, distinctius intelligatur, nonnullas præmittemus positiones, ex quibus, sufficienter intellectis, evidentissime patebit, quid tandem sit illud, quod metaphysica ab omnibus aliis rebus & disciplinis internoscatur.

§. 2. Omnem nostram cognitionem originem suam ultimam, & prima incunabula repetere a sensibus, id vero, nemo est qui negare audeat. Quidquid autem sensibus percipimus, id omni modo est determinatum (Log. §. 100.) & multiplicibus circumstantiis, vel loci, vel temporis, vel personæ, involutum, & vestitum nobis sistitur.

§. 3. Quamvis vero res individua sive existentes, sensibus perceptæ, ob innumeras circumstantias determinationesque omnimodas ita a se invicem differant, ut altera alteri nunquam in omnibus similis deprehendatur; nihilominus dantur determinationes & notæ, quas habent individua, multum alioquin a se invicem discrepantia, communes, & in quibus eadem perpetuo conveniunt. (Conf. Logic. §. 104.)

EXEMP. Sumas e. gr. complura individua, Cajum, Petrum, Paulum, Sempronium, hunc canem, hanc mensam, hoc atramentarium, hunc librum, &c. In his, quod negari non potest, miram animadvertes diversitatem, sed in quibusdam tamen determinationibus eadem perpetuo sibi similia esse, deprehendes, exempl. gr. in eo, quod hæc omnia individua sint substantiæ, quod sint entia composita, quod existant, adeoque ad classem entium referri debeant.

§. 4. Cum hæc determinationes, rebus pluribus communes, nobis animo sistimus, tunc representationes harum affectionum, rebus pluribus communium, dicuntur *notiones universales* (§. 108. 199.)

Log.

# METAPHYSICES PROLEGOMENA 7

Log.) itemque *abstractæ*, quia formantur ope abstractionis, (§. 111. Log.) scientia autem universalium, sive disciplina illa, in qua notiones, a rebus individuis abstractæ, & iisdem communes, distincte explicantur, generali nomine dicitur *Metaphysica*. (Conf. Log. §. 45.)

SCHOL. Metaphysices nomen, in numero singulari pro scientia universalium, sive disciplina notionum abstractarum usurpatum, in Aristotelis scriptis numquam legi, dudum observarunt eruditi. Aristoteles XIV. reliquis libros, quos inscripsit *μετὰ φυσικὰ*, idque vel ideo, quia ea, quæ in his XIV. libris Aristotelis pertractantur, post physicam demum sunt inventa, atque hoc sensu *μετὰ* significabit *post*, vel ideo, quia in libris metaphysicis ejusmodi notiones enodantur, quæ sunt supra res naturales, sensibus obvias, quæque adeo ad abstractionem pertinent.

In his libris, qui nomine *τῶν μετὰ τὰ φυσικὰ* circumferuntur, Aristoteles id unice sibi habebat propositum, ut de ente, prout ens est, ejusque primis causis & principiis, commentaretur. Quid vero philosophus per ens, prout ens est, intellexerit, non satis definiere videntur ipsius interpretes. Satis hic habeo, adduxisse verba *Cel. Holmanni*, qui in prolegomenis philosophiæ primæ §. VII. Nihil aliud, inquit *Aristoteli in libris*, quos vocat *τὰ μετὰ φυσικὰ* pertractare propositum fuit, quam ut maxima, qua quidem poterat *περίβου* inquireret, num præter res sensibiles, perpetuo fluentes in rebus omnibus adhuc quid detur, quod magis constans & perpetuum sit, illisque qua subsistat, quodque adeo & pro illorum principio causaque prima reputari queat. Plura addit eruditissimus vir, quæ, ad mentem sententiamque Aristotelis rectius inspiciendam, mirifice faciunt. Cæterum, in eo conveniunt, eruditorum plerique, quod Aristoteles in libris Metaphysicis tradere instituerit scientiam de Deo; atque id ita quidem,

## 8 METAPHYSICES PROLEGOMENA.

ut præmiserit quædam, præparationis loco &, ordinis causa, de ente generatim spectato spiritibusque finitis. Scholastici non intellecta recte Aristotelis mente, dici non potest, quam summa imis miscuerint, in systemate aliquo metaphysices, ad mentem Aristotelis efformando. Quam ipsi inierant metaphysicam tractandi rationem, nemo liberalioris ingenii nunc cogitat, quin, ipsam metaphysicam sibi exosam esse, sentiat. Usque enim adeo scholastici nugis ineptisque operam dabant, ut quantivis sibi tunc demum viderentur pretii, cum abstractionum abstractiones, & divisiones divisionum proferre cum terminos, mente cassos, barbaros, & ne fando quidem auditos, producere poterant. Quo factum, ut metaphysica plurium ludibrio fuerit exposita, & propemodum convicii loco habitum vocari metaphysicnm. At postquam, pulsa scholasticorum barbarie, metaphysica dignitati honorique suo pristino restitui cœpit, eo nunc prodit habitus, ut, quantum diversa est a veterum scholasticorum metaphysica, tantum sui cultoribus adferat emolumenti.

SCH. Aliorum conatus laudabiles, in asserenda Metaphysices dignitate, nunc reticemus, VVolffii tantum methodum, metaphysicam tractandi, hic paucis adducturi. Refert Vir illustris ad metaphysicam ( $\alpha$ , *Ontologiam* sive *philosophiam primam*,) in qua prima & communissima omnis cognitionis humanæ principia explicantur, item notiones generalissimæ & universaliore enodantur distincte, & positiones, ob universalitatem suam, ad nullas disciplinas singulares referendæ, accurate demonstrantur. ( $\beta$ ) A VVolffio ad metaphysicam referri, scimus, *Cosmologiam*, sive disciplinam illam, in qua de universo in genere agitur, & notionibus generalibus & abstractis de mundo explicatis, non nisi talia de mundo demonstrantur, quæ mundo, ut enti composito & mutabili, tribuuntur. ( $\gamma$ ) Exponit VVolffius in Metaphysica *Psychologiam*,  
sive

## P

<b>P</b> ars aliquanta	84
- aliquota	ibid.
Partes quid	ibid.
- actuales	ibid.
- essentielles	ibid.
- integrales	ibid.
- potentiales	ibid.
- possibiles	ibid.
Passio quid?	141
Pavor quid?	285
Perceptio quid? 331. est vel clara, vel obscura,	
- 332. vel confusa, vel distincta, ibid. vel adæ-	
quata, vel inadæquata.	ibid.
Perfectio quid? 107. est vel simplex, vel compo-	
sita, 109. vel essentialis, vel accidentalis, 113,	
a perfectionis regula exceptio quid? 111. cogno-	
scitur, vel a priori, vel a posteriori.	114
Persona quid?	148
Phantasia quid?	237
Pœnitentia quid?	281
Possibile quid? 37. est vel extrinsecus, vel intrin-	
secus tale	39
Potentia quid?	401
Præsens quid?	234
Præsens nostro corpori quid dicatur?	234
Præteritum quid?	124
Principiatum quid?	149
Principium quid? 159. est vel causale, vel non	
causale, 159. & seq. essendi, 160. fiendi, ibid.	
cognoscendi	ibid.
Principium contradictionis quid? 19. est principium	
absolute primum, 20. est indemonstrabile, 24.	
est universale, 22. est absolute necessarium, ib. est	
immutabile, 22. & seqq. est fons omnis certi-	
tudinis.	23
Principium indiscernibilium quid?	91
<i>Metaph. Baum.</i>	<i>b</i> Prin-

## I N D E X

## RERUM PRÆCIPUARUM

*Numerus paginam indicat.*

- A**bstractum quando dicamus? 255  
 Abstractæ notiones. 6. 256  
 Accidens 60. est vel prædicabile, vel prædicamentale. ibid. 148  
 Actio, ejus definitio 139. simplex, vel composita, 140. vel spontanea, vel coacta 291. & 292  
 Agendi vis in quonam consistat? 270. differt a potentia agendi. ib. & seq.  
 Agere libera quando dicamur? 292  
 Acumen quid sit? 257. ejus gradus, ibid. pertinet ad intellectum. ibid.  
 Acquiescentia quid? 281. affectus admodum gratus: ibid. potest degenerare in vitiosam φλαξτία. ibid.  
 Adjuncta quid? 65. sunt vel propria, vel communia. ibid.  
 Æmulatio quid? 285. plures huic affectus sunt mixti. 286  
 Affectus, ejus definitio 274. quomodo generetur? ibid. vel in tædio, vel in voluntate consistit. 275  
 -- dividuntur in gratos & ingratos, ibid. sunt vel originarii, vel derivativi. ibid.  
 Amor quid? 277. quotuplici modo consideratur? ibid. unde oriatur? ibid. & seqq. ejus criteria allegantur. 278  
 Analogum rationis, 264 in brutis locum habet 343  
 Anima quid? 230. ejus existentia unde nobis innoscatur? ibid. ejus regimen in corpus, 298. est ens simplex 302. gaudet vi cogitandi, sive repræsentativa ibid. ejus essentia in quonam consistat? 307  
 ejus immortalitas in quonam consistat? 332. cum cor-

PRÆCIPUARUM. ix

- corpore interire nequit, 333. post mortem perceptiones suas continuat, 334. post mortem in statu perceptionum distinctarum versatur. 336
- Animositas quid? 289
- Apperceptio quid? 231. ad omnem cogitationem requiritur. 232
- Appercipere quando dicamur? 231
- Appetendi facultas quid? 269. & seq.
- Appetitus quid? 269. cum eo est voluptas conjuncta, 270. gradus admittit, 271. est, vel sensitivus, vel rationalis, 272. ejus lex quamnam sit? ibid.
- Appetitus sensitivi, & rationalis pugna. 289
- Attributum quid? 59
- Attributa entis non possunt ab ejusdem essentia separari 59. sunt necessaria, æterna, immutabilia, incommunicabilia, 60
- Attendere quando dicamur? 249 & seq.
- Attentionis gradus quinam sint? 240
- Aversio quid? 270. cum ea conjunctum est tædium. ibid.

B

- B**onum quid? 268. est vel verum, vel apparens, ibid.
- Bonum minus quid? ibid.
- Bruta, sunt animabus prædita, 339. cogitant; ibid. sensationibus, imaginatione, & memoria gaudent, 340. agunt secundum legem imaginationis, 340. gaudent appetitu sensitivo, & aversione sensitiva, ibid. carent ideis rerum distinctis, ibid. abstrahere nequeunt, 341. carent ratione, 371. & seq. habent analogum rationis, 343. habent spontaneitatem in agendo, non libertatem. 344.
- Brutorum animæ sunt entia simplicia, non spiritus, 344. sunt ex sua natura destructibiles, ibid. inter hominis, & bruti animam maxima est distantia. 346.

## C

- C**asuum similitum expectatio, 263  
 Causa, ejus definitio, 164. efficiens ibid. est  
 vel libera, vel necessaria, 165. est vel unica,  
 vel æquivoca. ibid. est vel instrumentalis, vel  
 principalis, 166. est vel physica, vel moralis, ibid.  
 est vel per se, vel per accidens talis, 167. soli-  
 taria, 168. vel est proxima, vel remota ibid. est vel suf-  
 ficiens, vel insufficiens, 169. nihil est causa sui  
 ipsius, 170. qualis est causa univoca, talis quo-  
 que est effectus, ibid. causa causæ est etiam cau-  
 sa causati, 171. omnis causa efficiens vi agen-  
 di prædita esse debet. ibid. causa absolute eadem  
 contrarios effectus producere nequit, 171. non  
 potest esse plus in effectû, quam fuit in causa, 172.  
 causa, quatenus est causa, & effectus sunt simul  
 173. finalis quid? ibidem; impulsiva quid? 175.  
 materialis, 170  
 Causæ sociæ quid? 168. subordinata, 169  
 Causalitas quid? 164  
 Causatum quid? 165  
 Cogitatio quid? 231  
 Cogitationum profunditas. 232  
 Commiseratio quid? 279. est filia amoris. 280  
 Conditio sine qua non. 170  
 Confusio quid? 107  
 Connexa quænam dicantur? 183  
 Connexa 161. sunt vel ratione temporis, vel ratio-  
 ne spatii, 185 & seqq.  
 Consensus quid? 107  
 Conscii nobis nostrum quando dicamur? 230  
 Contingens quid? 97. inter mutabilia refertur, 98  
 Contradictio quid? 18. est vel implicita, vel expli-  
 cita. 19  
 Corpus quid 199. ejus materia quænam sit? 198.  
 corpori naturale quodnam dicatur? 212  
 Corpora quid? 196. eorum elementa quænam sint? 306.  
 Cosmologia quid? 278. recte ad metaphysicam re-  
 fer-



# PRÆCIPUARUM.

xi.

fertur, 179. ejus plures sunt usus. ibid.  
Creatio quid? 405

## D

**D**ecretum quid? 403  
Dependere ab altero quando ens dicatur? 159.

Desiderium quid? 284

Determinare quid significet? 78

Determinationes quid? 80

Deus, ejus definitio 340. ejus existentia demonstratur. 355. ejus attributa quid? 364. non corpus habet vi entis alterius extra se ad existendum. 366. est ens a se, 366. est ens independentens. ibid. est immutabilis. 367. est æternus, ibid. ejus duratio est immensurabilis. 368. est ens primum & ultimum, ibid. non potest esse ens compositum, ibid. est ens simplex, ibid. & seq. non potest habere limites, 369. est ens infinitum, ibid. habet omnes perfectiones actu, quæ in ipso sunt compossibiles, & quidem sine ullo gradu 369. & 371. est immensus, ibid. est unicus; ib. gaudet intellectu perfectissimo 373. ejus intellectus est fons essentiarum, & est purissimus, 377. & 375. nec sentit, nec imaginatur, 378. nec abstrahit, nec ratiocinat, ib. est omniscius, 378. & seqq. ratione summa & purissima gaudet, 377. gaudet voluntate perfectissima 379. elegit mundum optimum 384. ejus voluntas est immutabilis, 393. est liberrima 393. est principium omnium existentiarum rerum contingentium, ibid. & seq. est sanctissimus, 402. non habet affectus, 403. est spiritus perfectissimus, ibid. ejus decretum quid? 403. liberrime creavit mundum; 405. ejus providentia quid? 407. gaudet sapientia summa 399. & seq. habet summam bonitatem, 399. & seqq. est justissimus, 400. est omnipotens, 401. omnia conservat, 407. ad actiones creaturarum quomodo

- do concurrat? [408.](#) omnia gubernat, [409.](#) providet omnibus creaturis, *ibid.* Deo omnia sunt presentia, [412.](#) est ens actuosissimum, [413.](#) Dei maiestas in quonam consistat? *ibid.* Est beatissimus, *ibid.* Est dominus omnium. [414](#)
- Disparata quid? [59](#)
- Dispositio naturalis quid? [62](#)
- Disimilia quid? [68](#)
- Diversa quid? [67.](#) sunt, vel numero, vel specie talia. *ibid.*
- Dormire quando dicamur? [244.](#)
- Dolor quid? [267.](#) & seq.

## E

- E** Adem quid? [65.](#) sunt vel absolute, vel respective talia, [66](#)
- Ens quid? [46.](#) est vel actuale, vel potentiale; *ibid.* fictum, [46.](#) reale, [47.](#) singulare, [87.](#) universale, [89.](#) necessarium, [95.](#) contingens. [97.](#) est vel privativum, vel positivum, [47.](#) unum, [61.](#) verum, [106.](#) perfectum. [113](#)
- Ens rationis quid? [46.](#) est vel ratiocinata, vel ratiocinantis. *ibid.*
- Ens compositum, ejus definitio, [115.](#) ejus essentia in quonam consistat? [116.](#) non existit absolute necessario, [117.](#) est extensum, [118.](#) inest spatio, [123](#) est divisibile [127.](#) potest fieri majus & minus [118.](#) est mensurabile, [123.](#) ejus figura est mutabilis, [129](#)
- Ens simplex, ejus definitio [130.](#) ejus existentia probatur, [131.](#) non est extensum; [132.](#) caret omni magnitudine, *ibid.* caret figura, *ibid.* est indivisibile, [133.](#) ex composito non oritur, [134.](#) ex simplici non potest oriri, [135.](#) ex nihilo producitur, *ibid.* oritur in instanti; [136.](#) interire quando dicatur? *ibid.* si interit, debet annihilari. *ibid.*
- Ens finitum, ejus definitio, [152.](#) non omne habet actu, quod habere potest, [154.](#) eo concipi majus quid potest. *ibid.*

Ens

# P R Æ C I P U A R U M .

xiii

<b>E</b> ns infinitum, ejus definitio, 152. omnes realitates compossibiles actu possidet, & quidem sine ullo gradu, 163. & seq. nullam admittit successionem, 154. nullius mutationis capax est, 155. debet esse ens absolute necessarium, ibid. non potest esse ens compositum, ibid. duo entia infinita nec dan- tur nec dari possunt. 155. & seq.	
<b>E</b> ssentia quid? 50. est absolute necessaria. 54 est immutabilis, 62. est æterna, 56. est incommuni- cabilis, 57. nec minui, nec augeri potest. 58	
<b>E</b> ssentialia quid?	52
<b>E</b> xceptio a regula perfectionis quid?	111
<b>E</b> xistentia quid?	42
<b>E</b> xtensum quid?	91

## F

<b>F</b> acultas quid?	141
<b>F</b> atum quid? 146. rationabile, 185. Muhame- danum, 191. Stoicum ibid. Astrologicum, ibid. Spinositicum. ibid.	
<b>F</b> ictio quid? 243. est vel possibilis, vel impossibi- lis. ibid.	
<b>F</b> iducia quid?	283
<b>F</b> igura quid?	129
<b>F</b> ingendi facultas quid?	243
<b>F</b> inis, ejus definitio, 173. est vel principalis, vel minus principalis, ibid. est vel proximus, vel re- motus, 174. est vel externus, vel internus, ibid. ultimus, ibid. est vel cujus, vel cui, ibid sup- ponit ens intelligens. 175	
<b>F</b> initum quid?	152
<b>F</b> luctuatio animi quid?	ibid.
<b>F</b> orma rei quid?	176
<b>F</b> uturum quid?	125

## G

<b>G</b> Audium quid?	281
Genus quid? 91. est vel superius, vel inferius.	161
Gloria quid?	281
Gradus quid?	151

## H

<b>H</b> Armoniz præstabilitæ systema quid?	321
---	-----

## I

<b>I</b> Dea quid?	231
Idearum associatio quid?	240
Idealistæ.	247
Identitas quid?	66
--- est vel specifica, vel numerica; ibid. & seq.	
Imaginatio quid? 241. ejus lex quænam?	237
Imaginandi facultas quid?	502
Impedimentum quid?	175
Immutabile quid?	98
Imperfectio quid?	112
Impossibile quid? 37. est vel absolute, vel hypothetice tale.	38
Independens quid?	159
Indeterminatum quid?	159
Indifferentiæ status.	79
Individuum quid?	87
Infinitem quid?	152
Influxistæ	313
Influxus Physici systema quid?	313
Ingenium	358
Ingeniosus	ibid.
Instrumentum quid?	166
Intellectus quid? 226. & 252. ejus gradus 253. est vel purus, vel impurus.	ib. & seq.
	In-

# PRÆCIPUARUM.

xv

Intelligere rem quando dicamur ?	253
Interitus corpus nostri quid ?	
Invidia quid ?	280
Ira quid ?	286
Iracundia quid ?	ibid.
Judicium unde oriatur ?	254
Iustitia quid ?	400

## L

Lætitia quid ?	276
Leges motus quid ? 296. sunt contingentes	
201	
Libertas quid ?	293
Limes quid ?	150
Locus quid ?	123. & seq.

## M

Magnitudo quid ?	85
Magnum.	ib.
Malum quid ? 268. minus.	ibid.
Materia quid ?	176
Medium quid ?	175
Memoria quid ?	246
Mensura quid ?	128
Metaphysica quid ? 7. ejus utilitas ?	10
Metus quid ?	284
Minus quid ?	85
Mirabile quid ?	215
Miraculum, 214. produci debet ab ente aliquo, a mundo diverso, 217. fit per saltum, ibid. per hoc ordo naturæ turbatur, 219. confusio in nexum rerum introducitur.	ibid.
Modi quid ? 60 sunt contingentes, & mutabiles.	
62	
Monades quid ?	206
Mori corpus nostrum quando dicatur ?	335
Motiva quid ? 272. sunt vel volendi, vel nolendi.	
ibid.	

Mul-

xvi INDEX RERUM

Multitudo quid? 70  
 Mundus ejus definitio, 182. optimus, 388. in hoc  
 datur nexus per causas efficientes, & finales,  
 185. est contingens, 194. ejus perfectio in quo-  
 nam consistat? 223

N

Natura quid?  
 - Naturale, 212. corpori naturale quid? ib.  
 Spiritui naturale quid? 212  
 Necessarium quid? 95. est vel absolute, vel hypo-  
 thetice tale. ibid. & seq.  
 Nexus quid? 162. 179  
 Nihilum quid? 48. est vel privativam, vel nega-  
 tivum. 49.  
 Nolitio quid? 170  
 Noluntas quid? 290  
 Non-ens quid? 49  
 Nota characteristica quid? 68

O

Oblivio quid? 247  
 Occasionalistæ. 320  
 Occasionalium causarum systema quid? 320  
 Odium quid? 278  
 Omnipotentia Dei quid? 401. impossibilibus non  
 potest largiri existentiam. ibid.  
 Ontologia quid? 11. demonstrationem requirit.  
 ibid. methodo mathematica tractanda est, 12. non  
 est Lexicon philosophicum, 13. reliquis scientis  
 philosophicis antecellit, 14. facit ad veritates  
 inveniendas, 15. ejus usus maximus est, ibid.  
 philosophia prima cur dicatur? 11  
 Opposita quid? 95. quotuplicis sint generis? ibid.  
 Ordo quid? 102. & seqq. ejus regula, 102. est vel  
 simplex, vel compositus. 103  
 Organa sensoria quid? 124

P. Pars



# INSTITUTIONUM METAPHYSICARUM.

---

## PROLEGOMENA

*De Metaphysices Natura & Indole interiore,  
usuque item insigni.*

§. I.

**C**UM, quæ ante hunc annum, metho-  
do institutiones philosophiæ rationalis conscripsi, eadem nunc metaphysicam, in recitationum mearum academicarum usum, adornare mecum constituerim, operæ pretium existimo, nonnulla de elegantissimæ hujus utilissimæque disciplinæ natura intrinseca, usuque peramplo, præfari. Quæ autem hic, *προλεγόμενων* loco, præmissurus sum, cum eo pertinebunt, ut ii, qui animum præceptis metaphysicis imbuiere volunt, sciant, in qua potissimum re ipsorum curæ evigilare debeant, tum vel maxime ideo disputabuntur, ut imperiti rerum metaphysicarum ocores desistant.

*Metaph. Baum.*                      A                      nant

## 6 METAPHYSICES PROLEGOMENA

nant tandem & erubescant metaphysicam iniquius criminari, despiciere, & ad quisquilias, ac purgamenta amandare.

NOTA. Ut vero, quæ sit metaphysicæ interior natura, distinctius intelligatur, nonnullas præmittemus positiones, ex quibus, sufficienter intellectis, evidentissime patebit, quid tandem sit illud, quod metaphysica ab omnibus aliis rebus & disciplinis internoscatur.

§. 2. Omnem nostram cognitionem originem suam ultimam, & prima incunabula repetere a sensibus, id vero, nemo est qui negare audeat. Quidquid autem sensibus percipimus, id omni modo est determinatum (Log. §. 100.) & multiplicibus circumstantiis, vel loci, vel temporis, vel personæ, involutum, & vestitum nobis sistitur.

§. 3. Quamvis vero res individua sive existentes, sensibus perceptæ, ob innumeras circumstantias determinationesque omnimodas ita a se invicem differant, ut altera alteri nunquam in omnibus similis deprehendatur; nihilominus dantur determinationes & notæ, quas habent individua, multum alioquin a se invicem discrepantia, communes, & in quibus eadem perpetuo conveniunt. (Conf. Logic. §. 104.)

EXEMP. Sumas e. gr. complura individua, Cæsum, Petrum, Paulum, Sempronium, hunc canem, hanc mensam, hoc atramentarium, hunc librum, &c. In his, quod negari non potest, miram animadvertes diversitatem, sed in quibusdam tamen determinationibus eadem perpetuo sibi similia esse, deprehendes, exempl. gr. in eo, quod hæc omnia individua sint substantiæ, quod sint entia composita, quod existant, adeoque ad classem entium referri debeant.

§. 4. Cum hæc determinationes, rebus pluribus communes, nobis animo sistimus, tunc repræsentationes harum affectionum, rebus pluribus communium, dicuntur *notiones universales* (§. 108. 199.)

Log.



# METAPHYSICES PROLEGOMENA 7

Log.) itemque *abstractæ*, quia formantur ope abstractionis, (§. 111. Log.) scientia autem universalium, sive disciplina illa, in qua notiones, a rebus individuis abstractæ, & iisdem communes, distincte explicantur, generali nomine dicitur *Metaphysica*. (Conf. Log. §. 45.)

SCHOL. Metaphysices nomen, in numero singulari pro scientia universalium, sive disciplina notionum abstractarum usurpatum, in Aristotelis scriptis numquam legi, dudum observarunt eruditi. Aristoteles XIV. reliquit libros, quos inscripsit *μετὰ φυσικά*, idque vel ideo, quia ea, quæ in his XIV. libris Aristotelis pertractantur, post physicam demum sunt inventa, atque hoc sensu *μετὰ* significabit *post*, vel ideo, quia in libris metaphysicis ejusmodi notiones enodantur, quæ sunt supra res naturales, sensibus obvias, quæque adeo ad abstractionem pertinent.

In his libris, qui nomine *τῶν μετὰ τὰ φυσικά* circumferuntur, Aristoteles id unice sibi habebat propositum, ut de ente, prout ens est, ejusque primis causis & principiis, commentaretur. Quid vero philosophus per ens, prout ens est, intellexerit, non satis desuere videntur ipsius interpretes. Satis hic habeo, adduxisse verba *Cel. Holtmanni*, qui in prolegomenis philosophiæ primæ §. VII. Nihil aliud, inquit *Aristoteli in libris*, quos vocat *τὰ μετὰ φυσικά* pertractare propositum fuit, quam ut maxima, qua quidem poterat *περιεβλεῖν* inquireret, num præter res sensibiles, perpetuo fluentes in rebus omnibus adhuc quid detur, quod magis constans & perpetuum sit, illisque qua subsistat, quodque adeo & pro illorum principio causaque prima reputari queat. Plura addit eruditissimus vir, quæ, ad mentem sententiamque Aristotelis rectius inspiciendam, mirifice faciunt. Cæterum, in eo conveniunt, eruditorum plerique, quod Aristoteles in libris Metaphysicis tradere instituerit scientiam de Deo; atque id ita quidem,

## P

<b>P</b> ars aliquanta	84
- aliquota	ibid.
Partes quid	ibid.
- actuales	ibid.
- essentielles	ibid.
- integrales	ibid.
- potentiales	ibid.
- possibiles	ibid.
Passio quid ?	141
Pavor quid ?	285
Perceptio quid ? 331. est vel clara, vel obscura,	
- 332. vel confusa, vel distincta, ibid. vel adæ-	
quata, vel inadæquata.	ibid.
Perfectio quid ? 107. est vel simplex, vel compo-	
sita, 109. vel essentialis, vel accidentalis, 113,	
a perfectionis regula exceptio quid ? 111. cogno-	
scitur, vel a priori, vel a posteriori.	114
Persona quid ?	148
Phantasia quid ?	237
Pœnitentia quid ?	281
Possibile quid ? 37. est vel extrinsecus, vel intrin-	
secus tale	39
Potentia quid ?	401
Præsens quid ?	234
Præsens nostro corpori quid dicatur ?	234
Præteritum quid ?	124
Principiatum quid ?	149
Principium quid ? 159. est vel causale, vel non	
causale, 159. & seq. essendi, 160. fiendi, ibid.	
cognoscendi	ibid.
Principium contradictionis quid ? 19. est principium	
absolute primum, 20. est indemonstrabile, 24.	
est universale, 22. est absolute necessarium, ib. est	
immutabile, 22. & seqq. est fons omnis certi-	
tudinis.	23
Principium indiscernibilium quid ?	91
<i>Metaph. Baum.</i>	Prin-

Principium individuationis quid ?	88
Principium rationis sufficientis in quonam consistat ? 27. ex principio contradictionis demonstratur, 31. est universale, 32. non est absolute primum, 33. maxime utile est.	34
Profunditas cogitationum quid ?	232
Providentia Dei quid ?	407
Psychologia quid ?	227
- - est vel experimentalis, vel rationalis ibid.	
Pudor quid ?	282
Puillanimitas quid ?	285

## Q

Qualitas quid ? 68. est vel physica ; vel moralis.	69
Qualitates, sunt vel primitivæ, vel derivativæ. ibid.	
Quantitas quid ?	70
Quies quid ?	126

## R

Ratio est vel sufficiens, vel insufficiens, 25. est vel extrinseca, vel intrinseca, ibid. vel possibilitatis, vel actualitatis, ibid. vel simplex, vel composita. ibid.	
Ratio quid sit ? 259. quotuplici modo sumatur ? ibid.	
Rationis analogum quid ?	262
Reflexio quid ?	251
Reminiscentia quid ?	249
Revelatio quid ? 394. est miraculum, ibid. debet continere veritates supra rationem, 294. in se continere debet mysteria, 395. ejus veritates non sunt contra rationem, 396. in hac nihil occurrere debet, quod perfectionibus divinis sit indignum, 397. si scripto sit, debent verba certos significatus, & phrasas eorum sensum habere, 397.	

397. debet in se continere media ad salutem sufficientia. ib. & seq.

S

<b>S</b> altus quid? 186. est vel absolutus, vel respectivus.	ibid.
Sanctitas Dei quid?	401
Sapientia quid?	398
Sensationes	234
Sensoria organa quid?	ibid.
Servitutis moralis status quid?	288
Servus moralis quid?	ibid.
Signatum quid?	177
Signum quid?	177
- - - arbitrarium?	ibid.
- - - demonstrativum?	ibid.
- - - necessarium?	ibid.
- - - prognosticon?	ibid.
- - - rememorativum?	ibid.
Similia quid?	68
Similitudo quid? 68. est vel absoluta, vel respectiva	ibid.
Simultanea quid?	120
Soliditas quid?	260
Somnium quid?	244
Spatium quid?	121
Species quid?	90
Spes quid?	283
Spiritus quid? 225. est vel completus, vel incompletus	226
Spontanea actio quid?	291
Spontaneitas quid?	ibid.
Status quid? 138. est vel internus, vel externus	ibid.
Successiva quid?	126
Subiectum quid?	148
Subsistentia quid? 144. est vel prima, vel secunda, 146. est vel communicabilis, vel incommuni-	ni-

# xx INDEX RERUM, &c.

nicabilis, ibid. est vel completa, vel incompleta

<u>147</u>	
Supernaturale quid ?	<u>213</u>
Superstitio quid ?	<u>363</u>
Suppositum quid ?	<u>146</u>

## T

<b>T</b> ædium quid ? <u>266.</u> est vel verum, vel appa- rens. <u>267.</u> quando prædominari dicatur ? ibid.	
Tempus quid ?	<u>125</u>
Terror quid ?	<u>275</u>
Theologia naturalis quid ? <u>348.</u> methodo demon- strativa est tractanda, <u>349.</u> ejus utilitas. sbid.	
Totum quid ?	<u>82</u>
- - integrale.	<u>83</u>
- - metaphysicum.	<u>82</u>
- - physicum	<u>83</u>
- - universale.	<u>83</u>
Tristitia quid ?	<u>277</u>

## Y

<b>V</b> eritas metaphysica.	<u>205</u>
Vigilare quando dicamur ?	<u>244</u>
Vindictæ cupiditas quid ?	<u>287</u>
Vis, <u>141.</u> inertię, <u>197.</u> motrix.	ibid.
Unitas entis quid ?	<u>63</u>
Voluntas quid ?	<u>270.</u> <u>290</u>
Voluptas, <u>265.</u> est vel vera, vel apparens, <u>265.</u> prædominari quando dicatur ? <u>267.</u> est vel sen- sualis, vel mentalis.	<u>269</u>

## Z

<b>Z</b> elotypia quid ?	<u>285.</u> & seqq.
--------------------------	---------------------

IN.

tologia autem methodo mathematica pertractari debeat, (§. 11.) intelligitur, nullum terminum, nisi accurate definitum, in ontologia adhibendum esse.

SCHOL. Ex Logicis vero constat, in determinandis, & definiendis terminis non posse procedi in infinitum, (§. 97. Log.) nec illos quidem terminos definiri debere, qui satis sunt simplices, nec cum veritatibus demonstrandis ullum habent nexum.

NOT. Synchronici in ontologiæ pertractatione sæpenumero satis habebant, claram tantum & confusam cum terminis ontologicis conjunxisse notionem, definitione termini usurpati, vel nulla, vel spuria certe minusque legitima, adhibita, id quod in recitationibus ipsis illustrabo & confirmabo pluribus exemplis. Nos vero, lege methodi commonefacti, id vel maxime operam dabimus, ut terminos, cum quibus confusa alias notio a veteribus combinabatur, distinctius enodemus, & definitionibus legitimis in subsidium adhibitis, quæ cuique termino respondeat notio, exponamus.

§. 13. *Conficitur ex his, ontologiam, sive philosophiam primam, minus recte a quibusdam haberi pro lexico philosophico.*

*Demonstr.* Lexicorum proprium est, ut in iis vocum saltem significatus explicetur, & voces unius linguæ per voces alterius reddantur. Cum vero in ontologia, sive philosophia prima, non vocum modo significatus explicetur, sed generales positiones continuo legitimoque nexu demonstrantur, (§. 9.) oppido intelligitur, ontologiam minus recte appellari Lexicon philosophicum.

NOT. Fert ita nonnullorum consuetudo, ut, cum contentum ontologiæ produnt, eam nominent *Lexicon philosophicum*, *sarraginem* item *terminorum barbarorum & horrifonorum*. At hi, cum ontologiæ placita ejusdemque usum insignem ignorant, mirum non est, quod tam abjecte tamque hu-

humiliter sentiant de utilissima illa disciplina, quam merito optimoque jure acutissimus Leibnitiusscientiam principem nominavit.

§. 14. Ex his omnibus constare nunc potest, quam amplius sit usus ontologiæ, sive philosophiæ primæ. Ut vero, quantæ sit utilitatis ontologia; luculentius intelligatur, nonnullas positiones hic adiciemus; quibus usus ontologiæ uberius sigillatimque declarabitur.

§. 15. *Ontologia reliquis scientiis philosophicis omnibus antecellit; earundemque caput merito dici potest.*

*Demonstr.* Cum enim in ontologia notiones generalissimæ determinantur, itemque propositiones communissimæ demonstrantur, (§. 4. 9.) patet, in ontologia ejusmodi principia suppeditari. quæ omnibus reliquis scientiis philosophicis sunt communia, & ex quibus peculiare cæterarum scientiarum veritates robur suum & stabilitatem nanciscuntur. Ut adeo recte, ontologiam reliquis scientiis antecellere earundemque caput esse, possimus affirmare.

§. 16. *Sine ontologia cognitio nostra veritatum, nec certa, nec solida esse potest.*

*Demonstr.* Cum cognitio nostra veritatum tum demum certa evadat, quando, veritates vel indubia sensu niti, comperimus, vel easdem demonstrare possumus, (§. 28. Log.) veritates vero tum demonstramus, cum easdem ex primis suis immotisque principiis derivamus (§. 386. Log.) manifestum est, sine distincta cognitione principiorum, quibus veritates nituntur, nullam omnino certam cognitionem posse obtineri. Jam vero cum generalissima veritatum principia in ontologia suppeditentur & stabiliantur. (§. 4.) evidens est, sine ontologia nostram cognitionem certam esse non posse.

NOT. Porro quia omnis solida cognitio illa est, qua veritates ita habemus perspectas, ut easdem possi-

mus demonstrare, ( *per defin. solid. conf. §. 483. Log.* ) nemo autem veritates ita possit perspectas habere, ut easdem possit demonstrare, nisi qui principia, quibus superstruuntur veritates, probe cognita habuerit & perspecta ( §. 385. Log. ) liquet, ontologiam, in qua quippe generaliora veritatum principia stabiliuntur, ( §. 4. ) necessario requiri ad cognitionem solidam.

Cum hac thesi exacte consentiunt Cel. Hollmanni cogitata de philosophiæ primæ usu. *Quum illa demum*, inquit vir Cel. in institut. philosoph. edit. rec. p. 607. T. I. *cognitio hic solida dici mereatur, que ad prima quaque principia revocare novit, qui, quæso, solide quid cognoscere aliquis potest, qui prima cognitionis omnis principia, primasque veritates, que fundamentum conclusionum omnium constituunt, adeoque soliditatem scientiæ nostræ uni-* *us conciliant, ignorat?*

§. 17. *Philosophia prima sive ontologia maximè quoque usus est in veritate inveniendâ.*

*Demonstr.* Cum enim veritates *inveniantur*, cum easdem ex aliis veritatibus, tamquam principiis suis, eruiamus, ( *per defin.* ) facile patet, quemque facilius tum in veritate investiganda progredi posse, cum intellectus primis veritatibus notionibusque generalioribus probe imbutus est. Jam vero cum primas illas veritates conceptusque universalissimos, quibus aliæ veritates superstruuntur, distincte explicet ontologia, ( §. 4. ) intelligitur, usum ontologiæ in veritate inveniendâ esse manifestissimum.

§. 18. *Ontologia præterea usus per omnes omnino disciplinas philosophicas usque adeo se diffundit, ut sine ontologia, nec cosmologiam, nec psychologiam, nec theologiam naturalem, nec practicas æniquè scientias, intelligi riteque explicari posse existimem.*

*Demonstr.* Cum enim principia & dogmata philosophiæ primæ sint generalissima & communissima. ( §. 1. ) hoc autem latius cujusque dogmatis usus



pateat, atque ad hoc plura extendi posse, recte credatur, quo generalius dogma quoddam est, dubitari non potest, ontologiæ, generalissima & communissima dogmata complexæ, usum per omnes philosophiæ partes se diffundere, atque adeo, nec theoreticas, nec practicas, disciplinas facile posse intelligi, & cum fructu tractari, nisi ontologicæ positiones fuerint ante distinctius explicatæ solideque demonstratæ.

SCHOL. Uberius a posteriore in subsequen-  
tibus, quæ ontologiæ adjunguntur, disciplinis intelliges. quanta sint utilitates universalis illa & abstracta ontologiæ præcepta. Vix enim & ne vix quidem, vel in cosmologia, vel in psychologia, vel in theologia denique naturali, occurreret propositio, quæ sine principiis ontologicis demonstrabitur. Unico tantum alteroque exemplo dictis faciam fidem. In cosmologia e. gr. primo loco explicanda est definitio mundi, qui exponitur per congeriem omnium entium finitorum, simultaneorum, successivorum, inter se connexorum. Hic aqua hærebit, si ignoraveris, nondum principiis imbutus ontologicis, quid sint entia finita, quid simultanea, quid successiva, & sic porro. Ipsam quoque doctrinam de nexu, quæ, ut in cosmologia, ita in universa philosophia, maximi omnino est momenti, plane non intelliges, nisi, quid sit causa, quid effectus, quidve item sit relatio causam inter & effectum, ex ontologia recte didiceris. In psychologia complura obveniunt, quæ difficillima intellectu erunt, si ignoraveris ontologiam. Explica, si potes, demonstra immortalitatem animæ sine theoria generali de ente simplici. Nihil profecto proficies, frustra-  
que, & irritò conatù, infumetur labor. Quanti itaque interest, animi immortalitatem *ἀνθρώπου* demonstrari, tanti quoque refert, doctrinam ontologicam de ente simplici recte capi: Libertatem quoque animæ nemo exponet enucleatius, nemo controversias, de eadem ultro citroque moras,  
deci-

## METAPHYSICES PROLEGOMENA. 9

sive scientiam animæ, in quæ (1) ea tradit, quæ per experientiam de anima nobis imotescent, (2) ea demonstrat, quæ de anima, ope ratiociniorum, ex experientiis, rite stabilitis, deductorum, nosse nobis datum est. Hinc psychologiam dividit in *empiricam* & *rationalem*. (δ) Refert denique ad Metaphysicam *Theologiam naturalem*, sive scientiam de Deo, ejus existentiz, attributis, & operibus.

§. 5. Quæ quidem, metaphysicæ tractandi ratio, cum commodissima & maxime completa esse videatur, ducem Wolfium ita nunc sequemur, ut primo notiones generalissimas, & principia cognitionis humanæ communissima, distincte in *Ontologia* ex ponamus, deinde his scientiam mundi in genere, sive *cosmologiam transcendentelem* subjungamus, tum ea, quæ cum per experientiam, tum per ratiociniaz, de anima novimus, in *psychologia empirica*, & *rationali* adducamus, & denique in *Theologia naturali* de existentia Dei, ejus attributis operibusque commentemur.

SCHOL. Eadem Cel. Billfingerus in dilucidat. philosophicis §. 2 ad Metaphysicam requirit. Tenetur, inquit vir acutissimus, illa disciplina (metaphysica nimirum) (1) ideas rerum generalissimas sic volvere, ut ex vagis certa fiant, distinctæque & fecunda conclusionum. (2) Tenetur summa rerum genera ordinare & connectere, discrimina etiam, subtilius licet eruenda, peruestigare, exponere, & applicare tollendis difficultatibus. (3) Tenetur principia & propositiones generalissimas exhibere, quæ axiomatum requisitis gaudent, declarare, & applicare in generalibus, in cæteris applicandi modum ostendere, quæ axiomata non sunt, ex talibus demonstrare. (4) Tenetur doctrinas in physica, in philosophia morali &c. præsuppositas, etsi non generalissimas, v. c. de natura animæ humanæ, & similes, sic evolovere, ut iisdem, quoad fieri potest, demonstrandis subserviant & sufficiant. (5) Tenetur denique

co-

# 106 METAPHYSICES PROLEGOMENA.

*cognitionem de rebus creatis generalem, & de Deo specialem sic tradere, ut intelligatur, quis sit rerum omnium a Deo ortus, sub Deo progressus, & ad Deum reditum. In §. III. subsequenter pergit ita Bilfingerus: Non igitur, mea sententia, plena est tractatio metaphysica, nisi & Ontologiam, & Cosmologiam, & Psychologiam, & Theologiam naturalem complectatur.*

§. 6. His in unum collectis, *metaphysicam*, quatuor dictas disciplinas complexam, cum Thummio definimus per scientiam entis, & mundi in genere rerumque immaterialium.

§. 7. De usu metaphysicæ, non est, quod multa hic proferamus. Quicquid enim ontologia, cosmologia, psychologia, Theologia denique naturalis tibi adferet commodi, id omne a metaphysica, has scientias complexa, (§. 5. ) sperare poteris. Quare, cum in peculiari cujusque disciplinæ pertractatione usum quoque, quem quæque harum scientiarum sui cultoribus præstat, enarraturi sumus, non est, quod pluribus hic emolumenta metaphysicæ & fructus perceramus.

# INSTITUTIONES ONTOLOGIÆ

S. E U

## PHILOSOPHIÆ PRIMÆ

---

### PROLEGOMENA.

#### §. 8.

**C**um ontologia primam constituat metaphysices partem, (§. 5.) ab hujus disciplinæ pertractatione ordiendum esse, intelligitur. Et, quia ontologia in eo occupata esse debet, ut generalissimos conceptus & notiones distincte explicet, (§. 4.) in eo autem conceptu omnia conveniant, quod *entia* sint, eum tractandi ontologiam ordinem observabimus, ut, præstructis primis omnium veritatum principiis, ab *entis* conceptu generaliiori primordia capiamus, ex eo communissimas & generalissimas positiones deducturi. Atque hinc est, ut *Ontologiam* definiamus per scientiam entis in genere, seu quatenus ens est.

NOT. *Ontologia*, quæ erat veteribus metaphysica, strictè sic dicta, quamque nos pro prima & universali metaphysices parte habemus, dicitur alias quoque *Ontosophia*, item *philosophia prima*. Philosophia autem *prima* ideo appellatur, quia in eadem prima veritatum omnium principia, & primæ notiones, in aliis disciplinis applicandæ, & in ratiocinando maximo usui futuræ, traduntur.

§. 9. Propositiones in ontologia occurrentes, debere demonstrari, ex definitione ontologia, §. antecedenti suppeditata, intelligi potest.

De-

decidet, nemo adversarios libertatem impugnantes, fatumque fatuum asserentes, confutabit, nisi, quid sit necessarium, quidve contingens, ex Ontologia habuerit perspectum. Alia lubens reticeo. In Theologia denique naturali, scimus, existentiam Dei, sine adstructa mundi contingentia, demonstrari non posse. Quo ipso intelligis, Atheorum nullum sine exquisitiori doctrinæ ontologicæ de *necessario*, & *contingenti* cognitione posse refelli. Unitatem quoque Dei sine principio indiscernibilium in ontologicis explicari solito, nunquam solide, demonstrabis. In moralibus, ut de his quoque nonnulla adjiciam, disciplinis controversa illa de moralitate actionum intrinseca doctrina intelligi non potest, sine præstructa hac positione ontologica: *Essentia rerum sunt necessaria*. Differentia item actionum liberarum & necessariarum, nescio, quæ ratione explicari distincte possit sine principiis ontologicis. In theologicis denique & aliis superioribus scientiis soliditas nulla sperari poterit, nisi, quæ identitem fundamenti loco in assertis nostris confirmandis vel defendendis subterni debent, principia ontologiæ communissima animo comprehensa tenuerimus. Id quod selectis quibusdam, ex omni disciplinarum genere depromptis, exemplis coram illustrabo. *Conf. omnino Gorthsched, in oratione pro utilitate & necessitate Metaphys: in contemptores ejus Lips. habita, item Rembech. in medit. part. II. prolegom. §. XXXI.*

## C A P U T I.

### *De principio contradictionis.*

#### §. 19.

CUM ontologia communissimas & generalissimas explicare debeat notiones, & universaliora cognitionis humanæ principia stabiliat, (§. 4. p. 5.)

*Baum. Metap.*

B

duo

duo autem a philosophis omnis cognitionis humanæ principia constituuntur, alterum scilicet principium contradictionis, alterum vero principium rationis sufficientis: ordinis rationem habituri a principio contradictionis (quod primum & absolute ultimum omnis cognitionis humanæ principium esse, deinceps demonstrabimus) ordiemur:

NOT. Ut vero, in quo principium contradictionis consistat, quidve item sibi velint positiones, de hoc principio annotari solitæ, rectius intelligi queat, notionem *contradictionis*, evolvemus ante, quam contradictionis principium explicabitur.

SCHOL. Cur vero duo tantum, nec plura, veritatum & cognitionis humanæ a philosophis constituuntur principia, hæc ratio est. Omnes scilicet veritates duplicis sunt generis, aliæ sunt necessariae, id est, ejusmodi, ut aliter esse non possint, (e. gr. hæc propositiones: *circulus est rotundus*, *bis duo sunt quatuor*, sunt veritates, necessariae) quæ vero sunt contingentes, i. e. ejusmodi, ut aliter esse possint, (e. gr. hæc propositiones: *Cujus est eruditus*, *Theologia operam dat*, sunt contingenter veræ.) Quia itaque omnes in universum veritates duplicis sunt generis, diversæque plane naturæ, diversa quoque harum veritatum diversarum constituuntur, necesse est principia, diversique allegentur fontes, ex quibus profluant. Cum itaque veritates necessariæ ex principio contradictionis demonstrantur, veritates autem contingentes ex principio rationis sufficientis derivari soleant, patet, cur duo tantum, nec plura cognitionis humanæ, veritatumque principia constituamus. *Conf. Strableri commentatio de sensu atque usu principii rationis suff. Hale 1727.*

§. 20. Cum de una eademque re aliquid simul affirmamus & negamus, tum dicimus nobis *contradicere*; ut adeo *contradictionem* recte definiamus per ejusmodi orationem, quæ de una eademque re idem simul affirmatur, & negatur.

EXEM-

EXEMPL. E. gr. Cum dixeris: *Sol lucet, & sol non lucet*, tum contradicis tibi; de uno enim eodemque subiecto, scilicet *sole*, affirmas, quod luceat, & negas simul, quod luceat. Contradictio autem vel fit ita, ut unio oppositorum expressis verbis significetur, uti in exemplo modo allato: vel fit ita, ut in una propositione aut in uno termino complexo combinentur idæ, quarum altera alteram tollit. E. gr. *Circulus quadratus*. Illa dicitur *contradictio explicita*; hæc vero *implicita*, itemque *contradictio in adjecto*.

NOT. Per *principium* autem hic intelligo ejusmodi propositionem, quæ in serie veritatum prima est, & unde deduci intelligique debent reliquæ veritates. Definitionem tantum nominalem *principii* hic adferimus, plura infra in peculiari capite de principio allaturi.

§. 21. Cum multa omnino sunt, quorum datur cognitio, tum vero illud omnium eorum, quæ quidem nosse nobis datum est, primum est, *quod existimus*. Dum autem novimus, nos existere, fieri non potest, ut eodem tempore, *nos non existere* nobis persuadeamus. Atque idem, quod in existentia nostræ cognitione accidit nobis, in aliis quoque rebus nobis usu venire comperimus. Unde experientia teste & magistra, hæc propositio certissima est: *fieri non potest, ut idem simul sit, & non sit*.

§. 22. Atque hæc quidem propositio: *fieri non potest, ut aliquid simul sit, & non sit*, dici solet *principium contradictionis*. *Principium* quidem, quia huic propositioni fundamenti loco substrata, omnes veritates superstruuntur: *Contradictionis* vero principium ideo dicitur, quia sublata hac propositione, aperta adesset contradictio.

NOT. Dicitur quoque alias hoc principium *identitatis principium*, item *principium necessitatis*, neque minus *principium essentialium*. Rationem, cur hoc principium ita appellitetur, specialem enumera-

rabimus in commentationibus . Hæc propositio , quam appellamus Principium contradictionis , tam evidens est ex ipsis terminis , ut , non quemquam exstitisse unquam , aut existere etiam nunc , crediderim , qui serio hanc propositionem , vel in dubium vocare , vel negare prorsus , queat .

§. 23. *Principium contradictionis est principium absolute primum , quo prius nec datur , nec dari potest .*

*Demonstr.* Ponamus ; principium contradictionis , non esse principium absolute primum , tunc dabitur propositio aliqua prior & notior , ex qua hæc propositio : *fieri non potest , ut idem simul sit , & non sit* , demum deduci debeat . Illa propositio prior , & notior , quam nunc A , vocabimus , aut est vera , aut est falsa . Si est falsa , tunc ex propositione falsa immediate fluet vera hæc propositio : *fieri non potest , ut aliquid simul sit , & non sit* . Quod jam est absolum . Si vero est vera propositio A , ex qua deduci debet principium contradictionis , sive hæc propositio : *fieri non potest , ut idem simul sit , & non sit* : tunc , nondum supposito principio contradictionis , eodem jure affirmabo , esse propositionem A , falsam , quo tu affirmas , esse veram , ( fieri enim potest , ut una eademque propositio , nondum præstructo contradictionis principio sit simul vera & falsa ) Absolum hoc , iniquies , est & impossibile . Atque hoc ipso concedis jam & supponis principium contradictionis , quod tamen demum ex propositione A , tanquam notiore , deducere vis . Ut itaque nihil aliud relinquatur , quam ut affirmemus , nullam dari posse notiorum , & priorem propositionem hac : *fieri non potest , ut idem simul sit , & non sit* : atque adeo principium contradictionis esse principium veritatum absolute primum .

§. 24. *Ex quo conficitur , principium contradictionis esse indemonstrabile .*

*Demonstr.* Cum enim principium contradictionis sit



fit absolute primum principium, neque adeo ex aliis principiis sive propositionibus derivari possit, (§. 23.) illæ autem propositiones, quæ demonstrantur, debeant ex aliis notionibus & prioribus propositionibus, tamquam ex suis principiis, deduci, (§. 389. Log.) patet, principium contradictionis esse indemonstrabile.

SCHOL. A posteriori, sive per experientiam, & inductionem plurium casuum veritas hujus principii evinci quidem potest, & communiri; at a priori, sive ex notioribus atque prioribus propositionibus illud demonstrare velle, absonum prorsus & frustraneum est. Cl. Carov, in dissert. de principio rat. suff. hanc in rem ita disserit: Quandoquidem, inquit, quodcumque in medium profertur veri, veritatis omne robur & vim ab hoc principio accipit, convenienterque illius demonstrandi nec via, nec ratio ex notioribus veritatibus apparet, ex falsis autem propositionibus illud demonstrat, ridiculum foret, qui pro ultimo primoque illud habent, a veritate non alieni esse videntur. §. VII.

SCHOL. Strachlerus in Exam. Metaphys. VVolj. P. I. §. 3. item in dissert. I. de Existent. Dei §. 321. principium hoc contradictionis ex notione oppositorum hunc in modum demonstrare voluit: Esse & non esse ejusdem sunt opposita, (vi desin.) Hinc unio eorum contradictionem constituit, quia contradictio dicitur oppositorum unio. Quod autem cum contradictione est, est impossibile. Ergo non esse & non esse ejusdem, est impossibile, sive, quod idem est, impossibile est, idem simul esse & non esse. At, quod pace viri clarissimi dixerim, in tota hac demonstratione supponitur jam principium contradictionis, tanquam certum & verum, quod tamen debet detum demonstrari. Unde enim minor propositio probabitur, quod scilicet non esse & non esse sint opposita, nisi ex principio contradictionis. Quia scilicet fieri non potest, ut idem simul sit, & non sit, inde sequitur, ut esse & non esse pro

oppositis habeantur. Si vero nondum supposueris principium contradictionis, tunc *esse & non esse* pro iisdem haberi poterunt. *Conf. citat. dissertat. Carpovii. §. 6.* Atque hoc ipso patet, in tota hac probatione circulum committi ( *conf. §. 397. Log.* ) quem sollicite evitandum esse, monuimus in §. 398. Log. Idem circulus committitur in hac demonstratione principii contradictionis. *Esse, & non esse, involvit contradictionem ( per def. contrad. ) quicquid contradictionem involvit, est impossibile ( per defin. imposs. ) E. impossibile est, idem simul esse, & non esse.* Nulla enim præmissa in hoc ratiocinio est vera, nisi supposueris principium contradictionis.

§. 25. *Principium contradictionis est universale.*

*Demonstr.* Ponamus enim, non esse illud universale, tunc casus aliquis individuus dabitur, in quo fieri potest, ut idem simul sit, & non sit. Cum vero ejusmodi casus nec allegatus unquam sit, nec allegari possit a quoquam, universalitatem principii contradictionis satis intelligitis.

§. 26. *Principium contradictionis est absolute necessarium.*

*Demonstr.* Cujuscumque oppositum involvit in se & sua natura contradictionem, illud est *absolute necessarium*, ( *per def. necess.* ) Jam vero principii contradictionis oppositum involvit in se & sua natura contradictionem; E. principium contradictionis est absolute necessarium. Cum enim principium contradictionis absolvatur hac propositione, *fieri non potest, ut idem simul sit, & non sit;* ( §. 22. ) patet, principii contradictionis oppositum esse hanc propositionem; *fieri potest, ut idem simul sit, & non sit.* Quæcumque vero propositio est ejusmodi, ut de eodem simul quid affirmet & neget, illa involvit contradictionem, ( §. 20. ) E. oppositum principii contradictionis involvit contradictionem.

§. 27. *Principium contradictionis est immutabile.*

*Demonstr.* Quodcumque est absolute necessarium,  
it.

illud est ejusmodi, ut ejus oppositum involvat contradictionem, sive, quod idem est, ut aliter esse non possit. Quodcunque vero aliter esse non potest, illud dicitur *immutabile*. E. principium contradictionis, quia est absolute necessarium, (§. 25.) esse immutabile, patet.

SCHOL. Ne a Deo quidem mutari potest principium contradictionis, quia Deus contradictoria producere nequit, id quod omnes theologi & philosophi saniores ultro largiuntur.

§. 28. *Principium contradictionis est fons omnis certitudinis.*

*Demonstr.* Si enim fieri nequit, ut aliqua res simul existat, & non existat, consequens est, ut, cum res aliqua est, oppositum simul esse nequeat. Atque adeo ex hac propositione: *fieri non potest, ut aliquod simul sit, & non sit*, fluit hæc: *qualibet res, dum est, certo est*, item hæc: *quicquid novi existere, id ita scio, ut omnis formido oppositi exulet, sive ut oppositum simul non existere certo sciam*. Unde principium contradictionis recte appellatur fons omnis certitudinis.

SCHOL. Ut hæc propositio rectius perspiciatur, fingas principium contradictionis esse falsum, atque adeo possibile esse, idem simul sit, & non sit, tunc cum mensam quadratam cernis, non certo nosti, num sit quadrata, quia oppositum ejus, quod existere vides, simul existere potest: item, cum solem lucere vides, non certo nosti, num luceat. Ut ita, negato principio contradictionis, omnem tolli certitudinem, intelligatur; eodem vero posito, certitudo locum habeat.

§. 29. Ex principio contradictionis fluunt per immediatam consequentiam duæ hæ positiones: *Necesse est, aliquid vel esse, vel non esse*, sive quod idem est, *quodlibet est, vel non est*. Item hæc inde eruitur propositio: *Quodlibet dum est necessario est*.

SCHOL. Priorem propositionem, quam dicunt

*principium exclusi medii inter duo contradictoria*, a demonstrat *Hebensreit in philosophia prima pag. 2.* Quia, inquit, impossibile est, idem simul esse, & non esse, ideo quodlibet est, vel non est. Nam si v. g. aliquid simul nec est ens, nec non-ens, sequitur, aliquid simul esse non-ens, & non esse non-ens. Erit non-ens, quia non est ens, & non erit non-ens, quia nec ens, nec non ens esse dicebatur.

Posterioris propositionis sensus non hic est; quod quælibet res existat absolute necessario. Sed hæc propositio ita est intelligenda: Quælibet res, quando existit eo ipso ita existit, ut non possit simul eo tempore, quo existit, non existere. Si enim res, dum existit, simul posset non existere, corrueret principium contradictionis. Adeoque quælibet res, dum existit, eo ipso existit necessario. Hæc propositio, *quodlibet, dum est*, dicitur *principium certitudinis*. Sed hætenus de principio contradictionis; quod quidem ubi & quanto cum fructu in disciplinis philosophicis adhiberi soleat, coram ostendetur. *De principio contradictionis conf. Bisfingeri dissertat. de Axiomatibus philosoph. Turing. habit. 1722.*

## CAPUT II

### *De Principio rationis sufficientis.*

#### §. 30.

**V**eritatum contingentium, rerumque item existentium principium est *principium rationis sufficientis*, (§. 9.) quod nunc, exposito contradictionis principio, & explicari facilius; & distinctius poterit intelligi.

NOT. Ut vero naturæ & indoles principii rationis sufficientis rite perspiciatur, id agemus; ut ante, quid sit *ratio*, quid sit *sufficiens ratio*, explicemus, aliasque notiones, huc pertinentes; enodemus.

#### §. 31.

§. 31. *Ratio sufficiens* est id , ex quo intelligitur , cum aliquid potius sit , quam non sit , cur sit potius hoc modo , quam alio . Brevius : *Ratio sufficiens* est id , unde potest cognosci , cur sit alterum .

EXEMPL. Sic e gr. ponamus , Titium ad supplicium trahi [& capite plecti . Quod si sit , debet quid adesse , ex quo intelligi queat , cur Titius ad supplicium potius trahatur , quam non trahatur . Ponas itaque , Titium homicidium commisisse , atque ob homicidium commissum nunc capite plecti ; tunc homicidium commissum erit ratio sufficiens supplicii , ad quod nunc rapitur Titius . Ex homicidio enim commissio intelligis & concipere potes , cur Titius capite potius plectatur , quam non plectatur , pluribus , huc pertinentibus , exemplis definitiones in recitationibus illustrabo .

NOT. Sunt , qui non omnem rationem *sufficientem* esse arbitrati , rationem distinguunt in *sufficientem* & *insufficientem* . Sed ratio insufficientis , meo quidem iudicio , non est ratio , cum ad rationem si quidem debet esse vera ratio , requiratur , ut effectui producendo sit idonea , plena , integra , adeoque sufficiens .

Varia dantur *rationis* differentia , quas , pro instituti nostri scopo , percensebimus . Alia ratio est *possibilitatis* , alia *actualitatis* . Illa est id , unde intelligitur , cur alterum potius esse possit , quam non . Hæc dicitur id , unde intelligitur , cur alterum potius actu sit , quam non sit , cur hoc & non alio modo . Rationem quoque distinguunt in rationem *intrinsecam* & *extrinsecam* . Illa vocatur , quæ rei , de qua queritur , inest , hæc vero , quæ extra rem illam est posita .

Ratio denique sufficiens alia *simplex* est , alia *composita* . Illa est id , ex quo unico intelligi potest , cur alterum sit . Sed plura , ex quibus , simul sumtis , intelligi potest , cur alterum potius sit , quam non sit , constituunt *rationem sufficientem*

*tientem compositam*. Illustrabimus hæc exemplis , Sic e. gr. possibilitatis omnium rerum ratio sufficiens est intellectus divinus , quia infra in Theologia naturali demonstratum dabimus , radicem & fontem possibilitatis rerum esse intellectum divinum . Ratio vero suff. actualitatis omnium rerum est voluntas divina , id quod itidem in Theologia naturali demonstrabitur . Melancholiæ ratio sufficiens *interna* est vitiosa sanguinis constitutio , succusque corporis corruptus ; externa sæpius est miseria , pauperies , injuriæ aliorum &c. *Ratio suff. simplex* existentia hujus mundi est sola voluntas divina , quia ex hac unica concipi potest , cur mundus exiliat . Ut vero adsit peccatum in Spiritum Sanctum , requiritur , (1) plenaria veritatis cœlestis agnitio & convictio , (2) spontanea jusdem abnegatio , (3) veritatis confessorum persecutio , (4) perseverantia in ejusmodi statu usque ad finem vitæ . Hæc plura , simul sumta constituunt rationem suff. compositam peccati in Spiritum Sanctum .

Rationem a causa , striete & proprie sic dicta , causa scil. efficiente , distinguunt recentiores philosophi . Causa scil. est id , quod continet rationem alterius in sese . Sic e. gr. Deus est causa hujus mundi , non vero dici potest ratio hujus mundi . Cujus est causa deambulationis quam suscipit , ratio vero , quæ ipsum ad deambulationem suscipiendam determinat , est representatio tempestatis amœnæ . Hoc vero infra *de causis* uberius excutietur .

§. 32. *Nihil est sine ratione sufficiente, sive quicquid est, debet habere rationem sufficientem, ex qua intelligi potest, cur potius sit, quam non sit, cur hoc modo sit, nec alio.*

*Demonstr.* Ponamus aliquid esse sine ratione sufficiente, tunc, cur aliquid existat, concipi & intelligi debebit ex nihilo. (§. 21.) Adeoque n̄ nihilum existet, & non existet simul. Existet, quia  
exi-

existentia alterius rei ex nihilo concipi debet, si-  
ve, quod idem est, quia alteri rei  $\infty$  nihilum exi-  
stentiam largitur, non existet, quia est nihilum.  
Cum vero impossibile sit, ut aliquid simul existat,  
& non existat: (§. 22.) impossibile quoque est, ut  
ex nihilo alterius rei existentia concipi & intelli-  
gi debeat, atque adeo impossibile quoque est, ut  
aliquid existat, nec tamen habeat rationem suff.,  
ex qua intelligi potest, cur existat. E. nihil est si-  
ne ratione sufficiente, sive, quod idem est, quid-  
quid existit, debet habere rationem sufficientem,  
ex qua intelligi potest, cur potius sit, quam non  
sit, cur sit potius hoc modo, quam alio.

§. 33. Ex his, necessaria consecutione, confici-  
tur I. Id, quod ratione sufficiente destituitur, nec  
esse, nec esse posse. II. Hinc colligimus, omne,  
quod ratione sufficiente gaudet, eam aut in seme-  
típso habere debere, aut in alio ente extra se. Ut  
adeo, quicquid rationem sufficientem<sup>2</sup> suæ existen-  
tiæ non habet in se, eam habere debeat in alio,  
&, quodcunque rationem sufficientem suæ existen-  
tiæ in se habet, eam non habeat in alio extra  
se.

SCHOL. Has propositiones, tamquam consecuta-  
ria, hic volo annotari, propterea quod in demon-  
stranda existentia Dei, item in doctrina de neces-  
sario & contingenti, in subsequenibus multo usui  
nobis sunt futurae.

§. 34. Hæc propositio: *nihil est sine ratione suf-  
ficiente*, sive affirmative enunciata: *quicquid est,  
debet habere rationem sufficientem*, dicitur a Leib-  
nitio & Wolffio aliisque principium rationis suffi-  
cientis.

SCHOL. Dicitur alias quoque a Leibnitio prin-  
cipium *rationis determinantis*, quia ratio sufficiens  
determinat res, i. e. efficit, ut præcise hæ res sint,  
nec aliæ. Item appellatur principium *convenientiæ*,  
vel quia inconueniens est dictu, quicquam esse,  
quod ratione sufficienti sit destitutum, vel quia

rationem reddit , cur hoc illudve rei conveniat , vel minus . Nominatur denique principium *existentiarum* , quia res existentes dependent ab hoc principio , i. e. si quæritur , cur res existant potius , quam non , ad principium rationis sufficientis confugiendum est . *Veritates* , inquit Cel. Biffingerus *in dilucidat. p. 62. de existentia rerum finitarum omnium sunt ejusmodi , ut ostendi non possit , si quis illas aliter concipiat , impingere illum in principium contradictionis . Aliud itaque principium quæri oportet , a quo pendeat existentia certitudo . Scilicet id ostendi potest , si rem aliter constitutam supponas , esse aliquid sine ratione sufficiente .* Occasione propositionum Archimedis de libra , sine ratione nullam partem inclinante , invenit , aut certe sagacius applicavit Leibnitius principium rationis sufficientis , cujus tamen demonstrationem suppeditare noluit , propterea quod omnes , qui rationis compotes forent , & infinita absurda effugere vellent , non posse non illud concedere affirmabat . Experientiam pro hujus principii confirmatione allegabat , ex qua nullum exemplum produci posse , aiebat , in quo ratio sufficiens prorsus absit , licet ignoretur . Negabat præterea Leibnitius , sine principio rationis sufficientis existentiam Dei probari posse .

*Illustr. VVolfius* hujus principii demonstrationem dedit in *Metaphysic. sua Germanica* §. 10. & 11. In *Ontologia Latina* §. 70. VVolfius ita demonstrat hoc principium : „ Aut , inquit , nihil est sine ratione sufficiente , cur potius sit , quam non sit , „ aut aliquid esse potest absque ratione sufficiente , „ cur sit potius , quam non sit . Ponamus esse *A* , „ sine ratione sufficiente , cur sit potius , quam „ non sit . Ergo nihil ponendum est , unde intelligitur , cur *A* sit . Admittitur adeo *A* esse propterea , quod nihil esse sumitur . Quod cum sit „ absurdum , absque ratione sufficiente nihil est , „ seu , si quid esse ponitur , admittendum etiam „ est , aliquid , unde intelligitur , cur sit . “



*Venerandus Reinbeckius in meditat. in August. Confess. T. I. p. 13. §. XII. & XIII. principium rationis suff. ex interiore sui pretio æstimat, adjecta eleganti demonstratione. Verba ipsius, certas ob causas, hic adponam: „fundamentum, (inquit „vir acutissimus, ) ex quo derivatur hæc veritas: „Datur Deus, in eo constituitur, ut nemo nisi „insanæ mentis, id in dubium vocare possit, quæ „sic sonat: Res omnis suam rationem sufficientem „habet, cur sit, & cur sic, & non alio modo „sit. Qui hanc propositionem negare, & judicare „vellet, rem aliquam sine ratione sufficiente exi- „stere posse, hic concedere cogeretur, aliquid se „ipsum ex nihilo producere, vel nihilum rem ali- „quam creare posse; nam si res actu existere po- „test, quæ nec in se, nec extra se fundamentum „habeat, cur existat, tunc nihil erit, cur sit, „atqui nihilominus existit, ergo ex nihilo fuisset „productum, hic autem manifesta contradictio pa- „tet, esse nihilum & tamen aliquid produxisse. Si „autem dicatur rem seipsam produxisse; tamen*

1 3 4 5 2

„manet contradictio, quod res a se ipsa producta „deberet jam antea extitisse, antequam fuisset. „Contradictio autem est: fuisse antequam esse fa- „ctum; ergo verum manet: res omnis suam ra- „tionem sufficientem habet, cur sit, & cur sic, „& non alio modo sit, qui autem hoc non con- „cedere vellet, non operæ pretium esset, ut cum „ipso de hac re differatur, quia defenderet, rem „aliquam eodem tempore nigram & albam esse „posse. “

*Cl. Stræbлерus in commentat. de sensu & usu principii rationis suff. p. 41. principium rationis suff. ita demonstrat: „quicquid est perfecte intel- „ligibile seu conceptibile, illud habet rationem „sufficientem, (per def.) Atqui, quicquid est, seu „quicquid habet esse, scilicet sine contradictione, „perfecto intelligi seu concipi potest, quia non-*

„en-

„ entis tantum nulla datur notio & nullum esse .  
 „ E. quicquid est , habet rationem sufficientem . “  
 „ Carpovii demonstratio , quia principium rationis  
 „ sufficientis corroborat , hæc est : „ Si aliquid sine  
 „ ratione est , ex nihilo aliquid fieri , necesse est :  
 „ Nihilum autem , hoc est , quod nullam habet e-  
 „ xistentiam , vel negative , vel privative talè est :  
 „ Si negative , nec ullo modo potest existere , eju-  
 „ sque existentia per se contradictionem involvit ,  
 „ sin privative , non quidem existit , existere ta-  
 „ men potest , ejusque existentia contradictionem  
 „ non involvit . Jam si nihilum negativum debet  
 „ aliquid fieri , impossibile debet ad existentiam  
 „ pervenire , & convenienter possibile fieri , quia  
 „ omnis existentia supponit possibilitatem . Nam  
 „ possibilitas , sive potentia , habitudo ad actum est .  
 „ Sed impossibile est , impossibile fieri possibile ,  
 „ propter contradictionis principium . Ergo ex ni-  
 „ hilo negativo non potest aliquid fieri . Quod si  
 „ vero a , vel ex nihilo privativo omnimodo h. e.  
 „ tali , ubi omnis ratio actu abest aliquid sit , non  
 „ existens debet actuare , sive effectum producere :  
 „ Antea enim non fuisse , & sine causa vel ratio-  
 „ ne orta esse res assumitur . Si non existens a-  
 „ ctuat , gaudet attributo positivo actuali , quia at-  
 „ tributum positive actuale est , quod aliquid actua-  
 „ liter affirmat . Si non existens habet attributum  
 „ positivum actuale , sequitur , ut sit ens revera  
 „ existens , quia attributa actualia positiva , tan-  
 „ quam actualiter aliquid de re affirmantia , exi-  
 „ stentibus , competunt ; non entis autem nulli  
 „ sunt prædicata , scilicet positiva , quia affirmatio  
 „ attributi existentis & negatio existentiae de eo-  
 „ dem , sibi invicem contradicunt . Ergo si ex ni-  
 „ hilo privativo aliquid sit , non existens est exi-  
 „ stens . Sed propter posterioris absurditatem prius  
 „ etiam pro absurdo habendum est . Si autem ex  
 „ nihilo , tam privativo , quam negativo , non po-  
 „ test aliquid fieri , omne , quod est , debet se ad  
 „ ali-

„ aliquid referre, ex quo possit cognosci, cur potius  
 „ sit, quam non sit; propter contradictionis prin-  
 „ cipium. Si omne quod est, debet aliquid agno-  
 „ scere, ex quo possit cognosci, cur sit, omne,  
 „ quod est, debet habere rationem sufficientem.  
 „ Conf. dissertat. de ration. suff. principio §. XV. “

§. 35. *Principium rationis sufficientis ex princi-  
 pio contradictionis demonstratur.*

*Demonstr.* Cum enim hæc propositio: *Nihil est sine ratione sufficiente*, ideo vera sit, quia, si negaretur, nihilum existeret & non existeret simul, (§. 34.) adeoque in principium contradictionis impingeretur, (§. 22.) facile intelligis, hanc propositionem: *Nihil est sine ratione sufficiente*, ex principio contradictionis robur suum, & firmitatem nancisci, ex eodemque demonstrari. Cum vero hæc propositio: *Nihil est sine ratione sufficiente*, constituat principium rationis sufficientis; (§. 34.) intelligitur, principium rationis sufficientis ex principio contradictionis demonstrari.

§. 36. *Principium rationis sufficientis non est absolute primum principium.*

*Demonstr.* Cum enim principium rationis sufficientis ex principio contradictionis demonstratur; (§. 35.) consequens est, ut, quia principium rationis sufficientis aliud prius principium, ex quo fluit, agnoscat, non possit pro principio absolute primo haberi.

NOT. Quia principium rationis sufficientis ex principio contradictionis fluit; (§. 35.) patet principium rationis sufficientis in relatione ad principium contradictionis esse principiatum: in respectu autem ad alias veritates, robur suum & stabilitatem inde acquirentes, esse principium.

(§. 37.) *Principium rationis sufficientis est absolute necessarium.*

*Demonstr.* Cum enim principium rationis sufficientis ex principio contradictionis immediate fluat, (§. 35.) principium autem contradictionis sit absolute

lu-

lute necessarium, (§. 26.) intelligis, principium rationis sufficientis fluere ex principio absolute necessario. Si vero principium rationis sufficientis fuit immediate ex principio absolute necessario, non potest non quoque principium rationis sufficientis esse absolute necessarium, quia, qualis est causa, tale quoque existere debet effectus.

SCHOL. Ut vero hoc theorema recte intelligatur, sensum ejusdem hunc esse, scito: Absolute necessarium est, quicquid est, habeat rationem sufficientem, cur sit; & fieri omnino non potest, ut quicquam, vel existat, vel existere possit, quod omni prorsus ratione sufficienti destituatur. Hoc vero non est absolute necessarium, ut hæc præcise ratio adsit, poterat enim alia adesse. Memini, Cel. Bilfingerum affirmare, principium rationis sufficientis esse necessarium in *actu signato*, i. e. in genere, sine applicatione asserta exemplo perquam luculento explicabo. Fac, te exspatiari. Si revera extra portas exspatiatus fueris, tunc debet adesse ratio sufficiens necessario, ex qua concipi potest & intelligi, & cur exspatieris potius, quam domi maneas. Hactenus rationis sufficientis principium est necessarium, quia fieri non potest, ut deambulatio sine ratione sufficiente suscipiatur. At alia aliave potest adesse ratio, quæ te determinat ad exspatiandum. Poteris exspatiari ob tempestatem serenam, ob sanitatem per corporis motum conservandam, & ob nescio quas, alias causas. Ut adeo in applicatione, sive, ut Bilfingerus loquitur, in actu exercito, principium rationis sufficientis non absolute necessarium esse, facile intelligas.

§. 38. *Principium rationis sufficientis est universale.*

*Demonstr.* Si principium rationis sufficientis est absolute necessarium, consequens est, ut idem quoque sit universale. Atqui vero principium rat. suff. est absolute necessarium, (§. 37.) E. idem quoque erit universale. Si enim non esset universale, casus darentur, in quibus ratio sufficiens nulla es-

elset: Si vero casus darentur in quibus ratio sufficiens nulla elset, tunc hæc propositio: *Non omne, quod est, habet rationem sufficientem*, elset vera & possibilis: Hæc propositio: *Non omne, quod est, habet rationem sufficientem*, est huic propositioni opposita: *Omne, quicquid est, habet rationem suff.* B. Si darentur casus, in quibus nulla adesset ratio suff. principium rationis suff. elset contingens. (*per def. conting.*) Cum vero demonstratum sit illud esse absolute necessarium, (§. 37.) intelligitur, idem quoque esse universale.

SCHOL. Sunt, qui quidem rationem suff. debere habere locum in corporibus, concedunt, at quod principio ratione sufficientis etiam in spiritibus semper locus sit, id vero negant & pernegant. Ex demonstratis autem patet, nullam mutationem, neque in corporibus, neque in spiritibus, contingere posse sine ratione sufficienti. Alia vero ratio sufficiens est in corporibus, alia in spiritibus. In corporibus ratio sufficiens est *tradens, necessitans, pellens &c.* In spiritibus vero ratio suff. est *suaviter inclinans, moraliter suadens, alliciens, invitans &c.*

SCHOL. Universalitati principii rationis suff. opponunt nonnulli ipsam experientiam, ex qua quippe constet, dari complura, & evenire multas mutationes, cum in homine, tum extra hominem, quæ omni ratione sufficienti sunt destitutæ. At, si quid hic ex experientia præsidii peti potest, id tantummodo ex ea constare, arbitror, quod in pluribus rebus nullam videamus rationem sufficientem. Numquam vero casus ex experientia poterit adduci, in quo omnis ratio suff. plane exulet, & in quo demonstrare poteris, nullam rationem adesse.

SCHOL. Universalitati denique rationis suff. obstare, nonnulli existimant, ipsum Wolfii asser-tum, quippe qui §. 142. *Metaphysic. Germ.* contendat, in somnio omnia esse sine ratione suffi-

*Baum. Metaph.*

C

cien-

cienti. Sed Wolfius hic recte intelligendus est. Sumit Wolfius *somnium* hic *objective* i. e. pro iis rebus, quas somniamus, quas, negat Wolfius, principio rationis sufficientis conformiter existere. Non enim sunt illa phantasmata actu existentia, non datur in illis nexus, nulla itaque ratio suff. potest habere in iis locum. Somnium autem, subjective consideratum, pro operatione scilicet imaginationis, habet omnino rationem sufficientem, qua ex lege imaginationis derivari debet. Sed de his plura in recitationibus, in quibus objectiones, contra principium rationis sufficientis formatas, quantum satis est, confutabimus.

§. 39. *Ex his satis patet, cit., omne, quicquid est, esse in se conceptibile.*

*Demonstr.* Quicquid est, debet habere rationem sufficientem; (§. 32.) quicquid habet rationem sufficientem, illud habet quid, ex quo existentia possit concipi: (§. 31.) E. quicquid est, ex aliquo, qua existentiam suam concipi debet & potest: E. quicquid est, est in se conceptibile.

NOT. Sed studio & data opera dico, est *in se* conceptibile. Licet enim nos complura nec concipiamus distincte, nec ob arctos intellectus humani limites concipere possimus, *in se* tamen omnia, quia gaudent ratione sufficiente, sunt conceptibilia. Ex quo intelligitur, id, quod ratione sufficiente destituitur, esse in se conceptibile. Nihil igitur in se inconceptibile esse, ex his potest manifestum fieri.

§. 40. Cæterum adhuc observes, principium rationis sufficientis mirifice se commendare ob egregium usum in omnibus eruditionis partibus.

SCHOL. Nulla omnino philosophiæ pars est, nullaque prorsus disciplina, in qua non positiones occurrant, ex rationis sufficientis principio demonstrandæ. In ontologiâ principium in discernibillum ex hoc principio demonstratur, item universa doctrina de ente simplici sæpenumero requirit,

ut

ut ad principium rationis sufficientis confugiat. In cosmologicis perutilis illa de nexu doctrina sine Rat. suff. principio intelligi non potest. In psychologicis principium Rat. suff. utranque facit paginam, cum nec lex imaginationis; nec appetitus averfationisque natura, nec alia denique absque hoc principio perspicui queant: In theologia vero naturali, dici non potest; quanti sit usus principium Rationis sufficientis: Tolle principium hoc, & reperies, existentiam Dei, eo sublato, demonstrari non posse: Agnoverunt hoc Leibnizius; Reinbeckius; Carpovius; qui in dissertat. de principio rat. suff. dilucidè demonstravit, omnia argumenta; quæ pro existentia Dei ab eruditissimis viris adferri solent, hoc principio niti. Conf. §. 17. Providentiam quoque & sapientiam Dei, nescio, quomodo adstruere queas, si sustuleris ex mundo principium rationis sufficientis. Equæ enim ratione fortuitum atomorum concursum, ex quo, totum mundum forte fortuna coaluisse, putant nonnulli, destrues, si negaveris principium rationis sufficientis? In moralibus quantæ sit utilitatis principium Rat. suff. vel hoc unicum commonstrare poterat, quod sublato hoc principio, nescias, quid vera libertas, quæ tamen in moralibus, vel maxime consideranda est. Alia, brevitatæ causâ, taceo:

SCHOL. Quantæ vero utilitatis hoc principium est in universa omnino philosophia, tanti quoque usus idem esse comperimus, in superioribus & altioris indaginis disciplinis. In Theologia tolle principium rationis sufficientis, quomodo destrues absolutum Calvinianorum decretum? Tolle principium rationis sufficientis, quid obstat tunc, quominus Scripturam sacram, prout libuerit, interpretari; & quidvis ex quovis erui? A proprietate vero, inquis; literæ sine urgente necessitate, (*i. e. sine ratione sufficienti*) recedendum non est. En? usum & necessitatem principii Rat. suff. Leib-

*ntius in Epist. V. Clarkium* observat principio rat. suff. sublato, præscientiam Dei contra Socinianos non posse asseri. De quo suo loco, *Cl. Canzianus in usu philosophia Leibnitiana & Wolffiana in Theolog. Tom. I. pag. 169.* solide impugnat auctoritatem Pontificis Romani, idque principio rationis sufficientis in subsidium adhibito. Plures usus hujus principii in Theologia allegabo coram. In jurisprudentia vel ideo principio nostro denegari non posse usum, patet, quia in foro omnia secundum acta & probata aguntur, i. e. principio rationis sufficientis conformiter. Tolle autem principium rat. suff. quid impedit, quo minus judex rem sine ratione absolvat, & innocentem damnet? Conf. interim de hoc principio, præter *Strabele- rum in commentat. de sensu, & usu principii rat. suff. Hala ed. 1727.* & *Carpon. in dissertat. de principio Rat. suff. Jena hab. 1725.* *Bilfingerus in diluc. philosophicis §. 67. seqq. item in dissertat. de Axiomat. Philosophicis, Tubing. 1726. hab. Hag- majer. in dissertat. de princip. rat. sufficient. 1723. Tubing. habit. & denique Ludovici in disserat. de veris & falsis cognitionis humane principiis, Lips. 1721. habit.*

### . C A P U T III.

#### *De Possibili & Impossibili.*

#### §. 41.

**E**Xplicatis hætenus generalioribus omnis cogni- tionis humanæ principiis, principio scil. *con- tradictionis*, ( Cap. I. ) & *principio rationis suffi- cientis*, ( Cap. II. ) nunc ad communissimas notio- nes, in quibus enodandis Ontologia versatur, ex- plicandas accedemus. Cum vero in eo omnia om- nino conveniant, quod sint possibilia, & ultra pos- sibilitatem rei in abstrahendo ascendere non liceat,  
ab



ab eo, quod est possibile, merito ordinatur maxime, cum, quæ de ente dicuntur in sequentibus intelligi nequeant, nisi ante notionem, *possibilis*, & *impossibilis* rite eolverimus.

§. 42. Cum fieri non possit, sive impossibile sit, ut idem simul sit, & non sit, vel idem affirmetur de eodem, & negetur, (§. 21.) simultanea autem ejusdem rei affirmatio, & negatio constituat contradictionem, (§. 21.) *impossibile* recte definiemus per id, quod involvit contradictionem.

EXEMPL. E. gr. *Deus dependens* est impossibile, quia duo hi conceptus, quos conjungis, ejusmodi sunt, ut alterum alter tollat, manifesta quoque adeo adsit contradictio.

§. 43. Ex quo intelligitur, nihil esse pro impossibili habendum ante quam contradictio fuerit demonstrata.

§. 44. *Possibile* dicimus id omne, quod contradictione caret, sive, quod idem est, *possibile* est id, quod nullam involvit repugnantiam.

NOT. Vox *possibilis* duplici potissimum sensu sumitur. (α) *Pos*sibile denotat id, quod quidem existere potest, quamvis non actu existat. Atque hoc est *strictè possibile*, quod opponimus *actu*ali, sive ei, quod revera & actu existit. (β) *Pos*sibile latius paulo sumitur, & significat tum omne id, quod actu & revera existit; tum id quoque, quod non quidem existit, interim tamen existere potest. Quo sensu opponitur illi, quod est impossibile.

NOT. Ut vero definitio *possibilis* plenius intelligatur, ex antecedentibus repetendum, quid sit *contradictio*, quam §. 20. ejusmodi orationem esse diximus, in qua de una eademque re idem affirmatur, & negatur. Si itaque *possibile* diximus esse illud, quod nullam involvit contradictionem, hoc ipso possibile ejusmodi quid esse, affirmavimus, in cujus ideam non ingrediuntur duo aut plura, quorum alterum ait, negat alterum eodem modo.

e. gr. Homo eruditus est possibile quid, non enim contradicit idea *hominis* idæ *eruditi*, nec conceptus *eruditi* tollit conceptum *hominis*.

SCHOL. Equidem offendere poterat nonnullos definitio *possibilis*, propterea, quod negativa est. At ex Logicis constat, definitiones negativas tolerari posse, sicubi unus terminorum immediate & contradictorie oppositorum definiri debeat. Quod num hic locum habeat, commonstrabo in recitationibus ipsis. Conf. interim Log. §. 171. Si vero definire negative nolueris *possibile*, cum Bilfingero affirmative ita definias: *possibile* est, cui præstando vires alicujus causæ existentis sufficiunt. De qua definitione vid. Bilfing. tr. de Orig. mali. p. 78.

§. 45. Expositis distincte notionibus possibilitatis & impossibilitatis, id nunc agemus, ut diversas *possibilis* & *impossibilis*, species perensemus. Nisi enim hæ differentię, quæ in doctrina de possibilibus occurrunt, rite fuerint evolutæ, dici vix potest, quam parum proficiatur in decidendis controversiis philosophicis, quæ, tum in cosmologia, tum in theologia naturali, recentiori ætate, mortæ sunt.

§. 46. Si quid ita est comparatum, ut in se & sua natura involvat contradictionem, tunc dicitur *absolute impossibile*. Si quid vero sub certis quibusdam conditionibus & circumstantiis involvit contradictionem, tunc dicimus illud *hypothetice impossibile*.

EXEMPL. E. gr. Circulum esse quadratum, est absolute impossibile, cum *quadratum esse* naturæ circuli prorsus repugnet, nec per absolutam quidem Dei potentiam fieri possit, ut circulus unquam sit quadratus. *Hypothetice* vero impossibile est, ut, sole radios suos per fenestram transmittente, tenebræ maneant in conclavi. Non quidem in se, & sua natura involvit contradictionem, conclave esse tenebricosum, involvit tamen contradictionem,

po.

posita scilicet hac conditione, si sol radios suos per fenestram transmiserit.

§. 47. *Moraliter impossibile* dicitur illud, quod quidem non in se contradictionem involvit, infert tamen repugnantiam in hoc illove subjecto, ob intercedentes subjecti illius perfectiones morales.

EXEMPL. E. gr. *Deterius præferre meliori*, non in se quidem involvit contradictionem, adeoque in se non est impossibile, at Deo tamen id est impossibile, ob ipsius sanctitatem & sapientiam. Tò *deterius* itaque *præferre meliori*, repugnat sapientiæ divinæ & sanctitati, tanquam perfectionibus Dei moralibus, adeoque est *moraliter impossibile*. Hanc moralem impossibilitatem vocat Bilsingerus impossibilitatem *impropiam*, item *respectivam*. Conf. ipsius dilucidat. philos. §. VII. seqq. item ejus tract. de origine mali §. 136. seqq.

NOT. Accidit nonnunquam, ut id quoque impossibile vocemus, quod est difficile, item, quod est interdictum & illicitum. De quo plura in prælectionibus.

§. 48. In dijudicanda alicujus rei possibilitate attendendum (α) ad rem ipsam ejusque naturam intrinsecam, (β) ad vires causæ efficientis. Quod est ejusmodi, ut in intrinseca sua natura non inferat repugnantiam, id dicimus *intrinsecus possibile*. Quod vero simul est ejusmodi, ut non modo in intrinseca sua natura nullam involvat contradictionem, sed quoque rebus externis, causæ scilicet efficientis viribus, temporibus, tempori, loco, non repugnet, id dicimus *extrinsecus possibile*. Unde orta distinctio philosophorum inter possibilitatem rei *intrinsecam* & *extrinsecam*.

EXEMPL. Sic e. gr. cera, quia nihil habet, quod impediat, quo minus liquefieri possit, intrinsecus possibile est, ceram liquefieri. Miracula item habent *intrinsecam possibilitatem*, quia leges motus in intrinseca sua natura ita sunt comparatæ, ut possint suspendi. Quia præterea liquefactio cere

non repugnat causæ efficientis externæ viribus, sed potius ex calore ignis intelligi potest, quare liquefieri cera possit, extrinsecus quoque possibile esse dicimus, ut cera liquefiat. Si demonstrasti, dari ens, quod leges motus suspendere possit, demonstrasti miraculorum possibilitatem extrinsecam.

§. 49. His notionibus legitime determinatis, nunc positiones quasdam, de possibilitate & impossibilitate, subnectendas putamus.

COROL. I. Ex his intelligis, id, quod est absolute, & in sua natura impossibile, non fieri posse possibile (*per princip. contradict. §. 22. explicatum.*)

COROL. II. Manifestum ex his est, id, quod hypothetice impossibile est, posse esse in se, & sua natura possibile.

EXEMPL. E. gr. hypothetice impossibile est, ut Cajus, si usque ad finem vitæ in malitia & mentis obstinatione perseveraverit, salvetur. Non tamen in se, & sua natura impossibile est.

COROL. III. Possibilitas externa nunquam potest esse sine possibilitate interna. Si enim extrinsecus quid esset impossibile, quod tamen in sua natura & absolute esset impossibile, tunc causæ aliqua efficiens externa daretur, cujus vires sufficerent ad producendum id, & ad possibile adeo reddendum id, quod in se, & sua natura esse impossibile, (quod est contra pos. I.)

COROL. IV. Interna vero possibilitas potest esse sine externa.

EXEMPL. Ut hæc intelligantur facilius, exemplum perquam perspicuum adferre lubet. Ponas e. gr. te demonstrasse, dari ens, quod possit motus leges suspendere, atque adeo patrare miraculo, tunc demonstrasti miraculorum possibilitatem extrinsecam. Fac vero, suspensionem legum motus miracula in se esse impossibilia, tunc ob intrinsecam impossibilitatem nulla quoque locum habere potest possibilitas extrinseca, quia nullum ens, licet

cet

cet sit infinitum, datur quod possit contradictoria, & intrinsecus impossibilia proferre.

SCHOL. Vides hinc, quam præpostera methodo utantur nonnulli nostræ ætatis philosophi, cum æternitatem mundi possibilem demonstrare volunt. Possibilitatem extrinsecam prius probant, confugientes ad potentiam Dei, qua ipse mundum ab æterno producere potuisset, non de eo solliciti, num creatio mundi ab æterno intrinsece sit possibilis. Cum vero demonstrari possit, intrinsece æternitatem mundi esse impossibilem, (quia ab æterno esse, & tamen creari, sibi repugnant) eo ipso etiam externa possibilitas remota est, quia, vi pos. III. externa possibilitas sive intrinseca esse non potest.

NOT. Quod vero interna possibilitas possit esse sine externa, facile comprobari potest exemplo circuli. Quamvis enim nunquam circulus existisset, quamvis etiam nulla causa externa foret, quæ circum producere, aut producere posset, manet tamen circulus intrinsece possibilis, quia in interna sua natura nullam involvit repugnantiam.

SCHOL. Ex his denique intelliguntur & explicari possunt Theologorum locutiones: *Impossibile, ut nulla scandala veniant*; *Impossibile est, ut regentis studio & data opera peccet*; item; *Impossibile est, ut, qui semel illuminati sunt, & in pristina peccata relabuntur, denuo convertiqueant*; Hebr. VI. 4. Duæ priores positiones loquuntur de impossibilitate hypothetica, posterior & ultima de difficultate. Impossibile enim sapius pro difficili sumi, jam submonuimus §. 47.

## CAPUT IV.

*De existentia.*

## §. 50.

CUM ad *possibile* nihil aliud requiratur, quam ut nulla interna adsit repugnantia & contradictio, (§. 44.) palam est, quidpiam posse esse possibile, quamvis non actu existat. Ad existentiam enim non sufficit sola non-repugnantia & mera contradictionis absentia, sed status ille, qui superaccedit possibilitati, quo id, quod possibile est, aptum est vel ad agendum, vel ad patiendum, constituit id quod dicimus *existentiam*.

Not. Notionem existentiae hic ideo distincte explicandam putamus, ut, quæ de ente occurrunt dicenda, & rectius intelligantur.

§. 51. *Paret hinc, existentiam recte explicari per complementum possibilitatis.*

*Demonstr.* Cum enim id, quod possibile potest habere præter possibilitatem suam, dicamus *complementum possibilitatis*, possibile autem, præter possibilitatem suam, possit habere statum, quo possibile aptum est ad agendum, vel patiendum, consequens est, ut status ille, quo possibile aptum est ad agendum, vel patiendum quid, constituat complementum possibilitatis. Atqui vero status ille, qui superaccedit possibilitati, & quo possibile aptum est ad agendum; vel patiendum quid, est id, quod vocamus *existentiam* (§. 50.) E. existentiam recte vocari complementum possibilitatis, hinc evidens esse potest.

SCHOL. Existencia & actualitas sunt philosophis synonyma. Sunt, qui notionem *existentiae* tam claram esse arbitrantur, ut definitione nulla indigeat. Veterum nonnulli *existentiam* per id definebant, per quod aliquid est extra causas suas,  
item

item, *existentia* est id per quod aliquid definit esse intra causas suas. *Hebenstreit. in philosoph. prima* definit existentiam ita; existentia est, quæ res actu, & nemine cogitante, in hac rerum universitate præsens est, ac existit. *Conf. philosoph. prima* p. 150. *Wolffius in Ontologia Latina* p. 143. *existentiam* definit per complementum possibilitatis. *Bilfingerus autem in dilucidat. philosoph. §. 270. existentiam* explicat per illum essentiae statum, quæ apta est ad agendum vel patiendum. Quas duas definitiones facile posse conciliari, ex dictis perspicuum est. Plura de existentiae definitione coram.

§. 52. Quicquid existit, debet quoque esse possibile.

*Demonstr.* Cum enim existentia sit complementum possibilitatis, (§. 51.) consequens est, ut existentia sua notione includat possibilitatem. Ut adeo recte contendamus, quicquid existit, debere quoque posse existere, sive esse possibile.

Ponamus, id, quod existit, non esse possibile, consequens est, ut debeat esse impossibile. Quia, quod non est possibile, (voce hac latius sumpta) debet esse impossibile. Si vero id, quod existit, est impossibile, consequens est, ut id existat, quod involvit contradictionem, sive quod non potest existere. (§. 42.) Cum vero hoc sit contra princip. contradictionis, (§. 22.) liquet, id, quod existit, debere esse possibile.

SCHOL. Si res incipit existere, tunc expirat quidem *possibilitas strictè sic dicta* (vocem scil. *possibilis* hic oppono *actu* actuali) manet tamen illa res, quæ existit, etiam tum, cum existit, *possibilis*, (voce *possibilis* ita sumpta, ut opponatur *impossibili*.) Rem illustrabo exemplo. Ante, quam mundus existeret actu, erat possibilis, i. e. poterat existere, quamvis non actu existeret. Vides hic, *actu possibile* actuali contradistingui, quæ possibilitas nunquam; cum mundus existat revera, expiravit.

Sed

Sed manet tamen altero sensu mundus , quamvis actu existat , etiam possibilis . Scilicet , cum mundus hic existens non involvat contradictionem , & , dum existit , possit etiam existere , verum est , mundum , dum existit esse quoque possibilem . Alias illum , si hæc negaveris , necesse est , appelles impossibilem .

SCHOL. Veteres , id ipsum ita enunciabant : *Ab esse ad posse valet consequentia* . Si mensa est quadrata , potest quoque esse quadrata , si Cajus est eruditus , potest quoque esse eruditus .

§. 53. Per immediatam consequentiam hinc eruitur hoc , quod , posita existentia , necessario quoque ponatur possibilitas . Atque hinc simul patet modus cognoscendi a posteriori , quænam sint possibilia .

§. 54. *Quod possibile est , id non ideo existit .*

*Demonstr.* Cum enim ad possibilitatem , qua talem , nihil aliud requiratur , quam mera contradictionis absentia , ( §. 44. ) plura autem ad existentiam requirantur , quam sola non repugnantia , si-ve contradictionis absentia , ( §. 50. ) perspicuum est , id , quod possibile est , non ideo statim existere , quia possibile est .

SCHOL. Veteres hanc positionem ita enunciabant : *A posse ad esse non valet consequentia* . Cujus propositionis veritas ipsa corroboratur experientia , qua edocti novimus , non ideo mensam statim esse rotundam , quia possibile est , ut sit rotunda . Notandum tamen hic est , assertum hoc unice in rebus contingentibus , creatis , & finitis , locum habere . Ad ens enim perfectissimum & necessarium quod attinet , scias , ejus existentiam per ipsam ejus possibilitatem determinari , & possibilitatem entis perfectissimi esse rationem sufficientem actualitatis & existentiae entis perfectissimi , ita quidem ut , si possibilitatem entis perfectissimi probasti , eo ipso jam existentiam ejusdem demonstra-veris . Sed plura de his in Theologia naturali . Ex pro-

post-



positionibus abstractis intelliguntur quoque hæ positiones.

§. 55. I. Quod impossibile est, id quoque non potest ad existentiam pervenire. Veteres ita: *A non posse ad non esse valet consequentia.*

II. Quod non existit, ideo non est habendum pro impossibili, sive veterum ut verbis utar, *A non esse ad non posse non valet consequentia.*

## CAPUT V.

*De notione entis, & non entis.*

## §. 65.

**E**Ns definimus per id, quod est possibile, sive, ut VVolfii verbis utar, *ens* est, quod existere potest, consequenter, cui existentia non repugnat, *Vid. VVolfii Ontologia Latin. §. 134.*

SCHOL. Ita ens definiendum putamus, ut definitio ad omnes species entis possit applicari. Sunt quidem, qui per ens id tantum intelligunt, quod revera & actu existit, licet nemo de eo cogitet.

Sed ideo, hac entis descriptione, paulo angustiori; missa, vocem *entis* latius sumimus, ut ita sub definitione nostra & *ens actuale*, quod vocant, & *ens potentiale* comprehendatur.

§. 57. Cum id, quod possibile est, revera, & actu existit, tunc dicitur *ens actuale*, sive *ens actu*. Cum vero quod non existit, existere tamen potest, dicitur *ens in potentia*, sive *potentiale*.

SCHOL. Ens actuale veteres vocabant *ens participale*; ens vero potentiale appellabant *ens nominale*. Cur vero ita nominaverint ens actuale & potentiale, rationem reddam in ipsis prælectionibus, sive participalia, existunt enim actu & revera. E. gr. *hic mundus, Deus, sol*, sunt entia actualia, Judicium vero JESU extremum, quo rationem factorum ab hominum quovis exiget, est *ens potentiale*

#### 46 DE NOTIONE ENTIS, ET NON-ENTIS.

*tiale & nominale*. Si vero ens potentiale, sive *ens in potentia*, recte consideraveris, tunc reperiēs; aliud ens esse *in potentia proxima*, aliud *in remota*. De quo plura coram.

§. 58. *Ens rationis* dicitur, quod quidem non revēra existit, interim tamen existere fingitur; sive, ens rationis est, quod non existit; nisi in mentis fictione. E. gr. regnum chiliaisticum Fanaticorum est ens rationis & suave somnium.

SCHOL. Veterēs ens rationis distinguebant in *ens rationis ratiocinantis*, & *ens rationis ratiocinata*. Hoc definiebant scholastici; quicquid quidem fingitur; sed cum fundamento in re; illud autem dicebant id; quicquid sine omni fundamento in se ipsa fingitur. Fundamentum hujus distinctionis hoc est. Deprehendimus scilicet per experientiam; cum res singulares, sive individua, inter se conferimus, tunc ex comparatione hac plurium individuorum nos pervenire ad notiones abstractas, specierum scilicet & generum. Quicquid vero notione specierum & generum continetur, illud non existit seorsum; ita; uti nos nobis concipimus, sed tantum existit in individuis. E. gr. Homo; quatenus, ut species; consideratur, non existit seorsum, ut species; sed tantum abstrahitur hac notio ab individuis. (Conf. Log. §. 104.) Rerum itaque existentium conceptus; a rebus singularibus abstracti; genera scilicet & species, referebantur a veteribus inter entia rationis ratiocinata. Si quid vero fingebatur, sine ratione; in objecto deprehensa; id appellabatur *ens rationis ratiocinantis*. E. gr. regnum chiliaisticum Fanaticorum.

SCHOL. VVolfius *ens fictum* appellat id, cui existentiam non repugnare sumimus; ut revera idem repugnet; *Ens* autem *imaginarium* appellat, quod notione imaginaria continetur. *Notionem autem imaginariam* vocat, qua ob quandam similitudinem fingitur, quod non est, ut per imaginem quandam veluti oculis præsens sistere queamus; quod

# DE NOTIONE ENTIS, ET NON-ENTIS. 47

quod in eos non incurrit. *Conf. Ontolog. Lat. §. 140. & 141.* E. gr. si concipis memoriam tibi, ut idearum receptaculum, tunc notio memoriæ est imaginaria, & receptaculum idearum in anima est ens imaginarium. Respublica Platonica est ens fictum, quia sumimus; existentiam ejusmodi reipublicæ non repugnare, licet revera repugnet.

§. 59. Enti rationis, ficto imaginario, opponimus *ens reale*, quod non per fictionem mentis existit, sed existit actu & revera, licet de ejus existentia nemo cogitet.

§. 60. *Ens positivum* VVolfius vocat, quod est aliquid. *Aliquid* autem dicitur id omne; cui notio respondet.

EXEMPL. E. gr. Mensa est *res*, est ens positivum, quia cum voce mensæ cogitari quid potest, & determinata notio conjungi.

§. 61. Enti positivo opponitur *privativum*, quod vocamus defectum realitatis, instar entis consideratum.

EXEMPL. E. gr. Cæcitas consistit in puro, puro, defectu realitatis, qui tamen defectus realitatis cum sapius a nobis instar entis consideretur, fit, ut cæcitatem ens aliquod privativum nominemus. *Privatio* enim nihil est aliud, quam defectus alicujus realitatis. E. gr. ignorantia est privatio, quia, ubi adest ignorantia, ibi absunt realitates, quæ adesse poterant.

SCHOL. Veteribus erat *privatio* absentia veræ, & realis existentiae ex *subjecto capaci*. Quam quidem privationem distinguebant a pura negatione, quam esse dicebant absentiam veræ, ac realis existentiae ex *subjecto incapaci*; e. gr. Absentia imaginis divinæ in homine est privatio; homo enim est subjectum capax imaginis divinæ, & gauderet profecto ea, nisi per lapsum deperdita esset. Absentia autem visus vel auditus in lapide est pura negatio, quia lapis non est subjectum capax auditus vel visus.

SCHOL.

#### 48 DE NOTIONE ENTIS, ET NON ENTIS.

SCHOL. *Privationem* porro veteres ab *ente privativo* distinguere volebant. De quo conf. Hebenstreit, *Philos. prim.* p. 100.

SCHOL. Quid sit, ens privativo-positivum, definiam in ipsis lectionibus, occasione quaestionis, a Theologis identidem in medium prolata: *Num peccatum in genere, sed speciatim peccatum originis, sit aliquod reale ac positivum?* Peccatum *abstracte, & formaliter* sumtum, pro carentia scilicet, & absentia imaginis divinae, est mera privatio; *concretive* vero, sive in subiecto peccante, spectatum, infert quoque positivi quid. Includit enim in suo conceptu nonnunquam habitum, dispositionem & inclinationem, nonnunquam etiam actum positivum. Unde est, ut Theologorum nonnulli peccatum dicant ens privativo-positivum. De quo plura adferam coram in eorum gratiam, qui rebus sacris operantur.

NOT. De privatione has potissimum regulas inculcasse veteres, scimus. (\*) *A privatione (totali) ad habitum* (eundem numero) *non datur regressus* (naturaliter.) (β) *Omnis privatio supponit habitum*, (vel de facto, vel de jure.) Quae scholasticorum dicta ne omnino nesciantur, in recitationibus exponam sufficienter.

§. 62. Quemadmodum ens, generatim spectatum, id esse diximus, quod est possibile, sive existat, sive minus: (§. 56.) ita intelligitur, non-ens nihil aliud esse, quam quod est impossibile, adeoque contradictionem involvit, sive, quod nec est, nec esse potest.

SCHOL. Non-ens & nihilum negativum sunt nobis synonyma. Nihilum autem negativum est, quod esse nequit. Quod nihilum negativum distinguere volumus a *nihilo privativo*, per quod nihil aliud intelligitur, quam ejusmodi quid, quod quidem non est, interim tamen esse potest. E. gr. lignum ferreum est nihilum negativum, quia lignum ferreum nec est, nec esse potest. Sparta autem futura

## DE NOTIONE ENTIS, ET NON ENTIS. 49

tura Titii est nihilum privativum, quia quidem nondum Sparta futura existit, existere tamen potest. Ut adeo, secundum has explicationes nihilum privativum, & ens in potentia, tanquam synonyma considerari possint (§. 57.). *Nihilum* Wolfius definit ita: *Nihilum*, inquit, *dicimus, cui nulla respondet notio*. Conf. Ontol. Lat. §. 57. Paulo aliter vocem *nihil* determinari novimus, cum a Theologis in articulo de creatione asseritur, opera primi diei esse creata ex nihilo negativo. Per nihilum negativum non intelligunt impossibile, & contradictorium, sed id, quod plane non existit, quamvis existere possit. Opera reliquorum dierum, ajunt, esse producta *ex nihilo privativo*. Producta enim sunt, ex operibus primi diei, sed indispositis, & indigestis. Materiam itaque indispositam, respectu operum, quæ ex ea provenerunt, pro nihilo haberi volunt. Quod nihilum est theologis nihilum privativum.

SCHOL. Ad non-ens a veterum nonnullis referri quoque, constat, *ens per accidens*, quod consistit in aggregatione plurium entium, quæ nullum in unione sua servant ordinem. Quapropter ens per accidens vocabant quoque veteres *ens per aggregationem*. Tale *ens per aggregationem* est e. gr. acervus lapidum, vel frumenti &c. Ens autem per accidens ideo referebant ad non-ens, quia ens per accidens involvit plura, adeoque hoc respectu non est ens, sed entia. Quicquid autem non est ens, inquit Metaphysici veteres, illud est non-ens. Conf. *Velthemii metaphys.* p. 62. seqq. & *Hebenstreit. philosophia prima* p. 113.

NOT. Cæterum observa hic regulas, quæ circa non-ens tradi solent, & jam dudum omnium ore tritæ sunt. α) *Non-entis nulla sunt predicata.* β) *Non-entis nulla est scientia.* Quæ explicabimus, & confirmabimus, quantum satis est, in scholis nostris, ita tamen, ut limitationem, quibus  
*Baum. Metaph.* D hæc

hæc dictæ veterum scholasticorum restringi debent, neutiquam sumus oblituri.

§. 63. *Fieri non potest, ut non-ens fiat ens.*

*Demonstr.* Ponamus, fieri, posse, ut non-ens fiat ens, tunc, quod impossibile est, debet fieri possibile. Non-ens enim est id, quod est impossibile (§. 62.), & ens est id, quod est possibile (§. 56.). Quod cum adversetur principio contradictionis (§. 22.) facile intelligis; fieri non posse, ut non ens fiat ens.

## CAPUT VI.

### *De essentia.*

#### §. 64.

**Q**uid sit possibile, quid sit existentia, quid sibi velit ens, itemque non-ens, hætenus perspeximus. Nunc jam, ex ordinis lege, pervenimus ad doctrinam de essentia distinctius explanandam. Ut vero, in quo essentia rei alicujus consistat, cuivis perspicuum sit, ad sequentia potissimum volo attendi.

§. 65. Omnes res, quas perspicimus sensibus, animadvertimus, in eo convenire, quod existant. Sed unumquodque tamen, observamus, continere in se quid, quo ab aliis rebus simul existentibus internoscatur, quodque efficiat, ut ad aliquam entium classem specialem referatur.

EXEMPL: Sic e. gr. novimus, Deum existere, novimus quoque, existere mundum, item mensam, librum, hominem, existere, non ignoramus. In eo itaque conveniunt quidem Deus, mundus, homo, mensa, liber, &c. quod existant; attamen debet quid esse, quod Deum, mundum, librum, hominem, mensam, a se invicem internoscat, debet quid adesse, quod efficiat, ut Deum ab homine,

mine, & hominem a Deo, &c. discernam, quodque adeo singula illa individua, quæ dicimus homines, ad certam classem redigat. Cum enim nihil sit sine ratione sufficiente; (§. 32.) debet quoque ratio adesse sufficiens, cur librum non habeam pro mensa; & cur mensam non appellitem hominem, & sic porro.

§. 66. Cum itaque aliquid in qualibet re adesse debeat, quod efficiat, ut alterum ab altero internosciam, quodque unumquodque ad suam classem referat, (§. 65.) nunc facile intelliges, quid sit essentia: Scilicet cuiusvis rei *essentia* est id, per quod res præcise hæc res est, & non alia, sive per quod res ab omnibus aliis rebus, simul existentibus, potest internosci.

EXEMPL. E. gr. Considera hominem, ut hominem. Homo habet hoc commune cum innumeris aliis rebus, quod existat. Sed per hoc homo præcise est *homo*, quod sit rationalis; & per hoc homo ab omnibus aliis rebus, cum quibus aliis optime convenit, accurate discernitur. Rationalitas itaque est essentia hominis. Considera creaturam ut *creaturam*. Per hoc præcise creatura est creatura; quod sit limitata, & per limitationem creatura a creatore internoscitur; ut adeo, limitationem constituere essentiam creaturæ, non difficulter intelligas. Considera denique *invidum*, ut invidum. *Invidus* per hoc præcise est invidus, quod aliorum ob felicitatem doleat, ut adeo essentiam *invidiæ* absolvi videas dolore ob aliorum felicitatem. Essentia rei, sive id, (ut verbis scholasticorum utar;) per quod res est id, quod est; dicitur alias *natura rei*, *ratio formalis*, *item forma*, & *quidditas*, quia per essentiam declaratur, non quod res sit, *quid* res sit.

SCHOL. Verum definitio essentiæ cum recentiorum definitione optime convenit. Ita vero illi: *Essentia* est id, quod primo in re concipitur, & per quod res ab omnibus aliis rebus distinguitur:

Huic definitioni perquam similis est *Wolffiana* ; *Wolffius* enim in *Ontolog. Lat. p. 137. §. 168. essentiam* definit per id, quod primum de ente concipitur, & in quo ratio continetur sufficiens, cur cætera, vel actu insint, vel inesse possint. Ea autem, quibus essentia constat, dicuntur *essentialia*.

§. 67. *Ex his intelligi potest, entis, qua ens est, essentiam esse possibilitatem ejus intrinsecam.*

*Demonstr.* Cum ens generatim & abstracte spectatum, per hoc præcise sit ens, quod sit possibile (§. 56.) & per possibilitatem a non-ente distinguitur (§. 62.) id autem, per quod res aliqua præcise hæc res est, & non alia, & per quod ab aliis rebus distinguitur, dicatur rei *essentia* (§. 66.) evidens est, possibilitatem entis intrinsecam absolvere ejusdem essentiam.

Poterat hoc theorema ita quoque demonstrari. Cum essentia sit id, quod primum in re concipitur (§. 66. not. 2.) nihil autem prius in ente, qua ens est, concipi possit, quam ejusdem possibilitas, (ultra possibilitatem enim cogitando progredi non possumus, id quod per se patet,) palam est, entis, generatim spectati, essentiam absolvi possibilitate intrinseca.

NOT. Hanc propositionem, scio, impugnata recentius a nonnullis, ab aliis vero defensam esse. At, quisquis demum fueris, neges, per melicet, hanc positionem. Dic ergo, in quonam essentiam entis in genere constitues? Num in existentia? Sed ita existentiam, & essentiam non discernis. Quæ tamen a se invicem discerni debent. Ergo, cum præter existentiam & possibilitatem, in ente quatenus ens est, cogitare & discernere nil possumus, relinquitur, ut, essentiam entis in possibilitate ejusdem consistere, ajamus.

NOT. Quemadmodum vero entis, generatim spectati, essentia possibilitas ejusdem intrinseca est, ita speciatim rei ejusdem essentiam intelligere qui  
cen:



considerandus est, si modum, quo quæque res fieri potest, perspicit. E. gr. creatura per *limitationem* non nisi possibilis est, homo item alio modo ad existentiam pervenire non potest, quam per rationalitatem. Limitatio itaque & rationalitas sunt creaturæ & hominis essentia.

§. 68. *Hinc perspicuum est, quodlibet ens sua gaudere essentia.*

*Demonstr.* Ponas enim, dari ens, quod careat sua essentia, ergo dabitur ens, quod destituatur eo, per quod ens est ens, quodque adeo careat possibilitate interna (§. 67.). Ens vero, quod caret possibilitate interna, est ens, & non ens. Ens est, (*per hypothesim*) non est ens, quia caret possibilitate (§. 62.) Cum vero impossibile sit, ut aliquid simul sit ens & non ens (§. 22.) intelligitur, impossibile quoque esse, ut aliquid sit ens, & tamen sua careat essentia. Quodlibet ergo entium, sua gaudeat essentia, necesse est.

SCHOL. Potest vero unum idemque ens diversis sub respectibus considerari. Qui diversi respectus quoque essentiam diversam in uno eodemque ente inferunt. Sumas e. gr. *hominem*. Poteris ipsum considerare, ut animal, quo respectu peculiarem habet essentiam: poteris ipsum considerare ut hominem, qua ratione aliam rursus habet essentiam. Poteris porro ipsum tibi repræsentare, ut *creaturam*, & sic nova adsit essentia, necesse est: poteris denique ipsum tibi sistere, ut *ens*, quo respectu non eam habet essentiam, quam habet ut homo, ut animal, ut creatura, &c. Hæc vel ideo monenda hic putavi, quia complures, artis abstrahendi & discernendi quæque insueti, confundunt non confundenda. Sic, cum Wolfium audiunt affirmare, quod entis essentia sit ejusdem possibilitas, oppido instant: Atqui vero homo est ens. E. hominis essentia est possibilitas: At fallacia compositionis est manifesta. Hominis, ut *catis* consi-

derati, essentia est quidem possibilitas intrinseca; at hominis, essentia est rationalitas. Homo enim non sit homo per possibilitatem, sed per rationalitatem.

§. 69. *Nullum ens potest essentia sua privari.*

*Demonstr.* Fac, ens aliquod essentia sua posse privari tunc privabitur possibilitate sua intrinseca (§. 67.) Atque ita ens cessabit esse possibile. Si vero ens cessat esse possibile, fiet impossibile. Quod cum fieri nequeat, (§. 22.) intelligitur, nullum ens posse privari sua essentia.

§. 70. *Ex dictis colligi potest essentiam entis posse esse sine entis existentia, quamvis existentia entis non possit esse sine ejusdem essentia.*

*Demonstr.* Cum enim possibilitas entis intrinseca entis essentiam constituat; (§. 67.) ens autem possit gaudere sua possibilitate, quamvis non existat, (a posse enim ad esse non valet consequentia) (§. 54.) manifestum est, entis essentiam posse esse sine ejusdem existentia.

THEOR. Quia vero nihil existere potest, nisi quod sit possibile (§. 52.) possibilitas autem cujusvis entis essentiam constituit (§. 67.) evidens rursus est, quod nullum ens existere possit sine ejusdem essentia.

NOT. Hoc theorema specialioribus exemplis illustrabo in scholiis.

§. 71. *Essentia entis est absolute necessaria.*

*Demonstr.* Si verum est, entis essentiam esse possibilitatem intrinsecam, consequens est, ut essentia entis sit absolute necessaria. Jam vero prius est (§. 67.) E. etiam posterius. *Connexio majoris propos.* facillime probatur. Cum enim possibilitas oppositum sit impossibilitas, intelligis, possibilitatis oppositum tum involvere contradictionem. (§. 42.) Cujuscumque vero oppositum involvit contradictionem, illud est absolute necessarium per defin. necessar.) E. possibilitas entis est absoluta.

*solute necessaria*. E. si essentia entis absolvitur ejusdem possibilitate (§. 67.), essentia entis erit absolute necessaria.

NOT. Poteras hanc propositionem, verissimam profecto & multarum conclusionum feracissimam, ita quoque stabilire. Ens, dum est possibile, & quatenus est possibile necessario est possibile. Non enim potest simul esse impossibile, *per princ. contrad.* §. 52.) At fac, ens, dum est possibile, esse etiam impossibile, tunc non foret ens, (per def. §. 56. traditam) si itaque entis possibilitas est necessaria, & possibilitas entis absolvit ejusdem essentiam (§. 76.) consequens est, ut essentiam entis sit necessaria.

EXEMPL. Clarius veritas hujus thesios perspicitur, si casu aliquo specialiori eandem illustraverimus. E. gr. Triangulum nullo alio modo possibile est, quam ut tribus lateribus constet. Essentiam itaque trianguli constituunt tria latera certo modo inter se combinata. Necessarium itaque est, ut omne triangulum tria habeat latera, sive, quod idem est, essentia trianguli est necessaria. *Creatura* nullo alio modo possibilis est, nisi per *limitationem*, adeoque limitatio est essentia creature, & necessarium est, ut creatura semper sit limitata. Sed dicis: Triangulum poterat, si Deus ita voluisset, quatuor habere latera. *Resp.* Tunc non esset amplius triangulum, sed aliud quid. Porro excipis: Poteratne quoque creatura esse sine limitatione? Respondeo: Tunc non esset amplius creatura, sed ens illimitatum.

NOT. Caveas vero, a necessitate essentiarum ad necessitatem existentie cum *Vener. Langio in clara annot. p. 12. & 39.* concludas, ac cum eo statuas, ex necessitate essentiarum adstructa fatum Stoicum, & Spinozianum fluere. Non enim sequitur. Circulus, quando existere, debet, necessario debet existere per rotunditatem. E. existentia circuli est necessaria. Non sequitur, creatura neces-

fario per limitationem existit, & alio modo existere non potest. E. creatura necessario existit. Confutavit tamen semetipsum vir S. R. in *clara explicatione*. Recension: n. 117. ubi concedit ultro, quod essentia alicujus rei aliter esse non possit, quam uti est.

§. 72. *Consequitur hinc, essentiam tam entis in genere, quam rerum quarumvis, esse immutabilem.*

*Demonstr.* Cum enim essentia entis sit necessaria, (§. 71.) id autem, quod necessarium est, ejusmodi sit, ut oppositum ejus involvat contradictionem, (per defn.) sive, ut aliter esse non possit; consequens est, ut essentiae rerum sint immutabiles. *Immutabile* enim dicitur illud, quod aliter esse non potest.

SCHOL. Ne Deus quidem easdem mutare potest. Non enim potest potentissimum Numen efficere, ut circulus sit circulus, & tamen simul quadratus; non potest efficere, ut creatura sit maneatque creatura, & tamen illimitata. Entia quidem, qua existentia, mutare potest, e. gr. aquam in vinum, manent tamen essentiae rerum, in mera possibilitate consideratae immutabiles. Eadem ratione potes circulum, in tabula pictum, in quadratum, vel triangulum commutare, essentia tamen circuli, generatim considerati, manet semper immutabilis.

§. 73. *Essentia entis est aeterna.*

*Demonstr.* Cum enim tempus nullum detur, quo coeperit ens esse possibile, nullumque tempus futurum sit, quo desinet ens esse possibile, alias aliquando id, quod nunc est possibile, fuisset impossibile, aut futurum in posterum esset impossibile, quod est contra princip. contradict. (§. 22.) facile intelligis, ens, qua possibilitatem suam, esse aeternum. (per def. aetern.) Cum vero possibilitas entis essentiam constituat. (§. 67.) exinde consequitur, entis essentiam esse aeternam.

SCHOL. Non eo sensu accipi volumus hanc propositionem.

tionem, ac si res cum sui essentiis ab æterno existerint, ut in æternum existituræ sint. Sed sensus hic est: Deus omnium rerum essentias ab æterno sibi intellectu suo immenso repræsentavit, & si res, quæ nunc existunt, ab æterno existissent, non alio modo possibiles fuissent. Accipe, ut abstractam regulam clarius intelligas, exemplum perquam perspicuum. Circulum Deus ab æterno sibi non alio modo repræsentare potuit, quam rotundum. Quidni, inquires, quadratum? Sic non circulum sibi repræsentasset. Et circulus ab æterno non alia ratione possibilis fuit, quam per rotunditatem. Præclare hanc in rem "Clericus in Ontolog., Cap. IV. Essentias rerum, *inquit*, qui æternas & immutabiles dicunt, id volunt, per quod ens est id, quod est, seu ipsum ens non posse a nobis intelligi, esse aliud ens, & simul idem. Itaque si Deus ab omni æternitate habuerit ideas entium nunc existentium, qualia sunt, illas necessario easdem fuisse, ac nunc sunt. Alioqui non fuissent ideæ eorum entium, si diversa esse potuerunt, nisi mutarentur species entium. Quis autem hoc negare, sustineat, si nulla perturbatione laboret, & ex animi sententia loquatur. Conf. Kindleri disput. de æternitate essentiarum sub præsid. Magnif. Schroederi VVitembergæ habita." 1727. Ubi simul argumenta Cl. VVucherrei, contra essentiarum æternitatem formata, sunt examinata & confutata.

§. 74. *Essentia est incommunicabilis.*

*Demonstr.* Ponamus essentiam ~ A, posse tribui & communicari ~ B, tunc A, privaretur sua essentia. Cum vero nullum ens sua essentia possit privari, (§. 69.) perspicuum est, essentias rerum esse incommunicabiles.

THEOR. Poterat hæc propositio ita quoque demonstrari. Si essentiæ rerum sunt immutabiles: consequens est, ut etiam sint incommunicabiles, (facta enim communicatione, adesset mutatio.)

Atqui

Atqui prius est verum, (§. 72.) E. etiam posterius, quod essentia rerum sint incommunicabiles.

NOT. Ex hoc theoremate potest facile decidi quaestio illa controversa, num possit fieri, ut Deus corpori facultatem & vim cogitandi tribuat? Hic respondemus negando. Si enim corpus cogitandi vi gauderet, tunc essentia spiritus, quae absolvitur vi cogitandi, corpori communicaretur, adeoque corpus esset corpus, (per hypotesin,) & tamen simul etiam spiritus, quia essentia spiritus gauderet. Quod est contra princ. contradictionis.

§. 85. *Ex his constare nunc potest, essentiam cuiusvis rei nec minui, nec augeri posse.*

*Demonstr.* Cum enim essentia rei cuiusvis sit immutabilis, (§. 72.) intelligis, eam nec minui, nec augeri posse. Si enim minueretur, mutaretur, si augeretur, itidem mutaretur.

Atque hoc sensu essentiae dicuntur esse, sicut numeri. Sic e. gr. numero ternario nihil addi, & nihil demi potest, salvo numero ternario. Si enim quid addideris, non amplius est numerus ternarius, si aliquid demseris, itidem cessat esse numerus ternarius.

## C A P U T VII.

### *De Generalibus Entis Affectionibus;*

#### §. 76.

**E**Xposita in antecedentibus & notione entis, & essentia, ad affectiones entis generaliores explicandas nunc nos accingimus. Per *affectiones* autem entis intelligimus quaevis ipsius praedicata, quorum ratio vel in essentia sola, vel extra eandem continetur.

EXEMPL. E. gr. libertatis capacitas est affectio hominis: Est enim ejusmodi praedicatum: quod de homi-

homine enunciatur, ut ex essentia hominis, scilicet rationalitate, immediate fluat. Eruditionum esse, est itidem affectio hominis, quæ vero non ex essentia hominis ortum suum ducit.

§. 77. Ejusmodi affectio, quæ suam rationem sufficientem agnoscit in sola essentia, sive ejusmodi modi prædicatum, quod ex essentia sola fluit, dicitur *attributum (consecutivum)*.

EXEMPL. E. gr. Tò posse esse eruditum, est attributum hominis, fluit enim ex essentia hominis, nempe rationalitate. Quia attributa ex essentia rei consequuntur, manifesta est ratio, cur veteres attributum vocent *essentiale consecutivum*. Ipsam autem essentiam, & ea, quibus essentia continetur, vocant *essentiale constitutivum*.

§. 78. Posita itaque rei essentia ponuntur quoque rei attributa.

*Demonstr.* Cum enim in essentia ratio attributorum contineatur, (§. 77.) consequens est, ut, posita essentia, ponantur quoque attributa. Posita enim rei alicujus ratione sufficiente, ipsam rem poni, ex superioribus constat. Sive, ut veteres ajunt, posita causa, ponitur effectus.

§. 79. Hinc attributa entis ab ejusdem essentia separari non posse intelligis.

*Demonstr.* Ponamus, attributa ab essentia sejungi posse, tunc fieri posset, ut attributa, aut sine ratione essent, aut ratio eorumdem non contineretur in essentia sola.

Si sine ratione essent, corrueret principium rationis sufficientis. (§. 34.) Si ratio illorum non contineretur in sola essentia, essent attributa (*per hypothesin*) & non essent attributa. (*per def. §. 77. traditam*) Cum vero fieri nequeat, aut aliquid simul sit, & non sit, (§. 22.) fieri quoque non posse, intelligitur, ut attributa entis ab ejusdem essentia sejungantur.

§. 80. Attributa entis sunt necessaria.

*Demonstr.* Cum enim attributa sint ejusmodi,  
ut

ut ab essentia sejungi non possint, (§. 79.) essentia autem entis sit necessaria, (§. 71.) consequens est, ut attributa quoque sint necessaria.

EXEMPL. Fieri e. gr. non potest, ut, quamdiu homo est homo, adeoque gaudet rationalitate, tandiu careat docilitate. Necessaria itaque in homine est docilitas, tamquam attributum, ex essentia hominis fluens.

§. 81. Ex quo porro patescit, attributa, ex entis essentia resultantia, pariter, ac ipsas essentias, esse æterna, immutabilia, incommunicabilia, omnique augmenti, & diminutionis incapacia. (conf. §. 72. seqq.)

§. 82. Attributis opponimus *modos sive accidentia*. Est autem *modus sive accidens* nihil aliud, quam ejusmodi affectio, cujus ratio sufficiens extra essentiam in entibus aliis continetur.

EXEMPL. E. gr. Eruditio est *modus sive accidens* hominis. Eruditio enim fluit ex essentia hominis.

§. 83. *Hinc consequitur, modos a re, cujus sunt modi, posse separari.*

*Demonstr.* Cum enim id omne, quod rationem sui sufficientem non habet in rei essentia, ab eadem separari possit, (§. 79.) modi autem rationem sui sufficientem non agnoscant in rei essentia, (§. 82.) evidens est, modos posse a re separari.

EXEMPL. Sic e. gr. *eruditio* potest ab homine separari, & nihilominus homo manet homo. Modos dicebant veteres scholastici *accidentia prædicabilia*, quia apta sunt, ut prædicentur sive enuncientur de subjectis suis. Hæc itaque accidentia prædicabilia definiebant recte per ea, quæ possunt adesse, & abesse sine subjecti interitu. Accidentia autem prædicabilia distinguebant ab accidentibus prædicamentalibus. Accidens scilicet prædicabile contra distinguebant proprio sive attributo, quod necessario, & constanter rei inest. Accidens autem

præ-



prædicamentale opponerebant substantiæ , & sub accidenti prædicamentali complectebantur tum propria , tum accidentia stricte sic dicta , sive prædicabilia . Quam quidem distinctionem , vel ignorasse , vel in disputandi fervore non satis attendisse videtur Flacius , qui , in celebri illa satisque nota disputatione , cum Victorino Strigelio instituta , peccatum originis ipsam esse hominis substantiam , contendebat . De quo plura in scholis nostris .

§. 84. Quandoquidem itaque modi a re , cujus sunt modi , sejungi possunt , ( §. 83. ) perspicuum est , modos cujusvis rei esse mutabiles , & contingentes .

§. 85. *Quamvis vero modi , qua actualitatem suam , & existentiam , non ex essentia rei fluant , ( §. 82. ) possibilitates tamen modorum rationem sui sufficientem in essentia agnoscant , necesse est .*

*Demonstr.* Cur modi inesse possint , debet adesse ratio ( §. 32. ) Illa ratio aut in essentia rei , cui modi inesse possunt , querenda est , aut in attributis rei , aut in modis . Quia plura in re quampiam non dantur . Si dicis : ratio est in modis ipsis , rei jam inexistentibus , querenda , tunc ex existentia modorum concipi debet , cur modi inesse possint , ( §. 31. ) adeoque , quia fuit possibilitas hac ratione ex existentia , existentia prior erit , quam possibilitas . Cum vero existentia omnis supponat jam possibilitatem , ( §. 32. ) facile intelligis , existentiam modorum non esse priorem , quam possibilitatem eorundem , adeoque , quod modi rei inesse possint , non concipi potest ex eorundem actualitate . Si dicis : Ratio sufficiens , cur modi inesse possint , latet in attributis , tunc conceditur hoc ipso , rationem sufficientem , cur modi inesse possint , latere in essentia , quia attributa sui rationem sufficientem habent in essentia ( §. 77. ) Relinquitur ergo nihil aliud , quam ut statuamus , modorum possibilitatem , vel proxime ; vel remote ,  
iq.

intervenientibus attributis , ex essentia rei cuiusvis fluere .

EXEMPL. E. gr. Eruditio , tanquam modus , & accidens hominis , non fluit , qua actualitatem suam ; & essentia hominis , quod vero homo possit esse eruditus , id dependet ab ipsius essentia . Solicite profecto actualitas , & possibilitas modorum sunt distinguendæ , maxime cum hæc in intricata illa controversia ; *num malum ex essentia creaturæ suat* , multo usui sint futura , uti id infra in Theologia naturali patefcet .

NOT. Ex his patet nunc ; quid sit dispositio naturalis . Quatenus scilicet ens ad modos admittendos aptum est per essentiam ; eatenus ipsi *dispositionem naturalem* ad illum modum , quem recipere potest , tribuimus . Homo , exempl. grat. gaudet dispositione naturali ad eruditionem recipiendam , quia eruditionem ; tanquam modum , homo per essentiam recipere potest .

§. 68. *Possibilitates itaque modorum loco attributorum esse habendas , ex his nunc cumulatissime intelligi potest :*

*Demonstr.* Cum enim possibilitates modorum in ipsa essentia fundatæ sint , (§. 85.) id autem , quod in essentia rei cuiusdam fundatum est , sive quod ex essentia rei resultat , attributi loco recte habeatur , (§. 77.) consequens est ; ut possibilitates modorum attributorum loco sint habendæ .

EXEMPL. E. gr. Possè calidum esse , est attributum lapidis , quamvis calor actualis sit inter modos lapidis referendus ,

§. 87. *Possibilitates itaque modorum sunt necessariae , & immutabiles .*

*Demonstr.* Cum enim attributa rei sint necessaria , & immutabilia , (§. 80. 81.) possibilitates autem modorum loco attributorum sint habendæ , (§. 86.) consequens est ; ut possibilitates modorum sint necessariae , & immutabiles .

EXEMPL. Quamdiu e. gr. homo , est homo , &

rationalitate gaudet, tamdiu quoque necessarium est, ipsum posse fieri doctum.

§. 88. Ex his optime nunc poterit judicari, quid sit *entis unitas*: Complexus scilicet eorum omnium, per quæ ens aliquod præcise hoc ens est, & non aliud, constituit entis cujusvis *unitatem*.

EXEMPL. Considera e. gr. hunc librum, quem coram intueris: Hic liber constat ex variis determinationibus, quæ efficiunt, ut liber hic præcise hic liber sit, & non alius: Atque universus ille complexus variorum, hunc potissimum librum constituentium, efficit id, quod unitatem libri dicitur.

§. 89. *Unitatem itaque in complexu totaque comprehensione eorum, quæ essentiam rei constituunt, cum eademque immediate & necessario connexa sunt, consistere, ex demonstratis fit manifestum.*

*Demonstr.* Cum enim unitas entis consistat in complexu eorum, per quæ ens præcise hoc ens est, & non aliud (§. 88.) per essentiam autem, sive ea, quæ essentiam constituunt, adeoque etiam per attributa, cum essentia immediate & necessario connexa, (§. 77.) res aliqua præcise hæc res sit; & non alia (§. 66.) intelligitur, recte affirmari, cujusque rei unitatem in comprehensione eorum, quæ essentiam constituunt, cum eademque immediate, & necessario sunt connexa, consistere.

SCHOL. Hinc est, ut Thumingius *unitatem* definiat per inseparabilitatem eorum, per quæ ens in esse suo determinatur. *Conf. Institut. Philos. VVolffiana p. 47.*

§ 90. *Omne ens est unum.*

*Demonstr.* Cum enim omne ens habeat suam essentiam (§. 68.) adeoque etiam attributa, ex essentia necessario fluentia (§. 77.) in complexu autem seu comprehensione illorum, quæ essentiam entis constituunt, cum eademque, tanquam attribu-

ta, necessario sunt connexa, consistat *unitas* (88.) palam est, omne ens debere esse unum.

SCHOL. Unitatem, de qua nunc loquimur, vocabant veteres *metaphysicam transcendentalem*, & *absolutam*, referebantque illam inter affectiones entis simplicia, qua simpliciter, & sine oppositorum disiunctione cum ente reciprocari possunt. Distinguebatur præterea unum metaphysicum ab *uno numerico*. *Unum numericum*, sive *exclusivum*, vocabant, quod negationem plurium infert. Unum vero *absolute* suntum, & *transcendentale* appellabant id, quod essentiam indivisam, ac minime multiplicem habet. *Unitatem* vero constituiebant in essentia indivisione. Ex his *Hebenstr. phil. prim. p. 498.* nostrum theorema: *omne ens est unum*, ita demonstrat: „Si non, *inquit*, omne ens esset unum, „ seu non haberet essentiam indivisam, tunc non „ esset ens, sed entia, cum diversa essentia argueretur multitudinem, aut minimam qualitatem essentiarum, multiplicata autem essentia, quippe quæ est formale entis, multiplicetur ipsum ens, necesse est.

SCHOL. Unum autem metaphysicum multiplex est: (a) est vel *indivisum* ita, ut non sit actu divisum, interim tamen dividi possit. E. gr. pomum est indivisum, dividi tamen potest. Vel est ita *indivisum*, ut nec actu sit divisum, nec dividi possit. Quod dicimus indivisibile. E. gr. *Deus*. (b) *Unum est* vel *unum per se*, vel *unum per accidens*.

Illud dicitur, quod, si ex partibus pluribus coagmentatum est, ex ejusmodi partibus est conflatum, quæ a natura per se ac primo ad id ordinatæ sunt, ut ad tale quid constituendum uniantur. E. gr. Homo est unum per se. Unum vero per *accidens*, quod etiam vocant *unum per meram aggregationem*, dicitur a veteribus, quod includit plura entia, quæ nullum inter se ordinem servant, nullamque unionem habent, sed aggregantur saltem. E. gr. *aceruus frumenti*.

§. 91. Cæterum observes, omnia attributa rei cujusdam, ex essentia oriunda, (§. 77.) omnesque omnino modos, rei alicui inexistentes, generali nomine *adjunctorum* designari. Ut adeo, adjunctum & affectionem unum fere idemque esse, pateat. (conf. §. 76.) Res autem illa quæ essentia & attributis gaudet, modorumque capax est, dicitur *subjectum*.

NOT. Attributa, quæ rei necessario & constanter insunt, vocant veteres *adjuncta propria*, modos autem, qui possunt a re, cui insunt, sejungi, dicunt *adjuncta communia*. Subjectum, cui insunt adjuncta, vocant alias *subjectum metaphysicum*, item *subjectum inhesionis*. Ideo autem dicitur res illa, cui insunt attributa & accidentia, subjectum metaphysicum, ut distinguatur a subjecto logico sive prædicationis, de quo actum est in Logica, §. 191.

## CAPUT VIII.

*De eo, quod idem est, ac Diversum.*

## §. 92.

**E** Volutis hætenus generalioribus entis, essentia, attributorum, & modorum denique notionibus, nunc ad peculiare quasdam entis proprietates explanandas nos accingemus.

§. 93. Si res quascumque inter se comparaverimus, tunc vel easdem, vel diversas, vel similes, vel dissimiles esse, reperiemus.

§. 94. *Eadem* dicuntur, quæ sibi mutuo possunt substitui, ita ut facta substitutione, nulla adsit, mutatio, sive A, & B, dicuntur eatenus *eadem* quatenus, quod est in A, id quoque in B, reperitur. Si omne id, quod est in A, quoque comprehenditur in B, tunc A, & B, dicuntur *absolute eadem*. Si vero A, continet tantummodo

*Baum. Metaph.*

E

ali-

aliquid, quod est in B, tunc A, & B, dicuntur *respective eadem*.

EXEMPL. E. gr. *Bis duo*, & *quatuor* sunt eadem. Si quatuor grossos expenderis, & substitueris in eorundem locum duos grossos, bis sumtos, nullam mutationem in marsupio tuo deprehendis. Eadem absolute talia non existere, evincet infra principium indiscernibilium. Eadem autem *respective* talia, & dari possunt, & dantur. E. gr. Homo, & brutum sunt *respective eadem*. Homo enim vivit, & sentit, adeoque brutum continet quid, quod est in homine, & hoc respectu homo, & brutum sunt eadem.

§. 95. Affectio illa, qua entia sunt eadem. (§. 54.) dicitur barbaro, sed recepto tamen, vocabulo *identitas*.

NOT. Sic in Cajo, & Titio deprehendi *identitatem*, quatenus Cajus, & Titius \*) vivunt & sentiunt, B) rationalitate gaudent.

§. 96. *Idem numero*, quod vocatur quoque *idem ipsum*, est, quod bis existere, adeoque numerari non potest, quoque ideo de se ipso tantum dici potest.

EXEMPL. Si e. gr. monetam quandam pretiosioremi tibi mutuam dederis, & tu *eandem ipsam* individuum monetam, quam tecum communicavi, post aliquod temporis spatium, mihi reddideris, tunc *eandem numero* mihi reddere diceris. Quodlibet individuum, quia de se tantum, nec de alio dici potest, est *idem numero*. In Theologicis dicuntur tres personæ habere eandem numero essentiam, & naturam, quia Pater eam ipsam individuum naturam possidet, quam Filius & Spiritus Sanctus.

§. 97. Convenientia autem plurium individuorum in conceptu illorum specifico constituit *identitatem eorum specificam*.

EXEMPL. E. gr. *Cajus*, *Titius*, *Sempronius*, non sunt quidem iidem numero, sed sunt tamen iidem specie, quia, & Cajus, & Titius, & Sempronius, in eo

in eo conveniunt, quod sint *homines*. Si vero plures species in aliquo conceptu inter se conveniunt, tunc illa plurium specierum convenientia in conceptu illarum generico dicitur *identitas generica*. E. gr. Anima, angeli, Deus, in eo conveniunt, quod sint spiritus, ergo animæ, angeli, Deus, sunt iidem genere.

NOT. In rebus divinis distinguere adhuc solemus *essentialem identitatem* ab *identitate personali*. E. gr. Pater, & Filius sunt idem *essentialiter*, sed Filius Dei, & Dei verbum, & Christus est idem *personaliter*.

§. 98. *Diversa sunt*, quorum unum continet aliquid, quod non est in altero, sive, quorum substitutio mutationem producit.

EXEM. Sic si in bibliotheca in locum libralicujus in folio substitueris librum in 8vo, tunc, substitutione facta, magnam observabis mutationem, cum quod deprehendebas in libro formæ maximæ, non itidem videas in libro minoris formæ. Adeoque hos duos libros diversos esse, ultro fateberis.

§. 99. *Diversa numero* sunt, quorum unum de altero affirmari nequit, seu quorum unum quoque propriam sibi habet existentiam.

EXEM. E. gr. Si Cajum, & Paulum, ut duas personas, consideraveris, videbis, Cajum non dici posse Paulum, & Paulum non posse dici Cajum. Quo ipso intelligis, Cajum esse a Paulo, & Paulum a Cajo diversum, & quidem numero.

§. 100. *Diversa specie* fiunt, quæ in conceptu generico non conveniunt.

EXEMPL. E. gr. Homo & lapis sunt diversa specie, cum non sub uno genere contineantur. Homo enim cum vivat & sentiat, est animal, id quod de lapide dici nequit. Quæ diversa sunt specie, dicuntur habere *disinctionem essentialem*. Sic essentialiter differunt spiritus, & corpus, propterea, quod habent essentiam, specie diversam.

§. 101. Expofitis nunc, & declaratis fufficienter *ejusdem*; & *diverfi* notionibus, facile nunc erit intellectu, quid fint *fmilia*, quid *diffmilia*.

§. 102. *Nota characteristica* dicitur id, ex quo res cognofcitur, & a reliquis diftinguitur.

EXEMPL. Sic. e. gr. *latratus* eft nota, characteristica canis, cum per id, quod latret canis, ab aliis rebus foleat internofci,

§. 103. Quæ eafdem habent notas characterifticas, dicantur *fmilia*, quæ vero diverfas habent notas characterifticas, appellamus *diffmilia*. Si notæ characterifticæ omnes eadem fint, adest *fmilitudo absoluta talis*. Si verò tantum quædam notæ fuerint eadem, adest *fmilitudo refpective talis*.

EXEMPL. E. gr. Cajus, Titius, Sempronius, in hoc fimiles funt, quod fint *homines*. Habent enim eafdem notas characterifticas; fcilicet Cajus anima rationali, cum corpore organico connexa gaudet, item Titius, & Sempronius. Cajus vero, Titius, & Sempronius in quibusdam funt diffmiles, cum in Cajo, ut individuo confiderato, obferves notas, quibus ipfe a Titio, & Sempronio difcernitur, quæque adeo in Titio, & Sempronio non reperiuntur.

VVolfius *fmilia* dicit in *Ontologia Lat. p. 160.* effe ea, in quibus ea eadem funt, per quæ a fe invicem difcerni debebant.

§. 104. Ut autem notio *fmilitudinis*, & *diffmilitudinis*, *equalitatis*, item & *inequalitatis* diftinctius evolvatur, infimulque, quomodo a fimilibus æqualia differunt, rectius perfpiciatur, opus eft, ut hic, quid fit *qualitas*, & *quantitas*, exponamus. Sipe his enim notionibus doctrina de fimilibus, & æqualibus vix explicari poteft.

§. 105. *Qualitatem* dicimus determinationem rei internam, quæ fine alio affumto intelligi poteft.

SCHOL. Per determinationem autem rei internam intelligo id omne, quod rei ineft, quodque



que efficit, ut res præcise hæc res sit, & non alia. Ad qualitates itaque referimus omnia attributa, quæ rei constanter insunt, (§. 77. 81.) item omnes modos, & accidentia, quæ rei tantum ad tempus insunt. (§. 83.) Attributa vocat *Vol-  
fius in Ontolog. Lat.* §. 160 & 461. *qualitates deri-  
vativas*. Qualitas autem dividitur in *physicam*, & *mora-  
lem*. *Moralis* deprehenditur in actionibus ho-  
minum liberis, exempl. gr. bonitas actionum. *Phy-  
sica* in aliis rebus naturalibus consideratur.

SCHOL. Ut vero definitio qualitatis nemini non perspicua sit, sequentia observari volo. Si e. gr. dulcedo cibi est qualitas cibi. Est enim dulcedo considerata, tanquam quid intrinsecum cibo, adeoque cum dulcedo præcise hunc cibum consti-  
tuat, & non alium, patet, dulcedinem esse (α) determinationem cibi intrinsecam (β). Dulcedo ci-  
bi intelligi potest sine alio assumpto cibo, i. e. si alteri dixeris, te cibum dulcem tecum summis-  
se intelliget, qualis ille sit, idque sine alio dato ci-  
bo, vel potu, ad quem eibus gustatus referri de-  
beat.

SCHOL. *Qualitatem* definiebant veteres per ejus-  
modi accidens, a quo substantia denominatur  
*qualis*, Conf. *Velthemii Metaphysic.* p. 1810. item  
*Scharfi Log.* p. 171 Sed quis non videt, hanc  
definitionem idem per idem explicare? Quas de-  
finitiones evitandas esse, monuimus in *Logic.* §.  
163.

§. 106. *Ex his vides, qualitates referri posse in-  
ter notas rei characteristicas.*

*Demonstr.* Cum enim qualitates sint determina-  
tiones rei intrinsecæ (§. 105.) determinationes  
autem rei intrinsecæ efficiant, ut præcise res ali-  
qua hæc res sit, & non alia, (per defin.) mani-  
festum est, qualitates efficere, ut res aliqua præ-  
cise hæc res sit & non alia. Si efficiunt quali-  
tates, ut res aliqua præcise hæc res sit, & non  
alia, intelligitur, per qualitates alteram rem ab

altera internosci. Cum vero id, quod rem alteram ab altera dignoscit, ejus rei, quam ab altera internoscit, sit *nota characteristica*, (§. 102.) perspicuum est, qualitates referri posse inter notas rei characteristicas.

§. 107. Quæcumque itaque easdem habent qualitates, easdem quoque habent notas characteristicas; ubi vero diversæ adfunt qualitates, ibi diversas quoque notas characteristicas locum habere intelligitur.

§. 108. *Quantitatem* definimus per multitudinem eorum, quæ rem constituunt. Ut adeo, ubi determinata multitudo locum habet, ibi locum habere quantitas recte dicatur. *Multitudo* autem constat ex unitatibus junctis.

SCHOL. VVolvius *quantitatem* definit per determinationem rei intrinsecam, quæ tantum dari, sine alio autem assumpto intelligi nequit. Dari autem *posse* dicitur, cujus notionem habere nequis, nisi ubi idem actu præsens intuearis. Notionem adeo absentis excitare non potes, nisi id retuleris ad aliud homogeneum præsens, sive datum. Si exempli grat. ex me quæsiveris, quanta fuerit dulcedo cibi, quem sumpsi, tunc distincte explicare nunquam potero, quanta fuerit dulcedo cibi, nisi alia quanta assumero, ad quæ, tamquam ad mensuras, dulcedinis quantitatem exigam. Quære ex Titio, quantus fuerit Colossus, sive statua Colossæa? Distinctam quantitatis notionem non suppeditabit, nec intelliges unquam, quanta hæc statua fuerit, nisi assumeris aliud quantum, ad quod Colossi quantitatem exigas. Si vero res, cujus quantitatem vis explorare, præsens est, tunc intueri tantum rem, & distinctam quantitatis ideam acquires.

SCHOL. Veteres quantitatem dividebant a ) in *quantitatem molis*, & *quantitatem virtutis*. Illam quam proprie quantitatem esse patet, dicebant extensionem substantiæ naturalis, exem. gr. quantitas

titas lapidis est quantitas molis. Hanc vocabant quamlibet perfectionem rei internam, sive cuiusque rei valorem, secundum quem cum alia re, tanquam cum mensura, comparabilis est. Sic, cum interrogo te, *quanta est sapientia Dei*; intelligis, me non loqui de quantitate molis, sed virtutis. *ß*) Quantitatem dividebant præterea in *continuum*, & *discretam*. Ad illam referebant lineam, superficiem, & corpus mathematicum, h. e. corpus, in longum, latum, & profundum extensum. Ad hanc referebant *numerum*, quam VVolfius in Ontol. Lat. p. 328. definit ita: *Numerus* est id, quod ad unitatem eam habet relationem, quam recta quædam data ad rectam datam aliam habere potest.

§. 109. *Quantitas non pertinet ad notas rei characteristicas.*

*Demonstr.* Cum enim res, seorsum considerata, non possit per quantitatem agnosci, & ab aliis rebus distingui, sed quantitas rei cognoscatur tantum in respectu ad aliam quantitatem, sive mensuram (§. 108.); nota autem rei characteristica dicatur id, ex quo res cognoscitur, & a reliquis distinguitur (§. 102.), manifestum hinc sit, quantitatem rei non pertinere ad ejusdem notas characteristicas,

(§. 110.) Quæ eandem habent quantitatem, dicuntur *aqualia*; quæ vero diversam, appellamus *inaqualia*. Ut adeo *aqualitas* in abstracto recte definiatur per identitatem quantitatis, & *inaqualitas* per quantitatis diversitatem.

Hinc veteres; *Maxime proprium est quantitativis, ut sint aequales, vel inaequales.*

§. 111. His expeditis, perfaciles nunc erunt intellectu positiones abstractæ, quas de identitate, & diversitate, de similitudine item, & dissimilitudine, & de æqualitate, atque inæqualitate nunc demonstraturi sumus.

§. 112. *Quæ in aliquo tertio conveniunt, illa eadem sunt, sive illa inter se conveniunt.*

*Demonstr.* Fac enim, A, & B, in aliquo tertio convenire, nec tamen eatenus esse eadem, tunc aliquid in A erit, quod non est in B. (§. 94.) Cum vero sumamus, A, & B, in tertio C, convenire, intelligis, debere eatenus, quatenus in C, conveniunt, esse A, & B, eadem. Alias non convenirent in tertio, quod est contra hypothesin.

EXEMPL. E. gr. Anima, & Deus inter se conveniunt, quatenus conveniunt in hoc tertio, quod Deus sit *spiritus*, & anima sit *spiritus*. Atheus, & stultus sunt iidem, quatenus, in hoc tertio conveniunt, quod Atheus contra rationem agat, & stultus etiam.

NOT. Hæc propositio habetur a philosophorum nonnullis pro vero, & legitimo fundamento, quo omnia nostra ratiocinia nituntur. Quotiescumque enim ratiocinamur, toties ita procedimus, ut alteram ideam, nempe subjectum conclusionis semel in præmissis, cum idea aliqua tertia jungamus & combinemus, & semel prædicatum conclusionis cum eadem tertia idea connectamus. Hinc concludimus, ipsum subjectum, & prædicatum conclusionis inter se convenire, quia conveniunt in idea aliqua tertia.

§. 113. *Quæcumque in iisdem rationem sui sufficientem agnoscunt, illa eatenus sunt eadem.*

*Demonstr.* Fac enim, A, non minus, quam B, in C, rationem sui sufficientem habere, tunc A, non minus, quam B, in hoc tertio conveniunt; quod in C, rationem sui sufficientem habeant. Quæcumque in aliquo tertio conveniunt, ea conveniunt inter se, sive illa sunt eadem (§. 122.) E. quæcumque rationem sui sufficientem in iisdem agnoscunt, illa conveniunt inter se, & eatenus sunt eadem.

EXEMP.

**EXEMPL.** Fac e. gr. Cajum duas conscripſiſſe diſputationes, quas quidem, non nego, poſſe in mutuis diſferre, eatenus tamen conveniunt inter ſe, & ſunt eadem, quatenus ad rationem ſufficientem, & cauſſam, a qua producta ſunt, reſpicitur.

§. 114. *Paret itaque ex his, ubicumque adſunt eadem eſſentia, ibi eadem eſſe attributa.*

*Demonſtr.* Cum enim ea eadem ſint, quæ in iſſdem rationem ſui ſufficientem habent (§. 113.), attributa autem ſint ejuſmodi affectiones, quarum ratio continetur in ſola eſſentia (§. 77.), patet, poſitis iſſdem eſſentiis, poni eadem attributa.

**EXEMPL.** E. gr. Cajus, & Titius eandem habent eſſentiam, rationalitatem ſcilicet. Unde ſequitur, ut Cajus æque, ac Titius gaudeant facultate libere agendi. Facultas enim libere agendi eſt attributum, ex rationalitate, tanquam hominis eſſentia immediate, & neceſſario proveniens.

§. 115. Unde neceſſaria confeſcutione conficitur, diverſitatem eſſentiarum gignere attributorum diverſitatem.

§. 116. *Quacumque habent eaſdem qualitates, illa ſunt ſimilia; quæ vero diverſas habent qualitates, ſunt diſſimilia.*

*Demonſtr.* Cum qualitates rei referantur inter notas ejuſdem characteriſticas (§. 106.), atque adeo, quæcumque eaſdem qualitates habent, eaſdem quoque habeant notas characteriſticas (§. 107.), intelligitur, ea, quæ eaſdem habent qualitates, eſſe ſimilia, & quæ diverſas, diſſimilia (§. 103.)

**NOT.** Hinc vides, cur veteres dixerint, *ſecundum qualitatem dicimur ſimiles, & diſſimiles*. E. gr. Demosthenes, & Cicero ſunt ſibi ſimiles ratione eloquentiæ, ovum eſt nivi ſimile ob albedinem, Cajus vero, & Titius ſunt ſibi diſſimiles ratione diligentæ, & eruditionis. Vides hic qualitarum identitatem & diverſitatem.

§. 117. *Quacumque habent eſſentiam eandem, eadem*

*dem item attributa, & modos eisdem, illa sunt similia.*

*Demonstr.* Cum enim essentia, attributa, modi-que qualitatum in numerum referantur (§. 105.), ea autem, quæ habent qualitates easdem, sint similia (§. 116.), patet, ea, quæ habent essentiam eandem, eadem item attributa, & modos eisdem, esse similia.

§. 118. Ubi cumque itaque essentialia sunt diversa, & modi sive accidentia diversa, ibi, patet, adesse dissimilitudinem.

§. 119. *Si duo eidem tertio sunt similia, ipsa quoque sibi similia esse debent.*

*Demonstr.* Fac, A, & B, similia esse tertio, quod C; vocabimus, tunc A, & B, ratione notarum characteristicarum, conveniunt, sive eadem erunt cum C. (§. 103.) Quæcumque eadem sunt, sive conveniunt in tertio quodam, illa inter se sunt eadem (§. 112.). Ergo si duo eidem tertio sunt similia, ipsa quoque sibi similia esse debent.

EXEMPL. E. gr. Silac, & ovum, ratione albedinis, similia sunt nivi, dubitari non potest, lac, & ovum sibi ipsis, ratione albedinis, esse similia.

§. 120. *Omnia entia, quæcumque tandem existant, sunt ita comparata, ut aliqua ex parte sint similia sibi.*

*Demonstr.* Cum omnia entia, quæcumque tandem extiterint, in eo conveniant, ut possibilitate gaudeant (§. 56.), possibilitas autem constituat entis essentiam (§. 67.) consequens est, ut omnia entia eandem habeant essentiam. Quæcumque habent eandem essentiam, sunt similia (§. 117.). Ergo omnia entia sunt sibi similia, certe in eo, quod sintabilia.

NOT. Hæc similitudo entium quamvis non concedi non possit, si tamen diversi respectus, sub quibus entia considerari possunt, rursus intercesserint, adest entium summa dissimilitudo: Ut adeo recte

recte dixerint veteres. *Omne simile est etiam dissimile.*

§. 121. *Quamvis similia ob easdem notas characteristicas, quibus a se invicem distingui debebant, distingui non posse videantur; possunt tamen illa, salva similitudine, quantitate differre.*

*Demonstr.* Cum enim quantitas non pertineat ad notas rei characteristicas (§. 109.), facile intelligis, posse duas res habere easdem notas characteristicas, adeoque esse similes, quamvis diversa adsit quantitas. Ut adeo intelligas, similia, salva similitudine, quantitate differre.

EXEMPL. Potest e. gr. ovum alteri ovo ratione albedinis exacte simile esse, quamvis alterum ovum ab altero, ratione quantitatis, multum differat.

SCHOL. Si vero contigerit, ut similia simul eandem habeant quantitatem, adeoque sint æqualia, (§. 110.) tum vero illa a se invicem distingui-mus per respectum ad alia externa entia, loci e. gr. ratione habita. Fac, duo ova oculis tuis observari, & similia, & æqualia. Si unum ab altero, post aliquod temporis, spatium discernere voveris, ad locum, ubi alterum alteri coexistit, & ad alias *res*, externas attendas. Cumque hac ratione similia non distinguantur, nisi per externas loci vel temporis alteriusque rei circumstantias quæ simul sensibus offeruntur, & simul præsentibus sunt, intelligis, cur *Leibnirius* similia definiverit per ea, quæ non possunt distingui, nisi per comparæntiam. *Conf. Wolffii Ontologia p. 169.*

§. 122. Cum omnia similia, salva similitudine, possint differre quantitate (§. 121.); Tum autem, cum similia per quantitatem diversam discernimus, non opus habeamus, ut externam circumstantiam loci in subsidium adhibeamus; patet, hanc differentiam similibus, quæ a quantitate petitur, posse dici internam. Ut adeo nunc intelligas, quid sit, quod *Wolffius* definiat in *Ontolog.*

*Lat.*

*Lat. §. 348. quantitatem per discrimen interdum similitum, h. e. illud, quod similia, salva similitudine, intrinsece differre possunt. Conf. Thumingii institut. philos. VVolf. p. 48.*

NOT. Cum multitudo eorum, quæ rem constituunt, efficiant rei quantitatem (§. 108.), illa autem ipsa multitudo possit aliter aliterque esse (per exper.) adeoque augeri minui, quantum quoque dicere poterimus id, quod potest augeri, & minui.

§. 123 *Quemadmodum, quæ similia sunt, possunt quantitate differre (§. 121.) adeoque esse inæqualia (§. 110.) ita contra, quæ aequalia sunt, adeoque eandem habent quantitatem (§. 110.) possunt esse dissimilia.*

*Demonstr.* Cum quantitas rei non pertineat ad notas rei características (§. 109.) intelligis, ea, quæ eandem habent quantitatem, non ideo statim habere easdem notas características. Ea, quæ habent eandem quantitatem, dicuntur *æqualia* (§. 110.). Ergo æqualia possunt habere diversas notas características. Quæ diversas habent notas características, dicuntur *dissimilia* (§. 103.). Ergo æqualia possunt esse dissimilia.

EXEMPL. Sic e. gr. liber, & urceus, quem coram intueor, possunt esse æquales, & tamen, ob diversas notas características, & qualitates dissimiles.

§. 124. *Omne quantum non potest non sibi ipsum esse æquale.*

*Demonstr.* Cum enim omne quantum sit id, quod est (§. 22.); intelligis, si quantum A, bis posueris, tunc semper te ponere *idem* quantum A. Ubi vero *eadem* adest quantitas, ibi est æqualitas (§. 110.): ut adeo evidens sit, omne quantum sibi ipsum non posse non esse æquale.

§. 125. *Quæ æqualia sunt eidem tertio, illa æqualia sunt inter se.*

*Demonstr.* Si enim A, & B, sunt æqualia, & C, tunc



C, tunc A, & B, eadem sunt cum C, ratione quantitatis (§. 110.). Quæ eadem sunt cum tertio, illa sunt inter se eadem (§. 112.): Ergo quæ æqualia sunt eidem tertio, sunt inter se æqualia.

EXEMPL. Fac e. gr. mensuram A, esse æqualem mensuræ C, & mensuram B, itidem esse æqualem mensuræ C, facile intelligis, mensuras A, & B, sibi esse æquales.

§. 126. *Hinc cogitur hac propositio; Si A, & B, sunt æqualia mensuris C, & D, & mensura C, & D, sunt sibi ipsa æquales, intelligitur, ipsa quoque A, & B, sibi ipsa esse æqualia.*

*Demonstr.* Si enim A, est æquale mensuræ C, & B, est æquale mensuræ D, mensuræ autem C, & D, sunt sibi æquales, consequens est, ut mensuræ C, & D, sint eadem ratione quantitatis (§. 110.). Adeoque, si A, & C, sunt æquales mensuris C, & D, sequitur, ut A, & B, ratione quantitatis in eodem tertio conveniant (§. 110.), Quæ in eodem tertio conveniunt, sive eadem sunt, inter se conveniunt, sive eadem sunt (§. 112.), Ergo si A, & B, ratione quantitatis eadem sunt cum mensuris C, & D, consequens est, ut A, & B, sint inter se eadem ratione quantitatis. Eadem ratione quantitatis dicuntur æqualia (§. 110.). Ergo si A, & B, sunt æqualia mensuris C, & D, & mensuræ C, & D, sunt sibi ipsæ æquales, intelligitur, ipsum quoque A, & B, sibi ipsa esse æqualia.

THEOR. Hoc theorema Mathematicorum filii ita enunciant: *Æqualia aequalibus sunt sibi ipsa æqualia.* Ut vero hoc theorema distinctius intelligatur, accipe exemplum. Ponas, mensuram A, esse æqualem filo B, & alteram mensuram C, esse æqualem filo D. Ponamus porro, filum B, esse æqualem filo D. Quid inde consequetur aliud, quam ut mensuram A, æqualem esse mensuræ C, agamus?

NOT. Has positiones, de eodem; & diverso, de simili.

similitudine, & dissimilitudine, de æqualitate denique, & inæqualitate, vides, esse satis abstractas, maximeque generales. Adeoque, ob universalitatem suam multum nobis commodi ab iis in applicatione, & praxi polliceri poterimus. Quare, quantum potuimus, brevitate & perspicuitate hic illas demonstravimus, uberius easdem in scholis nostris illustraturi.

## CAPUT IX.

*De determinato, & indeterminato.*

## §. 127.

**D**Octrinæ de convenientia, & diversitate entium subnectimus nunc ea, quæ determinato, & indeterminato sunt annotanda. Hæ notiones generaliores *in determinati*, & *indeterminati* hoc magis nunc sunt evolvendæ, quo frequentius occurrunt, cum in omni philosophia, tum vero vel imprimis in subsequenti ontologiæ capitibus.

NOT. Subinde quidem voce *determinationis* in superioribus usi sumus, notione clara hujus vocabuli contenti. Nunc vero patefcet ex dicendis clarius, quæ sit terminis *determinati*, *indeterminati*, itemque *determinationum* tribuenda idea distincta.

§. 128. *Determinare*, vi originis, nihil aliud significat, quam terminos limitesque rei dare, eamque ab omni alia distinguere.

EXEMPL. Sic. e gr. cum animadvertimus, *Cajum* animo fluctuare, atque dubitare, num satius sit Theologiæ quam juris prudentiæ operam dare ita quidem, ut animus maneat in suspenso, cogitationesque in utramque partem distrahantur, tum dicimus, *Cajus fluctuat animo indeterminato*, i. e. non potest fluctuantibus, & dubiis cogitationibus fixum aliquem terminum ponere. Ita quo-

quoque vocabulum aliquod *determinare* dicimur; si, missis aliis conceptibus omnibus, quos poterat involvere, tribuimus ipsi certum aliquem & fixum significatum, atque adeo illud terminis quibusdam, intra quos contineatur, includimus.

SCHOL. *Canzius in usu Philosoph. Leibnitiana, & Wolffiana in Theolog. Tomo II. p. 235. de determinare* ita definit: *Determinare*, inquit, h. n. dicimus indicare differentiam, qua aliud ab alio distat.

§. 129. *Determinatum* est, de quo aliquid ita prædicatur, ut oppositum ejus, quod prædicatur, simul excludatur, sive, ut *Bisfingerus in dilucidat. p. 78.* loquitur, *determinatum* est, de quo una propositionum contradictoriarum est vera, & altera falsa.

EXEMPL. Sic e. gr. cum scribo, tum hæc actio dicitur actio determinata; fieri enim non potest, ut, dum scribo, simul non scribam, adeoque *scribere* ita de me prædicatur, ut oppositum scriptio- nis, quæ de me prædicatur, excludatur. Cum Vitembergæ existo, tum existo in loco determina- to, quia fieri non potest, ut, dum commoror Vitembergæ, simul Jenæ, vel Lipsiæ existam.

§. 130. Cum *determinatum* sit id, de quo ali- quid ita prædicatur, ut oppositum ejus, quod prædicatur, simul excludatur (§. 119.), consequens est, ut *determinatum* dici quoque possit id, quod est sui generis unicum.

§. 131. Determinato opponitur *indeterminatum*, de quo aliquid adhuc prædicari non potest, etsi de eo in posterum prædicari posse non repugnet.

EXEMPL. E. gr. Voluntas nostra, quatenus sumitur pro facultate, & potentia appetendi vel aver- sandi, est facultas indeterminata, respectu appeti- tus actualis, vel aversationis. Nondum enim de voluntate, pro facultate sumta, prædicari potest, quod revera appetat, aut revera aversetur, quam- vis non repugnet, de voluntate in posterum præ- dica-

dicari, ipsam appetere aut averfari, si scilicet motiva accesserint, quæ determinatam volitionem producant.

§. 132. Ea omnia, quæ in aliquo subjecto certo respectu determinata sumuntur, dicimus *determinationes*, sive *determinationes* rei vocantur ea omnia, quæ efficiunt, ut res aliqua præcise hæc res sit, & non alia.

EXEMPL. E. gr. *Intellectus*, & *voluntas* sunt determinationes spiritus, quia per intellectum, & voluntatem spiritus præcise est *spiritus*, & non aliud quidpiam.

§. 133. Si ponitur determinans, ponitur quoque ipsum determinatum.

*Demonstr.* Si ponitur determinans, tunc ponitur aliquid, quod efficit, ut res aliqua præcise hæc sit, & non alia. (§. 128. 132.) Si vero ponitur id, quod efficit, ut res aliqua præcise hæc sit, & non alia; ponitur simul id, quod efficit, ut de re cum certitudine aliquid prædicari possit. Id, de quo aliquid cum certitudine prædicatur, dicitur determinatum. (§. 129.) E. Si ponitur determinans, ponitur quoque determinatum.

EXEMPL. E. gr. Quod de anima cum certitudine possit prædicari, *illam esse indestructibilem*, id vero dependet ab hoc, quod anima sit *ens simplex*. Cum itaque hæc propositio: *anima est ens simplex*, efficiat, ut hoc de anima prædicari possit, ipsam necesse est indestructibilitatem determinari per ejusdem simplicitatem. Posita itaque animæ simplicitate, ponitur quoque ejus indestructibilitas.

§. 134. Unde manifestum est, si eorum, quæ per se invicem determinantur, unum adfuerit, alterum quoque adesse debere.

§. 135. Porro hinc constare potest, *essentiam rei per aliud non determinari, ipsum autem determinare attributa, rei constanter inexistentia*.

*Demonstr.* Fac, *essentiam per aliud quid, rei*  
in

inexistens , determinari , tunc supponet essentia aliquod determinans in re , per quod ipsa determinetur . Quod autem determinans est , semper prius est determinato , ( *per sensum communem* , ut adeo hac ratione prius quid in ente concipi debeat , quam ipsa essentia . Cum vero essentia sit illud , quod *primum* in ente concipi debet , ( §. 66. ) perspicuum est , essentiam per aliud quid non determinari .

NOT. Quia vero attributa , rei constanter competentia , sui rationem sufficientem in essentia rei agnoscunt , ( §. 77. ) consequens est , ut ex essentia concipi , & intelligi debeat , cur hæc , & non alia rei insint attributa . Essentia itaque efficitur ut hæc potius , quam alia , in re quadam deprehendantur attributa . Id ipsum vocamus *determinare* . ( §. 128. ) E. essentia determinat attributa .

§. 136. *Ab indeterminato ad determinatum non valet consequentia .*

*Demonstr.* Cum *indeterminatum* sit id , de quo nihil certi prædicari potest , quamvis certi quid de ipso prædicari posse , non repugnet , ( §. 131. ) intelligitur , inde terminatum , quatenus est indeterminatum , non posse referri ad ea , quæ actu sunt , & existunt . Si enim actu essent indeterminata , tunc ita essent actu , ut oppositum , scilicet non existentia , eodem tempore excluderetur , adeoque certi quid cum exclusione oppositi de ipsis prædicaretur , & sic indeterminata essent determinata . ( §. 129. ) Quod est contra primum principium contradictionis . ( §. 22. ) Relinquitur itaque , ea , quæ sunt indeterminata , adhuc in vaga possibilitate versari . Cum vero a posse ad esse non valeat consequentia , ( §. 54. ) ab indeterminato ad determinatum itidem non valere consequentiam , intelligis .

EXEMPL. E. gr. Voluntas mea est adhuc indeterminata in relatione ad appetitum hujus libri . Potest ipsum pro diversis circumstantiis appetere ,

*Baum. Metaph.*

F

po-

potest ipsum quoque, accidentibus novis motivis, averſari. Si itaque quaſtio mota fuerit, cur appetam hunc librum potius, quam averſer, & ego respondebo, quia facultate hunc librum appetendi gaudeo, tunc ab indeterminato ad determinatum concludam. *Conf. Bilfingeri dilucidationes philoſophicae*. §. 82. *ſeqq.* item ejusdem tr. de origine mali. §. 182.

## CAPUT X.

*De toto, & parte.*

§. 137.

**P**Lura, quæ, ſimul ſumta, conſtituunt unum aliquod ens, dicuntur *partes*; quod autem partibus conſtat, dicitur *totum*.

SCHOL. Doctrinam de toto, & partibus hic exponendam æſtimamus; quia quæ de ente compoſito in ſubſequentibus tradentur, ſine præmiſſa doctrina de *toto* intelligi non poſſunt. Notiones itaque quaſdam generaliores primum evolvemus, & varias totius ſpecies enumerabimus; deinde his nonnulla theoremata ſuperſtruemus.

Totum autem hic conſideramus in oppoſitione ad *partem*; ſi vero totum conſideratur in oppoſitione ad *mutuum*, tunc totum dicitur id, quod conſtat ex omnibus partibus debitis.

§. 136. Cum, ubicumque plura ſimul ſumta conſtituunt unum, ibi ſit totum, (§. 137.) intelligitur, pro varietate plurium illorum, quæ conſtituunt unum, varie quoque dividi poſſe totum.

§. 139. Si quid conſtat materia, & forma, & materia adeo, ac forma, tanquam *multa*; conſideratæ unum quid conſtituunt, tunc inde emergit totum *phyſicum*. Cum vero quid conſtat ex genere, & differentia, ſpecifica; genus autem, & differentia ſpecifica, tanquam *multa* conſiderata, unum quid conſtituunt, inde oritur *totum metaphyſicum*.

EXEM.

EXEMPL. E. gr. *Homo*; quatenus constat materia, & forma, corpore scilicet & anima, dicitur totum *physicum*. Quatenus vero homo est animal simul, & rationalis; & ex his duobus conceptibus, tanquam pluribus, conceptus hominis constat; tunc homo consideratur; ut *totum metaphysicum*. Ejusmodi autem totum physicum, & metaphysicum generaliori nomine appellatur *totum essentiale*, quia constat ex partibus essentialibus; & necessariis, iisque, vel physicis; vel metaphysicis.

§. 140. Cum individua plura, simul sumta, ob similitudinem; constituunt *speciem*, ( §. 105. Log. ) & plures species, simul sumtæ; ob similitudinem, & quandam convenientiam; constituunt *genus*, ( §. 107. Log. ) tum genus in respectu ad plures species, ex quibus constat; & species ad plura individua, quæ ipsam efficiunt; dicuntur *totum universale*.

EXEMPL. E. gr. Animal in respectu ad hominem, canem, leonem, gallum, equum, & plura alia, est totum universale. Et homo in respectu ad Cajum, Titium, Sempronium, Paulum, Petrum & alia similia individua; itidem est totum universale.

§. 141. Cum corpora plura, & diversa component aliud quoddam corpus A, tunc corpus A; ex pluribus compositum corporibus; vocatur *totum integrale*. Corpora autem illa plura, quæ simul sumta ipsum corpus A, constituunt, dicuntur *partes integrantes, seu quantitativæ*.

EXEMPL. E. gr. Corpus humanum est totum integrale, quia ex pluribus aliis corporibus, capite scilicet, & trunco; constat, & artus corporis humani dicuntur partes integrantes; sive quantitativæ.

Hoc totum integrale a veteribus Metaphysicis dispescitur in *totum simile*, sive *homogeneum*, & *totum dissimile*, sive *heterogeneum*. *Totum simile*, sive *homogeneum* vocatur illud, cujus partes

sunt ejusdem naturæ cum toto. E. gr. vinum est totum simile, quia quælibet guttula vini est ejusdem naturæ cum toto vino, adeoque partes vini sunt *similiares*, sive *homogeneæ*. *Dissimilare vero*, sive *heterogeneous totum* est, quod habet partes diversæ naturæ cum toto: E. gr. Corpus humanum est totum aliquod *integræ*, idque *dissimilare*, & *heterogeneous*, quia corpus humanum constat ex partibus, quæ plane sunt diversæ naturæ, & rationis cum toto, constat enim ex capite, trunco, reliquisque membris.

SCHOL. His addunt nonnulli *totum potestativum*. Cum scilicet in re aliqua plures potentie, & vires reperiuntur, exque conjunctim sumptæ unum quid constituunt, tum inde resultat totum aliquod, quod vocant potestativum. Sic e. gr. anima considerari potest, ut *totum potestativum*, quatenus in anima facultas intelligendi, judicandi, reflectendi, attendendi, abstrahendi, ratiocinandi, appetendi denique, & averfandi, ut plura, considerantur, ex quibus anima constat.

§. 142. Pro diversa *totius* denominatione diversimode quoque partes possunt denominari. Quæ totum essentiale constituunt, dicuntur *essentiales*, quæ integræ, *integrales*, quæ potestativum, *potentiales* &c.

§. 143. *Pars aliquota* est, quæ aliquoties repetita toti sit æqualis. E. gr. Numerus ternarius est pars aliquota numeri nonarii. *Pars vero aliquanta* est, quæ aliquoties repetita non fit toti æqualis, e. gr. Numerus ternarius est pars aliquanta numeri septenarii.

§. 144. Partes, quæ toti possunt simul inesse, vocantur *actuales*. Quæ vero simul inesse nequeunt, appellantur *partes possibiles*.

EXEMPL. E. gr. Septem unitates, quas numerus septenarius continet, numeri septenarii sunt partes actuales, sed, 1, 2, 3, 4, in quæ numerus septenarius potest solvi, sunt partes possibiles.

§. 145.



§. 145. Multitudo partium, totum constituentium, dicitur *magnitudo*. Ipsum autem totum, quod plures habet partes respectu ejus, quod paucioribus est præditum, appellatur *magnum*. Totum vero, quod pauciores habet partes respectu ejus, quod pluribus constat, nominatur *parvum*.

§. 146. Illud totum, cujus pars alteri toti æqualis est, appellatur *majus*; quod vero parti alterius æquale est, dicitur *minus*.

EXEMPL. Ut hæ definitiones plenius intelligantur, sumas duos libros A, & B. Liber A, est in folio, & liber B, est in forma octava. Liber itaque A, est major libro B. Sed quid ita? Nunc itaque applicentur nostræ definitiones. Si librum A, in partes secheris, tuto efficere poteris, ut pars aliqua libri A, sit æqualis toti libro B. Adeoque vides, *majus* esse illud, cujus pars alteri toti est æqualis. Sumas porro librum B, qui minor est libro A. Hic liber B, tanquam *totum* consideratus, erit æqualis demum parti libri A. Ut adeo *minus* id esse videas, quod, tanquam totum, æquale est alterius parti.

NOT. His notionibus distincte evolutis, nunc persciles erunt intellectus positiones generaliores, de toto, & partibus observandæ.

§. 147. *Totum est idem cum omnibus partibus, simul sumtis, & omnes partes simul sumtæ, sunt idem cum toto.*

*Demonstr.* Cum enim omnes partes, simul sumtæ, constituent ipsum totum; (§. 137.) consequens est, ut totum, & omnes partes, simul sumtæ, sibi, salva omni mutatione, substitui possint. Quæcumque vero sibi, salva omni mutatione, substitui possint, illæ sunt eadem. (§. 94.) E. manifestum est, totum esse idem cum omnibus partibus simul sumtis, & omnes partes simul sumtæ, esse idem cum toto.

NOT. Hinc est, ut *Wolffius in Ontolog. Latin. P. 265.* totum definiat per unum, quod idem est cum

multis, & partes dicat esse multa, quæ idem sunt cum toto.

§. 148. *Posito itaque toto, ponuntur omnes ejus partes, & positis omnibus totius partibus, ponitur ipsum totum.*

*Demonstr.* Cum enim totum sit idem cum omnibus ejus partibus simul sumtis, omnesque partes simul sumtæ, sint idem cum toto, (§. 145.) nemo non intelligit, posito toto, poni omnes ejus partes simul sumtas; & positis omnibus totius partibus simul sumtis, ipsum poni totum.

§. 149. *Quod continetur in parte, continetur etiam in toto, sive pars partis, est quoque pars totius.*

*Demonstr.* Si enim partes b, c, d, continentur in toto A; partes autem e, f, g, continentur in partibus b, c, d, consequens est, ut partes e, f, g, contineantur quoque in toto A. E. Quod continetur in parte, continetur quoque in toto, sive, quod idem est, pars partis est quoque pars totius.

§. 150. *Omne totum est æquale omnibus partibus suis simul sumtis: & omnes partes, quibus totum constituitur, simul sumtæ, sunt æquales toti.*

*Demonstr.* Cum totum sit idem cum omnibus partibus simul sumtis, & omnes partes simul sumtæ sint idem cum toto, (§. 147.) idem autem quantum sibi ipsum debeat esse æquale, (§. 124.) palam est, totum esse æquale omnibus suis partibus simul sumtis, & omnes partes simul sumtas, esse æquales toti.

§. 151. *Qualibet pars-totius toto est minor.*

*Demonstr.* Considera quamlibet partem totius, tanquam novum totum. Cum vero omne totum sibi ipsi æquale sit, (§. 124. 150.) consequens est, ut pars totius, tanquam totum considerata, sit æquali parti totius. Id, quod tanquam totum, æquale est parti totius, dicitur *minus*, (§. 146.) sequitur ergo, quamlibet partem totius esse toto minorem.

§. 152. *Totum itaque majus esse qualibet sua parte, hinc potest nullo negotio intelligi.*

*Demonstr.* Cum enim quælibet pars totius ipso toto sit minor. ( §. 151. ) consequens est, ut pars totius hujus parti tanquam toti æqualis. Cujuscumque vero pars alteri toti sit æqualis est, illud dicitur *majus*; ( §. 146. ) E quodlibet totum quælibet sua parte majus est.

NOT. Has positiones, quas pro axiomatibus complures habent, legitime demonstratas, esse, evincemus in scholis nostris, uberius insimul demonstrationes allatas explicaturi.

§. 153. *Dimidium totius est, quod, bis sumtum, toti est æquale.*

§. 154. *Hinc intelligis, dimidia ejusdem totius sibi debere esse æqualia.*

*Demonstr.* Cum enim dimidia bis sumta, sint æqualia eidem toti, ( §. 153. ) consequens est; ut dimidia sint æqualia eidem tertio. Quæ eidem tertio æqualia sunt, sunt sibi ipsa æqualia. ( §. 225. ) E. dimidia ejusdem totius sibi æqualia esse debere, patet.

## C A P U T XI.

*De ente singulari, & universalis.*

§. 155.

**E**Ns *singulare*, seu individuum dicitur, quod omnimode est determinatum.

SCHOL. *Omnimode* autem *determinatum* dicitur ens aliquod, cum ita est determinatum, ut alio modo determinari nequeat. Unde intelligitur, cur ens *singulare*, sive individuum, de se tantum, nec ullo alio, dici queat. Si enim de alio dici posset, alio modo determinari posset.

NOT. Ut hæc intelligantur plenius, consideres hanc, quam coram intueris, mensam. In hac men-

fa omnia ita sunt determinata, ut non alie novæ determinationes possint accedere, si hæc mensa manere debeat hæc mensa. Atque ob has omnimodas determinationes hæc mensa non potest de alia quadam mensa prædicari, sed unice de se ipsa dici potest.

§. 156. Cum nihil sit sine ratione sufficienti, (§. 32.) debet quoque quid adesse, ex quo intelligi potest, cur aliquod habeamus pro ente singulari, sive individuo.

§. 157. Id, ex quo intelligi potest, cur ens sit individuum, dicitur *principium individuationis*.

SCHOL. Hoc principium individuationis dicitur a scholasticis *hæccitas*, propterea quod ex eo intelligi potest, cur aliqua res præcise hæc res sit, sive quia per principium individuationis res aliqua hæc res constituitur.

§. 158. *Principium itaque individuationis esse omnimodam determinationem eorum, quæ enti actu insunt, ex dictis colligi potest.*

*Demonstr.* Cum enim individuum constitutur per id individuum, quod sit omnimode determinatum, (§. 155.) consequens est, ut ex omnimoda determinatione intelligi possit, cur res aliqua sit hoc individuum: Id ex quo patet, cur ens aliquod sit individuum, dicitur *principium individuationis*, (§. 159.) E. Omnimodam determinationem eorum, quæ enti actu insunt, constituere principium individuationis, evidens est satisque manifestum.

§. 159. *Quicquid existit, omnimodo est determinatum.*

*Demonstr.* Si enim ens existit, tunc in eo deprehenditur possibilitatis complementum, (§. 51.) adeoque omnis existentia involvit consummatam entis determinationem. Quicquid ergo existit, non potest alio modo determinari. Quicquid non potest alio modo determinari, id omni modo determinatum.

minatum est. (§. 155.) Et quicquid existit, omni modo est determinatum.

NOT. Hæc mensa, quam coram intueor, existit. In hac itaque mensa ita jam omnia sunt determinata, ut, quamdiu hæc mensa debet esse, & manere hæc mensa, non possint plures determinationes accedere. Fac enim, nondum omnia in hac mensa, quæ existit coram, esse determinata, tunc adhuc supersunt circumstantiæ, & determinationes possibiles, quæ nondum in hac mensa adsunt. Hac ratione hæc mensa, quæ existit, erit *hæc* mensa, (*per hypothesin*), & non erit *hæc* mensa, quia nondum omnes determinationes adsunt, quæ ad *hanc* mensam constituendam requiruntur. Quod ut vides, est contra principium contradictionis. (§. 22.) Atque eandem reliquarum rerum, quæ existunt rationem esse, clarius perspicies, si quodlibet eorum, quæ existunt, attente consideraveris.

§. 160. *Quicquid existit, est ens singulare, & individuum.*

*Demonstr.* Cum, quicquid existit, sit omni modo determinatum (§. 159.) id autem quod omni modo determinatum est, sit ens singulare, sive individuum (§. 155.) consequens est, ut quicquid existit, sit ens singulare, sive individuum.

§. 161. Quicquid itaque non omni modo determinatum est, illud non existit.

§. 162. Enti singulari, sive individuo opponitur ens *universale*, quod omnimode determinatum non est, seu, quod, ob determinationes intrinsecas, communes pluribus singularibus, de pluribus prædicari potest.

EXEMPL. E. gr. in spiritu, qua tali, non concipimus, nisi intellectum, & voluntatem, nondum omnia determinata sunt, quæ in spiritu determinari possunt. Potest enim spiritus de anima, de Angelis, de Deo, prædicari. Adeoque spiritus est ens universale, oppositum ens singulari,

Jari, quippe quod tantum de seipso, non vere de aliis pluribus, prædicari potest. (§. 155.)

§. 263. *Universale, ut universale, existere non potest.*

*Demonstr.* Cum, quicquid existit, sit omni modo determinatum, (§. 159.) universale autem non sit omni modo determinatum (§. 162.), consequens est, ut universale, tanquam universale, existere nequeat.

EXEMPL. E. gr. Animal, ut animal, existere nequit. Si enim animal, ut animal, existere deberet, tunc existere deberet ens, quod viveret, & sentiret. (Hæc duo enim universalis animalis notio involvit.) Adeoque nulla alia determinatio accedere deberet, Sed dic, ubi locorum unquam existerit, aut existat etiam nunc ens, quod tantummodo vivat, & sentiat, nullisque præterea aliis determinationibus & circumstantiis involutum exhibeatur.

Quamvis vero universalia, ut universalia, non existant, insunt tamen individuis, & singularibus, e quibus, inter se comparatis, per abstrahendi artem eruuntur. *Conf. Log. p. 179.*

SCHOL. Ex hoc intelligi potest, & decidi controversia illa, quæ olim inter scholasticos, quorum alii *nominales*, alii vero *reales* vocabantur, fuit agitata: *Num scilicet universalia sint res, an mera nomina*) Si per res idem intelligi volunt, quod nos vocamus individua, omni modo determinata, manifestum est, non posse non universalia, in quibus non omnimoda conspicitur determinatio (§. 162.) nominibus annumerari. Si autem id reale esse conceditur, quod aliquo modo determinatur, intelligitur, universalia inter realia posse referri.

§. 264. Id, in quo plura entia singularia, sive individua, perpetuo conveniunt, constituit *speciem*, ut adeo speciem recte definiamus per similitudinem individuorum.

EXEM.

EXEMPL. E. grat. Cajus, Titius, Sempronius, Gasparus, Paulus, Petrus, tanquam entia singularia, & individua, sunt ejusmodi, ut ubique deprehendas diversitatem. In hoc tamen conveniunt, quod sint *homines*. Hinc est, ut classem entium constituamus, cui *hominis* nomen imponimus. Quo simul intelligitur, cur notio *hominis* speciem constituat.

§. 165. Si plures species inter se comparaveris, easdemque deprehenderis in nonnullis proprietatibus inter se perpetuo convenire, & similes esse, tum observata illa perpetua similitudo specierum classem quandam constituit superiorem, quæ, species illas sub se complexas, *gentes* vocatur.

EXEMPL. E. gr. Anima, Angeli, Deus, tanquam entia specie diversa, in hoc semper conveniunt, quod sint *spiritus*. Ut adeo spiritus genus constituere recte dicatur.

§. 166. Si plura genera inter se comparantur, id, in quo conveniunt illa plura genera, efficit novum genus, quod vocant *genus superius*. Plura autem illa genera, quæ superius genus comprehendit, dicuntur *inferiora*.

EXEMPL. gr. Animal, & spiritus sunt genera; sed animal, & spiritus in eo conveniunt rursus, quod existant ita, ut vi agendi sint prædita, quod vocamus substantiam, *substantia* itaque est genus superius. Hinc intelligi quoque potest, quod sit *genus summum*. Est id scilicet, in quo omnia alia genera conveniunt. Exempl. gr. Possibile sive ens, est genus summum. Altius enim cogitationibus nostris ascendere non possumus.

§. 167. *Quicquid in specie deprehenditur, id vero non potest non quoque in singulis ejus individuis deprehendi.*

*Demonstr.* Cum enim species sit individuorum similitudo, ( §. 164. ) consequens est, ut nihil possit esse in specie, quin simul sit in singulis ejus individuis.

§. 168.

92 ET UNIVERSALI.

§. 168. *Quicquid generi inest, singulis quoque ipsius speciebus inesse debet.*

*Demonstr.* Si enim quid inesset generi, quod non inesset singulis ejusdem speciebus; tum genus non posset dici specierum similitudo: Quod est contra §. 165.

EXEMPL. E. gr. *Homini*, tanquam speciei, inest rationalitas; omnibus itaque individuis, quæ species hæc sub se continet; ibidem rationalitas conveniret, necesse est. *Animali*, tanquam generi; competit vita, & sensio; omnibus itaque speciebus, sub hoc genere contentis, vitam, & sensationem tribui debere intelligis:

NOT. Plura de genere, & specie universalibusque poteris demonstrata legere in *institutionibus nostris philosophiæ rationis* §. 97. *seqq.*

§. 169. *Non dantur duo individua, quæ sibi in omnibus sunt similia, ita ut in uno non detur, per quod discerni possit ab altero.*

*Demonstr.* Si darentur duo individua, quorum neutrum ab altero ulla ratione differret, tunc illa duo individua essent unum idemque (§. 94.); adeoque unum idemque bis existere fingeretur, cum vero unum idemque bis existere, contra sensum communem sit, (absurdum enim e. gr. est, ut hæc literæ, in hoc ipso §pho occurrentes, sint eadem, quæ in præcedenti §pho occurrerunt) intelligitur, fieri non posse, ut duo dentur individua, quæ in omnibus ita sibi sint similia; ut ab altero alterum discerni nequeat.

SCHOL. Hæc propositio dicitur a Leibnitio *principium identitatis indiscernibilium*: Dissimilitudinem autem omnium rerum existentium Leibnitius demonstravit ex principio rationis sufficientis. Si enim duo existant individua, in omnibus sibi similia, nullam tunc adesse rationem sufficientem, arbitratus est vir perspicacissimus, ex qua possit intelligi, cur existant. Illam enim rationem, ait Leibnitius, nec in individuis, quæ perfecte similia



lia sunt, deprehendi, nec extra eadem. Si enim existere debeant duo individua, in omnibus sibi perfecte similia, tunc, putat, adesse debere rationem sufficientem, cur alterum in loco A, potius sit, quam in loco B. Hanc autem rationem, negat, deprehendi in ipsis individuis, perfecte similibus, quia ob perfectam similitudinem neutrum altero præstantius sit; neque rationem deprehendi posse extra perfecte similia, existimat Leibnitius. Cum enim individua duo sumantur perfecte similia, nullaque ratione a se invicem discernibilia, consequens est; ut, si quid existit extra duo individua, perfecte similia, quod producat potius individuum A, quam individuum B, & individuum A, potius hoc loco, & hoc tempore, quam individuum B; tunc illud, quod individuum A, potius, quam B, producit sine ratione individuum A, producat, cum individuum B, ob perfectam similitudinem æque producere potuisset. Cam itaque sine ratione sufficiente fieri nihil possit, fieri quoque non posse, contendit Leibnitius, ut existant duo individua, quæ plane sint omnibus similia, nulloque modo discernibilia, *Conf. Leibn. Epistola IV. ad Clarckium p. 4. seqq. p. 94. & Epist. V. ad eund. §. 23. seqq. p. 174.* Qua occasione Leibnitius in hoc principium incidit, differam uberius in recitationibus. *Conf. Hansch. princip. philosoph. Leibn. p. 81.*

SCHOL. *Cel. Bilfingerus* Leibnitii mentem in *diluc. phil.* his verbis exprimit. „Suppone, *inquit*, vel fin-  
 „ge potius duo in omnibus similia A, & B, quæ so-  
 „lo differant numero, in cæteris omnibus indiscerni-  
 „bilia. Non illa eundem locum occupabunt, si eo-  
 „dem tempore existunt, non existent eodem tempore,  
 „si eundem spatii, quod fingitur, absoluti locum oc-  
 „cupare supponuntur. Sunt igitur in diversis lo-  
 „co, aut tempore. Nulla est ratio, quare A, sit potius  
 „hoc loco aut tempore, quam B. Igitur, si est, est  
 „aliquid sine ratione. Si a Deo suo collocatum est,  
 „ collo-

„ collocatum erit sine ratiōe sufficienti ad hoc, ut  
 „ potius A, quam B, sit hoc loco, aut tempore.  
 „ Erit igitur aliquid sine ratione.

SCHOL. *Cel. Hollmannus* hanc in rem præclare:  
 „ Experientia, *inquit*, constat, adeo infinitam fere  
 „ esse rerum existentium, in primis materialium,  
 „ & corporearum, varietatem, ut ne duas quidem  
 „ res singulares, ejusdem speciei deprehendere lice-  
 „ at, quarum determinationes eodem modo utrobi-  
 „ que se habeant, &, si vel maxime omnes eodem  
 „ modo se habere, vellemus supponere, vel solo ta-  
 „ men loco coexistendique modo, semper adhuc inter  
 „ se differrent. Duæ ergo plures veres, uti dici vulgo  
 „ solet, numero inter se differentes, neque, si  
 „ loci intuitu simul spectentur, dari possunt. Vid.  
 „ ipsius Institut. Philosoph. primæ §. 255. “

SCHOL. Cæterum hoc Leibnitianum principium  
 mirifice facit ad distinctius intelligendam stupen-  
 dam, & infinitam rerum in universo varietatem,  
 id quod *Wolffius in Metaphysic.* § 391. ostendit, &  
 ad demonstrandam Dei unitatem vel in primis re-  
 quiritur, id quod *Canzius* uberius evicit in *usu*  
*philosoph.*, *Leibnit.* & *Wolffianæ in Theologia T. I. p.*  
*156. seqq.* Conf. *Gottschedii dialog. philosophic. de*  
*quæstione: Num plura possunt esse entia infinita?*  
 Hic dialogus annexus est parti I. Institut. ipsius  
 philosophic.

## C A P U T XII.

### *De necessario, & Contingente.*

#### §. 170.

**D**Octrina de *Necessario, & Contingente* in onto-  
 logicis hoc distinctius est explicanda, quo  
 plura ex notionibus *Necessarii, & Contingentis* in  
 cæteris disciplinis, & explicari possunt, & solide  
 demonstrari. Ut vero, quid sit necessarium, quidve  
 con-

contingens rectius intelligi possit; antea, quid sint *opposita*; determinabimus.

§. 171. *Opposita* sunt, quorum unum involvit negationem alterius.

EXEMPL. E. gr. calidum, & frigidum sunt sibi opposita, cum adessentia, sive præsentia calidi inferat negationem frigidi.

SCHOL. Opposita sunt vel *contrarie*, vel *contradictorie*, vel *privative*, vel *relatione* opposita. Quæ eidem enti simul inesse nequeunt, dicuntur *contrarie* opposita, exemp. gr. calidum, & frigidum. Quæ simul esse non possunt, dicuntur *contradictorie* opposita, exempl. grat. calidum, & non calidum. Ens autem positivum, &, quod rei respondet, privativum nominantur *privative* opposita. Vitæ, exemp. grat. tanquam enti positivo, respondet mors; tanquam ens privativum, vita ergo, & mors sunt *privative* opposita: Relative autem opposita nihil aliud sunt; quam relata illa, quorum unum non potest esse alterum, exempl. grat. pater, & filius, dominus, & servus.

Ab oppositis differunt *disparata*, quæ naturam habent quidem diversam, inter se tamen non pugnant, exemp. gr. eruditio, & pietas.

§. 172. *Necessarium* est id; cujus oppositum est impossibile, seu contradictionem involvit, (§. 42.) sive, quod non potest non esse.

EXEMPL. E. g. bis duo sunt necessario quatuor. Sumas enim oppositum: *Bis duo non sunt quatuor*: & habes apertam contradictionem. Ita quoque necessarium est; *totum esse majus qualibet sua parte*. Sumas oppositum hujus propositionis, & manifesta aderit contradictio sive repugnantia.

§. 173. *Necessarium* est, vel *absolute*, vel *hypothetice necessarium*.

*Demonstr.* Cum enim aliquid impossibile sit, vel in se, & in sua natura, vel certo tantum sub respectu, & conditione, (§. 43.) intelligis, oppositum alicujus rei, vel in se, & sua natura, vel sub ali-

aliqua conditione tantum contradictionem involvere. Cujuscumque oppositum in se, & simpliciter contradictionem infert, illud dicimus esse *absolute* necessarium. Cujuscumque autem oppositum sub conditione tantum est impossibile, illud dicimus *hypothetice* necessarium. Ut adeo omne necessarium recte dispesci videas in necessarium absolute, & hypothetice tale.

EXEMPL. E. gr. Absolute necessarium est, ut his duo faciant quatuor, quia oppositum in se, & suæ natura est impossibile, sive contradictionem involvit. Ut vero, sole splendente, sit dies, hypothetice necessarium est. Posita scilicet hac conditione, quod sol splendeat, necessarium est, ut sit dies.

NOT. Necessitas absoluta dicitur alias quoque *necessitas essentia*, quia essentia rerum sunt absolute necessariae (§. 71.) item appellatur *necessitas metaphysica*, quia metaphysica versatur circa essentias rerum.

NOT. Dicitur præterea necessitas *intrinseca*, quia rebus nihil magis est intrinsecum, quam essentia. *Geometrica* quoque nominatur quoniam hæc necessitas maxime in rebus geometricis deprehenditur. *Logicam* denique hanc necessitatem, nemini, vocari, idque procul dubio ideo, quia in Logica definitiones, essentiellesque notiones indagantur, & examinantur.

§. 174. Necessitas hypothetica pro diversitate conditionum, quas vocant, necessitantium varia est.

SCHOL. Conditionem autem necessitantem *Cl Bilsingerus* aliam dicit esse *antecedentem*, aliam *concomitantem*, *consequentem* denique aliam. *Conf. dilucid. philos. p. 47.* Ut hæc intelligantur rectius, ad sequentia potissimum volo attendi.

NOT. Novimus, si qua res facta est, tum fieri non posse, ut sit eadem res non facta. Atque non omnia, quæ præterita sunt, *necessario* facta sunt,  
eo

eo scilicet respectu, quo supponitur, ea, quæ facta sunt, non posse simul esse infesta. Quæ præteritorum necessitas est hypothetica, & quidem ex conditione actionem consequente.

NOT. Novimus porro, unamquamque rem, dum est, ita esse, ut non possit simul non-esse (§. 22.) Atque adeo quodlibet, dum est, necessario est. Quæ omnium rerum existentium necessitas a Biffingero vocatur necessitas ex *hypothesi*, sive *conditione concomitante*.

NOT. Novimus denique, experientia edocti, posito splendore solis, tamquam causâ, poni necessario diem, tamquam effectum, & positis in homine vitiis, tamquam causis, necessario poni funestos eventus, & consecutaria perniciofa. Hæc necessitas, qua, posita causâ, non potest non sequi effectus, dicitur a Biffingero *necessitas ex conditione antecedenti*.

SCHOL. Hanc conditionem antecedentem, ait, vel in ipsam effectus productionem *influere*, ut necessitantem, (e. gr. splendor solis ratione diei est conditio antecedens, influens, & necessitans, effectum) vel *non influere*. E. gr. Præscientia divina, ratione rerum existentium, est conditio antecedens, non influens. Etsi enim, posita Dei præscientia, necessarium est, rem ita fieri, uti præscitur, nihilominus hæc præscientia non insluit in res existentes, tamquam causâ in effectus. Res enim non ideo sunt, aut existunt, quia easdem Deus præscit.

Necessitas *physica*, in regno naturæ, naturalique eventuum consecutione, locum obtinens, itemque *necessitas hypothetica moralis*, in spiritibus reperiunda, a nobis in recitationibus fufius exponetur.

§. 175. *Contingens* dicitur id, cuius oppositum possibile, sive quod aliter esse potest.

EXEMPL. E. gr. Contingens est, quod nunc scribam

*Metaph. Baum.*

G

bam

bam, poteram etiam non scribere, poteram meditari, vel librum philosophicum evolvere.

NOT. Contingens quoque nonnunquam sumi solet pro eo, quod est fortuitum, & præter agentis intentionem accidit. Ita contingit, Cajum, dum domum præterit, regula, ex tecto delapsa, percussam interire. Nos vero sumimus contingens ita, ut opponamus ei, quod est necessarium.

§. 176. *Mutabile* dicitur, quod potest esse aliter. Quod vero minus aliter esse potest, id vero appellamus *immutabile*. Ut adeo nunc intelligas, quod est absolute necessarium, idem, esse *immutabile*, (§. 173.) & quod contingens est, inter *mutabilia* referri debere. (§. 175.)

§. 177. *Existencia entis absolute necessaria, cujus ratio sufficiens in essentia ejusdem continetur.*

*Demonstr.* Cum omne id, quod rationem sui sufficientem in essentia habet, sit attributum (§. 77.) consequens est, ut entis existencia, cujus ratio sufficiens in entis essentia continetur, sit entis attributum. Quia vero attributa sunt absolute necessaria (§. 80.) sequitur, ut existencia entis sit absolute necessaria, cujus ratio sufficiens in essentia ejusdem continetur.

§. 178. Illud ens, cujus existencia est absolute necessaria, dicitur *ens necessarium*; ut adeo entis necessarii existentiam rationem sufficientem in sua essentia habere, luculentissime intelligas.

SCHOL. Tale ens necessarium esse Deum, in theologia naturali demonstratum dabimus, ubi evincemus plus satis, Deum existere, quia est Deus, ejusque conceptum primum, & essentiam statim inferre existentiam.

§. 179. *Ens necessarium, sive quod existit absolute necessario, rationem sufficientem, cur existat, in semetipso habet.*

*Demonstr.* Cum enim ens, quod absolute necessario existit, rationem sufficientem, cur existat, in

in sua essentia habeat ( §. 178. ) essentia autem cujusvis entis sit enti intrinsecum quid , ( §. 66. ) manifestum est , ens , quod absolute necessario existit , habere rationem sufficientem , cur existat , in semetipso .

§. 180. *Ens itaque contingens illud est quod existentiae suae rationem sufficientem non habet in sua essentia , sive quod rationem suae existentiae extra se in ente alio , a se diverso , habet .*

NOT. Quicquid scilicet , praeter Deum , existit , illud existit contingenter , id quod suo loco evincemus .

§. 181. *Hinc patet , existentiam entis contingentis non esse attributum ejusdem , sed tantum modum sive accidens .*

*Demonstr.* Cum enim attributum sit ejusmodi praedicatum rei , cujus ratio sufficiens in rei essentia continetur , ( §. 77. ) existentia autem entis contingentis rationem sui sufficientem non contineat in ejusdem essentia , ( §. 180. ) palam est , existentiam entis contingentis non inter ejusdem attributa referri debere . Quia vero entis contingentis existentia est ejusmodi entis contingentis affectio , quae rationem sui sufficientem in ente alio extra se invenit ; ( §. 180. ) consequens est , ut existentia entis contingentis sit inter ejusdem accidentia referenda , ( §. 182. )

§. 182. *Omnia contingentia rationem existentiae sufficientem debent habere in ente simpliciter , & absolute necessario .*

*Demonstr.* Nullum ens contingens , cur existat , rationem sufficientem agnoscit in semetipso , alias esset ens simpliciter necessarium ( §. 179. ) Hinc conficitur , omnia entia contingentia debere habere rationem sufficientem in ente a se diverso . ( §. 33. ) Ens , quod ab omnibus entibus contingentibus diversum est , est simpliciter necessarium . ( Si enim non simpliciter esset necessarium , esse contingens , adeoque ab omnibus entibus contin-

gentibus non esset diversum.) E. omnia contingentia, cur existant, rationem sufficientem agnoscere debent in ente simpliciter, & absolute necessario.

§. 183. Quot itaque dantur entia contingentia, tot prostant luculentia testimonia, dari ens, cujus existentia sit absolute necessaria.

NOTA. Hæ positiones, dici vix potest, quantope-  
re nobis interserviant, in demonstranda Dei existen-  
tia, id quod suo loco, infra nimirum in Theolo-  
gia naturali, uberius declarabitur.

§. 184. *Absolute necessitas repugnat contingentia, idque omne, quod est absolute necessarium, non potest esse contingens.*

*Demonstr.* Quod enim in se, & absolute neces-  
sarium est, ejus contrarium in se, & sua natura,  
constanterque adeo impossibile est: (§. 173.) Cujus-  
cumque vero oppositum constanter impossibile est,  
ejus oppositum nunquam potest fieri possibile:  
(§. 22.) Cujuscumque vero oppositum nunquam  
fieri potest possibile, illud non potest esse contin-  
gens. (§. 175.) E. quodcumque est absolute neces-  
sarium, non potest esse contingens, absolutaque  
adeo necessitas repugnat contingentia.

§. 184. *Id, quod hypothetice necessarium est, in se est contingens; ut adeo necessitas hypothetica, contingentiam nequitiam tollere censenda sit.*

*Demonstr.* Si enim quod hypothetice necessarium  
est, ejus oppositum nonnisi sub conditione sive  
hypothesi data impossibile est, (§. 174.) adeoque,  
absente conditione, sive hypothesi, oppositum est  
in se possibile. Illud, cujus oppositum est possibi-  
le, dicitur *contingens*. (§. 175.) E. quod hypothe-  
tice necessarium est, est in se contingens.

SCHOL. Poterat hoc theorema apogogice sive per  
indirectum ita quoque demonstrari: Ponamus, id  
quod hypothetice necessarium est, non esse con-  
tingens in se, tunc ejus, quod est hypothetice ne-  
cessarium, oppositum nunquam erit possibile,

(§. 175.)



(§. 175.) adeoque constanter in se, & sua natura contradictionem involvet. Hac ratione id, quod est hypothetice necessarium, erit simul absolute necessarium. (§. 173.) Quod cum sit absolum, (§. 22.) intelligis, id, quod hypothetice necessarium est, esse in se contingens, simulque perspicis hinc rationem, cur, hypotheticam necessitatem evertere contingentiam, negemus, & pernegemus.

SCHOL. Ut propositio præsens, multi omnino usus magnique momenti, intelligatur facilius, habeto exemplum. Hypothetice necessarium esse, jam supra affirmavimus, (§. 164.) ut sole splendente, radiosque suos nobiscum communicante, dies sit, sed tollas hypothesin, sub qua necessarium est, ut sit dies, tollas solis splendorem, oppido, diei oppositum in se possibile esse, animadvertes. Ut adeo, dici licet existentia hypothetice necessaria sit, in se tamen eandem contingentem esse, quivis facillime perspicere queat.

## CAPUT XIII.

*De ordine, Veritate metaphysica, & Perfectione.*

## §. 186.

Generaliores quædam entis affectiones adhuc restant explicandæ, inter quas maxime considerari merentur *veritas metaphysica, & perfectio*. Ut vero, quæ de veritate non minus, quam perfectione, exponenda sunt, rectius queant faciliusque intelligi, prius ordinis notionem ita evolvemus, ut, & pateat, quæ sit ordinis natura, & indoles, & deinceps, quid ad veritatem requiretur, ex dictis possit intelligi.

§. 187. Illam similitudinem, quæ obvia est in modo, quo res juxta se invicem collocantur; vel

se invicem consequitur, cum *Wolffio* dicimus *ordinem*. *Conf. ejus Ontolog. Lat. §. 471.*

EXEMPL. E. gr. In bibliotheca, dicimus, libros esse ordine dispositos, cum scilicet ita eos juxta se invicem collocatos, deprehendimus, ut adsit aliqua similitudo sive notarum characteristicarum identitas, (§. 193.) in modo, quo juxta se invicem collocantur. Si nimirum forma externa, & ligatura quandam inter se similitudinem habent, scilicet, qui simile tractant argumentum, eodem reponuntur loco, si denique in ipsis editionibus convenientia conspicitur, tum vero ordinem in ejusmodi bibliotheca admiramur.

SCHOL. Quæ *Cel. Rudigers* in *reciprocam opinionem essentia anima, & Spiritus* p. 128. contra hanc notionem *ordinis* monuit, ea a me confutata leges in *philosophia definitiva* p. 85. seqq.

§. 188. *Confusionem* itaque sive *inordinationem*, vi oppositorum, intelligis, nihil esse aliud, quam dissimilitudinem, quæ obvia est in modo, quo res juxta se invicem collocantur, vel se invicem consequuntur.

EXEMPL. E. gr. Cum in bibliotheca ita libros reperis esse dispositos, ut cum rationes argumenti, quod tractant, tum ratione formæ externæ, & ligaturæ, nulla apparet similitudo tum dicimus, adesse confusionem in bibliotheca.

§. 189. In omni ordine debet quid adesse, in quo varia, vel coexistentia, vel sibi invicem succedentia, sint sibi similia.

*Demonstr.* Cum enim omnis ordo constituatur similitudine, quæ obvia est in modo, quo plura sibi vel coexistunt, vel se invicem sequuntur, (§. 187.) intelligis, in omni ordine debere quid adesse, in quo varia, vel coexistentia, vel sibi invicem succedentia, sint sibi similia.

§. 190. Id, in quo varia sunt sibi similia, dicitur *regula ordinis*.

EXEMPL. E. gr. Si in bibliotheca quapiam libros ordi-

ordine dispositos dicis, idque ideo, quia libri omnes, juxta se invicem collocati, sunt ratione ligaturæ sibi similes, tunc ligatura est id ipsum, in quo varii libri, juxta se invicem positi, conveniunt. Similitudo itaque ligaturæ est, hoc quidem in casu, regula ordinis, & ratio sufficiens, cur in bibliotheca ordinem adesse asirmes.

§. 191. *In omni ordine debet adesse regula ordinis.*

*Demonstr.* Cum enim in omni ordine debeat quid adesse, in quod varia, vel coexistentia, vel sibi invicem succedentia, sint sibi similia, (§. 189.) id autem, in quo varia, vel coexistentia, vel sibi invicem succedentia, sunt sibi similia, constituat *regulam ordinis*, (§. 190.) patet, in omni ordine debere adesse regulam ordinis.

Poterat hæc propositio ita quoque demonstrari: Cum nihil sit sine ratione sufficienti, (§. 32.) ratio quoque sufficiens adesse debet, cur affirmemus, ordinem potius adesse, quam confusionem. Illa ratio sufficiens, ex qua intelligi potest, cur affirmemus, ordinem potius adesse, quam confusionem, id ipsum est, quod vocare consuevimus *regulam ordinis*. Ergo in omni ordine adesse debere regulam ordinis, perspicuum est.

§. 192. Ubi una tantum adest regula ordinis, ibi *ordinem simplicem* adesse, affirmamus: ubi vero plures adsunt, regulæ ordinis, ibi adest *ordo compositus*.

EXEMPL. E. gr. Cum in bibliotheca libri, juxta se invicem collocati, tantum ratione *formæ externæ* sunt sibi similes, diversa vero tractant argumenta, & in aliis pluribus determinationibus a se invicem differunt, tum ordinem simplicem in bibliotheca deprehendimus. Si vero (a) *ratione formæ externæ*, & *ligaturæ*, (b) *ratione argumentorum*, (γ) *ratione editionum*, libri, juxta se dispositi, convenerint, tum ordo in illorum dispositione deprehenditur compositus.

§. 193. Ex quo facillime negotio intelligis, hæc majorem esse ordinem, quo plures adfunt ordinis regulæ, & ordinis gradus recte ex copia ordinum simplicium æstimari.

§. 194. *Potest in rebus, juxta se invicem dispositis, alio respectu adesse ordo, alio vero respectu inordinatio sive confusio.*

*Demonstr.* Cum enim omne simile sit etiam dissimile, (§. 169.) intelligitur, posse in pluribus rebus, juxta se invicem collocatis, alio respectu adesse similitudinem, adeoque ordinem, (§. 187.) alio vero respectu in iisdem posse locum obtinere dissimilitudinem, adeoque confusionem sive inordinationem (§. 188.).

EXEMPL. E. gr. In bibliotheca adest eatenus ordo, quatenus libri ita sunt dispositi, ut convenienti ratione *forma externa*. Potest vero eodem tempore, qua ratione formæ externæ, in librorum dispositione, ordo deprehenditur, insignis adesse confusio, si rationem sc. habueris argumentorum, quæ sunt dissimilia.

§. 195. Ordo cæterum rei alicujus potest cognosci *vel* a priori, dum (a) regulam ordinis cognoscimus, (b) ex illa ipsa regula cognita varia determinamus, *vel* a posteriori, dum varia inter se comparamus, ut similitudine rerum inventa, hæc modo ipse inveniat ordo.

§. 195. *In iis, quæ existunt, reperitur ordo.*

*Demonstr.* Cum nihil sit sine ratione sufficienti, (§. 32) intelligis, in omnibus, quæcumque tandem existunt, eam reperiri similitudinem, ut fiant principio rationis sufficientis conformiter. Illa similitudo, quæ in omnibus existentibus deprehenditur, eorundem *ordinem* conficit, (§. 187.) E. in existentibus ordinem esse, deprehendis.

SCHOL. Atque hæc similitudo, hic ordo, per quam omnia existentia rationem sufficientem sui habent, est commune illud criterium, per quod, & vulgus, & philosophus, discernunt fictiones, & phant.

& phantasmata, in somniis obvia, ab eventibus, qui nobis vigilantibus revera accidunt. *Somnia*, inquit Bilfingerus in dilucidat. ( 162. ) inde agnoscimus, & negamus factam esse rem, sed esse visam solum fieri, quando hiat alicubi nexus rerum; si res ille, qua videntur fieri, vel sui rationem sufficientem non habent in visis anterioribus, vel inter sese non habent sua successionis rationem sufficientem, vel visa posteriora non habent in ipsis. *Sui phenomena* sint ejusmodi, ut antecedentia semper rationem in se habeant sufficientem consequentium, judicamus, illa revera sic existere.

§. 197. Hinc est, ut veritatem metaphysicam definiamus per ordinem talem, per quem quodlibet habet rationem sufficientem sui: VVolfius in Ontolog. Lat. §. 495. veritatem, quæ transcendentalis appellatur, & rebus ipsis inesse intelligitur, definit per ordinem in varietate eorum, quæ simul sunt, ac se invicem consequuntur. Item brevius: veritas est ordo eorum, quæ enti conveniant.

SCHOL. Dum de veritate, eaque metaphysica, hic sermo est, differentiam inter veritatem existendi, & veritatem essendi observari volo. *Veritatem existendi*, ( quia quid revera existit, non vero fingitur ) facile intelligis, ita debere explicari, ut involvat ordinem ejusmodi, per quem quodlibet rationem sui sufficientem habet. Quicquid enim revera existit, id debet habere rationem sufficientem, cur existat potius, quam non existat. ( §. 32. ) *Veritatem essendi* definebant veteres scholastici per eam effectiorem, qua res habet, quæ ipsius essentia, & naturæ debentur. E. gr. Aurum est verum aurum, ( *veritate essendi* ) cum omnia ea habet, quæ ad naturam essentiamque auri debitam requiruntur. Hæc definitio scholasticorum non videtur contradicere VVolfianæ. Res enim, inquit, Scholofferus in dissert. Epistol. ad Hoheisel. de Ideis p. 23. tum habet essentiam debi-

tam,

tam, si is ibi observetur ordo, ut principio rationis sufficientis conformiter omnia fiant, atque adeo secundum hanc similitudinem omnia ordine suo ex natura entis sequantur, ita, ut ex conceptu quodam primario concipere possis attributa reliqua, & modorum adsit etiam ratio, in aliis quippe rebus extraessentialibus.

§. 198. *Ens verum est*, in quo datur veritas.

Fortasse videtur tibi hæc definitio synonymica. At, cum, quid sit veritas, jam in antecedenti §. explicatum sit, definitionem hanc non esse synonymicam, intelligis. *Con. Log. §. 163.*

§. 199. *Omne ens est verum.*

*Demonstr.* Cum veritas consistat in ordine, per quem quodlibet habet rationem sufficientem sui, (§. 197.) omne autem ens sit ejusmodi; ut habeat rationem sui sufficientem, (§. 32.) intelligitur, in omni ente dari veritatem. Ens, in quo datur veritas, dicitur ens verum, (§. 198.) E. omne ens est verum.

Poterat hæc propositio ita quoque per indirectum demonstrari: Ponamus, dari ens, quod non sit verum ens, tunc dabitur ens, quod non id omne habet, quod ens habere debet (§. 197.), Atque adeo ejusmodi ens, erit ens, (*per hypothesin*,) & non erit ens, quia non id omne habet, quod ens habere debet. Cum verò absonum sit, & contradictorium, esse aliquid simul ens, & non-ens (§. 22.) absurdum quoque est, ut detur ens, quod non sit verum. E. omne ens debet esse verum.

NOT. Unde intelligitur, nullum falsum in rerum natura existere, si falsum scilicet dixeris id, quod non habet essentiam debitam. At falsum, inquis, datur aurum. Nego. Aurum, quod falsum dicis esse aurum, aut est aurum, aut non est aurum. Si est aurum, habet necessario omni auri equisita, adeoque non est falsum aurum. Si non aurum, erit vel cuprum, vel orichalcum, vel aliud.

aliud metallum. Atque hac ratione erit verum cuprum, verum orichalcum, vel aliud quoddam verum metallum.

§. 200. Ex his denique intelligitur, fontem omnis, quæ datur in rebus, veritatis esse principium rationis sufficientis, (§. 197.) ut adeo, sublato principio rationis sufficientis, tollatur, quæ rebus inest, veritas.

SCHOL. Atque hæc est ratio, cur cum Leibnitio alii, inter quos Thummigius, vel ideo principium rationis sufficientis concedendum esse, ajant, quia alias discrimen inter seminum, & veritatem tolleretur, Conf. ea, quæ supra §. 32. seqq. de *principio rationis sufficientis* a nobis copiose sunt disputata.

§. 201. Cuilibet rei, in qua varia, sive plura occurrentia ita consentire, & conspirare quasi deprehendimus; ut ad finem, ad quem res condita est, assequendum sufficiant, tribuimus *perfectionem*. Hinc perfectionem definiunt quidam per sufficientiam ad finem.

§. 202. Cum qua notione perfectionis apprime convenit *VVolfii* definitio, qui perfectionem definit per consensum in varietate, seu plurium a se invicem differentium in uno. *Consensum* vero, dicit, esse nihil aliud, quam tendentiam ad unum aliquod obtinendum.

NOT. Hæc definitio *VVolfii* nonnullis vehementer displicuit, quæ tamen contra illam moveri solent dubiola, vix merentur solutionem, Conf. interim *philosophia mea definitiva* pag. 88. ubi ad nonnullas exceptiones responsum esse, videbis.

SCHOL. Ut interim hæc definitio rectius capiat, auctor existiterim cuique, & suasor, ut singulos consideret attentius, & percurrat casus, in quibus rei alicui tribuimus perfectionem, videatque insimul, num hæc definitio applicari queat, *Mihi* certe, diligentius, meditati, nondum occur-

currit perfectionis exemplum, in quo præsentem definitionem non oppido, & commodissime potuerim applicare. Unum alterumque exemplum diluistrandam hanc definitionem adferemus. *Reipublica* e. gr. tribuimus tum perfectionem, cum in eadem varia, actione scilicet principis, & subditorum, eo conspirant, & eo tendunt, ut tranquillitas publica obtineatur, & conservetur. *Horologio* tribuimus itidem perfectionem, cum varia in horologio, omnes scilicet catenulæ, omnes rotæ, omnesque rotarum motus eo tendunt, eo collineant, ut finis horologii, indicium scilicet horarum, obtineatur.

§. 203. *Imperfectionem* in aliqua re deprehendimus tum, cum varia, in re obvia, fuerint ejusmodi, ut fini rei adversentur, & contradicant. *Imperfectionem* itaque *VVolpius* definit per dissensum in varietate seu plurium a se differentium in uno.

EXEMPL. E. gr. Cum in republica varia, actiones nimirum principis, ac subditorum, fini reipublicæ, scilicet tranquillitati publicæ, contrariantur, cum princeps crudeliter in subditos favit, cives autem omne ob equum detrectant; tum nemo non hæc omnia pro reipublicæ imperfectionibus habebit. Horologium item imperfectum est, si qua in ejus structura occurrunt, quæ obstant, quominus horæ singulæ accurate indicentur. *Conf. VVolpi Ontol. Lat. §. 304.*

§. 204. Apparet hinc, ad omnem perfectionem requiri (α) *principium perfectionis*, sive finem aliquem, & scopum, ad quem varia in re, quam perfectam esse dicimus, tendant. Hoc principium perfectionis, in quo plura in re quapiam consentiant, dicitur a *VVolpio* quoque *ratio determinans perfectionis*. (β) Ad perfectionem requiruntur *plura*, quamvis non realiter a se invicem semper distincta; interim tamen, ut plura, a nobis representata. (γ) Adsit *consensus* plurium cum principio, sive ratione determinante perfectionis, sive, quod



quod idem est, harmonia plurium cum fine aliquo, & scopo communi.

EXEMPL. E. gr. Principium perfectionis mundi est manifestatio gloriæ divinæ, varia illa in mundo obvia, ad hunc finem tendentia, sunt corpore mundi totalia, & partialia, consensus est nexus rerum simultanearum, & successivarum.

§. 205. Si principium vel ratio determinans perfectionis adfuerit unica, tum *perfectionem* adesse *simplicem*, dicimus. Cum vero plura perfectionis principia, adeoque plures perfectiones simplices in aliquo ente obveniunt, tum vero adest *perfectio composita*. Ut adeo perfectio composita ex consensu multarum simplicium perfectionum oriri recte dicatur.

EXEMPL. E. gr. Cum horologium ita fuerit constructum, ut in eo conspiciatur partium rotularumque omnium consensus ad id, ut horæ tantum indicentur, habes hoc in casu perfectionem horologii simplicem. Si vero consensus partium in horologio non modo id efficit, ut horæ indicentur, sed quoque, ut singula minuta, singuli quoque dies mensis cujuscvis, manifestentur, tum vero perfectio horologii est composita, quia plures adsunt fines, & scopi qui per structuram, partium, in horologio apte coherentium, & amice conspirantium, obtinentur.

§. 206. Quo itaque plures adsunt perfectiones simplices, compositam constituentes, quo item *exaltius* plura in ente aliquo consentiunt, & conspirant cum fine, & scopo sive principio perfectionis, hoc major est perfectio.

§. 207. Experientia nos conducet, sæpius usu venire, ut perfectiones simplices, compositam constituentes, earundemque regulæ sive principia inter se pugnent. Quod cum sit, fieri autem, ut dixi, experientia teste, persæpe solet, plures regulæ dicantur inter se *collidi*.

EXEM-

EXEMPL. E. gr. Eruditionem sibi in academia acquirere, mentemque literarum studiis ita excolere, ut patriæ aliisque, nobis item, sapiamus, est, nemine dissentiente, perfectio. Opum suarum nullam pati jacturam, easque partes conservare, itidem perfectio est. At mentem nostram literarum studiis excolere vix possumus, opesque ingenii ægre augebimus, nisi sumus impenderit. Vides hic, duas perfectiones pugnare, & inter se collidi, cujus quidem perfectionum collisionis exempla plura, eaque perquam luculenta, in ipsis prælectionibus adducemus.

§. 208. Quia ea, quæ inter se pugnant, simul esse non possunt, (§. 22.) opus est, ut, si utraque perfectio simul obtineri nequit, vel regularum perfectionis altera præferatur, & negligatur altera, vel ut utraque ex parte negligatur, ex parte autem retineatur. Neglectus hic alterutrius regulæ perfectionis vocatur *exceptio a regula perfectionis*. Quæ exceptio a regula perfectionis, ex collisione plurium regularum oriunda, ita definitur a *Wolffo in Ontolog. Lat. §. 510. Exceptio* est determinatio, regulæ contraria, ob regularum simul observandarum collisionem facta.

EXEMPL. Fac e. gr. Cajum vulnus accepisse in crure, quod sit immedicabile, ipsumque adeo in vitæ discrimen adducat, nisi ipsum crus chirurgorum instrumentis rescetur. Quid tunc Cajus? Novit regulam, magistra recta ratione, dudum in mente ipsius alte impressam: *Membra sunt integra conservanda, neque adeo rescanda*. Sed non nescit alteram quoque: *Vitam tuam conserva*. Si itaque Cajus, vitam sine cruris abscissione, & jactura servari non posse, videt, oppido illud a corpore abscindendum curat, tantum, ut vitam servet. Exceptionem hic facit Cajus a regula priori, propterea quod ipsius actiones, & determinationes huic regulæ: *Membra sunt integra conser-*  
van-

## ET PERFECTIÖNE. tit

*mandata, nec refecanda*, plane sint contrariæ, idque propter regularum simul observandarum pugnam sive collisionem.

§. 209. Quotiescumque ob regularum, simul observandarum, pugnam sive collisionem exceptio a regula perfectionis instituenda, toties, si quidem ducem rectam rationem sequi voluerimus, ita eam instituemus, ut maximam totius perfectionem obtineamus, sive ut majus bonum præferamus minori.

Absonus profecto mentisque valde inops existimaretur ille mercator, qui, si, coorto turbine maris, vitam suam sine mercium jactura, & projectione in mare servari non posse videret, vitam mallet, quam merces, perdere.

§. 210. Si in regularum plurium collisione, vel pugna minimum admittatur exceptionis, nihilominusque finis obtineatur, & scopus, tum verò magnam hinc emergere perfectionem totius, per se patet.

NOT. Hinc est, ut, præter ea, quæ jam §. 206. de perfectionis gradui determinando dicta sunt, ex hoc quoque alicujus rei perfectionis gradum æstimare soleamus, si minimum scilicet exceptionis fuerit admissum.

§. 211. *Ubi unica tantum adfuerit regula perfectionis, ibi exceptioni non est locus.*

*Demonstr.* Cum enim omnis exceptio a regula perfectionis oriatur ex collisione regularum, (§. 208.) collisio autem, sive pugna regularum perfectionis, locum habere nequeat, nisi adfuerint plures regulæ pugnantes, (§. 207.) intelligis, ubi unica adfuerit regula perfectionis, ibi exceptioni non esse locum.

§. 212. *In perfectione itaque simplici, exceptio nulla esse potest, quamvis in perfectione composita locum exceptio habere queat.*

*Demonstr.* Cum enim, ubi unica est regula perfectionis, ibi exceptio locum habere nequeat, (§. 211.)

211. ) in perfectione autem simplici unica tantum regula perfectionis locum habeat, (§. 205.) manifestum est, in perfectione simplici nullam posse esse exceptionem a regula perfectionis. In perfectione composita plures adsunt regulæ perfectionis, (§. 205.) ubi vero plures adsunt regulæ perfectionis, ibi locum habere potest collisio, sive pugna regularum, (§. 207.) ubi locum habere potest pugna, sive collisio regularum, ibi locum habere potest exceptio a regula perfectionis (§. 203.) E. in perfectione composita locum habere potest exceptio.

§. 213. *Ex exceptione oritur defectus, non verus ille quidem, sed tantum apparens.*

*Demonstr.* Cum enim in omni exceptione determinationes habeas regulæ contrarias, (§. 208.) determinatio autem regulæ contraria, hoc quidem loco, a nobis dicatur *defectus*, consequens est, ut ex exceptione oriatur defectus. Quia vero ille defectus evitari non potest, propter regularum, simul observandarum, collisionem, defectum illum apparentem esse, vides.

§. 214. *Ex exceptione a regula perfectionis oritur imperfectio in parte, salva tamen totius perfectione.*

*Demonstr.* Cum enim ex exceptione a regula perfectionis oriatur defectus, (§. 213.) defectus autem consensus variorum cum fine constituat *imperfectiorem*, (§. 203.) intelligitur, ex exceptione a regula perfectionis oriri imperfectiorem. Hæc tamen imperfectio non est in toto, (exceptio enim ita potest institui, ut maxima totius perfectio obtineatur) E. erit in parte. E. exceptionem, intelligis, parere imperfectiorem in parte, salva totius perfectione.

§. 215. *Ex quo conficitur, imperfectiorem partis ex exceptione illa resultantem, facere posse ad maiorem totius perfectionem. Quod tamen non ita volo accipi, ac si ex imperfectiione partis in se, & sua natura accedat quicquam perfectioni totius*

totius, sed aliunde dependet prerogativa perfectionis in toto, quæ tamen non adesset, nisi imperfectio in parte fuisset admixta.

EXEMPL. Ut facilius intelligar, suppeditabo exemplum perspicuum. Fac, mercatorem, maris æstu, & fluctibus agitatam, merces projicere in mare, ut vitæ suæ consulat. Negligit hic mercator, ut vides, alteram perfectionis regulam, ut observetur altera; & retineatur. Adeoque admittit imperfectiorem in parte, (imperfectio enim est, jacturam mercium, & opam facere,) ut obtineatur perfectio totius, sive, ut altera conservetur. Non autem dependet vitæ conservatio a mercium jactura, & projectione in mare, tanquam causa efficiente, sed vita non potuisset conservari, nisi antecessisset saltem, ut conditio sine qua non, mercium projectio, & navis exoneratio.

§. 216. *Perfectio essentialis* est, quæ continetur consensu determinationum essentialium. *Perfectio* autem accidentalis est, quæ facit consensum determinationum accidentalium cum essentialibus.

§. 217. *Omne ens gaudet perfectione essentiali.*

*Demonstr.* Cum enim omne ens sua gaudeat essentia, (§. 69.) adeoque attributis etiam, cum essentia necessario, & indivulso nexu conjunctis, (§. 77.) hæc autem omnia, tanquam determinationes essentielles, eo tendant, & in eo conspirent, ut ens præcise sit ens, non vero non-ens, ut ens sit hoc ens, nec aliud ens, (§. 66.) intelligitur, omne ens gaudere sua perfectione essentiali (§. 216.).

SCHOL. Hanc essentialem perfectionem vocabant scholastici *bonitatem metaphysicam*. Hinc intelligis, cur, *omne esse ens bonum*, contenderint iidem, negaverintque, quicquam metaphysice malum in rerum natura existere.

§. 218. Cæterum observes, perfectionem rerum vel ita (1) cognosci, ut detegamus regulam sive principium perfectionis, (2) ex illo principio per-

Baum. Metaph.

H

fe-

fectionis determinemus varia ; quomodo debeant esse comparata ; ut cum principio , & regula perfectionis consentiant , & conspirent , vel ita cognoscintus perfectionem , ut ( $\beta$ ) varia alicujus rei cognoscamus , iisque inter se collatis , principium quoque perfectionis sive regulam cognoscamus . In illo casu dicimur cognoscere perfectionem a *priori* ; in hoc verò a *posteriori* .

NOT. Maxime autem in operibus artis perfectiones rei cognoscimus a *priori* . In horologio e. gr. ( $\alpha$ ) de regula sive principio , & fine solliciti sumus , ad quem varia in horologio tendere debent , ( $\beta$ ) dispicimus , num varia in horologio ita consentiant , & ita inter se conspirent , ut finis horologii , horarum scilicet indicium , obtineatur . In operibus autem naturæ cognoscendis , & detegendis perfectionibus ita versamur , & ita procedimus , ut ( $\alpha$ ) varia , in ente obvia , inter se comparemus , iisque inter se comparatis , ( $\beta$ ) finem , scopum , & principium perfectionis cognoscamus .

## CAPUT XIV.

*De ente composito .*

## §. 219

UNiversalibus notionibus entisque affectionibus jam jam explicatis , nunc ad specialiorem entium considerationem accedimus . Cumque omne ens jam a veteribus in ens compositum , & ens simplex fuerit distributum , a composito ordimur , quia ex composito simplex infra demonstrabitur . Ita autem hoc in capite doctrinam de ente composito trademus , ut , generalia exponamus principia , & positiones demonstremus universales , quæ in cosmologia itemque in physicis , cum naturæ , & affectiones corporum explicandæ sunt , multo nobis usui sunt futuræ ,

§. 220. Ut vero, quæ de ente composito dicenda sunt, intelligantur facilius, primo quidem loco, quid sint *res*, *extra se invicem posita*, definimus.

§. 221. Cum rei alicujus nobis sumus conscii, tamquam a nobis distinctæ, & diversæ, tum illam rem *extra nos ponimus*. Ea autem *extra se invicem poni* dicuntur, quæ cogitamus, tamquam a se diversa, & distincta.

EXEMPL. E. grat. Cum Mævium tibi repræsentas, illum extra te ponis, quia illum diversum a te repræsentas. Mævium porro, & Titium extra se invicem ponimus, quia Mævium a Titio distinctum concipimus. Ita quoque in hac mensa unam mensæ particulam extra aliam ponis, quatenus scilicet quamlibet mensæ particulam ab alia distinctam tibi repræsentas.

§. 222. Illud ens, quod ex pluribus, a se invicem distinctis, seu contra se positis, partibus constat, dicimus *ens compositum*.

EXEMPL. E. gr. Menta, liber, sunt entia composita. Constant enim ex pluribus partibus, a se invicem distinctis, seu extra se positis.

NOT. Compositum hoc, quod definivimus, quodque in libris philosophicis stricte, & *κατ' ἐξῆς* compositum dicitur, appellamus compositum reale, sive physicum. Quod ipsum compositum reale distinguitur a *composito rationis*.

SCHOL. Est autem *compositio rationis* sive logica, cum plura, tamquam a se invicem distincta, in ente quopiam mente concipiuntur, quæ tamen realiter a se invicem distincta non sunt. E. gr. Cum in Deo attributa omnia, quæ sunt ipse Deus, tamquam plura, a se invicem distincta, & extra se posita, repræsentamus, tunc illa compositio, qua Deus ex pluribus attributis componi videtur, dicitur *compositio rationis, sive logica*.

§. 223. Hinc evidens est, compositum per certam plurium, a se invicem distinctarum, partium

combinationem fieri compositum, &, ut alia aliave est partium conjunctio, ita inde emergere aliud aliudve compositum, ex definitione, §. 222. supeditata, constare potest.

§. 224. *Essentia compositi consistit in modo compositionis talium partium, quibus constat compositum.*

*Demonstr.* Cum enim essentia rei sit id, per quod præcise res aliqua hæc res est, & non alia, (§. 66.) per partium autem combinationem, sive, quod idem est, per modum compositionis partium, quibus constat compositum, compositum sit præcise compositum, nec aliud quid, &, ut alia aliave adest combinatio partium sive modus compositionis, ita aliud, aliudve inde emergat ens compositum (§. 223.), consequens est, ut essentiam compositi in modo compositionis talium partium, quibus constat compositum, recte constituamus.

EXEMPL. Ut facilius intelligar, exemplum supeditabo perspicuum. Nosti, horologium, & molendinum esse entia composita, plane a se diversa. Dic vero, quid est illud tandem, per quod horologium præcise est horologium, nec potius molendinum? Per quod; quæso, horologium a molendino, & molendinum ab horologio semper, & ubique discernitur? Nonne per internam partium combinationem, & structuram diversam? Quia scilicet alius est modus compositionis in horologio, alius in molendino, fit inde, & molendinum non habeas pro horologio, nec horologium credas esse molendinum, sed per modum compositionis partium diversum, structuramque diversam hæc duo entia composita distinguas.

§. 225. Essentiam itaque compositi is demum perspicere recte existimatur, qui cognoscit, quales sint in composito partes, quove modo partes illæ sint inter se combinatæ, & connexæ.

§. 226. *Quæcumque composita sunt ejusmodi, ut*  
*smi-*



*simili gaudeant structura, similemque modum compositionis habeant, illa sunt sibi similia.*

*Demonstr.* Quæcumque enim composita eadem structura gaudent, similemque compositionis modum habent, illa habent essentiam similem, sive eadem (§. 224.) quæcumque essentiam similem, sive eandem habent, illa sunt sibi similia (§. 117.). E. quæcumque composita sunt ejusmodi, ut simili gaudeant structura, similemque modum compositionis habeant, illa sunt sibi similia.

§. 227. Quæcumque contra entia composita dissimilem compositionis modum habent, illa esse dissimilia, ex dictis perspicuum est.

EXEMPL. E. gr. Lupus, & lepus sunt entia composita dissimilia, ob diversum compositionis modum, structuramque plane dissimilem.

§. 228. Duo entia composita perfecte similia existere nequeunt.

*Demonstr.* Cum enim duo individua, perfecte in omnibus similia, dari non possint (§. 169.), omne autem id, quod existit, sit individuum (§. 160.), manifestum est, duo entia composita, in omnibus perfecte similia existere non posse.

§. 229. Quodcumque est ens compositum, illud non existit absolute, & simpliciter necessario.

*Demonstr.* Compositum existere nequit, nisi sub hac hypothese, si plures partes, a se invicem distinctæ, certo modo inter se combinatæ, & connexæ existant (§. 222.). Ut adeo existentiam entis compositi conditionem admittere, intelligas. Cum vero id, quod simpliciter, & absolute necessarium est, nullam ferre conditionem queat (§. 173.), consequens est, ut existentia entis compositi non possit esse simpliciter, & absolute necessaria.

SCHOL. Cl. Vincklerus in institut. philos. Volsiana p. 56. hoc theorema ita demonstrat „ Si ullum „ compositum cum necessitate simplici existat, „ aut partium, quibus continetur, alicui aut nul- „ li ejusmodi est existentia. Si pars aliqua ita e-

, xistat : duo sunt , quorum existentia est simpli-  
 „ citer necessaria . Hæc vero esse nequeunt . Si  
 „ nulla partium existat cum necessitate simplici :  
 „ neque etiam ratio , cur compositum cum eadem  
 „ existat . Cum enim omnes ( partes ) possint non  
 „ esse , nec earumdem conjunctio est necessaria  
 „ simpliciter .

§. 230. *Extensum* vocatur , quod habet partes ,  
 quarum unaquaque extra alteram existit , easque  
 inter se unitas . Cum vero partes intra partes in-  
 entes quodam deprehenduntur , tum vero illud ens  
 dicimus *intensum* .

EXEMPL. E. gr. In mensa deprehendimus exten-  
 sionem , propterea quod in mensa partes sunt ita  
 extra se invicem positæ , ut pars A , non sit ibi ,  
 ubi est pars B , & B , non sit ibi , ubi est pars C .  
 Eruditioni vero , calori , &c. tribuimus intensio-  
 nem .

§. 231. *Omne ens compositum debet esse exten-  
 sum* .

*Demonstr.* Cum enim omne compositum debeat  
 partibus constare , a se invicem distinctis , inter se  
 autem connexis ( §. 222. ) , tum autem ens di-  
 catur *extensum* , cum gaudet partibus , quæ ex-  
 tra se invicem sunt positæ , interius tamen sunt  
 unitæ ( §. 230. ) , consequens est , ut omne ens  
 compositum debeat esse extensum .

§. 232. Compositum dicitur *continuum* tum , cum  
 ejus partes eo ordine juxta se invicem sunt col-  
 locatæ , ut aliæ diversæ inter ipsas poni plane  
 non possint . Quando vero partes ita sunt collo-  
 catæ , ut aliæ inter ipsas locum habere possint ,  
 tum vero compositum dicitur *interruptum* . Si de-  
 nique composita duo ita fuerint collocata , ut ip-  
 sorum superficies se mutuo sic contingant , ut ip-  
 sa maneant plura , neutiquam vero unum efficiant  
 extensum , tum illa duo composita , sibi proxima ,  
 vocari solent *contigua* .

EXEMPL. Ut notiones hæ , in capite de ente com-  
 posito ,

posito explicari solitæ intelligantur facilius, exempla perquam perspicua subnectam. Massa exempl. grat. aurea est compositum *continuum*, propterea quod partes, totam massam constituentes, ita sunt inter se connexæ, ut aliæ, a massa aurea diversæ, partes interponi nequeant. Via dicitur tum *continua* a termino B, usque ad terminum C, cum ipsa nullis rivis, foveis, fluminibusque fuerit intersecta. Cribrum vero est compositum *interruptum*. Cribri enim structura totiusque compositionis modus est ejusmodi, ut inter partes, laxius, & per interstitia coherentes, aliæ, a cribri partibus prorsus diversæ, partes possint interponi. Duo vero globuli, quorum superficies se mutuo ita contingunt, ut ipsi; licet sibi proxime coexistent, nihilominus maneant duo globuli, dicuntur recte *contigui*.

§. 233. *Ex his conficitur, contigua non statim esse continua.*

*Demonstr.* Cum enim, quæ sunt contigua, se mutuo, qua superficiem, contingant quidem, neutiquam vero ita unum efficiant extensum, ut nullæ aliæ partes interponi possint, (§. 132.) ad compositum vero, *continuum*, ejusmodi partium nexus requiratur, ut nullæ aliæ partes diversæ inter ipsas locum habere queant (§. 232.), manifestum est, & contigua non statim esse continua.

EXEMPL. E. gr. Hæ duæ literæ, *ac*, sunt literæ contiguae, (coherent enim, & arte licet cohererent, nihilominus manent duæ literæ) absit vero, ut dicamus eas continuas, possunt enim aliæ literæ diversæ interponi.

§. 234. Perspeximus, quid sit *continuum interruptum*, itemque, quæ composita dici debeant contigua. (§. 232.) Reliquum, ut ad compositorum entium naturam, & affectiones plenius intelligendas, quasdam adhuc notiones distincte hic evolvam. Scilicet, cum deinceps demon-

Arandum nobis sit, *omnia entia composita replere spatium*, item *omne compositum posse recipere motum*, &c. id agemus nunc, ut quid sit *spatium*, *locus*, *situs*, *figura*, *tempus*, *motus*, quum fieri potest, enodatissime exponamus, exemplis ubique luculentis ea, quæ abstrusiora videri poterant, illustraturi.

§. 235. *Spatii* notio tam abstractam omnino est, ut complures, confuso hujus vocis conceptu contenti, nihil omnino sciant, cum, quid sit *spatium*, fuerint interrogati. Factum hinc est, ut alii, cum, audito vocabulo *spatii*, nihil cogitare sibi visissent, vocem *spatii* pro voce nihili haberint, quo pertinet cum primis Clericus, alii vero, phantasia, inepte sedula, delusi spatium quoddam corporum receptaculum, & esse, & dici debere, existimarint, alii denique spatium ens simplex esse affirmarint.

§. 236. Ut vero *spatii* notio facilius animo informetur, sequentia probe observanda esse, judico.

(α) Deprehendimus per experientiam, plura entia composita A, B, C, D, sæpius ita existere, ut, dum A, existit, etiam B, C, D, existant. Hæc plura entia composita, simul existentia, dicuntur *simultanea*.

(β) Dum vero ad hæc simultanea, A, B, C, D, quæ sibi invicem coexistunt, curatius attendimus, observamus,  $\bar{w}$  A, alio plane modo coexistere  $\bar{w}$  B, quam coexistit idem A,  $\bar{w}$  C, vel D. Distingui-  
mus itaque modum, quo A, coexistit  $\bar{w}$  B, a modo, quo idem coexistit  $\bar{w}$  C, & D.

(γ) Hinc intelligis luculenter, ejusmodi omnino ordine hæc simultanea juxta se invicem collocari, ut distantia inter A, & B, sit plane diversa a distantia, quæ conspicienda est inter idem A, & D.

(δ) Cum cogitamus hunc ordinem, qui conspici-  
tur in modo, quo plura simultanea A, B, C, D,  
sibi

sibi coexistunt, revera cogitamus id, quod dicitur *spatium*, neque fieri potest, ut res, extra se invicem coexistentes, nobis repræsentemus, quin ipsæ adhæreat notio spatii.

§. 273. VVolfius itaque *spatium* definit in *Ontologia Latina* p. 454. §. 598. per ordinem simultaneorum, quatenus scilicet coexistunt.

EXEMPL. E. gr. in foro Vitembergenfi, dicimus, dari quoddam spatium; propterea, quod multa ædificia, prope forum sibi coexistentia, & simultanea, certam quamdam relationem certumque ordinem, ratione suæ coexistentiæ, inter se servant. Quæ quidem relatio, quæ inter ædificia coexistentia intercedit, prout alia aliæque est, ita aliud aliudve spatium inde exsurgit. Ut adeo videas, spatium neutiquam posse considerari, ut *ens absolutum*, quin potius sine relatione aliqua ad corpora coexistentia spatium nullum concipi potest.

SCHOL. Cel. Hollmannus in *Metaphysica* §. 119. seqq. spatium positivi quicquam esse negat, arbitratus, spatium esse nudam rerum existentium non-contiguitatem: *Nihil positivi*, inquit §. 121. *cogitandum nobis est, quando spatium cogitare volumus, nosque illud, modo explicato, possibile jam esse, diximus, quin nuda potius unius rei, verè existentis, ab alia, verè existente, distantia, seu, quoniam, & hoc vocabulum, æque, ac spatii vocabulum positivum est, ideoque, & ideam rei alicujus positiva, plerumque in nobis generat, nuda non-contiguitas est.* Nonnulla quoque §. 124. Cel. Vir contra definitionem spatii VVolfianam movit, quæ vero, hic non attinet, pluribus commemorare, & confutare.

§. 238. Præter distinctam spatii notionem §. antecedenti suppeditatam, datur adhuc quædam spatii notio imaginaria. Scilicet imaginatio nobis sistit spatium, tamquam ens reale, actu existens, extensum, uniforme, continuum, quod est indivisibile, æ. immobile, & a rebus existentibus pe-

netrabile. Quo ipso spatium sibi homines repræsentant, tamquam receptaculum, a rebus omnibus vacuum, in quo aliquod reponere queamus.

NOT. Hæc, a phantasia efficta, spatii notio, quæ spatium, tamquam corpus aliquod, & ens reale, nobis sistimus, quamvis multis imponat, impediaturque adeo, quo minus, quid sit proprie spatium, homines sibi distincte repræsentare possint, ea tamen nos in Geometria in primis, & doctrina de motu non facile carere posse, monet *Cl. Ernesti in philosophia sua p. 220.*

§. 239. *Ex definitione spatii §. 237. allata, intelligitur spatium a rebus simul existentibus esse diversum.*

*Demonstr.* Cum enim nemini non pateat, ordinem, sive modum, quo res plures sibi coexistunt, a rebus ipsis coexistentibus plane esse diversum; ordo autem ille, sive medius, quo res plures simultaneæ sibi coexistunt, constituat id, quod dicimus *spatium*, (§. 237.) manifestum est, spatium a rebus pluribus coexistentibus esse plane diversum, aut saltem, tamquam diversum, concipi debere.

SCHOL. Hoc theorema optime illustrari posse, crediderim, exemplo numeri, & rei numeratæ. Quemadmodum enim, si res adfuerint numeratæ, non potest non adesse numerus, numerus autem non est ipsa res numerata; & quemadmodum, rebus numeratis sublatis, numerus existere cessat, ita etiam; ut primum plures res simultaneæ certo quodam ordine coexistunt, oritur spatium, (spatium autem illud, quod a rebus ordinatis, & coexistentibus oritur, non sunt ipsæ res ordinatæ,) quod quidem spatium, rebus coexistentibus sublatis, non potest non rursus evanescere, fere, uti; numerus, rebus numeratis sublatis, evanescit. *Conf. Wolffii Ontologia Lat. §. 613. & Winckleri institut. philos. Wolffianæ p. 58. §. 272.*

Not. Patet hinc, quod de spatio extramundæ  
nq.

no, a veterum nonnullis confecto, sit existimandum. Qua, dic, quæso, ratione spatium, sive rerum existentium non contiguitas locum habebit, ubi nullæ plane res existunt?

§. 240. *Omnia composita insunt spatiis.*

*Demonstr.* Cum enim spatium sit ordo rerum, extra se invicem positarum, quæ tamen coexistunt sibi invicem, (§. 237.) patet, in spatio id tantum esse, in quo reperitur ordo diversorum, quæ sibi invicem coexistunt. Cum vero omnia composita ejusmodi sint, ut in iis reperiantur plura, a se invicem distincta, sed inter se connexa, & sibi invicem coexistentia, (§. 222.) perspicuum est, omnia composita inesse spatiis.

SCHOL. Si notionem spatii imaginariam in subsidium adhibueris, poteris facilius hanc propositionem tibi concipere. Extensum scilicet dicitur *implere spatium*, quatenus in spatio imaginario, sive in receptaculo quodam, a rebus vacuo, partem nobis fingimus immobilem, quam extensum illud adæquat. *Conf. Wolffius in Ontolog. Lat. §. 609.* Jam vero cum omne compositum, quodcumque extra intellectum nostrum existit, alicubi existere debeat, id, quod, vel me tacente, quilibet intelligit) evidens est, quodlibet compositum partem aliquam, in receptaculo, a rebus vacuo, adæquare, adeoque spatium aliquod replere debere. Præclare hanc in rem Hollmannus: *In spatio*, inquit, *aliquo esse nobis aliquod dicitur, quando illud ita extra intellectum nostrum vere alicubi existit, ut ibidem, & alia magis, vel minus, ab eodem existentia, existere non repugnet, id quod quum de rebus omnibus vere existentibus, dici jam posse, necesse sit, res omnes, vere existentes, necessario quoque in spatio aliquo esse debere, satis inde jam apparet.* *Conf. institut. philos. prima p. 727.*

§. 241. Quando A, B, C, D, sibi invicem coexistunt, tunc certo quodam ordine, oportet coexistent, ita, ut. modus, quo A, coexistit, nō B,

vel

vel C, & D, distingui possit ab illo modo, quo B, coexistit  $\tau\omega$  A, vel C, & D. Qui quidem determinatus modus, quo A, coexistit  $\tau\omega$  B, C, & est id, quod *locum* appellamus.

SCHOL.  $\tau\omega$  A. scilicet tribuitur peculiaris locus, quia  $\tau\omega$  A, determinato modo coexistit  $\tau\omega$  B, C, & D. Exempl. gr. Hic liber, quem coram video, peculiarem occupat locum, quia hic liber, quem coram video, & mihi, & aliis rebus circumjacentibus determinato modo coexistit, ita quidem, ut, si hic liber distantiam mutet, alioque modo determinato mihi coexistere occipiat, locum quoque suum mutare dicatur.

SCHOL. Sunt, qui differentiam *spatii*, & *loci* ita sibi concipiunt. Spatii, inquit, & loci idea, ut *totius*, & *partis* ideæ inter se differunt. In spatio scilicet sunt plura simultanea concipienda, quorum cum quodlibet habeat determinatum suum modum cæteris coexistendi, spatium imaginamus, tamquam ex multis locis compositum.

§. 242. *Quemadmodum §. 39. jam demonstratum est, spatium, a rebus simultaneis, earumque existentia plane differre, ita nunc quoque facile patebit, locum ab ipsa re differre, tamquam rei relationem.*

*Demonstr.* Quicquid enim non est, nisi modus coexistendi cæteris, id non esse ipsam rem, facillime intelligitur. Atqui vero locus non est, nisi modus determinatus coexistendi, cæteris. Ergo: locus non est ipsa res, sed est rei relatio.

§. 243. Unde conficitur, 1.) locum cum intrinseco entis nullam habere connexionem, nec in eo posse quicquam mutare. 2.) Hinc manifestum fit, non posse in loco esse rationem, cur ens aliquod sit hic, nec alibi, (alias locus cum ipso ente ejusque intrinseca natura rem haberet.) Cum itaque nihil sit sine ratione sufficiente, ratio debet esse extra locum in alia quapiam re, cur ens quodlibet potius hic sit, nec alibi.

§. 244.



§. 244. Quemadmodum spatium est ordo simultaneorum, quatenus sibi coexistunt, & non nisi congregatione rerum, quæ sunt, continetur, (§. 237.) ita *tempus* est ille ordo, qui observatur in successivis.

§. 245. Ut notionem temporis distinctius formemus, & facilius, ad sequentia attendi volo.

(α) Entia perplura dantur, quorum alterum esse incipit, alterum vero esse definit. Hæc entia dicuntur *successiva*. In his entibus successivis observamus (β) aliquod, quod adest actu, & appellatur *præsens*. (γ) Cum id, quod præsens erat, esse definit, & in statum mere possibilitatis recidit, tum vocatur *præteritum*. (δ) Cum ens aliquod, quod mere adhuc est possibile, sed ad actum deducetur, tum appellatur *futurum*. Cum vero quodlibet horum sua gaudeat duratione, atque adeo in his deprehendatur uniformitas quædam, & similitudo, deprehendi hic quoque ordinem, ex §. 187. constare potest. Atque hic ordo in successivis est ipsum, quod *tempus* appellatur.

§. 246. Qui in temporis notione informanda imaginationi nimis indulgent, ii tempus sibi repræsentant, tamquam ens compositum, ex partibus successivis continuis constans, & perdurans, vel sibi id sistunt, tamquam lineam rectam, quæ fluxu puncti continuo gignitur. Conf. *Wolffius in Ontolog. Lat. p. 448. §. 582.*

§. 247. Ex definitione temporis, §. 245. suppetitata, necessaria consecutione, sequentia fluunt axiomata.

(α) Intelligitur hinc, ubi nullum habent locum res successivæ, quarum altera esse incipit, altera esse definit, (§. 245.) ibi tempus quoque nullum habere locum.

(β) Planum hinc fit, eum, in quo nullæ reperiuntur successiones, temporis non posse non esse ~~ex~~ pertem.

(γ) Evi-

(7) Evidens est; omne id, quicquid est in tempore mutationibus esse obnoxium.

(8) Quam parva successiva possumus a se invicem distinguere, tam minus temporis momenta, seu tempuscula possumus admittere. Hæc tempuscula eatenus audiunt temporis partes, quatenus ad aliud referuntur, quod; dum ipsa fluunt, existit; seu durat.

§. 248. *Tempus cum entis intrinseco nullam habet connexionem, nec quicquam in natura rei intrinseca mutare potest.*

*Demonstr.* Cum enim tempus non nisi sit ordo successionis rerum; (§. 244.) successioni autem entis cum intrinseco entis nihil sit commercii, id quod cuivis patet; perspicuum est, tempus cum entis intrinseco nullum habere nexum, neque adeo quicquam in entis interioribus mutare posse.

§. 249. *Tempus a rebus; sibi succedentibus, harumque existentia differt.*

*Demonstr.* Cum tempus sit successio rerum (§. 244.) successio autem rerum non sint ipsæ res succedentes, palam est; tempus a rebus, sibi succedentibus; harumque existentia differre.

§. 250. *Motus est nihil aliud, quam loci mutatio; perseverantia autem in eodem loco vocatur Quies: Quicquid autem moveri; sive locum suum mutare potest, illud vocamus mobile.*

§. 251. *Motus autem fit in tempore; & est ens successivum.*

*Demonstr.* Cum enim motus sit loci mutatio; (§. 250.) omne autem illud, quod ad mutationes pertinet, fit in tempore, (§. 247.) intelligitur, omnem motum fieri in tempore. Cum vero tempus nullum habere possit locum, nisi res adfuerint successiva. (§. 247. motum ens posse dici successivum; evidens est satisque manifestum.

§. 252. *Locus non obstat; quo minus possit quolibet ens moveri.*

De-

*Demonstr.* Cum enim ratio ; cur quolibet ens hic sit , nec potius alibi , non reperiatur in loco , ( §. 243. ) intelligitur , locum non obstat ; quo minus quodlibet ens possit occupare alium locum . Alium locum occupare , sive mutare locum ; dicitur *moveri* . E. locus non obstat , quin quodlibet ens possit moveri .

§. 253. Cum partes ; ex quibus constat compositum , a se invicem separantur ; tum dicitur compositum *dividi* .

§. 254. *Ex dictis constare potest ; omne compositum esse divisibile .*

*Demonstr.* Cum enim quælibet compositi totius pars alium possit locum occupare , sive ex loco suo moveri , ( §. 252. ) per se patet , posse quoque partes compositi a se invicem separari . Quia vero in partium separatione compositi extensi *divisio* consistit , ( §. 253. ) vides , omne compositum esse divisibile .

§. 255. Ex quo consequitur porro , partes entis compositi ex alio in alium locum posse transponi , quia non necessario suum locum occupant .

§. 256. *Magnitudinem* dicimus partium multitudinem ; ut adeo , cum in omni composito plures partes ; a se invicem distinctæ , inter se tamen connexæ , locum habeant , ( §. 222. ) intelligis , omne ens compositum certa quadam , & determinata gaudere magnitudine .

§. 257. Colligi hinc potest , quando ens compositum fiat *majus* , quando *minus* . Si scilicet partes quædam novæ ad compositum accedant , tum compositum fit *majus* , si vero partes quædam ab eo separentur , tum compositum fit *minus* .

§. 258. *Compositum potest fieri majus , & minus .*

*Demonstr.* Cum enim entia non occupent necessatio locum suum , sed partes in ente composito locum suum mutare queant , ( §. 252. ) intelligis , fieri posse , ut novæ quædam partes ad compositum

tum accedant, aliæ vero ab ipso separentur. Quo quidem in casu cum compositum fiat majus, & minus, (§. 257.) patet, compositum fieri posse majus, & minus.

§. 259. Cum entis alicujus magnitudinem ad aliam datam homogeneam investigamus, tum vero illud ens dicimus *metiri* sive *mensurare*. Data autem illa magnitudo, ad quam ratio alterius magnitudinis exigitur, dicitur *mensura*.

EXEMPL. Sumas e. gr. filum A. Si ad hujus fili magnitudinem mensæ magnitudinem investigaveris, tum diceris mensam *mensurare*. Ipsum autem filum A, ad cujus magnitudinem mensæ magnitudo investigatur, dicitur *mensura*.

§. 260. Quicquid itaque habet magnitudinem, cujus ratio ad aliam datam homogeneam potest investigari, id potest mensurari.

§. 261. *Omne ens compositum est mensurabile.*

*Demonstr.* Cum omne ens compositum certa quadam, & determinata gaudeat magnitudine, (§. 256.) manifestum est, magnitudinem entis compositi posse ad aliam datam homogeneam magnitudinem investigari. Quia vero, quicquid habet magnitudinem, cujus ratio ad aliam datam homogeneam magnitudinem potest investigari, id mensurari potest, (§. 260.) consequens est, ut omne ens compositum possit mensurari, sive, quod idem est, ut omne ens compositum sit mensurabile.

§. 262. *Figuram* dicimus limitem extensionis.

NOT. Hæc figuræ definitio quamvis duobus tantum, & paucissimis constet verbis, rem tamen plene exhaurit. Aspice e. gr. hanc mensam, quæ gaudet figura quadrata. Figura autem hæc, nec alia mensæ, nunc exsurgit ex his, nec aliis, limitibus extensionis, in ipsa reperiundæ.

§. 263. Ex definitione allata patet, mutatis limitibus extensionis in ente composito, mutari ejusdem figuram. Limites autem extensionis variantur tum, cum vel novæ accedunt partes, vel

vel nonnullæ partes auferuntur, vel transponuntur alio.

§. 264. *Figura entis compositi est mutabilis.*

*Demonstr.* Cum enim compositum possit fieri majus, adeoque novæ accedere queant partes, (§. 258.) itemque minus, & aliæ auferri possint partes, (§. 258.) cum præterea partes, in ente composito transponi possint, (§. 255.) tum autem, cum vel novæ adduntur partes, vel auferuntur nonnullæ, vel transponuntur, extensionis limites mutantur, (§. 263.) palam est, in ente composito limites extensionis posse mutari. Limitibus extensionis mutatis in ente composito, ipsa ejusdem figura mutatur. (§. 263.) E. figuram entis compositi esse mutabilem, nullo negotio nunc perspicitur.

Not. Si mensa fuerit quadrata, demas quasdam ab ipsa partes, & prodibit figura, vel rotunda, vel alia quæcumque.

§. 265. *Omnis mutatio, quæ accidit in ente composito, non potest non fieri per motum.*

*Demonstr.* Quicquid in ente composito deprehendimus, id pertinet vel ad ejusdem magnitudinem, (§. 256.) vel ad partium, & extensionis limitationem sive figuram, (§. 262.) vel ad motum, & totius & partium, (§. 250.) vel ad spatium denique, & locum totius, & partium. Si itaque in composito ente mutatio debeat fieri, illa, aut in magnitudine, vel figura, vel situ totius, & partium accidere debet. Cum vero experientia usque communis nos doceat, neque in magnitudine, neque in figura, neque in situ denique totius, & partium accidere posse mutationem quandam, quin insimul partes alium aliumque occupent locum, sive moveantur, (§. 250.) (sine mutatione enim loci manent omnia, ut ante,) patet, omnem mutationem, in ente composito accidentem, debere fieri per motum.

Not. Hæc propositio, a nobis jam demonstra-

*Metaph. Baum.*

I

ta,

ta, permultum nobis inservit; cum infra demonstrandum erit, corpus non posse cogitare, animam. que adeo debere esse ens simplex. De quo plura in psychologia.

## CAPUT XV.

*De ente simplici.*

## §. 266.

**E**Nti composito, cujus hactenus naturam, & attributa perspeximus, opponitur *ens simplex*. Quemadmodum ens compositum constare diximus partibus, a se invicem distinctis, inter se tamen connexis, (§. 220.) ita ens simplex illud est, quod omnibus partibus caret.

SCHOL. Novi, vocem *simplicis* a variis varie sumi. Nonnunquam *simplex*, cum usurpatur de corporibus, opponitur *mixto*, unde divisio corporum in simplicia, & mixta coorta. Poteramus hoc simplex dicere *simplex physicum*. Cum vero hoc in capite de ente simplici loquimur; hanc vocem ita volumus accipi, ut *simplex* opponamus omni illi, quod est materiale, & compositum. Atque hoc quidem simplex ens possumus commode appellare *simplex metaphysicum*. De quo quamvis nobis nonnisi conceptum negativum formare possimus, multa tamen prædicata positiva ex notionem entis simplicis negativa colligi eruique posse, & moruit jam *WVolfius* 173. *Ontolog. Lat.* & subsequenter theorematum luculentius declarabunt.

§. 267. *Omne ens vel simplex est, vel compositum.*

*Demonstr.* Cum quodlibet vel sit, vel non sit, (§. 29.) manifestum est, omne ens vel partes habere debere, vel nullas. Ens, quod partibus gaudet, dicitur *ens compositum*. (§. 220.) quod autem partibus caret, dicitur *ens simplex*, (§. 266.)

Omne

Omne itaque ens erit vel simplex, vel compositum.

§. 268. *Si dantur entia composita, consequens est, ut quoque dentur entia simplicia.*

*Demonstr.* Si enim dantur entia composita, tunc dantur ejusmodi entia; quæ ex partibus, a se invicem distinctis, constant. (§. 221.) Illæ partes, quibus entia composita constant, aut sunt rursus entia composita, aut simplicia, (§. 267.) si sunt entia composita, novis rursus gaudent partibus. (§. 222.) Hæ novæ partes aut sunt rursus entia composita, aut simplicia, si sunt rursus entia composita, tunc rehero denuo: ubi composita, ibi componentia, & sic in infinitum. Cum vero, ob principium rationis sufficientis, in infinitum progredi nequeas, sed necessario debeas in ratione ultimâ subsistere, (§. 32.) manifestum est, in analysi entium compositorum tandem nos devenire ad ejusmodi entia, quæ nullis amplius gaudent partibus. Ejusmodi entia, quæ nullis amplius gaudent partibus, dicuntur *entia simplicia*, (§. 266.) E. in analysi compositorum cogitationibus tandiu progredimur, donec descenderimus ad entia simplicia. Unde nunc clarum, & perspicuum est theorema: *si dantur entia composita, dentur quoque necesse est, entia simplicia.*

SCHOL. Dicis: Poteramus in materia minima subsistere. Respondeo. Illa materia, quam dicis *minimam*, aut habet partes, aut non habet partes. Si habet partes, tunc minimo datur minus, quod est absurdum: Partes enim materiæ minimæ necessario debent esse minores, quam ipsa materia, tanquam totum considerata. Si vero non habet partes, tunc illa materia non est amplius materia, sed re vera est ens simplex. (*per definit. entis simpl.*) Habeo itaque, quod volo.

SCHOL. Hæc entia simplicia, ad quæ in resolvendis entibus compositis ultimato devenimus, vocat Leibnitius cum Pythagoræis *monades*; Epicurus

curus autem primum *atomos* dixit. Vocat autem Leibnitius ideo hæc entia simplicia *monades*, quia, uti in numero magno, ex aliis minoribus composito, ultimo deveniendum est usque ad unitatem, quæ omnis est multitudinis *expers*, ita in analysi entium compositorum itidem descenditur usque ad aliquod ens, in se indivisibile, & simplex. De monadibus Leibnitianis specialius agendi dabitur occasio in Cosmologicis.

§. 269. *Ens simplex non est extensum.*

*Demonstr.* Cum enim omnis extensio involvat positionem partium extra partes, (§. 222.) ens autem simplex partes nullas habeat, (§. 266.) oppido intelligitur, ens simplex non posse esse extensum.

§. 270. *Ens simplex caret omni magnitudine.*

*Demonstr.* Cum enim ens simplex sit destitutum omnibus partibus, (§. 266.) nullam, vides, deprehendi posse partium multitudinem in ente simplici. Partium multitudo constituit id, quod dicimus *magnitudinem*. (§. 256.) Ut adeo, omne ens simplex destitutum esse magnitudine, hinc manifestum sit.

§. 271. *Omne ens simplex caret figura.*

*Demonstr.* Cum ens simplex non sit extensum, (§. 269.) nullos quoque limites extensionis habere potest. Limes extensionis est illud, quod dicimus *figuram*. (§. 262.) E. omne ens simplex caret figura.

§. 272. *Ens simplex est indivisibile.*

*Demonstr.* Cum enim divisio sit solutio partium, (§. 253.) consequens est, ut, quidquid non habet partes, illud non possit dividi. Atqui vero ens simplex nullas habet partes. (§. 216.) E. ens simplex esse indivisibile, intelligitur.

§. 273. Ex his entis simplicis attributis, speciatim demonstratis, intelligi potest, ens simplex a composito plane esse diversum. Ens enim simplex non est extensum. (§. 269.) Ens autem compo-

situm



ntum est extensum. (§. 222.) Ens simplex nulla gaudet figura. (§. 271.) Ens compositum habet figuram. (§. 264.) Ens simplex est indivisibile (§. 272.) Ens compositum est divisibile. (§. 254.) Quæ omnia diversitatem entis simplicis, & compositi luculenter declarant.

§. 274. Attributis entium simplicium luculenter nunc expositis, proximum est, ut de iis exponamus, quæ ad eorum *ortum interitumque* rectius intelligendum pertinent.

§. 275. *Oriri* ens simplex dicitur, quando existentiam accipit, qua si privatur, illud dicimus *interire*.

§. 276. *Ens simplex, quod absolute necessarium est, oriri non potest.*

*Demonstr.* Cum enim id, quod absolute necessario existit, ita existat, ut non possit non existente, (§. 172.) consequens est, ut ens simplex, quod absolute necessarium est, existentiam non possit accipere. Alias enim aliquando non extitisset. Si autem ens simplex, absolute necessarium existentiam non potest accipere, id vero, quod existentiam accipit, dicitur *oriri*, (§. 275.) intelligitur, ens simplex, absolute necessarium, non posse oriri.

§. 277. Quandoquidem omne, quicquid existit, vel necessario, vel contingenter existit, (§. 172. 175.) illud autem ens simplex, quod necessario existit, oriri nequit, (§. 276.) manifestum est, nos cum hic de ortu entis simplicis exponere ingredimur, ortum entis simplicis, *contingenter existentis*, velle intelligi.

§. 278. *Ex composito nullum ens simplex, contingenter existens, oriri potest.*

*Demonstr.* Omne id, quod ex composito oritur, oriri debet vel per partium combinationem, vel per earum transpositionem, vel per divisionem, & solutionem: Nam, nisi vel combinaveris partes, vel transposueris, vel solveris, compositum

prius manet, nec ulla in eo evenit mutatio. Si partes combinaveris, atque adeo novas addideris, tunc ex hac partium coagmentatione oritur *maius compositum*, (§. 257.) non vero ens simplex: si partes transposueris, tum vero ex hac partium imutatione, & transpositione *aliud* exsurgit compositum, quod nova gaudet figura. Quo ipso nondum ens simplex habes. Si partes denique solveris, sive divideris, tum quidem ex hac partium solutione, paulo diutius continuanda, videri poterat oriri ens simplex. Quia vero supra jam a nobis est demonstratum, in entium compositorum analysi, & partium divisione nos pervenire ad entia simplicia, jam in iisdem existentia, (§. 268.) consequens est, ut ens simplex ex partium, in composito reperiundarum, divisione, nequaquam oriatur. Quod enim ex aliqua re oritur, id non prius in eadem debet existere, sed existentiam, quam antea non habebat, demum accipere, (§. 275.) si itaque verum est, ut est, ens simplex neque ex transpositione, neque ex combinatione, neque ex divisione denique partium, in composito deprehensarum, oriri intelligis, ens simplex plane ex composito non oriri.

§. 279. *Ens simplex, contingenter existens, ex simplici non potest oriri.*

*Demonstr.* Si ens simplex A, ex alio ente simplici B, oriri deberet, tunc ens simplex A, ex ente simplici B, suam acciperet existentiam, (§. 275.) atque adeo separaretur ab ente simplici B. Cum vero ab ente simplici, quatenus, & quamdiu est ens simplex, nihil possit separari, quia omne ens simplex est indivisibile, (§. 272.) palam est, ens simplex ex alio ente simplici non posse oriri.

SCHOL. Hic vero probe distinguas *non oriri EX ente simplici*, & *non oriri, AB ente simplici*. Quamvis, sufficientibus commoti causis, negemus, ens simplex EX alio ente simplici, tanquam ex materia,

teria, oriri posse, concedimus tamen, ens simplex AB ente simplici, tanquam a causa sua efficiente, posse produci, & ortum suum capere. Deus enim, tanquam causa efficiens, potest alia entia simplicia, e. gr. *animam humanam*, *Angelos*, &c. producere, quavis ipse sit ens simplicissimum. Miror itaque, VVolffii adversarios, in iisque maxime Langium, & Straehlerum, tantos concitare motus, cum in VVolffiano Systemate demonstratum hoc theorema legunt: *Ens simplex ex ente simplici oriri non potest*. Ex quo conficiunt, VVolffium negare, animam Angelosque, tanquam entia simplicia, a Deo posse oriri. Quasi vero AB aliqua re, tanquam causa efficiente, & EX aliqua re, tanquam causa materiali, oriri, esset unum idemque.

§. 280. *Si ens simplex oriri debet, necesse est, ut id ex nihilo producatur.*

*Demonstr.* Cum enim ens simplex, neque ex ente composito, neque ex alio ente simplici, oriri possit, (§. 278. 279.) præter ens simplex autem, & compositum nihil condipi possit, (§. 217.) manifestum est, ens simplex, si oriri debet, ex nihilo debere produci.

§. 281. Quid sint *res successive*, & quid sit *tempus*, supra jam (§. 244.) definivimus *res successive* id opponitur, quod dicitur *instans*. *Instans* scilicet dicimus omne id, quod caret successione, quodque adeo temporis est expers, (§. 247. B) *oriri* itaque in *instanti* quid dicitur, cum sine omni successione existentiam accipit.

§. 252. *Ens simplex, cum oritur, debet oriri in instanti.*

*Demonstr.* Cum enim ens simplex non habeat partes, (§. 266.) intelligis, in ejus ortu non posse partes cum partibus successive combinari, ut id quidem fieri solet in ortu entium compositorum. Ut adeo, in entium simplicium ortu nullam ha-

bere locum successionem, pateat. Cum vero, quod sine omni successione oritur, oriri dicatur *in instanti*, perspicuum est, ens simplex, cum oritur, oriri debere in instanti.

SCHOL. Ut theorema hoc facilius intelligas, propone tibi ortum vel Angeli alicujus, vel animæ humanæ. Si Angelus produci deberet, num credis, id ita fieri posse, ut, hoc horæ momento, Angeli particula A, altero particula B, produceretur? Repugnat successivus hic ortus Angelorum omniumque entium simplicium immaterialitati, quæ omnes respuit partes. Angelus itaque, & anima humana, omnino entia simplicia, finita, & contingenter existentia, si oriuntur, produci debent sine omni successione, & in instanti.

§. 283. *Hinc est, ut modum specialiorent ortus entium simplicium distincte explicare nequeamus.*

Demonstr. Cum enim ens simplex in instanti, & sine omni successione, oriatur, (§. 282.) perspicuum est, in modo ortus entium simplicium nos plura a se invicem distinguere non posse. Dum vero, rem quampiam tum demum *distincte* explicari posse, dicimus, cum plura in ea a se invicem discernere possumus (§. 74. Log.) mirum non est, ortum entis simplicis distincte non posse explicari.

SCHOL. Entium quidem compositorum ortum possumus explicare distinctius, dum sigillatim exponimus, quomodo hæc pars A, cum illa parte B, sit successively combinata; & quomodo tandem ex successiva hac partium coagmentatione exsurrexerit ens compositum.

§. 284. Hactenus de entium simplicium ortu. Nunc, qua ratione, si interire debent, suam perdant existentiam, paucis dispiciemus.

§. 285. *Interire ens simplex dicitur, quando perdit existentiam.*

§. 286. *Si interit ens simplex, debet annihilari.*  
Demonstr. Ponamus enim, ens simplex cum in-

terit, non annihilari, sequetur tunc, ut; cum ens Simplex interit, ita existeredefinat, ut ejus aliquid adhuc amplius existat. Hoc modo ens simplex erit divisibile, atque adeo habebit partes ( §. 253. ) Cum vero ens simplex non habeat partes, ( §. 266. ) intelligitur, ens simplex, cum interit, ita debere interire, ut plane in nihilum evanescat.

§. 287. *Ens simplex, quod absolute necessarium est, non potest interire.*

*Demonstr.* Cum enim ens, quod absolute necessario existit, non possit non existere, ( §. 172. ) consequens est, ut ens, quod absolute necessarium est, non possit privari existentia, adeoque non interire ( §. 275. )

§. 288. Restant nonnulla theoremata de entibus simplicibus demonstranda. Quæ vero cum demonstrari nequeant, nisi notiones quædam, huc pertinentes, distinctius ante fuerint enodata, id nunc operam dabimus, ut generaliores quasdam definitiones *actionis*, *passionis*, *substantiæ*, *accidentis*, &c. hic exponamus.

§. 289. *Actionis* vero definitionem tradituri, de eo vel maxime sumus solliciti, ut ideas partiales, in *actionis* definitione occurrentes, distincte ante distributiusque explicemus, id quod methodi leges reguleque definiendi requirant. ( §. 147. Logic. ) Quid itaque sit *mutatio*, quid sit *status*, determinabimus.

§. 290. Cum, quod in re quapiam deprehenditur, vel ad essentialium, attributorumque, vel ad modorum, & accidentium numerum pertineat, ( §. 65. ) id autem, quod ad essentialiam rei cujusdam, & attributa refertur, rei constanter perpetuoque conveniat, neque ulla possit mutari ratione, ( §. 81. ) facile intelligitur, omne, quod mutatur in re quapiam, pertinere ad modos. Ut adeo philosophi omnem *mutationem* recte definiunt per variationem modorum, quæ variatio modorum sive accidentium alias quoque vocatur *modi-*

*fi-*

*ficatio*, & id, quod ejusmodi modorum variationi obnoxium est, appellatur *subiectum modificabile*.

EXEMPL. E. gr. Cum ex rudi impolitoque homine, per literarum culturam, & alias exercitationes mentis, redditur homo doctus, moratus, & maxime politus, tum in ejusmodi homine accidisse dicimus mutationem. Modi enim, & accidentia (eruditio enim, & inscitia sunt in homine accidentia) variantur.

§. 291. Cum in re quapiam accidentia una cum essentialibus, & attributis, quæ fixa manent, nec mutantur, *simul* deprehenduntur, tum ex determinata illa coexistentia accidentium mutabilium cum iis, quæ fixa, & perpetua in re sunt, nascitur id, quod dicimus *statum* rei. Hinc *Clar. Thummigius* statum rei definit per determinationem mutabilium. *Conf. Institut. Philos. VVolfiana p. 61.*

EXEMPL. Definitioni huic majorem foeneraturi lucem, sequens addimus exemplum. Cum quis; e. gr. eruditione perpolitus, præditusque virtute est, in alio plane versari dicitur statu, quam is, qui literarum est naviter imperitus, iners, vecors, omnibusque vitiis coopertus. *Eruditio*, & *virtus*, (id quod, vel me non monente, intelligis) sunt in homine mutabilia quædam. Possunt enim adesse, & abesse. Si vero adsunt, vel eruditio, vel pietas, tum certo quodam, & determinato modo cum iis, quæ homini perpetuo insunt, simul in homine existunt, &, quamvis sint accidentia mutabilia, determinata tamen nunc gaudent existentia. Dum enim adsunt, impossibile est, ut simul non adsint. Adessentia itaque eruditionis, & virtutis certum hominis *statum* constituit.

§. 292. Accidentia alia alio modo in re quapiam existere, observamus. Hinc enascuntur varia status genera. Si accidentia fuerint intrinseca,  
ita,

ita, ut cum essentia rei, & attributis simul rei insint, tum inde oritur *status internus*; ex extrinsecis contra accidentibus vel modus *status externus* ecfurgit.

EXEMPL. E. gr. Cum quis virtute evirescit, tum illa virtutis præsentia, quæ simul cum essentia hominis, & attributis in eo locum habet, constituit *internum* hominis *statum*. Cum vero quis divitiis affluit, aut in alto dignitatis gradu constitutus vivit, intelligis, hæc omnia ad accidentia externa statumque externum pertinere.

§. 293. Facillimo nunc negotio intelligi poterit *actionis* definitio. *Actionem* scilicet cum VVolffio aliisque definimus per ejusmodi mutationem status, cujus ratio sufficiens continetur in subiecto, quod eundem mutat. *Conf. VVolffi Ontolog. §. 713.*

EXEMPL. F. gr. Dum loquor, sermonesque cum Cajo, amico meo, confero; *agere* quid dicor. Evenit enim tum, cum loquor, in me mutatio. Cujus quidem mutationis debere adesse rationem sufficientem, & quendam quasi fontem, ex quo ipsa fluat, intelligis ex rationis sufficientis principio, supra jam explicato §. 32. Illa autem ratio cum in memet ipso reperitur, (non enim mutatio, dum loquor, & sermones cum altero confero, ab alio quodam in me producit, sed ipse me ad loquendum, sermonesque cum altero cūdendos determino) facile vides in hoc casu, ideo me dici aliquid *agere*, quia ( $\alpha$ ) *mutatio* adest, ( $\beta$ ) quia ratio hujus mutationis in *me ipso*, tamquam in subiecto mutato, continetur. Perspicuum hinc est, hanc definitionem esse omnino ejusmodi, ut ad omnes actionis species nullo negotio possit applicari.

NOT. Quæ contra hanc definitionem a nonnullis VVolffii adversariis molita sunt, refelli facile possunt, & confutari, si hoc unicum observaveris,

ris, hanc definitionem, uti plures alias Ontologicas, esse a casibus individuís, contingenter existentibus, abstractam, adeoque, hanc definitionem tantum ad subiecta agentia, contingenter existentia, extendi debere, patet. Conf. Philosophia mea definitiva p. 110. T. I.

§. 294. Quoties quid agimus, toties aut ejusmodi suscipimus actiones, quæ in alias minores actiones, tanquam totidem partes, possunt resolvi, aut hæc in nobis deprehenduntur *actiones*, quæ ita resolvi non possunt. Illas actiones appellare solemus *actiones compositas*: hæc vero *actiones simplices*.

EXEMPL. Cum e. gr. pronuncias literam A, tunc *actionem* suscipis, eamque simplicem, potest enim hæc actio in nullam aliam actionem resolvi. Si vero integrum librum, aut lineam integram legis, tunc hanc actionem, intelligis, esse compositam, propterea quod hæc actio in alias plures, tanquam particulas, potest solvi, & dividi. Id quod, vel ex eo patet, quod pueri, si quidem integras lineas, integrumque librum legere discipiant, primum literas, & vocales seorsum pronunciare discant, deinde literas, & vocales combinando, integras conficiant syllabas, & denique ex syllabis demum pluribus constituent verba, lineasque perlegant. Vides itaque lectionem libri cujusdam esse actionem compositam, quæ ex pluribus actionibus, tanquam ex minoribus partibus, est coagmentata.

§. 295. Actioni opponitur *passio*, quam contraria ratione nunc definies. Per passionem, scilicet nihil aliud intelligimus, quam ejusmodi mutationem, cujus ratio, & fundamentum deprehenditur extra subiectum mutatum.

EXEMPL. Cum quis exempl. gr. Ioris, aut virgis caditur, *pati*, quid dicitur. Accidit enim in ipso mutatio, ejusque mutationis ratio extra personam, quæ mutatur, in alio quodam reperiunda est.

§. 196.



§. 296. *His definitionibus inter se collatis intelligis, toties, quoties unum ens A, ab altero ente B, patitur, ens alterum B, in ens A agere.*

*Demonstr.* Si enim A, patitur a B, tum in A, aliqua accidit mutatio, cujus ratio sufficiens deprehenditur in B, (§. 295.) & B, mutationem revera producit in A. Quod vero cum sit *agere*, (§. 293.) manifestum est, quoties A, patitur a B, toties B agere in A.

§. 297. Quidvis potius, quam actionem sine *vi agendi*, concipies. Quare, cum doctrina de *vi agendi* latissime pateat, multaue theoremata in capite de *entibus simplicibus* explicari nequeant, nisi, quod sit *agendi vis*, antè intelligatas, illis, quæ huc dum de actione passioneve, generatim, & universalius considerata, disputata sunt, nunc subnectimus ea, quæ de *vi agendi* in metaphysicis sunt exponenda.

§. 298. Qualemcumque agendi potentiam a *vi agendi* solícite discernas. *Potentia* scilicet *activa* est mera agendi possibilitas, quæ alia appellatur *Facultas*. *Potentia passiva* consistit in patiendi possibilitate. *Vis* vero est continuus conatus, sive nîsus proximus agendi: sive *vis* est id, in quo continetur ratio sufficiens, cur actio ad existentiam perveniat, & actu adsit. *Conf. Wolffii Ontolog. p. 542.* Poterat *vis* etiam ita definiri: *Vis* est tendentia entis continua ad producendas mutationes.

EXEMPL. Ut hæ definitiones itemque differentia, quæ *vim* inter, & *facultatem agendi* reperitur, cuivis perspicua sit, exemplum, quo, quæ dicta sunt, commode possint illustrari subjungam. Ita exemp. gr. animæ humanæ tribuimus *potentiam vel facultatem fingendi*. Non fingit semper anima actu, sed quia fieri potest, ut data occasioneingat, ipsi tribuimus possibilitatem, sive facultatem fingendi. Arcui item adscribimus potentiam, sive possibilitatem jacula emittendi, etiam tum,  
cum

cum laxus, neque tensus fuerit. Si vero nervus, in arcu jaculis projiciendis destinatus fuerit tensus, ita ut, impedimento sublato, oppido suo defungatur officio, & ejaculetur tela, tum arcui vim ejaculandi tribuere consuevimus. In globo quoque suspenso deprehendimus vim, sive continuuū conatum descendendi, & statum suū mutandi. Qui quidem conatus, remoto impedimento, actu se oppido exfereret.

SCHOL. Scholastici, neque minus Cartesius ejusque sectatores, *vim*, & *potentiam agendi* non factis a se invicem discreverant. *Leibnitius* vero primus in Act. Eruditorum, A. 1694. p. III. *vim activam* ab *agendi potentia* internoscere cœpit; arbitratus, inter vim, facultatem agendi, & ipsam actionem, medium esse, & involvere conatum, & nīsum mutationes producendi. Conf. Wolff: Ontolog. §. 761. & Hanchius in Princip. Philosoph. Leibnit. more Geometrico demonstr. p. 32.

§. 299. Ex dictis patet, quemadmodum ex sola agendi potentia nulla sequitur actio, ita ex sola potentia passiva nullam fluere passionem.

Demonstr. Cum enim id, quod possibile est, idēo nondum actu existat, & a posse ad esse nulla valeat consequentia, (§. 54.) intelligitur, nō idēo actionem revera dari vel existere, quia potentia agendi in subjecto reperitur.

Eandem ob causam manifestum est, idēo nōdum existere passionem, quia potentia passiva in subjecto alio reperitur.

§. 300. Posita vī, ponitur actio, nisi adsit impedimentum.

Demonstr. Posita enim vī, ponitur id, in quō continetur ratio sufficiens, cur revera detur, & existat actio. (§. 298.) Posita vero ratione sufficiente alicujus rei, ponitur id, quod rei producendæ aptum, & sufficiens est, (§. 32.) adeoque ipsa res ponitui. E. posita vī, ponitur actio. Si vero impedimentum adfuerit, tunc ejusmodi quid  
ob-

obstat, quod in se continet rationem sufficientem, cur actio non perveniat ad existentiam. Ut adeo vis agendi, impedita obstaculis, tendat quidem ad mutationem status producendam, sed sine effectu. E. gr. Cum globum habueris in filo suspensum, tum sentis in globo conatum, & nimum continuum descendendi. Qui vero conatus, vel ideo actu se non exserit, quia filum est impedimentum, quod obstat, quo minus globus vim descendendi prodat manifesta quadam actione, & mutatione. In anima deprehenditur *vis representandi*. Hæc vis representandi continuo agit, (perpetuo enim, ipsoque in alto sopore, anima gaudet cogitationibus) Ut adeo, vi posita, ipsam poni actionem, satis liqueat.

§. 301. *Entia simplicia vi agendi gaudent.*

*Demonstr.* Cum supra, vi principii indiscernibilium, (§. 169.) explicati, evictum sit, duas res perfecte similes, sive easdem, nec dari, nec dari quidem posse, intelligitur, limites entis simplicis, qui in se variari possunt, semper mutari. Si enim minus variarentur, duo, vel plures ejus status essent perfecte iidem, & ita non adesset ratio sufficiens, cur status A, non fuisset tempore alterius status B, quippe qui, ex hypothesi, in omnibus cum statu A, perfecte conveniret. Si itaque verum est, ut est, limites in entibus simplicibus, (*sed N. B. contingenter existentibus*) perpetuo variari, limitum autem sive modorum variatio id ipsum est, quod vocamus *mutationem*, (§. 290.) palam est, mutationes continuas in entibus simplicibus reperiri. Hæ ipsæ mutationes, in ente simplici oriundæ, vel existunt, nullo alio ente simplici presente, vel aliis entibus simplicibus coexistentibus. Si nulla alia entia simplicia coexistunt, ratio mutationis erit in ipso illo ente simplici, quod mutatur, adeoque agit, (§. 293.) si vero substantiæ coexistentes a se invicem patiuntur, tum in se invicem agunt. Quoties enim

nim A , patitur a B , toties B , agit in A . ( §. 296. ) Cum itaque , quo tandem cumque modo existant entia simplicia , agant , actio autem entium simplicium nihilo magis sine vi agendi concipi possit , quam quicquam sine ratione sufficiente , ( §. 297. 32. ) liquet , omnia entia simplicia gaudere vi agendi .

§. 302. *In entibus simplicibus debet aliquid esse perdurabile .*

*Demonstr.* Cum entia simplicia , ob immaterialitatem suam , destrui , & interire non possint , nisi per annihilationem , ( §. 286. ) consequens est , ut entia simplicia naturaliter *ad esse suum* continuant . Cum vero continuatio *ad esse* appelletur , & sit entis *duratio* ( *per def.* ) colligitur hinc , in entibus simplicibus perdurabile quid esse , i. e. ejusmodi , quid , quod per aliquod tempus duret , quodque determinationibus intrinsicis constantibus gaudeat , quibus plures modi variabiles coexistent ,

§. 303. Subjectum perdurabile , & modificabile , i. e. quod sustinet accidentia , & modos , vocamus , *substantiam* .

EXEMPL. Sic e. gr. Anima nostra est perdurabile quid , quatenus illam considero , tamquam subjectum illud , quod multis gaudet accidentibus , innumeratasque habet facultates . Anima quoque est subjectum modificabile . Multis enim modis , & accidentibus est obnoxia , nunc enim cogitat , nunc judicat , nunc appetit , nunc versatur &c. Hanc definitionem , a rebus presentibus , & contingenter existentibus abstractam , itidem ad res finitas , & contingentes volumus extendi .

SCHOL. In philosophia Aristotelico-Scholastica substantia definebatur per ens , quod per se subsistit , & sustinet accidentia . Quæ vero definitio nonnullis obscurum per æque obscurum explicare , videtur , propterea quod non facile Scholasticorum quisquam determinare possit , quid sit *per se subsistens* .

*fistere*. Neque video, quomodo hanc definitionem tolerare queant Theologi, cum, substantiam esse Christi humanam naturam, ajunt, eandem vero per se subsistere negant. Quare Hebenstreitius, philosophiæ Scholasticæ, si quisquam gnarus, hanc *substantia* definitionem rejicit, eique substituit sequentem: *substantia*, est ens, quod non existit in alio, tamquam in subiecto. In *altero* vero, tamquam in *subiecto* quid esse dicitur, cum revera, & actu in alio ente ita est, ut de illo possit revera affirmari, nec ad illius essentiam spectet, neque insit ei. tamquam pars, neque ab ipso separari possit positive h. e. ut, facta separatione, remaneat. *Conf. Philosoph. Prima p. m. 248.*

SCHOL. *Spinoza* in *Ethic. geometr. ord. demonstr. Part. I. defin. III. substantiam* definit per ens, cujus conceptus non indiget conceptu alterius, a quo formari debeat. Quam quidem definitionem cum *Cel. Hollmanus*, Professor Gottingensis, optimam, multisque aliis præferendam credat, eam in *Metaphysica* §. 355. retinuit, & defendit.

SCHOL. *Leibnitius*, cum eoque plures alii *substantiam* definiunt per ens, quod vi agendi est præditum, sive, quod idem est, quod principium mutationum suarum in se continet. *Conf. Hanschii princip. Philos. Leibn. more geometrico demonstr. p. 31. & Act. Erud. an. 1694. p. 110.* *VVolfius* substantiam eodem fere modo in *Metaphysica German.* definit. *substantia*, inquit, *est que continet in se, vel aliquid in se habet* §. 144. Quam quidem definitionem Leibnitianam quamvis impugnaverint cum alii plures, tum vero, vel maxime *Rualdus Andala*, & *Strachlerus*, ille scil. in *dissert. philos.* in qua *vera substantia notio vindicatur, simulque consueatur vis activa a G. G. L. cuilibet substantia, tam corporea, quam spiritali, in Specimine dinamico attributa*, hic vero in *exam. philos.* *VVolf.* nihilominus, re rite expensa, arbitramur, non adeo male Leibnitium substantiam definivisse.

*Metaph. Baum.*

K

NOTA

NOTA Si tamen dicendum, quod res est, rectius vis agendi de substantiis demonstratur, quam ad substantiæ definitionem refertur. Leibnitium itaque vides theorema, ex definitione demum deducendum, pro ipsa venditare definitione. Id quod nihil novi est in philosophia.

§. 304. Substantia, in qua omnia determinata sunt, dicitur *substantia prima*.

SCHOL. Huc referimus omnia individua, in quorum quolibet omnia jam ita sunt determinata, ut, quamdiu debet esse hæc res, nec alia, tamdiu nullæ aliæ possint accedere notæ, & determinationes. Conf. Log. §. 100. seqq. Veteres *substantiam primam*, (quam alias quoque vocare solent substantiam *singularem*) ita definiebant: *substantia prima* est, quæ neque de subiecto aliquo dicitur, neque in subiecto aliquo inest. E. gr. *Hic Paulus, hic Petrus, &c.* sunt substantiæ primæ, Paulus enim, quatenus est *hic* Paulus, de nullo subiecto dici potest, neque etiam inest in aliquo subiecto.

§. 305. Substantiæ primæ opponitur *substantia secunda*, sive *universalis*, in qua non omnia sunt determinata, sed plura adhuc possunt determinari.

Not. Huc referas genera, & species. Sic e. gr. *Spiritus, homo, animal*, sunt substantiæ secundæ, sive universales. Conf. Log. §. 101.

Substantia, quæ pluribus potest competere, dicitur *Communicabilis*; quæ autem pluribus competere nequit, vocatur *incommunicabilis*.

EXEMPL. E. gr. Omnes substantiæ secundæ, sive universales sunt etiam communicabiles. Substantia *hominis* potest communicari pluribus individuis, e. gr. Petro, Paulo, Sempronio &c. Substantia vero primæ, sive singularis, est incommunicabilis. Substantia e. gr. Caij non potest communicari substantiæ Titii, ita ut sit Titius Caius.

§. 307. Substantia, quæ ex sua natura non ordinatur ad constituendam substantiam aliquam tertiam, dicitur

dicitur *completa*, quæ vero ad aliquod tertium constituendum ordinata est; appellatur *incompleta*.

EXEMPL. Anima e gr. hominis a philologis æque ac Theologis habetur pro substantiâ incompleta. Anima enim divinitus est ad id ordinata, ut, cum corpore organico unita, substantiam tertiam constituat, scilicet *hominem*. Angelus vero est substantia completa, propterea quod Angelus ad id non est ordinatus, ut tertium quoddam ens constituat.

§. 308. Ex his notionibus, distincte evolutis, intelligi nunc poterit, quid sit *suppositum*. *Suppositum* scilicet dicimus substantiam singularem, incommunicabilem, & completam.

SCHOL. Anima hominis non potest dici suppositum, quia anima hominis non est substantia completa. Ordinatur enim anima hominis ad constituendum aliquod ens tertium. *Hæc* vero mensa, quam coram vides, *hic* liber, quem, in hæc mensa positum, intueris, est suppositum. Est enim hæc mensa 1. *individuum*, & *substantia singularis*. 2. Est hæc mensa *substantia incommunicabilis*. Fieri enim nequit, ut hæc mensa communicetur alteri mensæ, & tamen maneat hæc mensa. 3. Est denique substantia *completa*. Non enim hæc mensa est ejusmodi substantia, quæ, cum alia conjuncta, tertium aliquod ens constituere debeat, ut exempl. grat. anima humana.

§. 309. Modus ille existendi, quo substantia singularis ita existit, ut nec ordinetur ad substantiam aliquam tertiam constituendam, nec communicari possit alteri substantiæ, dicitur barbare *suppositivitas*, item *subsistentia*, & *hypothesis*.

NOT. Intelligis, opinor, hinc, quid sit, quod Theologi, humanam Christi naturam non habere substantiam, & *ἰδίαν* propriam, ajant. Aliunde enim, nempe a divina natura, humana Christi natura sustentatur, & ordinata est ad sub-

stantiam quandam tertiam in unione constituendam, scilicet Christum.

§. 310. Si suppositum fuerit intelligens, i. e. si res distincte sibi potest repræsentare, tum illud appellamus *personam*.

SCHOL. Ex quo vides, animam humanam non dici posse personam. Est enim anima humana ad id ordinata, ut, cum corpore conjuncta, tertiam substantiam, scilicet substantiam *hominis*, constituat; adeoque anima humana non est suppositum: ( §. 308. ) nec potest dici persona. Cajus vero, ut homo, ex corpore organico, & anima rationali constans, consideratus, est persona. Est enim suppositum ( per def. suppos. ), & quidem intelligens.

NOTA. Has notiones, vel ideo specialius explicandas duxi, ut familiares fierent literarum sanctiorum studiosis, quæ harum rerum ignorantia nimium quantum impedit, quo minus, in perlegendis veterum Theologorum systematibus inoffenso pede, possint progredi.

§. 311. Quemadmodum id, quod perdurat, & in quo attributa una cum variis mutationibus observamus, substantiam esse, supra diximus, ( §. 303. ) ita omnes illæ determinationes, quæ in subiecto perdurabili deprehenduntur, siue constantes, & perpetuæ sunt, siue sint variabiles, appellantur *accidentia*.

SCHOL. Vocem *accidentis* non hoc loco volumus eo accipi sensu, quo supra ( §. 82. ) jam a nobis determinatum est. Ibi enim id omne ad accidentia, & modos referendum putavimus, quod non constanter rei convenit, quodque adeo attributis, rei perpetuo, & constanter competentibus opponitur. Veteres accidens, supra §. 82. jam explicatum, vocabant *accidens predicabile*. Hoc loco accidens ita interpretamur, ut sub eo id omne complectamur, quod non est substantiæ, siue de



extero rei constanter, & perpetuo competat, si-  
ye minus. Veteres hoc accidens vocabant *acci-*  
*dens predicamentale*.

NOT. Permultum refert, accidens prædicabile a  
prædicamentali sollicite internosci. Ex harum enim  
notionum confusione, scimus, funestam illam inter  
*Flacium*, & *Strigelium* controversiam de peccato  
*originis* esse exortam.

§. 312. *Omnis substantia vi agendi gaudet.*

*Demonstr.* In qualibet enim substantia, expe-  
rientiâ teste, mutationes observamus. Si vero sub-  
stantiæ status mutatur, tunc aut sola illa, quæ  
mutatur, substantia existit, aut ipsi plures aliæ  
substantiæ coexistant. Si sola existit substantia,  
tunc ratio sufficiens mutationis in ipsa evenientis,  
non potest quæri extra ipsam, (quia, per hy-  
pothesin, nulla alia cum ea existit substantia)  
sed ratio sufficiens debet in ipsa deprehendi. Ad-  
eoque substantia, sola existens, agit.) (§. 293.) &  
gaudet vi agendi. (§. 297.) Si vero plures aliæ  
substantiæ simul cum ea existant, tum aut ratio  
sufficiens mutationis in ipsa substantia, quæ mu-  
tatur, reperitur, aut in alia coexistente. In casu  
priori agit (*per demonstrata*), & gaudet vi agen-  
di: in casu posteriori substantiæ coexistentes a se  
invicem patiuntur. Atqui vero si A patitur a B,  
tunc B, agit in A, (§. 296.) E. B, agens in  
A, vi agendi præditum sit necesse est, E. sub-  
stantiâ agendi vim possidet.

§. 313. *Entia simplicia sunt substantiæ.*

*Demonstr.* Cum omnes substantiæ vi agendi gau-  
deant, (§. 312.) entia autem simplicia vi agendi  
sint instructa, (301.) manifestum est, entia sim-  
plicia esse substantias.

SCHOL. *Leibnitius* entia simplicia substantias  
κατ' ἐξῆς esse putat, & quia entia materialia,  
sive corpora, ex entibus simplicibus sint composita,  
corpus dicendum, esse potius substantiarum ag-  
gregatum, credit quam ipsam substantiam. *Vid.*

Recueil. Tom. II. p. 133. item *Acta Erudit. ad an. 1698. p. 439.* Leibnitio assentitur VVolfius, qui id ipsum in *Ontolog. Lat. §. 793.* sufficienter demonstravit. *Malim*, inquit VVolfius, *substantiarum simplicium aggregata*, hoc est, entia illa composita, ex quibus mundus materialis constat, corpora dici, quam substantias simplices, cum a comuni vocis significatu non ideo sit recedendum, quod corpora vulgo dicantur substantia, etsi corpus quodcumque non sit substantia una, sed potius aggregatum substantiarum innumerarum. Si qui sunt, qui, hoc ipsum incommode dictam, putant, qui, quod in acceptione vocis substantia simplicet, emendent, modo, multum hic latere veneni, sibi non persuadeant.

## CAPUT XVI.

*De ente finito, & infinito.*

## §. 314.

CUM ea, quæ ad differentiam entium compositorum simpliciumque intelligendam pertinent, quantum satis est, explicasse videamur, proximum est, ut, quæ sit *infiniti finitivæ entis* natura, quodque discrimen, exponere ingrediamur.

NOT. Neutiquam vero id hic a nobis adstrui existimato, quod revera detur ens aliquod infinitum; id enim in Theologia demum naturali demonstratur, sed generatim tantum, (id quod est Ontologi,) entis finiti infinitique naturam, &, quibus ab altero alterum internoscatur, notas evolvemus.

§. 315. Per *limitem* nihil aliud intelligimus, quam defectum ulterioris realitatis.

SCHOL. VVolfius *Terminum* sive *limitem* ita definit in *Ontol. Lat. §. 498.* *Limes* est id, ultra quod

quod nihil amplius in re concipere licet ad eandem pertinens. Definitionem hanc oppido intelliges, si limites corporis alicujus, e. gr. *mensa*, tibi repræsentaveris. Quid, quæso, tibi sistis, cum limites hujus, quam coram vides, mensa tibi repræsentas? Annon, cum, quæ adsunt, partes reales esse desinunt, limites incipiunt? Ut adeo limites recte constituamus in defectu ulterioris realitatis.

§. 316. Cum limites in entibus extensis deprehenduntur, tum illi limites extensionis efficiunt id, quod dicimus *figuram*, de qua jam supra, (§. 262.) actum est a nobis. Si limites vero in entibus simplicibus, omni extensione destitutis, reperiuntur, tum illi limites intensionis sive virium, & qualitatum dicuntur *gradus*.

§. 317. *Omne, quod circumscriptum est limitibus, non omnia ea habet, quæ habere potest.*

*Demonstr.* Cum enim limes consistat in defectu ulterioris realitatis, (§. 515.) manifestum est, omne id, quod limitibus est circumscriptum, carere quibusdam realitatibus, adeoque nondam omnia habere, quæ habere poterat.

§. 318. *Eo, quod limitibus est definitum, majus quid concipi potest.*

*Demonstr.* Cum enim, quod limitibus gaudet, sit ejusmodi, ut nondum omnia ea habeat, quæ habere potest, (§. 317.) intelligis, aliud quoddam ens concipi posse, in quo plus resideat realitatis. Si vero ens A, fuerit ita comparatum, ut in eo plus deprehendatur realitatis, & plures in eo concurrant partes, quam in alio quodam ente B, tunc ens A, dicitur *majus* ente B, (§. 257.) B. perspicuum est, eo, quod limitibus circumscriptum est, ente majus adhuc concipi posse. Et vice versa omne id, quo majus concipi potest, limitibus circumscriptum sit, necesse est.

§. 319. *Quod est limitibus circumscriptum, successive alios, atque alios habere potest.*

132 DE ENTE FINITO, ET INFINITO.

*Demonstr.* Cum quod habet limites, sit ejusmodi, ut nondum habeat omne id, quod habere potest, (§. 317.) palam est, ad id, quod gaudet limitibus, successive alia, atque alia posse accedere. Adeoque, quicquid est limitibus circumscriptum, id successive alios, atque alios status habere potest.

§. 320. Ex quo, necessaria consecutione, efficitur, omne id, quod definitum est limitibus, esse mutationis capax.

§. 321. Omne itaque id, quod possidet limites, debet esse ens contingens.

*Demonstr.* Cum enim omne id, quod possidet limites, sit mutabile, (§. 320.) omne autem id, quod est mutabile, sit contingens, (§. 176.) perspicuum est, omne id, in quo reperiuntur limites, debere esse ens contingens.

§. 322. Ex his, habita oppositi ratione, intelligi potest, id, quod limitibus caret sive destituitur, (α) omnes eas, quas habere potest, realitates actu habere debere, (§. 317.) (β) omnes respuere gradus, (§. 316.) (γ) eo nihil posse concipi majus, (§. 318.) (δ) in ipso nullam successiōnem posse habere locum, (§. 319.) (ε) nullam quoque mutationem in ipso reperiri, (ζ) & denique absolute necessarium esse debere,

§. 323. Quicquid gaudet limitibus, id dicimus ens *limitatum*, sive *finitum*; quicquid vero iisdem destituitur, id appellamus *illimitatum*, sive *infinium*.

NOT. Non est, quod has definitiones cum nonnullis pro identicis sive synonymicis habeamus. Cum enim, quid sit *Limes*, jam in antecedentibus, (§. 315.) sit explicatum, cessant jam hæ definitiones esse identicæ, & obscuræ. Conf. *Instit. Meæ Log.* §. 163. seqq.

§. 324. Omne ens finitum est ejusmodi, ut nondum omnia habeat actu, quæ habere potest. Hanc possi-

# DE ENTE FINITO, ET INFINITO. 153.

positionem rectius intelligis, si §. 317. cum §. 323. contuleris.

NOT. Sunt, qui, cum ens finitum definire volunt, id per ejusmodi ens exponunt, quod non omnia habet actu; quæ habere potest. Qui quidem id, quod nos; tanquam theorema, ex definitione *finiti*, & *limitis* elicuimus, pro ipsa *æ finiti* definitione assumunt. Id quod subinde fieri in philosophis; jam supra; ( §. 303. ) monuimus.

SCHOL. Ut vero theorema, quod ex definitionibus *æ finiti*, & *limitis* suum petitor, tibi fiat manifestum; habeto exemplum. Anima humana est ens finitum, atque ob ipsam suam finitudinem nondum habet actu omnia, quæ habere poterat. Alia nosti hodie, quæ heri plane ignorabas: alia cras scies distinctius, quæ confuse hodie, & obscuriuscule percipis: Quæ quidem omnia, opinor, quemvis cumulatissime edocent, non omnia habere actu animam nostram, quæ quidem poterat habere.

§. 325. *Ente finito concipi majus quid potest.*

*Demonstr.* Cum enim eo ente; quod non est limitibus circumscriptum, nullum aliud possit majus concipi, ( §. 322. ) omne autem ens finitum, sive limitatum, sit limitibus circumscriptum, ( §. 323. ) palam est, ente finito posse quid majus concipi. Ex supra adstructis itidem patescit, ens finitum alios, atque alios status successive acquirere, ( §. 319: 323. ) adeoque esse mutationis capax, ( §. 320. ) itemque esse ens contingens ( §. 321. )

§. 326. Præterea, quæ sint entis infiniti attributa, qui characteres, ex dictis plus satis intelligi potest.

§. 327. *Ens infinitum debet omnes realitates, quæ tantum in ipso sunt possibiles, actu possidere.*

*Demonstr.* Cum enim ens infinitum omnibus omnino destituatur limitibus, ( §. 323. ) id autem, quod destituatur limitibus, omnes realitates, quæ sunt

sunt possibiles, actu possidere debet, (§. 322.) manifesta est ratio, cur ens infinitum omnes realitates, quæ in ipso locum possunt habere, actu, & re ipsa possidere debere, ajamus.

SCHOL. Intelligis ex hoc theoremate, quid sit, quod *Illustr. Wolffius in Metaphys. German. §. 109.* sequentem in modum definiat, *Unus tantum ea, qui omnia scit, sine ipso nullus, hoc est Deus.* Intelligis hinc porro, quod sit, quod *Bisfingerus in dilucidat. §. 407.* infinitudinis notionem quærat in *omnitudoine compossibilium*, (Ita enim ipse loquitur, barbare quidem, sed vere tamen, & recte.) Ut, quæ enunciaverat obscurius, facilius intelligerentur, sequentia addit: „Ad infinitudinem pertinet (1) ut ens infinitum attributa, quæcumque habet, habeat absolute, & sine gradibus, hoc est, „attributa illa cum universa sua omnitudoine possibili, v. gr. intellectum cum extensione ad omnia „scibilia &c. (2) Ut ens infinitum habeat attributa „compossibilia omnia, hoc est, attributa vere, & „simpliciter realia omnia. Quæ enim vere, & simpliciter realia sunt, illa non pugnant, sed compossibilia sunt inter se omnia.

§. 328. *Ens autem infinitum non modo omnes, quæ sunt in ipso possibiles, realitates, & perfectiones actu possidet, sed eadem quoque possidet sine ullo gradu.*

*Demonstr.* Cum enim *gradus* consistit in limite virium seu qualitatum, & perfectionum, (§. 316.) ens autem illimitatum seu infinitum omnes limites respuat, (§. 323.) consequens est, ut ens illimitatum sive infinitum omnes realitates, in ipso possibiles, sine ullo possideat gradu.

§. 329. *Ens infinitum nullam admittit successionem.*

*Demonstr.* Cum enim, quod caret limitibus, idem debeat carere successione, (§. 322.) ens autem infinitum careat limitibus, (§. 323.) consequens est,

est, ut ens illimitatum sive infinitum nullam omnino admittat successionem.

SCHOL. Hinc *VVinklerus in instit. philos. VVolfsiana* p. 78. §. 386. *ens infinitum reale definit per ejusmodi ens, in quo omnia, quæ eidem possunt inesse, insunt sine temporis progressu.*

§. 330. *Ens infinitum nullius omnino mutationis est capax.*

*Demonstr.* Cum enim, quod limitibus destituitur, destituatur quoque omni omnino mutatione, (§. 322.) ens autem infinitum sit illud ipsum ens, quod destituitur limitibus, (§. 323.) palam est, ens infinitum, sive illimitatum nullius omnino mutationis esse capax.

§. 331. *Ens infinitum debet esse ens absolute necessarium.*

*Demonstr.* Cum enim, quod destituitur limitibus, debeat esse ens absolute necessarium, (§. 322.) consequens est, ut ens infinitum, quippe quod careat limitibus, (§. 323.) non possit non esse ens absolute necessarium.

§. 332. *Ex quo apparet, ens infinitum non posse esse ens compositum, sed debere esse ens simplex.*

*Demonstr.* Cum enim, quicquid est compositum, non possit ens absolute necessarium, (§. 324.) ens autem infinitum sit ens absolute necessarium, (§. 331.) consequens est, ut ens infinitum non possit esse ens compositum. Quia vero omne ens debet esse aut ens compositum, aut ens simplex, (§. 297.) intelligi potest, cur ens infinitum debeat esse ens simplex.

§. 333. Quicquid itaque ad entium compositorum numerum refertur, id non potest esse ens infinitum, sed finitum sit, limitibusque circumscribatur, necesse est.

§. 334. *Duo entia infinita nec dantur, nec dari possunt.*

*Demonstr.* Si plura darentur, aut dari possent entia

tia

tia infinita, tum aut illa sibi forent similia, aut dissimilia. Si sibi essent dissimilia, tunc in ente infinito A, essent perfectiones, quæ desiderarentur in B: aut in B, essent perfectiones, quæ desiderarentur in A. Quum vero ens infinitum debeat habere omnes realitates, sive perfectiones compossibiles, (§. 428.) fieri non potest; ut ens infinitum A, plures, & B, pauciores possideat realitates, & vice versa. Adeoque, si plura forent entia infinita, illa sibi non posse esse dissimilia; vides; si vero sibi essent perfecte similia, tunc non essent plura, sed unum, & principium indiscernibilium, supra, (§. 169.) demonstratum, hoc modo corrueret. Addo etiam hoc: Si illa, quæ finguntur, entia infinita sibi essent similia: tunc aut essent similia, & æqualia simul; aut similia quidem, sed inæqualia. Si dixeris, esse illa sibi similia quidem, sed inæqualia, absurditatis te ipse incusas. Quando enim sibi essent inæqualia; tunc major realitatum quantitas esset in ente infinito A, & minor in B. Cum vero realitatum, sive perfectionum, gradus in ente infinito habere nequeant, (§. 228.) consequens est, ut nec ens infinitum A; majorem, nec ens B, minorem realitatum, sive perfectionum quantitatem habere queat, adeoque plura, quæ sumuntur, entia infinita non possunt esse similia; & inæqualia. Si vero sibi sunt similia, & æqualia simul; tunc aut nulla prorsus inter ea reperitur differentia, aut tantum aliqua. Si plane nulla inter ipsa reperitur differentia, tum quidem non amplius sunt plura entia infinita, sed unum, sub diverso licet nomine. Si vero aliqua tantum in ipsisprehenditur differentia, tum ea erit, aut in numero, aut in loco. Si ens infinitum A, ab ente infinito B, tantum numero differt, tum debet adesse ratio sufficiens, cur A, a B, numero differat. (§. 31.) Aut itaque ratio sufficiens, cur ens infinitum A, numero differat ab ente infinito B, est



est in ente A, aut in ente B. Si ratio sufficiens ista est in ente B, tum ens A, alicujus rei in se existentis, rationem habet in altero, adeoque est aliquo modo dependens. Quæ vero imperfectio ab ente infinito est plane excludenda. Si autem illa ratio sufficiens, cur ens infinitum A, numero differat ab ente infinito B, est in ente ipso A, tum possessio, & præsentia hujus rationis sufficientis aut est imperfectio quædam, aut perfectio. Non imperfectio, quia ens infinitum tantum gaudet realitatibus sive perfectionibus, si vero est perfectio, & tamen tantum reperitur in ente A, non autem B; sequitur, ut B, perfectione aliqua destituatur. Cum vero ens infinitum habet omnes realitates, & perfectiones, nec hac carere potest; si est. Sed eam non habet, ( *per demonstr.* ) E, etiam, non est. Cum vero, quicquid non habet rationem sufficientem, sit nihil, ( §. 32. ) nihil autem non existat, sequitur, ut nec hæc, quæ *numerus*, differentia existat. Quæ de differentia numeri valent, dicta quoque sunt de loci differentia. Ex quibus tandem hoc conficis, plura entia infinita nec dari posse.

SCHOL. Verbosior videri poteram in hoc theoremate demonstrando. Sed plurimum interesse, scito, ut hæc positio legitime demonstretur; propterea, quod sine hoc theoremate unitas Dei infra nequit demonstrari. *Cl. Canzjus in Usu Philos. Leibnit. & Wolff. T. I. p. 166.* præclare hanc in rem: *Cum per vocem* entis infiniti, inquit, intel-  
 „ ligamus illud ens, quod omnes omnino perfectiones  
 „ complectitur, & eas quidem sine gradu possessas;  
 „ cognoscitur sane, plura ejus geueris entia esse non  
 „ posse. Nam cum singula omnibus, & sine gradu  
 „ quidem perfectionibus exornata forent, nullum re-  
 „ manet distinctionis fundamentum. Quis enim bis  
 „ omnia cogitat, si differre aut ea statuat, aut alte-  
 „ rutrum conceptu non comprehendit, omnia aut eadem  
 „ omnia diverso mentis actu concipit? Conferri hic

## 158 DE ENTE FINITO, ET INFINITO.

potest elegans dialogus, quem doctissimus *Cotescadius* Theologiæ suæ naturali subjunxit; qui, dici non potest, quam magna animi cum voluptate a me fuerit, & perlectus, & expensus.

§. 335. *Ens infinitum mensurari non potest.*

*Demonstr.* Cum enim *mensurare* nihil aliud sit, quam magnitudinem alicujus entis ad alteram datam homogeneam magnitudinem exigere, (§. 259.) consequens est; ut, quicquid caret magnitudine, id mensurari non possit. Quia vero ens infinitum est ens simplex, (§. 332.), & omni adeo caret magnitudine, (§. 270.) manifesta est ratio, cur ens infinitum mensurari non possit.

§. 336. Cæterum probe caveas, ne *ens infinitum* confundas cum *indefinito*, quippe quod idem est, quod supra diximus *indeterminatum*, conf. §. 131.

## C A P U T XVII.

*De principiis, & causis.*

§. 337.

**E**Xposuimus hætenus variam entium differentiam. Nunc itaque in eo erimus, ut respectus entium adse invicem, ac relationes explicemus. Scilicet: si ita entia consideramus prout cum altero alterum est connexum, tum aliud deprehendimus ab alio dependere, atque adeo aliud esse *causam*, aliud *causatum*, *principium* aliud, aliud *principiatum*. Quare agendum nunc exilimamur de *caussa*, & *caussato*, *principio*, & *principiato*.

SCHOL. Non minimi est momenti doctrina de principio, & principiato, causâ, & causato. Vix enim ex veteribus vel Theologi, vel jure consulti, vel Medici etiam conspicias compendium; quia in eo dogmata per quatuor causarum genera pertractata videas.

§. 338

§. 338. Si ens A, ita fuerit comparatum, ut in se contineat rationem, cur ens B, sit, tum ens B, *ab ente A, dependere* dicitur. Si vero ens quodquam fuerit ejusmodi, ut in nullo alio ente extra se habeat rationem, cur sit, tum dicimus illud *independens*.

SHOL. Has notiones ante quam, quid sit *principium*, & *principiatum*, exponi potest, enodandas existimamus. Ut vero ipsæ intelligi distinctius possint, exemplum addere lubet. Hic mundus, e. gr. *dependet* a Deo, quia, cur hic mundus sit potius, quam non sit ratio invenitur in liberissima Dei voluntate. Appetitio boni *dependet* a representatione boni, per intellectum facta, propterea quod ratio, cur voluntas nostra appetat bonum, deprehenditur in representationibus intellectus, id quod infra in psychologia uberius demonstrabitur. Deus vero ideo dicitur *independens*, quia, cur Deus existat, in nullo alio ente extra ipsum potest dari, & inveniri ratio.

§. 339. *Principium*, in sensu generalissimo sumtum, nihil aliud est, quam omne id, unde aliquid quocumque modo dependet. Cum vero id, a quo aliquid dependet, debet esse ejusmodi, ut in se contineat rationem, cur alterum sit, (§. 338.) vides; quid sit, quod nonnulli principium in sensu generali definiunt per id, quod in se continet rationem alterius. Id, quod ab altero dependet, sive, quod idem est, in altero sui rationem habet, dicitur *principiatum*.

EXEMPL. Sic. e. gr. Solis splendor est principium diei, propterea quod dies a solis splendore dependet; & hæc propositio: *Anima est immaterialis*, est principium hujus propositionis: *Anima est incorruptibilis*. Hæc enim ultima propositio rationem sui habet in priori. Dies itaque, in respectu ad solis splendorem, est *principiatum*; item, hæc propositio, *anima est incorruptibilis*, relata ad hanc propositionem; *anima est immaterialis*.

*terialis*; est principiatum; quia ab illa dependet.

§. 340. Id, in quo est ratio, cur alterum sit; dicitur a philosophis *principium essendi*. Id vero, in quo reperitur ratio, cur alterum fiat, appellamus *principium fiendi*. Illud denique, in quo deprehenditur ratio, cur alterum cognoscatur, *principium cognoscendi* vocamus.

SCHOL. *Hebenstreit in philosophia prima p. 598.* principium essendi vocat id, a quo aliquod in suo esse procedit. Sic Deus est principium essendi, respectu mundi. *Principium fiendi*, idem dicit, esse, id, a quo res tantum dependet in fiendo, quale est e. gr. architectus respectu domus. *Principium* denique *cognoscendi* notat, ex Hebenstreitii sententia, omne id, unde res cognoscitur. Sic hæc propositio: *impossibile est, id simul esse, & non esse*, est principium hujus propositionis: *Nihil est sine ratione sufficiente*. Hæc enim ultima propositio dependet ab illa priori, quemadmodum id plus satis demonstratum dedimus §. 32

SCHOL. Principium essendi dividitur a veteribus Metaphysicis in principium QUOD, & in principium QUO. *Principium QUOD* est illud ipsum, quod rem aliquam ad existentiam perducit. Principium autem QUO est id, quo mediante quid producitur. Sic Deus est fidei in homine *principium quod*; ipse enim producit in hominum mentibus fidem. Verbum autem, & Sacramenta possunt dici principium QUO. His enim mediantibus fides in animis, & accenditur, & confirmatur. Principium essendi dispescitur præterea in principium *internum* & *externum*. Illud ipsam rei, quæ dicitur principiatum, intrinsecam naturam constituit, e. gr. *Lignum*, respectu mensæ. Hoc vero, quod constitutionem principiatu intrinsece non ingreditur, e. gr. *Scriniarius*, respectu mensæ.

SCHOL. Denique principium essendi dividitur in principium *causale*, & *non causale*. Illud est, quod

quod rem aliquam revera producit ; e. gr. Deus , respectu mundi , sol respectu diei , sunt principia causalia . *Principium* vero *non causale* est id , quod quidem rem producendam necessario præcedit , non vero illam revera producit , e. gr. *Aurora* , respectu diei .

SCHOL. *Principium* cognoscendi dividi solet a philosophis in principium *complexum* , & *incomplexum* . Principium complexum cognoscendi veteres vocabant quamvis integram propositionem , quæ , tamquam præmissa aliqua , in aliqua disciplina ad probandum quid adhibetur , & ad conclusiones inferendas usurpari potest . Sic e. gr. Theologiæ principium cognoscendi *complexum* est hæc propositio , multas ideas , & terminos complexa : *Quicquid Scriptura sacra dicit , illud infallibiliter verum est* . Principium vero cognoscendi *incomplexum* Metaphysici vocant terminum aliquem , qui in conclusione aliqua inferenda , & demonstranda locum obtinet medii termini . E. gr. Theologi vocant *Scripturam* sacram , Theologiæ principium cognoscendi *incomplexum* .

§. 341. *Nexus* est illa rerum ad se invicem ratio , vi cujus unum continet rationem alterius : & *connexa* ea dicuntur , quorum unum in se continet rationem , cur alterum existat .

SCHOL. Has notiones , in Cosmologia copiosius evolvendas , hic propterea distincte proponendas duximus , quod , iis explicatis , & præfultis , ea , quæ de principiis causisque disputantur , rectius intelliguntur . Ut vero definitiones fiant magis perspicuæ , & manifestæ , sequens habeto exemplum . Inter Deum e. gr. , & hunc mundum datur nexus , item inter pluviam calidam , & terræ fecunditatem . Rationem enim Deus in se continet , cur hic mundus existat , & pluvia calida itidem rationem in se habet , cur terra sit fecunda .

§. 342. Ubicumque itaque alterum alterius rationem in se continet , ibi datur nexus ; &  
*Baum. Metaph.* L sub-

sublato rationis sufficientis principio, tollitur nexus.

§. 343. *Inter principium, & principiatum datur nexus.*

*Demonstr.* Cum enim principium sit id, quod continet in se rationem ejus, quod dicimus principiatum, (§. 339.) illa autem relatio rerum ad se invicem, vi cujus unum continet rationem alterius, dicatur *nexus*, (§. 3. 1.) consequens est, ut inter principium, & principiatum detur nexus.

§. 344. *Posito principio, ponitur principiatum.*

*Demonstr.* Principium est id, quod in se continet rationem alterius. (§. 339.) E. posito principio, ponitur rei alicujus ratio sufficiens. Posita vero ratione sufficienti, ponitur id, cujus est ratio. (§. 35.) E. cum principiatum sit id, quod rationem sui sufficientem in altero habet, (§. 339.) intelligitur, poni, posito principio, principiatum.

§. 345. *Posito principiato, ponitur principium.*

*Demonstr.* Cum enim principiatum rationem sui sufficientem in altero habeat, (§. 339.) consequens est, ut, si datur principiatum, dari etiam quid debeat, in quo ratio ejus continetur. Dum autem illud, quod rationem hanc continet; sit principium, (§. 339.) palam est, principium, posito principiato, poni.

SCHOL. Si dies est, ponatur, necesse est, solis splendor, a quo dies dependet, tanquam a suo principio.

§. 346. *Principium, & principiatum sunt simul.*

*Demonstr.* Ponamus enim, principium, & principiatum non esse simul, tunc aut principiatum prius erit, quam principium, aut principium erit prius, quam principiatum. Ponas, principiatum esse prius, quam principium, tunc erit principiatum, & non erit principiatum. Erit principiatum, (*per hypothesein*) non erit principiatum, quia

quia omne principiatum sui rationem invenire, & dependere debet a principio. (§. 339.) Quomodo vero principiatum dependebit a principio, si principiatum est prius principio, adeoque principium nondum existit? Cum itaque impossibile sit, ut aliquid simul existat, & non existat, (§. 22.) impossibile quoque erit, ut principiatum prius sit, quam ipsam principium. Ponas vero, principium prius esse principiato, tunc principium erit principium, & non erit principium. Erit principium, (per hypothesein) non erit principium quia principium per id est principium, quod quicquam habet, quod ab ipso dependeat, (§. 339.) adeoque quod adsit principiatum. Cum vero fieri nequeat, ut aliquid simul sit principium, & non sit principium, (§. 22.) manifesta est ratio, cur principium principiato prius esse nequeat. Si itaque neque principium principiato: neque principiatum principio prius esse potest: nihil aliud relinquatur, quam ut, principia, & principiata simul esse, aiamus.

SCHOL. Duo vero hic observari volo. I. Potest ens aliquod considerari 1. absolute, id est, sine respectu ad alterum quoddam ens, quod producit. 2. Consideratur relative, quatenus scilicet alterum quoddam ens ad existentiam perducit. Si consideratur principium absolute, i. e. ut ens, non verumtamen principium, tunc principium prius esse potest, & est quoque prius ipso principio. E. gr. pater, ut homo consideratus, prior est filio; si vero patrem consideraveris, ut patrem, & principium filii, non potest ipse esse prior filio. Ecquis enim, patrem esse illum posse, dixerit, qui nunquam liberos generavit? II. Principium est quidem prius natura, quam principiatum, i. e. principium prius concipi potest, & debet quam principiatum, non vero est prius tempore. Solis e. gr. splendor prius concipi debet, quam dies, sed, si temporis habueris rationem, sol simul cum die apparet.

L 2

§. 347.

§. 347. Principium illud, a quo alterius existentia dependet, sive, quod continet rationem in sese, cur alterum existat, dicitur CAUSSA; id vero, quod sui rationem in principio causali invenit, appellatur CAUSSATUM, sive Effectus.

SCHOL. Latius patet notio *principii*, quam notio *caussa*. Omnis quidem *caussa* est principium, sed non omne principium est *caussa*, quia datur etiam principium non *causale*. Conf. §. 339.

§. 348. *Causa* Scholastici vocant rationem illam, in qua *caussa* continetur, cur effectus producat.

SCHOL. Ita *causalitas* in Deo, qui est *caussa* hujus mundi, est creatio ipsa, qua totum hoc universum ex nihilo ad existentiam perduxit.

§. 349. Cum *caussa* sit principium, (§. 347.) consequens est, ut, quicquid dicitur de principio, & principiato, idem dicatur de *caussa* & de *causato*.

§. 350. Experientia constat, quod ad id, ut aliqua res suam accipiat existentiam, multa concurrere soleant. Alia scilicet per veram actionem, alia per representatam bonitatem, per necessarias determinationes, alias denique per receptionem harum determinationum ad effectum producendum quid conferunt. Unde existunt varia *causarum* genera, quæ sigillatim nunc exponemus.

SCHOL. Veteres doctrinam de *caussis* ita pertractabant, ut *caussas* omnes dicerent esse, vel internas, vel externas. Has, aiebant, constitutionem effectus intrinsecam non ingredi. Quo pertinent α) *caussa efficiens*, a qua res est, β) *caussa finalis* propter quam res est. *Causas* internas dicebant, quæ constitutionem effectus intrinsecam ingrediuntur. Huc pertinent α) *caussa materialis*, ex qua res est, & β) *caussa formalis*, per quam res est.

§. 351. *Causa efficiens*, quæ proprie, & *causa* est, nihil est aliud, quam id, quod per



per actionem suam continet rationem alterius vel existentis, sive, quod vi sua alterum producit, uti e. gr. Deus hunc mundum produxit.

SCHOL. Causa efficiens, & ratio (*cur*, *Raison*) omnino a se invicem differunt. Deus quidem hujus mundi causa efficiens potest appellari; ecquis autem, ipsum *rationem hujus mundi* nominari posse; dixerit? Ut itaque has duas propositiones: *nihil est sine causa*, & *nihil est sine ratione sufficienti*; a se invicem recte distinguere a nonnullis, videas.

§. 352. Causa efficiens varie a Metaphysicis distinguitur: Nos, ne quid hic omisisse videamur, quod ad rem pertineat, singulas divisiones, quam fieri potest distinctissime; exponemus.

§. 353. Causa efficiens, quæ per suam actionem producit effectum, (§. 351.) vel ita agit, dum effectum producit, ut possit quoque actionem omittere, vel ita agit, ut, intrinseca sua natura ad agendum impulsæ, non possit non agere. Illam vocamus *liberam*, hanc *naturalem*, &  *necessariam*.

SCHOL. Scriptionis hujus sam causa libera, poteram enim præsentem scriptionem quoque omittere. Cum vero ignis lignum comburit, fieri non potest, ut ex libera voluntate ignis actionem, omittas, adeoque est causa efficiens naturalis, & necessaria.

§. 354. Cum causa efficiens producit effectum, tunc aut productus effectus est ejusdem essentiae, qua gaudet ipsa causa, aut diversam habet essentiam; diversæque est speciei. Sin illud, tum causa; effectum ejusdem essentiae producens, dicitur *causa univoca*. Si hoc, tum causa, effectum diversæ essentiae producens; appellatur *causa equivoca*.

SCHOL. Ut intelligar haud difficultér, exemplum addo illustrans. Cum pater generat filium, tum producit effectum, ejusdem plane essentiae ac speciei,

ciei, adeoque pater est *caussa filii univoca*. Cum vero Deus hunc mundum produxit, cumque item futor calceum, scriniarius mensam, ad existentiam producit, tum Deus, sciniarius, futor, sunt *caussæ æquivocæ*, quia nec mundus, nec mensa, nec calcens, ejusdem sunt essentia, cujus sunt *caussæ*, quæ hæc effecta produxerunt.

§. 355. *Caussa efficiens vel principalis est, vel instrumentalis*. *Caussa efficiens principalis est, quæ effectum producit virtute sua propria*. Si vero actio vi aliena producitur, dicitur *caussa instrumentalis*.

EXEMPL. E. gr. Deus est *caussa efficiens principalis* Scripturæ Sacræ. Prophetæ autem, & Apostoli sunt *caussa instrumentalis* Scripturæ Sacræ.

SCHOL. *Instrumentum* vero, quod a *caussa efficiente* ad effectum producendum elevatur, dicitur a VVolfio ens, quod potentia agendi instructum est, sed vi agendi destituitur, ad effectum requisita. Conf. VVolfii Ontol. Lat. p. 657.

§. 356. *Caussa efficiens* porro est vel *physica*, vel *moralis*. Quæ distinctio, cum in aliis disciplinis identidem occurrat, nunc accuratius, & distinctius est explicanda. *Caussa physica* est, quæ effectum immediate vera ac reali actione producit; si vero quid effectum mediate ac per alium ad existentiam perducit, tum dicitur *caussa moralis*.

EXEMPL. E. gr. Si quis alterum hominem sua interficit manu, tum dicitur *caussa physica* homicidii; si vero quis ad alterius occisionem, vel cohortando, vel subsidia subministrando, vel suadendo, vel non impediendo, cum impedire posset, concurrat, tum vero ille dicitur homicidii *caussa moralis*.

SCHOL. Præcipui modi, per quos aliquis fit *caussa moralis*, sunt sequentes; Si quis fuerit (1) *mandans*, (2) *consulens*, (3) *ratihabens*, (4) *laudans*, (5) *consentiens*, seu *approbans*, (6) *Provocans*, (7) *non impediens, cum impedire posset*. Cæterum

terum observa, in sacris litteris æque effectum adscribi causse morali, ac causse physica. Quem fugit, Davidi, qui cædis Uriæ tantum caussa moralis erat, sacras literas imputasse, quod revera occiderit Uriam?

§. 357. His divisionibus causse efficientis subjungimus adhuc sequentes. Caussa efficiens producit, vel *per se*, ut talis, effectum; vel ab ipsa, sed non ut tali, *per accidens*, effectus in suo esse procedit. Illa dicitur *caussa per se*; hæc vero *caussa per accidens*.

EXEMPL. Ut hæc thesis pateat uberius, sequenti ipsam exemplo illustrandam putavi. Philosophus est caussa per se bonæ, & regulis rectæ rationis convenienter institutæ, ratiocinationis. Legitima enim, & ad rationis leges exacta ratiocinatio provenit a philosopho, quatenus talis est. Philosophus vero est caussa per accidens Atheismi, & philosophia est caussa per accidens multarum monstruosarum opinionum. Quia Atheismus non provenit a philosopho, quatenus talis est, (alias omnis philosophus deberet esse Atheus) sed quatenus suis præconceptis opinionibus nimium quantum indulget. Nec Philosophia est caussa monstruosarum opinionum, (alias omnis, qui philosophia esset imbutus; deberet monstruosis opinionibus esse fasciatus.) Num Deus dici possit caussa per accidens Peccati, copiosius disputavit *Hebensfeyt*, in *philosophia prima*, p. m. 691. *seqq.*

§. 358. *Concausæ* sunt, quæ simul concurrunt ad unum idemque effectum producendum. Atque hæ ipsæ *concausæ*, (ita enim a philosophis vocantur plures causse) ad unum effectum producendum unitæ, vel ejusdem, vel sunt diversi generis.

EXEMPL. E. gr. Scriptorius, & lignum sunt *concausæ* respectu mensæ, sed sunt *concausæ* diversi generis. Scriptorius enim pertinet ad caussam efficientem; lignum autem ad caussam materialem

Deus vero, & Prophetæ, Apostolique itidem sunt concaussæ, respectu Scripturæ sacræ, sed sunt concaussæ ejusdem generis. Pertinent enim ad causam efficientem: Deus quidem ad causam efficientem principalem; Prophetæ autem, & Apostoli ad causam instrumentalem, uti hoc jam indicavimus §. 355.

SCHOL. Has concaussas ejusdem generis nonnulli ex veteribus porro dividere consueverunt in *concaussas ejusdem ordinis, & diversi ordinis*. Concaussæ ejusdem ordinis sunt, e. gr. duo validi viri, qui, viribus unitis, onus prægrande post se trahunt, & de loco in locum movent; concaussæ vero ejusdem generis quidem, sed diversi ordinis, sunt Deus, & Apostoli respectu Scripturæ sacræ.

§. 359. *Causa efficiens solitaria* dicitur, cum effectus causâ efficiens non nisi fuerit unica; si vero plures causæ ejusdem ordinis, constituentes unam causam efficientem, effectum producant, tum illæ plures causæ dicuntur *causæ sociæ*.

EXEMPL. E. gr. Diei causâ efficiens solitaria est sol, sed si plures equi curram unum onustum traxerint, dicuntur causæ sociæ. Ad causas autem socias requirit Hebenstreitius non modo, ut *sint concaussæ ejusdem generis, ejusdemque ordinis*, sed etiam numero diversas rationes causandi habeant, ita, ut effectus aliqua ratione ab hac, aliqua vero ratione ab illa causâ, a nulla autem totus dependeat. Quales causæ e. gr. sunt *duæ lampades, in eodem conclavi composæ, & accensæ, respectu luminis, in eo conclavi producti*. Ex his requisitis negandum esse, idem affirmat, tres divinitatis personas esse causas socias creationis. Una enim, & eadem numero potentia ad creationis opus a qualibet persona totum dependebat, id quod secus fit in causis sociis. Conf. Hebenstreit. *philosophia prima* p. 694.

§. 360. Causa efficiens porro alia *proxima* est, alia *remota*. *Causa remota* est, a qua effectus, inter-

tervenientibus aliis causis, dependet. Causa vero proxima est, a qua effectus, nulla alia causa interveniente, dependet. Hæc dicitur *immediata*, illa *mediata*.

EXEMPL. Avus est nepotis causa remota; quia pater adhuc est causa intermedia; pater vero est causa filii proxima. Concipies tibi hanc differentiam optime ita. Fingas hanc seriem A, B, C, D. fingas, D, dependere a C, & C, a B, & B, ab A. Vides hic, D, proxime dependere a C, adeoque C, est causa proxima ad D. Vides vero insimul, D, quoque dependere a B, sed interveniente causa C, Ergo B, est causa remota ad D.

§. 361. Ex his intelligi nunc potest, quando causæ dici possint *subordinate*: Si scilicet operatio causæ proximæ dependet a remota, & operatio remotæ causæ dependet a remotiori, & ultra; tum causæ istæ, a se invicem in operando dependentes, dicuntur *subordinate*.

SCHOL. Sic A, B, C, sunt causæ subordinate respectu D, quia C, dependet, tanquam effectus, a causa B, & B, dependet, tanquam effectus, a causa A.

§. 362. Causa efficiens a *Cel. Volfio* dividitur præterea in *Ontol. Lat. p. 660* in causam efficientem *sufficientem*, & *insufficientem*. Sed si dicendum, quod res est, hæc distinctio parum mihi approbatur. Quomodo enim id, quod non sufficit ad effectum producendum, causa dici possit; non vi-deo, per hoc enim quidpiam est causa, quod effectum producat.

SCHOL. Cæterum *causam*, sive *conditionem sine qua non*, probe distinguas velim a vera causa efficiente. Est autem conditio sine qua non nihil aliud, quam ejusmodi conditio necessaria, quæ ex parte causæ requiritur, & sine qua causa effectum non potest producere. Sic e. gr. cum quis alterius intellectum ad veritatum utilissimarum cognitionem perducere, ipsamque rite emendare vo-lue-

luerit, tum ante necesse est, removeantur, & estirpentur præjudicia. Quæ quidem præjudiciorum remotio non est ipsa causa veritatum cognitionis, sed est conditio sine qua non. Ita quoque in opere conversionis, docent Theologi, primum omnium removendam esse malitiosam resistantiam. Quæ vero malitiosæ resistantiæ remotio non est causa conversionis, sed tantum conditio sine qua non.

§. 363. *Nihil est causa sui ipsius, sive quod idem est, nihil semetipsum potest producere.*

*Demonstr.* Ponamus, aliquid semetipsum producere, & sui ipsius esse causam, tunc illud, quod semet ipsum produceret, & existeret, & simul non existeret. Existeret, alias semetipsum non produceret, (quomodo enim quid aliquid producat, & agendo ad existentiam producat, nisi ipsum existat?) Non existeret, quia denuum se producere; i.e. sibi existentiam largiri, fingitur. Cum vero impossibile sit, ut aliquid simul existat & non existat, (§. 22.) impossibile quoque est, ut aliquid semet ipsum producat, sive sit causa sui ipsius.

NOT. Veteres hanc propositionem ita enuntiabant. Nihil est a se ipso in *sensu affirmativo*, i. e. ita, ut semetipsum produxerit, quamvis Deus sit a semetipso in *sensu negativo*, i. e., ita ut a nullo alio fuerit productus.

§. 364. Cum quicquid dicitur de principio, & principio, idem dici possit de causa, & causato, (§. 349.) consequens est, ut (α) posita causa ponatur effectus, sive causarum (§. 344.) & (β) posito causato, sive effectu, ponatur causa (§. 345.) (γ) Hinc perspicuum est, inter causam atque effectum, sive causatum, dari nexum. (§. 343.)

§. 365. *Qualis causa univoca, talis quoque est effectus.*

*Demonstr.* Cum enim causa univoca producat effectum ejusdem speciei, & essentiae, (§. 354.) sequitur, ut, qualis causa est univoca, talis quoque

que sit effectus. ( Alias causa, & effectus non eandem haberent essentiam. )

EXEMPL. Si e. gr. pater est homo, sequitur, filium a patre generatum, debere quoque esse hominem.

§. 366. *Causa causa est etiam causa causati.*

*Demonstr.* Fac enim, in A, contineri rationem, cur B, existat, tunc A, erit causa ipsius B, (§. 447. ) & B, erit effectus. Ponas porro, B, producere alium effectum, quem vocabimus C, tunc facile videbis, C, non potuisse produci a B, nisi B, productum fuisset ab A. A, itaque non modo est causa B, sed quoque est causa ipsius C. Quo ipso intelligitur, causam causæ esse etiam causam causati.

SCHOL. Hæc propositio licet sit verissima in causis essentialiter & necessario subordinatis, non tamen ex eo colligendum est, eandem quoque locum obtinere in causis accidentaliter & contingentiter sibi subordinatis. Recte quidem infer: Avus est causa patris, pater est causa mei, E. Avus quoque erit causa, cur ego existam. Minus autem apte ratiocinaveris, si rationes ita conficeres: Deus est causa hominis, homo est causa peccati, E. Deus est causa peccati.

§. 367. *Omnis causa efficiens vi agendi prædita sit necesse est.*

*Demonstr.* Cum causa efficiens producat effectus per realem actionem, (§. 351. ) quicquid autem agit, id quoque vi agendi gaudere debet (§. 297. ) intelligis, causam efficientem vi agendi gaudere debere.

§. 368. *Causa, absolute eadem, contrarios effectus producere non potest.*

*Demonstr.* Ponas, causam eandem contrarios effectus producere posse, tunc & erit causa, eadem, & non erit causa eadem. erit causa eadem ( per hypothesein. ) Non autem erit causa eadem, quia non eisdem producit effectus. Nam per id, quod esse-

effectum producant, aliquid est, & sit causa. Adeoque aliqua res tum demum eadem causa erit, si eisdem effectus producit. Si itaque causa eadem contrarios effectus produceret, tunc non amplius esset eadem. Cum vero aliquid simul esse, & non esse nequeat, (§. 22.) eandem quoque causam contrarios effectus producere non posse, palam est.

SCHOL. Cl. Carpovius in dissertatione de penis necessitati hypothetica non contrariis §. VI. hanc format demonstrationem: „ Si eadem causa A ; „ potest effectus B, & C, sibi invicem contrarios ; „ æque bene facile producere, tunc, si producit „ B, non est ratio, cur non producat C, & vice versa. Objectionem hic sibi ipse format Clariss. Vir hoc modo: A, causa est. Sed respondet ipse quoque sibi: A, est causa, cur aut B, aut C, sequatur, (quia, vi hypotheseos, utrumque potest producere, sed de ratione; cur B, nec C, producatur, questio recurrit. Nempe aut causam A, non posse contrarios effectus B, & C, producere potuisse; aut aliquid sine ratione fieri, confitendum est.

§. 369. *Non potest esse plus in effectu, quam fuit in causa.*

Demonstr. Ponamus, esse plus in effectu B, quam fuit in causa A, tunc illud plus, quod vocabimur C, aut dependet a causa A, aut ab eadem non dependet. Si a causa A, dependet, tunc fuit omnino in causa A. Si vero a causa A, non dependet, tunc aut a semetipso existit, aut ab alia causa D, dependet: A semetipso existere non potest (§. 363.) Er. a causa D, dependet. Si vero illud plus C, dependet a Causa D, tunc non pertinet ad effectus B, quia effectus B, per hoc est effectus B, quod dependeat a causa A. Nunquam itaque plus in effectu esse potest, quam fuit in causa.

SCHOL. Hoc theorema, quo, effectum *plurimum* ex causa sua intelligi debere, asseveramus, idem fere est



est cum propositione illa, quam *Leibnizius*, fundamenti loco, in *Dynamices sua Specimine Act. Erudit.* p. 157. *An.* 1695. posuit, Enunciant eam Mathematici ita. *Effectus plenus aequipollet causa plena, seu viribus causa integris*. Alii ita: *Omnis causa producere debet effectum sibi aequalem, adeoque se nec maiorem, nec minorem*. Conf. *Ernesii disputat. de Emendat. Voluntat. per salutem*. §. XII. *Lips.* 1730. hab.

§. 370. *Causa, quatenus est causa, & effectus sunt simul, nec tempus ullum inter causam efficientem, & effectum interjectum est.*

*Demonstr.* Cum enim causa sit principium, (§. 347.) principium autem & principiatum sint simul, (§. 346.) intelligis, causam, & effectum esse simul. Quæ in nota ad (§. 346.) submonuimus, ea hic repeti, & applicari possunt.

§. 371. *Causarum externarum altera est causa finalis, quam nunc ita exponemus, ut (α) quid sit finis (β) quotuplex sit finis, (γ) quæ de causa finali propositiones demonstratione indigeant, indicemus.*

§. 372. Id cuius gratia causa efficiens operatur, sive quod per actionem suam cupit obtinere, dicitur *finis*.

EXEMPL. Cum quis e. gr. in academias commeat, præceptoribusque limandum se perpoliendumque tradit, multos itidem libros diu noctuque legit, & perscrutatur, tum eruditio, quam artium studiosus omnibus his actionibus obtinere cupit, dicitur *finis* studiosi.

§. 373. Finem multiplici modo distinguere solent philosophi. Si quis ita propter finem agit, ut si nullum alium sibi propositum haberet, ob hunc solum ageret, tum ejusmodi finis dicitur *finis princeps, sive principalis*. Finis autem *secundarius, sive minus principalis*, est, propter quem quis ita agit, ut, si non præterea alium sibi propositum haberet, non ageret.

EXEM-

EXEMPL. Cajus e. gr. extra portam exspatiatur. Idque ideo, ut sanitatem labefactatam restituat in integrum. Simul vero, commodam hoc ipso visendi amici cujusdam occasionem nactus, intendit deambulatione, ob sanitatem imprimis suscepta, salutare, & convenire amicum suum. Hic, ut vides, deambulationis finis princeps, vel primarius est *sanitas*; finis vero secundarius est amici salutatio.

§. 374. *Finis proximus* dicitur, qui, nullo alio mediante, intenditur. *Remotus vero finis* est, qui non nisi alio, vel aliis finibus mediantibus, obtinetur.

EXEMPL. Cum e. g. Gajus in tabernam librariam se confert, tum ideo eam visitat, ut librum sibi necessarium coemât; librum vero ideo sibi comparat, ut ex eo eruditionem hauriat. *Finis proximus* est emtio libri: *remotus vero* eruditionis acquisitio.

SCHOL. *Finis* autem ille *remotus*, in quem cæteri omnes resolvuntur, & propter quem omnes alii sunt, dicitur *ultimus*, qui propter nullum alium finem esse potest. E. gr. omnium actionum, quas demumcumque suscepimus, finis ultimus debet esse illustratio gloriæ divinæ. Ad hanc enim omnes actiones, omnesque actionum fines nostri tendere debent. Cæteri fines, qui sunt propter ultimum, dicuntur *intermedii*. Scholastici adhuc finem in finem *cujus*, & finem *cui* distinguunt. E. gr. Scripturæ sacræ finis *cujus* est salus æterna. Si enim quæras, *cujus* gratia Scriptura sacra est data? respondebis! Salutis æternæ gratia.

SCHOL. *Finis* autem *cui* Scripturæ Sacræ sunt omnes homines. Si enim interrogaveris me, cui nam in salutem ( *cui hoc bonum* ) est data Scriptura sacra? respondebo! Omnibus hominibus;

SCHOL. *Finis externus* Scholasticis est, qui non est in potestate mea. *Finis vero internus* est, qui est in potestate mea.

§. 375. *Medium* vocatur, quod in se continet rationem, cur finis existentiam consequatur. *Medio* opponitur *impedimentum*, quod nihil est aliud, quam id, quod in se continet rationem, cur aliquid ad existentiam non perveniat.

§. 376. A causa finali differt causa impulsiva, quæ vel *externa*, vel *interna* est. *Causa impulsiva interna*, quam veteres προθυμικὴν vocant, est, si rationes, voluntatem ad aliquid agendum determinantes, in ipso agente continentur. Si vero rationes, ad actionem nos commoventes, a rebus externis petuntur, tum illæ rationes vocantur *causæ impulsivæ externæ*, Græcis μετοκαταρκτηκὴν.

EXEMPL. Deus e. gr. mittebat filium in hunc mundum salutis nobis restituendæ causæ. En finem! Ipsum ad hoc ipsum suscipiendum commovebat ex parte sui immensa sua bonitas, & misericordia: *En causam impulsivam internam!* Ex parte generis humani ipsum determinabat miseria hominum maxima: *En causam impulsivam externam!*

§. 377. *Omnis finis supponit ens intelligens, nec probari adeo potest finis existentia, nisi antea probata, & evicta sit entis intelligentis existentia.*

*Demonstr.* Cum enim finis sit id, quod cupit causæ efficiens per actionem suam obtinere. (§. 372.) omnis autem ille, qui cupit quid, debeat habere intelligentiam, quia, quod ajunt, *ignotum nulla cupido*, intelligitur, omnem finem supponere ens intelligens.

§. 378. *Qui vult finem* ( serio, & , ut veteres loquuntur, voluntate efficientiæ, ) *etiam velle debet media.*

*Demonstr.* Cum enim medium sit id, quod continet rationem in se, cur finis existat, (§. 373.) id autem, quod in se continet rationem, cur alterum existat, dicatur causæ alterius, (§. 351.) consequens est, ut medium sit causæ finis, & fines sint effectus medii. Cum itaque nullus effectus  
sine

sine causa esse queat, (§. 363.) etiam finis sine mediis existere non potest. Quicumque itaque vult finem, velle etiam debet media, sine quibus nullus finis obtinetur.

§. 379. Cum medium contineat rationem in se, cur finis existat, (§. 375.) facile vides, medium prius existere debere sine. Dumque propter finem volumus media, (§. 378.) finis recte *primum in intentione, & ultimum in executione, esse dicitur.*

§. 380. *Materia*, sive *causa materialis*, (hæc est causarum internarum prima) est id, ex quo constat ens compositum, ut e. gr. lignum est materia, ex qua constat mensa.

SCHOL. Hæc materia dicitur *materia ex qua*, ut ita discernatur a materia *in qua*, quæ alias dicitur *subiectum inhesionis*, & a materia, *circa quam*, quam appellamus *objectum*. Est scilicet objectum id, in quo actio mea versatur. E. gr. Coloris albi materia in qua, sive subiectum inhesionis, est paries. Objectum autem studiosi Theologiæ, si-ve id, in quo elaborat, est Theologia.

§. 381. *Formam* efficiunt rei omnes illæ notæ, & determinationes essentielles, rem aliquam constituentes.

EXEMPL. E. gr. rationalitas est forma hominis; per rationalitatem enim homo est homo, & ab omnibus aliis rebus discernitur.

§. 382. Quemadmodum a causa efficiente dependet, ut res aliqua existat, sic a forma dependet. ut res aliqua *talis* existat. Adeoque forma inter causas referenda est. (*per def. Causæ.*)

§. 383. *Forma dat esse rei.*

*Demonstr.* Cum enim per formam sive *causam formalem* nihil aliud intelligamus, quam complexum determinationum essentialium, (§. 381.) per determinationes autem essentielles præcise res aliqua hæc res sit, & non alia; (§. 66.) intelligis, formam dare rei suum esse, alii adhuc addunt, *dat forma distingui, & operari.*

## C A P U T XVIII.

*De signo, & signato.*

§. 384.

**S**ignum est id, cujus idea excitat ideam alterius, sive, ut VVolfius definit, signum est, ex quo alterius præsentia, vel adventus, vel præteritio colligitur.

EXEMPL. E. gr. Illuminationes sunt in natali die principis signa gaudii. Cum enim tibi repræsentaveris lampades accensas, oppido succurret tibi hoc ipso gaudium, in animis civium excitatum. Idea ita lampadam excitat in te ideam gaudii.

§. 385. Id, quod ex altero colligitur, sive cujus idea excitatur, dicitur *signatum*, uti in priori exemplo gaudium, per lampades significatum.

§. 386. Si res, quæ significatur, præsens est, tum *signum* dicitur *demonstrativum*, si res autem futura fuerit, appellatur *signum prognosticum*, si autem res significata præterita est, tum signum vocamus *rememorativum*, sive *memoriale*.

§. 387. *Signum necessarium* est, inter quod, & rem significatam nexus est necessarius, *signum* vero *arbitrarium* est, quod ab arbitrio humano pendet.

EXEMPL. E. gr. Fumus est signum necessarium ignis, sed verba sunt signa arbitraria conceptuum. Poteramus enim ideas nostras aliis signis, nutu e. gr. aut manibus indicare, id quod demonstravi in *Philos. Rationali* §. 224. *Cap. II. de Usu Verborum.*

*Finis Ontologia, sive Philosophia prima.*

# METAPHYSICES

## P A R S II.

### COSMOLOGIA GENERALIS.

#### C A P U T I.

##### *De Cosmologia in genere.*

##### §. 388.

**C***osmologia generalis* est nihil aliud, quam scientia mundi in genere.

Quæ definitio ut rectius intelligatur, hujusque speciatim disciplinæ indoles ac natura, ususque item amplissimus, cuique manifestus fiat, ad sequentia volo attendi.

I Primus, qui doctrinam de mundo in artis formam redegit, eamque systemati metaphysico inferendam curavit, fuit illustris VVOLFIUS, quem, novimus, notiones generaliores, ad mundi cognitionem pertinentes, non distincte modo explicasse, sed ejusmodi quoque de mundo theoremata accurate demonstrasse, quæ in physicis solidiorem consecuturo scientiam mirifice inservire possunt. Ipsum audiamus VVOLF!UM. *Novam quandam, inquit, disciplinam condere cœpi, quam Cosmologia Transcendentalis nomine compellare soleo, in qua veritates maxime ardua de universo materiali explicantur, ad mentis humanæ naturam intimius cognoscendam, & de Deo ex luminationis accuratiora contexenda, adprime utiles. Conf. luculentia ejus commentatio de differentia nexus rerum sapientis, & fatalis, §. II.*

II. Ad definitionis præstructæ intelligentiam vel

ma-

## DE COSMOLOGIA IN GENERE. 179

maxime pertinet illud ; ut , quæduplici ratione vocabulum *mundi* accipiatur , diligenter observemus . Scilicet cum nostros aperimus oculos , tum *terram* , multis variisque repletam corporibus , tum *cælum* innumeris diversisque generis exornatum stellis , contuemur . Quæ duo magna corpora , nostris exposita oculis aliisque condecorata corporibus ; vocare consuevimus *mundum æspectabilem* : De quo quidem mundo æspectabili , cum & physica , & astronomia exponat , intelligis ; eum a nobis in cosmologia transcendentali ; sive generali neutiquam pertractari .

III. Quid ergo illud tandem est , quod ad cosmologiam generalem sive transcendentalem pertinet ? Cosmologiam generalem constituit explicatio illarum notionum , quæ ; ab hoc , qui existit , mundo individuo abstractæ , mundo , generatim spectato conveniunt . Demonstrantur quoque in cosmologia generali ejusmodi positiones , quæ quia sunt universaliiores , fundamenti loco , subternuntur : Quare cosmologiam generalem VVOLFIIUS percommode appellat cosmologiam *transcendentalem* , *Conf. Cosmol. Lat. p. 1.*

§. 389. *Cosmologia generalis , sive transcendentalis recte ad metaphysicam refertur :*

*Demonstr.* Cum enim in metaphysica notionēs , à rebus individuīs abstractæ , & iisdem communes , distincte explicantur ; ( §. 4. ) in cosmologia autem generali eæ exponantur notionēs , quæ ; ab hoc , qui existit , individuo mundo abstractæ , mundo , generatim spectato , conveniunt , ( §. 388. ) non obscura esse potest causa ; cur cosmologia generalis ad metaphysicam refertur .

§. 390. Cosmologiæ generalis plures omnino amplioresque sunt usus , quam ut a nobis hic possint enumerari . Præcipue vero utilitates se exerunt in *Physica ; Theologia naturali ; & Psychologia :*

NOT. Qui cum fructu physicam volunt pertractare ; ii , in pervidenda expendendaque hac rerum universitate occupati , eo vel maxime debent con-

hiti , ut generalem sibi de mundo conceptum for-

M 2

trent ;

## 180 DE COSMOLOGIA IN GENÈRE.

ment, legesque, quibus corporum mutationes conformantur, rite perspectas habeant.

SCHOL. In Theologia vero naturali, dici non potest, quos quantosque tibi Cosmologia præstet usus. Dei enim existentiam nunquam demonstrabis, nisi mundi stabiliveris contingentiam. Contingentiam vero mundi ecqua ratione ita perspicies, ut de eadem certus sis atque convictus, nisi, quæ cosmologiæ propria sunt, principia ex eadem tibi fuerint familiaria? Ad alias denique disciplinas quod attinet, eas vel ideo multum cosmologiæ debere existimaverim, quod in cosmologia tradatur distributius doctrina de *nexu*, qua carere disciplinarum nulla facile potest. Uti enim rerum connexio ubivis suum obtinet locum, ita in disciplinis præsertim scientiisque positionum notionumque nexus utramque facit paginam. *Conf. ea, quæ acutissimus Bilfingerus in tract. de Origine, & permissione mali copiosius de utilitate doctrina de nexu disputavit.*

## C A P U T II.

*De Notione, sive conceptu mundi.*

### §. 391.

**I**N philosophiæ rationalis institutionibus pag. 268. rationem a nobis, memini, esse commonstratam, quam inire illos decet, qui definitiones universales ex casibus individuis a posteriori eruere allaborant. Quare, si distinctam completamque mundi, generatim spectati, notionem formare velis, opus est, ut, vi regulæ, ex Logica adductæ, hunc, qui existit, individuum mundum, quem vocant *adipsectabilem*, attente contuearis, atque ita, abstractionis ope, generaliore tibi mundi conceptum formes.

§. 392. Cum oculos nostros vel ad cælum tollimus,



mus, vel dimittimus ad terram, eaque, quæ sunt ante pedes, contemplamur, tum, plurima corpora observari oculis nostris, deprehendimus, animalia, e. gr. arbores, frutices, flumina, solem, sidera innumera, quæ omnia simul existunt, Ea, quæ simul existunt, dicimus *entia simultanea* (§. 240.) E. patet, in hoc mundo dari res simultaneas.

§. 393. Experientia præterea nos conducet, horum, quæ diximus simultanea, alia oriri, alia vero interire rursus, & abesse. Diem nox, noctemque dies, æstas hiemsque æstatem excipit, nec sol, nec luna, nec aliæ denique stellæ, in eodem semper situ permanere cernuntur. Cum vero, quæ se invicem sequuntur, dicantur *entia successiva* (§. 245.) perspicuum est, existere in hoc mundo res successivas.

§. 394. Omnia hæc, vel simultanea, vel successiva entia, quæ in hoc, quantum quantum est, (est autem maximum) universo deprehenduntur, sunt omnino ejusmodi, ut possint immutari, & esse aliter. Omnia, quæ in hoc universo tibi obvia sunt, oculis, mente, ac cogitationibus percurrere, & ita, opinor, deprehendes esse comparata, ut, aliter esse posse, oppido perspicias. Quid obstat, quo minus potuerint pauciores, quam nunc sunt, stellæ, vel planetæ existere? Quid inde emerget abscon, si contendero, majorem Plantarum vel animalium numerum in hoc universo dari posse? Quid impedit, quo minus eo tempore, quo sol lucis suæ radiis terram collustrat, offusa nebula solis intercipiat radios, & horrenda sæviet tempestas? Quo igitur cumque oculos tuos vertis, omnia in hoc mundo esse mutabilia, vides ac sentis.

§. 395. Deprehendimus porro per experientiam, eam esse rerum, in hoc mundo obviarum, ad se invicem relationem, ut vel alteram rem res altera producat, vel unum sit propter aliud. Ecquis nescit, pluviam calidam, & moderatam eam pro-

ducere terræ fœcunditatem, quæ optari modo potest? Quem latet, solem ideo cum terra ceterisque planetis una existere, ut terra illuminetur ab eo, & calefiat? si itaque verum est, ut est, vel alterum ab altero, in hoc mundo, produci, vel unum esse propter aliud, intelligitur, omnia in hoc mundo esse ita comparata, ut unum eorum in se contineat rationem sufficientem alterius; Cum vero, quæ ita sunt comparata, ut eorum unum, rationem sufficientem contineat alterius, dicuntur *connexa*, (§. 341.) manifestum est, omnia in hoc mundo esse connexa.

§. 396. His itaque omnibus in summam collectis, colligimus, notionem *mundi* genuinam, fœcundam, & universalem hanc esse, quod *mundus*, generatim consideratus, nihil sit aliud, quam *series omnium rerum simultanearum*, (§. 392.) *successivarum*, (§. 393.) *mutabilium*, (§. 395.) & *inter se connexarum*. (§. 395.)

Hanc mundi definitionem, quam cum VVOL-  
FIO, & THUMMIGIO, alijs, communem habemus, tantum, quantum satis est, exposuimus, & ab adversariorum exceptionibus vindicavimus in philosophia definitiva. Sin minus hæc, (quæ tamen ipsa nititur experientia,) definitio tibi probata fuerit, mundum dicat complexum rerum creaturarum:

SCHOL. Ad illustrandam hanc definitionem, sequentia adhuc adjicimus. Observa nimirum (α) nos studio dicere, mundum esse *seriem omnium rerum inter se connexarum*. Sic intelligi potest, non quæcumque connexa statim constituere mundum; sed eo usque extendi mundum, quousque res sunt connexæ. Ita quoque sua sponte cadunt, & irritæ fiunt objectiones contra definitionem mundi a Cel. LANGIO formatæ: Vid. ejus *Be'cheiden und ausfuehrliche entdeknang*, p. 53. (β) Data dicimus opera, *rerum mutabilium*. Sic excluditur Deus a mundo, ita ut ipse non consideretur, ut pars

pars mundi. Deus enim est immutabilis, id quod infra in Theologia naturali uberius sumus demonstraturi. ( 7 ) Non dicimus : *rerum existentium* : Ut hoc modo definitio non ad præsentem, modo mundum pertineat, sed ad quamcumque aliam rerum connexionem, quæ præter hunc, qui nunc existit, individuum mundum esse potest, extendi queat.

§. 397. Quandoquidem in mundi idea vel maxime ad rerum, quæ ubivis obvia est, connexionem attendendum est, id hoc loco operam dabimus ut, quanta fieri potest, maxima perspicuitate doctrinam de nexu rerum exponamus.

§. 398. Quæ dicantur *connekti*, quæve *nexus* sic natura, & indoles, a nobis breviter demonstratum est in Ontologia, ( §. 341. ) ubi ea *connekti* diximus, quorum unum continet in se rationem sufficientem, cur alterum sit : & *nexum* explicavimus per illam rerum ad se invicem relationem, vi cujus unum continet in se rationem sufficientem alterius.

NOT. Exempla harum notionum jam supra §. 341. suppeditavimus, & plura omnino in subsequentibus occurrent; cum, quot sint connexionis rerum species, nunc a nobis tradetur.

§. 399. *Tempus* supra diximus ordinem in successivis, ( §. 245. ) si itaque A, & B, ita sunt comparata, ut A, in se contineat rationem, cur B, ei succedat, tum A, & B, dicuntur *connexa*, *ratione temporis*.

EXEMPL. Sic e. gr. nocturnæ, diurnæque Cæj comestationes, & debilis ejusdem valetudo, effectumque corpus sunt *connexa*, *ratione temporis*. Pluvia, & terræ fecunditas sunt itidem ratione temporis *connexa*. Effectum enim corpus succedit comestationibus, & fecunditas sequitur pluviam, tanquam causam fecunditatis.

§. 400. Spatium diximus, esse nihil aliud quam ordinem simultaneorum. ( §. 240. ) Quæcumque

igitur ita sunt comparata , ut eorum unum in se contineat rationem , cur alterum cum eo simul sit , dicuntur *connexa* , *ratione spatii*.

EXEMPL. Sic e. gr. sol , & terra simul existunt , & in terra reperienda est ratio , cur sol ipsi coexistat . Ideo enim solem Deus in cœlo constitui voluit , ut terra cæteræque planetæ illuminarentur ab ipso , & calefierent . Sol itaque , & planetæ sunt *connexa* , non quidem ratione temporis , sunt enim simul ; sed ratione spatii .

§. 401. *Quæcunque sunt connexa ratione temporis , illa sunt connexa per causas efficientes .*

*Demonstr.* Cum enim , quæ per causas efficientes sunt *connexa* ; ea sint ita comparata , ut eorum unum in se contineat rationem , cur alterum subsequatur , ( §. 347. ) *connexa* autem ratione temporis sint talia , ( §. 399. ) intelligitur , ea , quæ *connexa* sunt ratione temporis , *connexa* esse per causas efficientes .

SCHOL. Sic pluvia , & fecunditas terræ sunt ratione temporis *connexa* , ( §. 399. ) adeoque etiam ratione causæ efficientis . Pluvia enim est causa efficiens , & fecunditas est effectus .

§. 402. Experientia nos conducet , eorum , quæ simul sunt , & una existunt , alterum alteri in universo præstare usum . Dum igitur infra in Theologia naturali demonstrabitur , hos ipsos usus esse fines Dei ab ipso intentos , clarum est , Deum ideo res in universo voluisse sibi invicem coexistere , ut alterum alteri usus præberet . Cum igitur unum simultaneorum contineat in se rationem , cur alteri coexistat , scilicet , ut ex intentione , sive fine Dei ei hunc , vel illum usum præstet , *datur etiam nexus in mundo per causas finales* .

SCHOL. Constat , solem , ex intentione , & fine Dei , ideo una existere cum tellure cæterisque planetis , ut hæ ab ipso illuminarentur , & calefierent . Solem itaque cæterasque planetas esse *connexa* per causas finales , abunde intelligitur .

§. 403. *Quæ connexa sunt, ratione spatii, illa sunt connexa per causas finales.*

*Demonstr.* Cum enim, quæ connexa sunt ratione spatii, ita sint comparata, ut eorum unum in se contineat rationem, cur alterum existat, (§. 400.) connexa autem per causas finales sint talia, (§. 372.) intelligitur, ea, quæ sunt connexa ratione spatii, esse connexa per causas finales.

SCHOL. Dum successiva connexa sunt per causas efficientes, (§. 401.) & simultanea per causas finales, (§. 503. *nexum* nonnulli definiunt per dependentiam a causis efficientibus, & finalibus.

§. 404. Cum in mundo hoc aspectabili omnia, quæcumque sensibus obvia sunt, causam sui habeant efficientem, (§. 363.) & causam finalem, (ob principium rationis sufficientis, patet, dari in hoc mundo aspectabili *nexum* per causas efficientes, & causas finales.

NOT. Si te vox NEXUS offenderit, id tantum concedas, omnia, quæ in hoc mundo existunt, gaudere *causa efficiendi*, & *causa finali*. Quod quidem, mentis inops sit, qui negare audeat.

§. 405. Ex his conficitur, per simultanea, & successiva connexa HÆC, nec alia, mundum quemlibet esse præcise HUNC mundum, nec alium, B. posito alio rerum nexu, mundus ALIUS inde emergit.

SCHOL. Cui hæc propositio videtur paradoxa, ille, & principium individuationis in Logicis explicatum, §. 100., & ea, quæ §§. præcedentibus demonstrata sunt, probe expendat. Adde illustrationis gratia, sequentia. Concipe tibi seriem hanc, A, B, D, E, H, G, concipe hanc seriem esse ejusmodi, ut omnia in ea per causas finales, & causas efficientes sint connexa. Jam fingas, nos transponere has literas ita, ut loco A, substituantur G, & loco B, ponatur H, locum denique & D, excipiat E. Tunc emerget hæc series,  
G, H,

G, H, E, A, B, D. Annon hæc series, & hæc connexio literarum plane ALIA est, & a priori diversa? Stat itaque sententia firma, & inconcussa, *positis aliis causis finalibus, & efficientibus, postroque alio rerum per causas efficientes, & finales nexu, ponitur ALIUS mundus, quia mundus alius aliisque per aliamve rerum simultanearum, & successivarum connexionem constituitur.*

§. 406. Ex nexu rerum stabilito multa profluunt confectaria, scitu perquam necessaria, veritatibusque utilissimis intelligendis multum inservientia. Quas propositiones paulo distributis nunc sumus enumeraturi.

§. 407. *Ex nexu rerum intelligitur, in natura nihil fieri per saltum.*

*Demonstr.* Per saltum qui fieri dicitur in natura, quando aliquid concipitur fieri sine ratione sufficiente, i. e. quando effectus aliquis contingere dicitur ita, ut non præcedant omnes illæ circumstantiæ, & mutationes, quæ ad hunc effectum præstandum sunt necessariæ. Cum vero, si nexus in universo admittitur, eo ipso admittatur id, ut quodlibet habeat rationem sui sufficientem; (§. 341.) manifestum est, ex nexu rerum stabilito intelligi, cur nihil in universo contingere possit per saltum.

SCHOL. *Cel. Bilfingerus in dilucidat. philosophicis* p. 163. saltum definit: cum ab extremo ad extremum devenitur, non transeundo per intermedia. Huncque saltum vel absolutum esse, ait, vel respectivum. Illum, dicit, tum contingere, cum effectus plane sine omni ratione sufficiente, & causa efficiente ad actum perducere fingitur. Talis saltus absolutus esset, cum eclipsis solis in universo accideret, quæ neque a causis naturalibus, neque a Deo præpotenti essent producta. Atque hunc saltum in natura locum habere non posse, oppido intelligit is, qui, vel principium rationis sufficientis, vel ea, quæ hæcenus de nexu rerum disputa-

vimus,

vimus, probe expendit, *Saltum respectivum* illum vocat, ubi mutatio in universo cum ratione quidem sufficienti evenit, sed pauciori tamen tempore ad existentiam perducitur, quam alias ad ejusmodi mutationem producendam requiritur. Sic e. gr. Apostolorum peritia linguarum, ante minus cognitaram, non quidem sine omni causa, & ratione sufficienti in ipsis existere occipiebat, sed celebriori tamen tempore illam linguarum peritiam impetrabant, quam alias ad linguas addiscendas requiritur. Saltus itaque hic obtinebat locum, sed *respectivus* ille, non *absolutus*.

§. 408. *Ex rerum nexu clarum est, in nullo mundo posse quicquam evenire fortuito, & casu.*

*Demonstr.* Cum enim eventus casu, & fortuito accidere tum dicatur, cum ille omni ratione destituitur, nexu autem rerum concessio, omnia, quæ eveniunt, cum ratione eveniant, (§. 341.) patet, ex rerum nexu perspicuum esse, cur in mundo nil possit casu, & fortuito accidere.

*SCHOL.* Si id casu, & fortuito accidere dicitur, cujus nos ratio sufficiens latet, tum equidem concedimus, multa fieri casu, & fortuito. Sed casu nihil accidit, cum, quod opinantur complures, id casu accidere dicitur, quod omni ratione sufficienti destituitur.

§. 409. *Necessaria hinc consequentia efficitur, sublato rerum nexu, res posse in universo fieri per saltum. Viderint itaque illi, qui nexum rerum adeo impugnant, quomodo positionem illam, a veterimis philosophis dudum defensam, salvam queri queant: Natura nil facit per saltum.*

§. 410. *Nexu rerum asserto, perspicitur insimul, demonstratur exinde admirabilis quedam Dei sapientia, disponens omnia mirifice, & provide innumerabilium utilitatum, & commoditatum.*

*Demonstr.* Ponamus, dari nullum in universo nexum, tunc consequens est, ut finis obtineatur sine mediis, effectus sine causis. Finis enim, &

me.

media, ut effectus, & causa connectuntur, (§. 478.) sublato itaque nexu rerum, non opus est, ut media ordinentur ad finem. Cum vero *sapientia* sit, ordinare media ad finem, (id quod notio *sapientia* requirit,) palam est, posita, & asserta rerum in universo connexionem poni, & asserti sapientiam Dei admirabilem, qua nexu inter se omnia eleganterque disposita sunt, sublato contra ex mundo rerum nexu, tolli, & negari sapientiam divinam.

SCHOL. Perspexit hoc, & accurate demonstravit, si quisquam, perspicacissimus *Bilfingerius*, qui cum in *dilucidationibus* p. 156. tum in libro de *origine, & permissione mali*, ex nexu rerum, tanquam ex lucidissimo quodam speculo, cognosci summam summi Numinis sapientiam, eleganter ostendit. *Ubi nexus est, inquit, mediorum, & finium, ubi fines boni per media intenduntur idonea, & obtinentur, ibi est sapientia.* Item: *Tanto plus sapientia in mundo demonstratur, quanto plus nexus continet finalis.* Quanto igitur harmonia rerum, ceteris paribus, major est, quo plures res se ita invicem respiciunt, ut una sit per, & propter aliam, tanto mundus est divina sapientia dignior.

8. 411. Ex nexu rerum perspicuum est, omnes eventus, in universo contingentes, habere suam veritatem determinatam.

*Demonstr.* Vi pexus rerum habet quilibet eventus causam sufficientem, (§. 341.) quæ causa efficiens, cum effectus contrarios eodem tempore producere nequeat, (§. 368.) efficit, ut præcise effectus hic sequatur, nec alius. Efficere vero, ut aliquis effectus præcise hic sit, & non alius, est effectum determinare. (§. 128.) E. quilibet effectus sive eventus est determinatus, sive habet suam veritatem determinatam. Poterat hæc propositio ita quoque demonstrari: *Determinatum* est id, de quo aliquid ita prædicatur, ut oppositum ejus, quod prædicatur simul excludatur. (§. 130.) Jam vero  
omnis



omnis eventus in universo est ejusmodi, ut eventus oppositus simul locum non habeat, (quando e. gr. pluit, fieri non potest, ut simul non pluat) E. omnis eventus in universo est determinatus, sive habet suam veritatem determinatam.

NOT. Hanc propositionem, miror, cur tantopere impugnaverint nonnulli, qui systema VVolhianum sub examen vocarunt. Credo, omnes contradictiones, & cavillationes ex voce DETERMINATI, minus recte intellecta, profluissse. Adeoque si te vocabulum DETERMINATUM offenderit, minusque, quæ huic voci sententia sit subjecta, capere poteris, substituas, per me licet, vocem CERTI. Dic itaque; omnis eventus in universo est CERTUS. Non te, credo, de hac Positione dubitare amplius posse. Sed si dubitas, expende sequentia: Aut eventus, in hoc mundo ad actum perveniens, est præteritus, aut præsens, aut futurus.

SCHOL. De eventu præterito, non habes, cur dubites, illum certo accidisse. Cum exemp. g. heri aurora borealis in cælo illuxit, quis est, qui hunc eventum certo adfuisse, neget? Quod ad eventum præsentem attinet, illum itidem certo contingere, non te dubitare existimo, si sensu gaudes communi. Futurus autem eventus num sua gaudeat determinata veritate, de eo poterat sollicitus queri, sed ad hæc quæso, attendas. Aut futuri eventus præsciuntur a Deo, aut non præsciuntur. Hoc, cave, cum Socinianis affirmes. Sin præsciuntur a Deo, tum ab ipso præsciuntur, ac si jam facta essent, adeoque tanquam certo futura. Præclare Henr. Haepfnerus in Loc. Theol. p. 126. Deus præscit rem omnem non aliter, ac si jam facta esset: quod autem factum est, id necessarium, & immutabile, non simpliciter, sed ex hypothesi, Bilfingerus in dilucidationibus, p. 126. Is, inquit, qui omnia existentia cum suo nexu perspicit, potest in omnibus simul omnia intueri, coexistentia non solum, sed etiam succedentia,

SCHOL.

SCHOL. Summe Reverendus Ribovius sacrorum Göttingensium Antistes, & exquisitè solideque eruditus; & de re sacra, ac literaria immortaliter meritus, in eleganti libro, quem inscribit: *Fernere erlæterung* &c. latine vult dicere alterior explicatio. Determinatam omnium eventuum veritatem perspicue contra nonnullos asseruit; atque in eorum gratiam, qui veritatem non tam ex rationum ponderibus, quam ex auctoritate, testimoniisque eruditum æstuant, complurium Theologorum testimonia adduxit. *Petrus*, inter alia inquit, *curret, vel non curret eodem tempore: Hac sunt contradietoria: si jam existit Petrus; tunc tantum unum potest esse verum, & aliud necessario debet esse falsum; vel enim curret; vel non curret eodem tempore; & Deus scit; quid verum sit. Unum autem debet esse verum*, p. 79. §. 71.

SCHOL. Hæc ipsa certitudo futuritionis rerum determinata; (ita enim appellat Bilsingerus) a nonnullis vocatur necessitas hypothetica: Quæ si in corporum mutationibus invenitur, dicitur *physica*; si in spiritibus occurrit, *moralis*: Atque hinc est, ut nonnulli omnes eventus in hoc mundo, cum physicos, tum morales, hypotheticè necessarios esse, ajant: Quod quamvis a nonnullis fuerit pernegatum; idem tamen asseruisse videntur omnes illi veteres Metaphysici, qui hunc propugnarunt canonein: *Posita causa; necessario ponitur effectus*. Mallem vero, omnes philosophi, misso *necessitatis* vocabulo, *certitudinis* voce hic uterentur; idque non tam ideo, ut hoc modo quempiam devitarent errorem, sed ut offendiculi nullam præberent materiam.

§. 412. Adstructo in rerum universitate nexu, tollitur insimul, & refellitur omne fatum, fatalisque omnis necessitas, quam alios, scimus; acriter admodum serioque defendere, aliis vero, nihil tale merentibus, frustra irritoque conatu imputari. Ut itaque, quam inimica sit fatuo sapiens re-

rum

rum connexio, hætenus a nobis asserta, plenius intelligi queat, sequentia volo expendi.

§. 413. *Fatum* a *fando* dictum, vi vocis, & etymi id omne indicat, quod fatus quis est, sive quod decretum est. Ad loquendi vero usum sin attende-  
ris, per *fatum*, comperies, intelligi semper quan-  
dam rerum necessitatem in universo.

§. 414. Hæc ipsa necessitas fingitur ab omnibus mediis, motivisque absoluta, ita ut effectus sequi debeat, sive media, & causæ adsint, sive minus. Quod dicitur *Fatum Muhamèdanum*.

NOT. Turcæ scilicet dicuntur, quodvis perich-  
lum sine ullo timore, & tremore adire, quin etiam  
in loca pestilentissima se conferre, rati, si mors ip-  
sis sit fato destinata, non posse non se hoc ipso mo-  
mento, quo mori ob *fatum* debeant, mori, sive lo-  
ca periculosa adeant, sive evitent, sive venenum  
bibant, sive minus.

§. 415. Altera necessitatis species, a Stoicis as-  
serta, hæc est. Stoici quidem non necessitatem,  
a mediis, motivisque absolutam illam, defende-  
bant, neque, totum causarum nexum, intrinse-  
ce, & absolute necessarium, & sine causâ, & im-  
mutabilem esse, ajebant, interim tamen universum  
causarum nexum, affirmabant, dependere a *decre-  
to divino immutabili, & absoluto*, non habito res-  
pectu ad hominis propensiones, & actiones liberas.  
Ex quo Stoici quoque suam potentiam & ἀντιστάσις  
derivabant. Hæc necessitatis species dicitur *Fatum  
Stoicum*.

§. 416. Aliam adhuc necessitatem in universo  
hominumque actionibus locum habere, contende-  
bant quondam Chaldæi, qui, quicquid fiat, id  
ab influxu astrorum immutabili dependere, crede-  
bant. Hæc necessitas nominatur *Fatum Astrolo-  
gicum*.

§. 417. Spinoza, ejusque sectatores id quidem  
docebant; & ad finem consequendum opus esse  
mediis, & ad voluntatem determinandam moti-  
vis,

vis. Totum tamen causarum nexum subsistere absolute necessario, sine causa, & esse immutabilem in se, ac plane æternum. Quod est *Fatum Spinozianum*.

NOT. Spinoza e. gr. statuebat, æque necessarium esse me jam scribere, ac necessarium est, bis duo efficere quatuor, aut triangulum habere tria latera.

§. 418. Ad ultimam, quæ quidem locum habere potest, necessitatis speciem nunc devenimus: scilicet *necessitatem hypotheticam*. Vi hujus omnia in universo ita contingunt, ut posita causa, necessario poni debeat effectus. Totum tamen causarum nexum, necessitate hypothetica locum habenti, in se contingentem esse, & a causa aliqua prima, & sapientissima dependere docetur: Quam necessitatem eventuum *hypotheticam*, aut, si mavis, certitudinem determinatam, vocant nonnulli *Fatum rationabile*, sive *rationi consentaneum*.

§. 319. His factorum speciebus carptim, & distincte explicatis, nunc, quæ necessitas fatumque per rerum nexum tollatur, quæ vero cum ipso queat consistere exponemus.

§. 420. *Fatum Muhamedanum est nexui rerum plane adversum*.

*Demonstr.* Cum enim, nexu rerum asserto, quodlibet habere causam sui efficientem, affirmari debeat, ( §. 341. ) consequens est, ut, quamdiu rerum nexus locum habeat, nullus effectus sine causis intermediis, adeoque nullus finis sine mediis, ( §. 378. ) obtineri queat. Quod cum sit fato Muhamedano contrarium, ( §. 414 ) sequitur, ut nexus rerum cum fato Muhamedano consistere non possit.

§. 421. *Fatum Stoicum ilidem cum rerum nexu consistere non potest*.

*Demonstr.* Cum, ob rerum nexum quodlibet rationem habeat sui sufficientem ( §. 341. ) consequens est, ut Deus, cur huius hoc, cur alteri illud

Iud, decreverit, debeat habere rationem sufficientem. Illa ratio aut in Deo ipso est, aut in objecto extra Deum. Si in Deo ipso est, tunc Deus vult, quia vult, decernit, quia decernit. Quod vero cum adversetur principio rationis sufficientis, (§. 32.) palam est, non eventus dependere a divino quodam decreto immutabili, ita, ut nulla habeatur humanarum propensionum hominisque status ratio. Quo ipso tolli, vides, fatum Stoicum. (§. 415.) Fatum itaque Stoicum cum rerum nexu consistere non potest.

§. 422. *Fatum Astrologicum nexui rerum aversatur, & principio rationis sufficientis.*

*Demonstr.* Cum enim rationem eorum, quæ in mundo eveniunt, quæque homini accidunt, sufficientem inveniamus in causis aliis antecedentibus in terra obviis, non habemus rationem sufficientem, cur eam in immutabili astrorum influxu quærere velimus.

§. 423. Quod autem denique ad necessitatem eventuum hypotheticam, quam nonnulli *Fatum rationabile* appellant, attinet, eam quidem, quis est, qui negare audeat, si, quemlibet eventum causam sui efficientem habere, sciat? (§. 262.) At, uti supra jam submonui, consultius esse, a vocabulo *necessitatis* se abstinere, quam eo uti, ita cuivis etiam auctor suasorque exstiterim, ut, determinatam eventuum mundanorum certitudinem indicaturus, vocem *fati* missam faciat.

SCHOL. *Illustris Hoffmannus Halensium Medicus*, immortalitate dignissimus in dissert. de Fato Physico, & Medico, suam de fato rationabili mentem perspicue exponit. *His*, inquit, *premissis*, ingenue & aperte *profitemur*, *per fatum nihil aliud esse intelligendum*, *quam necessitatem*, *aut si mavis*, *certitudinem quamdam eventuum*, *& effectuum*, *qui fuerunt*, *sunt*, *& erunt in universo*, *a certo rerum*, *& causarum ordine nexu*, *ac serie dependentem*, *atque adeo cum in rebus physicis & medicis*, *tum etiam*

Baum. Metaph,

N

in

in moralibus, politicis, quin immo ipsa in Theologia fatum, sano sensu acceptum, admitti posse existimamus §. 9. & 10. Conf. Ribovius l. c. p. 49. seqq. qui Danhaveram aliosque Theologos orthodoxos, idem sentientes, adducit.

§. 424 *Quamvis omnes eventus in universo habeant veritatem suam determinatam, (§. 411.) & sint hypothetice necessarii (§. 423.) sunt tamen & manent contingentes, nexuque eorum universalis gaudet omnino contingentia.*

*Demonstr.* Cum enim necessitas hypothetica eventuum eorum contingentiam neutiquam tollat, (§. 185.) facile intelligitur, eventus mundanos, licet sint hypothetice necessarii, esse, & manere tamen contingentes: totamque rerum connexionem gaudere contingentia, quia oppositus nexus concipi adhuc potest possibilis.

NOT. Omnes eventus, quoscumque libuerit, in hoc universo consideres, nexumque omnium rerum, si potes, percurras, ubique nexum oppositum, & eventus alios locum habere, posse conperies.

SCHOL. Annon, cum pluit, cælumque nubibus obductum est, fieri poterat, ut sol splendeat, cœlique serenitas blandiatur? annon contra, cum sol splendet, cælumque sudum est, possibile est, ut pluat, densisque cælum obtenebretur nubibus &c.

§. 425. *Ex quo conficitur, ipsum mundum quantum est, cum in ejus constitutione tum in eventuum consecutione esse contingentem.*

*Demonstr.* Cum enim omnes eventus mundi, totaque eventuum connexio sit contingens, (§. 424.) ipse autem mundus constituatur connexione eventuum, (§. 405.) intelligitur, mundum, quantum est, esse contingentem cum in ipsius constitutione, (poterat enim etiam non existere) tum in phœnomenorum consecutione, ) poterat enim alius nexus locum habere.

§. 426. Immediata hinc consequentia hæc fuit posito quod plures mundi, sive quod idem est,  
 plu-

plures rerum connexiones possibiles sint, præter hunc mundum, & hunc nexum rerum. Fac enim, non plures rerum connexiones esse possibiles, præter hanc, quæ existit, tunc sequetur, hunc mundum aspectabilem, sive hanc, quæ est præsens, rerum connexionem esse unice possibilem. Adeoque hic mundus erit absolute necessarius, omnisque tollitur contingentia.

NOT. Doctrinam de nexu solide explicavit, & asseruit VVOLFIIUS in commentatione luculenta de *nexu rerum sapienti, & fatali*.

§. 427. *Essentia mundi alicujus consistit in modo, quo res simultanea, & successivæ sunt inter se connexæ.*

*Demonstr.* Cum enim essentia alicujus rei sit id, per quod res aliqua præcise hæc res est, nec alia, (§. 66.) per connexionem autem hanc nec aliam rerum simultanearum, & successivarum præcise hic mundus, nec alius, constituatur, (§. 405.) intelligitur, essentiam mundi alicujus consistere in modo, quo res simultaneæ & successivæ sunt inter se connexæ.

§. 428. *Quilibet mundus, dum existit, debet esse ens unum.*

*Demonstr.* Cum enī ens dicatur *unum* tum, cum ea, per quæ ens in esse suo determinatur, sunt inseparabilia, si hoc ens debet manere hoc ens, nec aliud, (§. 88.) nexus autem, qua causas efficientes & finales, seu simultaneorum, & successivorum, per quem hic mundus in esse suo determinatur, sit inseparabilis, quandiu debet manere mundus hic, (§. 405.) manifestum est, quemlibet mundum esse unum.

§. 429. *Mundus est ens compositum.*

*Demonstr.* Quicquid constat ex partibus, inter se connexis, illud est ens compositum (§. 222.) Atqui mundus constat ex partibus inter se connexis; plura enim, quæ, simul sumpta, constituunt unum aliquod ens, dicuntur ejus partes: (§. 137.) Cum

igitur simultanea, & successiva connexa universi cuiuslibet sint plura, quæ simul sumpta constituunt unum aliquod universum, (§. 405.) E. illa plura simultanea, & successiva connexa debent considerari, ut partes universi. E. mundus est ens compositum.

SCHOL. Duplex autem est series rerum earum, quæ mundum, tanquam ens aliquod unum, constituunt. Altera scilicet connexio est inter causas, & effectus rerum corporearum, hæc dicitur *mundus materialis*, sive *corporalis*. Altera connexio est inter causas, & effectus rerum spiritualium & immaterialium. Hæc appellatur *mundus immaterialis* sive *pneumaticus*. Plura autem illa inter se connexa, sive sit spiritus, sive corpora, considerantur, ut partes totum universum constituentes.

### C A P U T III.

*De essentia, & natura corporum, ac pendentibus inde affectionibus.*

§. 430.

Mundus materialis ex variis entibus compositis constat, ex quibus, tanquam partibus, ipse componitur, Atque hæc entia composita vocari solent *corpora*.

Plura ad corpora requiruntur, quam ad entia composita. Ad ens compositum, quia tale, nihil requiritur aliud, quam partium, extra se invicem positarum, determinata connexio, (§. 222.) ad corpora vero rite intelligenda, tria omnino adsint, oportet, scilicet in iis non modo ad *modum compositionis*, & *structuram*, sed *vim* quoque *activam*, sive *motricem*, & *vim* denique *inertia* attendendum est.

NOTA. Generalia hic de natura, & essentia corporum tradimus, idque ideo, ut hac ratione natura, & in,



& indoles mundi, quippe qui ex corporibus constat, distinctius, & luculentius perspicjatur;

§. 431. Cum itaque corpora sint entia composita, (§. 430.) omnia enim, quæ supra de ente composito annotavimus, & demonstravimus, (§. 220. seqq.) nunc ad corpora commodissime transferuntur. Corpora nimirum debent habere partes extrâ partes, (§. 221.) gaudêant determinata magnitudine, (§. 256.) debent esse extensa, (§. 224.) divisibilia (§. 245.) figuram habere, (262) & nulla denique mutatio corporibus potest accidere, sine motu, sive mutatione loci: (§. 265.)

§. 432. Cave vero, putes, sola *extensione* completam corporis notionem constitui, id quod nonnulli Cartesianorum opinantur. Recte a Leibnitio, VVolfio, aliis, plura ad corporis ideam, *completè* formandam, requiruntur; quam sola extensio. Sunt enim in corpore permulta, quæ, non video, quomodo distincte intelligere possis, & explicare, si solam admittas extensionem.

§. 433. Experientia quotidiana quemlibet condocet, corpora, sensibus obvia, esse ejusmodi, ut non qualibet vis ipsis movendis sufficiat:

EXEMPL. Lapidem e. gr. magnæ molis debilis infans aut homo exiguarum virium de loco, in locum movere non potest, & quotidie quivis experiri potest, se cuivis corpori movendo non esse parem:

§. 434. Ex quo conficitur, in quovis corpore, dum motui resistit, nec viribus nostris cedit, adesse quid debere, per quod corpus motui resistat. Atque id ipsum, quo corpus motui resistit, dicitur *vis inertia*. Alii hanc vim inertię dicunt *vim passivam*: Quod vero quam commodè dicatur, nunc non pluribus disquiram.

§. 435. *Hæc ipsa vero vis inertia, per experientiam in quovis corpore deprehensa, non a corporis extensione pendet, neque ex extensione sequitur, sed in extenso jam supponitur.*

*Demonstr.* Si enim vis inertiae ab extensione dependeret, & ex ea sequeretur, tum vero facile intelligis, ut quodque corpus maxime est extensionis, ita quoque maxima gaudere debere vi inertiae & motui adeo vehementissime resistere. Quod vero cum experientiae sit prorsus contrarium, liquet, vim inertiae non dependere ab extensione, neque ex ea sequi, sed in extenso jam supponi.

EXEMPL. Sumas e.g. massam plumbeam, quae pondere vix aequet libram. Sumas plagulam chartaceam. Nonne plagula majoris est extensionis, quam massa plumbea? Nihilominus infantulus, & infirmissimus quisque plagulam papyraceam sine ullo labore movere, & de loco in locum poterit transferre, massam plumbeam non item. Et resistantiam majorem minoremve in corporibus non rationem sui sufficientem habere in majori minori-que extensione, sed ex peculiari quadam vi resistendi, divinitus cuique corporum indita, ex exemplo adducto, opinor, plus satis apparet.

§. 436. Extensum, quod in multarum, a se invicem distinctarum partium diffusionem, & congregationem consistit, si vi inertiae praeditum est, vocare solent philosophi *materiam corporis*.

§. 437. Materiam itaque corporis esse id, per quod unumquodque corpus motui resistit, ex his, quae diximus, nunc est perspicuum.

§. 438. Haecenus de vi inertiae. Per experientiam porro observamus, cum corpus A, movetur, tum posse corpus A, quod nunc movetur, alterum corpus B, mutare, & de loco in locum transferre.

EXEMPL. Cum e.g. globus A, in alium globum B, impingit, cum globus A, eo momento, quo globum B, attingit, globum B, movet, atque in eo ipso globo B, mutationem producit.

§. 439. Si itaque quodlibet corpus, experientia teste, est ejusmodi, ut alterum corpus possit mutare; tum quodlibet quoque corpus in alterum cor-

corpus *agere*, per experientiam constat. Quodcumque agit, id quoque vi agendi est præditum, (§. 297.) E. *quodlibet corpus est vi agendi præditum.*

§. 440. Hæc agendi vis, cuique corpori divinitus indita, dicitur *vis corporum activa*, item *vis motrix*.

SCHOL. Siquis de hac vi motrice dubitare velit, is perpendat modo nifum illum, & mirificam conatum, quo quodlibet corpus ad centrum suum, & deorsum tendit. Ecquis est, qui, cum corpora deorsum tendunt, iis induci mutationem, neget? Ecquis præterea reperietur, qui non hujus mutationis rationem in ipsis corporibus, versus centrum propendentibus, deprehendi oppido perspiciat? Atqui vero cum ejusmodi mutatio, cujus ratio continetur in ipso subiecto mutato, dicatur *actio*, corporibus quidni actionem tribuamus? Ubi actio, ibi adest vis agendi. E. corpora vi agendi, sive vi motrici gaudere, manifestum est.

§. 441. Vis hæc motrix, sive activa in aliis corporibus alio se habet modo. Nonnumquam vis hæc exerit sese, & in actum erumpit, nonnumquam vero impeditur, quo minus sequatur actio. In illo casu dicitur *vis activa viva*, in hoc *mortua*.

SCHOL. Leibnitius hanc distinctionem cum aliis maxime in medium protulit. Qua observata, omnes difficultates, quæ contra vim motricem moventur, facile tolluntur. Corpora, licet quiescant, nihilo secius vi motrici gaudent, non viva illa quidem, sed mortua. Cum e. gr. pila in terram impingit, resilit. Quod quidem non video, quomodo fieri possit, nisi in terra aut in pariete, in quem impingit pila, fuerit vis motrix, quæ tamen mortua adhuc est, & viva tumdemum redditur, si conflictus fuerit.

§. 442. Ex his apparet, tria omnino ad completam corporis notionem formandam requiri. (1) *Vis inertia sive materia*; (§. 434.) (2) *Structura sive modus compositionis*, quia omne corpus est ens

compositum, (§. 430.) (3) Vis motrix sive activa. (§. 440.) Unde quid obstat, quo minus corpus ita definiamus? *Corpus* est ens, ex materia compositum, & vi motrici præditum.

SCHOL. Eodem modo cum VVolfio aliisque ideam corporis completam format Cel. Kochlerus, Professor Ienensis de re literaria, & philosophiæ incrementis immortaliter meritis. Hic in *dissertatione de natura humana mortali* §. 242. in corpore, inquit, datur (2) *modus compositionis*, seu *structura*. (2) *vis inertia*, seu *resistentia*, (3) *vis activa*, seu *motrix*. *Hæc tria in corpore semper coexistunt, ad evitandam tamen confusionem consultum est, ut illa idealiter a se invicem separemus.*

\*. 443. *Vis motrix*, seu *activa*, quæ corporibus inexistit, (§. 441.) dicitur eorundem *natura*. *Naturam* enim cujusque rei dicimus vim cujusque rei activam, unde ejus actiones dependent.

SCHOL. Hæc acceptio vocis *natura* usui loquendi est quam maxime conformis. Sic e. gr. dicimus, Naturæ stomachi est contrarium, ut ferrum concoquat, i. e. ad ferrum concoquendum stomachi vis concoquendi non apta, nec sufficiens est. Corporis quoque totius humani naturam in quam alio putas consistere, quam in complexu virium illarum, in corpore humano obviarum quæ ad finem corporis, scilicet sanitatem, obtinendum tendunt?

SCHOL. Vocabulum *natura* tam late patet, ut, quot fuerunt unquam philosophi, tot fere hujus vocis acceptiones in medium protulisse videantur, Veterum nonnulli per naturam ipsum intelligebant Deum, quem vocabant *naturam naturantem*. Ipsum autem mundum, sive universum rerum creaturarum complexum vocare consueverant *naturam naturatam*. Alii *naturam* vocant omnes res existentes, quæ quidem in hoc mundi systemate obviæ sunt. Huc pertinet illud, cum dicimus: *Cognoscimus ex natura* i. e. ex rerum creaturarum existens.

stentia, ac proprietatibus. Sunt præterea, qui *naturam*, sæpe numero conditionem cujusque rei interioriorem, & essentiam appellitant, *Conf. Schellhammer de natura sibi, & mediis vindicata*. Missis multiplicibus vocis *natura* acceptionibus fixam determinatamque vocabuli hujus hanc esse, arbitramur, ut per *naturam* nihil aliud intelligamus, quam tendentiam cujusque rei ad finem suum, sive, quod idem est, principium actuosum, & vim intrinsecam, activam, in qualibet re existentem, ex qua actiones determinate profluant.

## C A P U T IV.

*De legibus motus.*

## §. 444.

**C**UM vis motrix, cuique corporum insita, sese actu exerit, tum, secundum certas quasdam regulas, & leges, vis illa movendi determinatur, modificaturque. Illæ propositiones, sive regulæ, secundum quas corporum quodlibet in motu, & conflictu dirigitur, dicuntur *leges motus*, de quibus nunc quantum fini nostro erit conveniens, sumus acturi.

Alii alias allegant leges motus. Nevvtonus in *Philosoph. Natural. Princip. Mathematic.* p. 12. ea ad tria sequentia axiomata reducit.

( $\alpha$ ) *Corpus omne perseverat in statu suo quiescendi, vel movendi uniformiter in directum, nisi quatenus a viribus impressis cogitur statum illum mutare.*

( $\beta$ ) *Mutatio motus proportionalis est vi motrici impressæ, & fit semper secundum lineam rectam, qua vis illa imprimitur.*

( $\gamma$ ) *Actioni contraria semper, & aqualis est reactio: sive corporum duorum actiones in se mutuo sunt æquales, & in contrarias partes dirigunt, Conf. Keil.*

in

*in introduct. in veram physicam p. 115. Verdries. in Physica p. 9.*

A Cel. Bilfingero in dilucidationibus philosophicis §. 170. seqq. sequentes enumerantur leges motus I. *Actiōi equalis, & contraria est reactio.* II. *Effectus plenus semper est equipollens viribus causse integra.* III. *Persistit in universo eadem virium quantitas.* IV. *Corpus unumquodque perseverat in motu suo.*

§. 445. Nos, cum varias in variis corporibus mutationes conspectusque observamus, omnes, quæ quidem in singulis corporibus obviæ sunt, mutationes ad sequentes, a nobis nunc stabiliendas, regulas confirmari, animadvertimus.

§. 446. *Nullum corpus, quod quiescit, se ipsum potest movere.*

*Demonstr.* Cum enim omne corpus vi inertiae gaudeat, (§. 442.) adeoque motui, per hanc vim resistat, (§. 334.) intelligis, omne corpus quasi ad motum deprehendi segna atque ineptum.

NOT. Comprobat hanc ipsam quoque legem experientia, qua edocti novimus, nullum corpus, si quieverit antea, se ipsum movisse nunquam.

(. 447. *Ex quo intelligitur, omne corpus, cum quiescit, in suo manere statu, donec ab altero corpore ex quietis statu ad motus statum producat.*

*Demonstr.* Cum enim nihil sit sine ratione sufficienti (§. 32.) sequitur, ut quid adesse semper debeat, ex quo possit intelligi, cur corpus, quiescens antea, moveatur. Dum vero hæc ratio, cur moveatur corpus, non in ipso, quod movetur, corpore reperitur, (nullum enim corpus se ipsum movere potest (§. 446.)), consequens, est ut ratio motus extra corpus motum reperiatur. E. omne corpus, cum quiescit, in suo manet statu, donec ab altero corpore ex quietis statu in statum motus perducatur.

§. 448. *Si corpus fuerit revera in motu constitutum, eodem eademque motum continuabit, donec impe-*

pe-

*pedimentum aliquod ex parte contraria accesserit.*

*Demonstr.* Cum omne corpus sit vi motrici, sive statum suum mutandi, præditum, (§. 441.) omnis autem vis sive nîsus agendi sit ejusmodi, ut continuo agat, & statum quoque mutet, si impedimentum, quod obstat actioni, fuerit sublatum, (§. 300.) intelligitur, corpus, in motu constitutum, tandiu motum continuare, ob vim intrinsecam, donec impedimentum aliquod ex parte contraria fuerit objectum.

SCHOL. Ex his propositionibus, rite demonstratis, intelligitur porro, unumquodque corpus eum, in quo est, statum semper servare, nisi a causa externa statum suum mutare cogatur.

§. 449. *Tantum corpus B, reagit in corpus A, quantum agit corpus A, in corpus B, sive, ut alii enunciant, actiones, & reactiones corporum sunt æquales.*

SCHOL. Confirmat hanc propositionem ipsa experientia. Quis enim nescit, pilam in terram, & lapidem duriores projectam, resilire? Qua vero ratione resiliret pila, nisi pressioni pilæ resisteret terra, & lapis, sive quod idem est, reageret? Quis porro nescit, hoc majori cum impetu resilire pilam, quo fortiori majorive vi in tellurem dejicitur?

SCHOL. Cl. Bilfingerus in dilucidationibus philosophicis §. 170. hanc motus legem ita exprimit:  
 „ Quantum A, premit B, tantum A, premitur a  
 „ B, sic, ut idem B, fortius premat reagendo,  
 „ prout fortius premitur ab A. Ad illustrandam  
 „ hanc motus legem, sequens adiicit experimentum.  
 „ Suspendatur inquit, ex filo sphærule, v. gr.  
 „ marmorea, vel eburnea, sic, ut, tenso filo,  
 „ quiescat: suspendatur alia ex plumbo, luto, vel  
 „ materia quacunque, aliquantum molli. Atque  
 „ hæc sublata aliquousque permittatur libero lap-  
 „ sui, quo impingat in sphærulem priorem quiescen-  
 „ tem. Impellit illa quiescentem pressione, & im-  
 „ pe-

„petu suo, sed, & ipso comprimetur per resistan-  
 „tiam, & reactionem quiescentis, & quidem ma-  
 „gis magisque, prout fortius in illam impegerit :  
 „Sic eadem quiescens Sphæra reactionem præstat  
 „contrariam actioni, & majorem in majore actio-  
 „ne. Si ad numeros, & mensuram revocare noris  
 „experimentum, præcipue in elasticis institutum  
 „corporibus,prehendis, reactionem esse actioni  
 „æqualem.

§. 450. *Hæ, quæ divinitus constitutæ sunt, leges  
 motus non sunt absolute necessariae, & immutabi-  
 les, sed sunt contingentes, & mutari possunt.*

*Demonstr.* Cum enim, quas Deus fixit in natu-  
 ra, & constituit, leges motus sint ejusmodi, ut es-  
 sentia corporum non repugnet, si supponantur  
 aliæ, consequens est, ut leges motus sint contin-  
 gentes adeoque mutabiles. Atqui pridè est verum.  
 Non enim leges motus profluunt ex corporum es-  
 sentia, id quod ex dictis facile patet. E. etiam  
 posterius.

SCHOL. Hanc propositionem, scias, vel ideò  
 esse probe annotandam, quod ex ea, contra A-  
 theos, & Naturalistas, infra possibilitas miraculo-  
 rum demonstrabitur. Equidem VVolfio ab adver-  
 sariis contrariam sententiam imputatam esse, me-  
 mini. VVolfius scilicet in *Metaphysica Germ.* leges  
 naturæ dixit esse immutabiles, & alio tamen loco  
 easdem sapissime a Deo immutari, affirmavit. Sed  
 cum VVolfius, leges naturæ immutabiles esse, di-  
 xit, *respectu tantum creaturarum*, eas esse immu-  
 tabiles, arbitratus est, non vero *respectu Dei*.  
 Immutabilitatem hypotheticam, & respectivam,  
 non absolutam, VVolfius vult intelligi.

NOT. Plurà de legibus motus adferre, esset su-  
 pervacuum. Eæ enim in physicis; & mathematicis;  
 ædita opera, copiosiusque enodantur.



## CAPUT V.

*De corporum elementis.*

## §. 451.

**P**rima corporum stamina, ex quibus ultimato componuntur, & ad quæ in corporum resolutione cogitando tandem devenimus, dicuntur *corporum elementa*.

NOT. Cum hætenus de corporum natura, & affectionibus, legibusque motus, secundum quas corpora in motu dirigantur, a nobis actum sit, ordinis ratio videtur exigere, ut, & ipsa elementa, ex quibus corpora constant, distinctius pertractamus; maxime, cum hac in doctrina cemplares inter eruditos sint exortæ controversiæ.

§. 452. *Elementa corporum prima, ex quibus illa ultimato constant, non possunt esse entia composita, sed debent esse entia simplicia.*

*Demonstr.* Fac, elementa corporum prima esse entia composita, tum illa elementa prima adhuc constabunt partibus, in illasque poterunt resolvi. Atque hac ratione illa elementa erunt *prima*, (per hypothesin), & non erunt prima, quia adhuc constant ex aliis partibus minoribus, in quas resolvi ulterius queant. Quod vero cum sit contrarium principio contradictionis, manifestum est, elementa corporum prima non posse esse entia composita.

Si itaque elementa non possunt esse entia composita; omne autem id, quod non est ens compositum, debet esse ens simplex, relinquitur, elementa corporum prima debere esse entia simplicia.

NOT. Ad intelligendum distinctius hoc theorema, ea, quæ supra, in capite de ente simplici, hanc in rem sunt allata, perpendas. Ibi enim de-

mon-

monstravimus, in entium compositorum analysi non posse nos subsistere in ente composito, sed deveniendum ultimato esse ad entia simplicia, quæ omnibus careant partibus, quæque adeo in nulla minima, & priora entia possint resolvi.

§. 453. *Elementa* itaque *corporum* possunt dici entia simplicia, unde composita entia ortum trahunt.

§. 454. Hæc entia simplicia, ex quibus, tanquam ex primis staminibus, omnia entia composita constant, dicuntur a Leibnitio *Monades*, & a VVolfio in *Metaphysica German. unitates*.

NOT. Non hic copiosius inquiremus, quid ex veterum philosophorum grege nonnulli de corporum elementis, quæ vocabant *atomos*, & senserint, & docuerint. Cui diversas antiquorum de atomis sententias penitus nosse libuerit, ille vel *VVerensel'si* meditationum de Atomis, vel Cel. *VValchii* Lexicon philosoph. Artic. *Atomis* evolvat. Nos, quæ sit Leibnitii VVolfique de Monadibus mens, & sententia, hic paucis commemorabimus.

SCHOL. Vox *Monas* origine Græca, indicat UNUM, & proprie usurpatur de *Unitate*, in qua omnis numerus, quantuscumque etiam ille sit, tanquam in fonte suo, & ultima origine, subsistit, & terminatur. Hoc sensu vocabulum *Monas* jam a *Pythagora* fuisse adhibitum, dudum ab eruditis est observatum. Leibnitius, ultima, & prima corporum, tanquam entium compositorum, principia, & elementa indicaturus, hanc vocem a veteribus mutuatus est, eandemque in scriptis suis identidem ambit. Idque non unis adductus rationibus Leibnitius fecisse putandus est. Corpora, putat Leibnitius, nos nobis repræsentare debere, tanquam numerum maxime compositum, & ex multis constantem unitatibus. Atqui vero, quemadmodum omnis numerus ex unitatibus, tanquam partibus suis ultimis, consistat, omnisque numerus ultimato in UNUM resolvatur, ita corpora quoque tandem

dem resolvi debere in prima sua , & ultima elementa, quæ idem sint, quod UNUM in numero, ) putat Leibnitius. Hinc prima illa corporum elementa vocat *Monades*, sive *Unitates*, & corpora ipsa vocat *Monadata*, sive *aggregata ex multis monadibus*. Num vero prima corporum stamina , & elementa recte *monades* dixerit , nunc non definiam. Cl. *Creilingius*, professor Tubingensis, in principiis philosophiæ Leibnitianæ examinatis, p.

4. „ *Monadis*, inquit, nomine vix aliud aptius „ dari potest, prima, & simplicissima rerum elementa in universum exprimens, neque obstat, „ quod Epiphanes auctor monadicæ cognitionis, „ aliique hæretici eodem usi fuerint.

SCHOL. Dum prima illa corporum stamina , & elementa a Leibnitio vocantur *Monades*, ipsa autem hæc elementa ab ipso habentur pro entibus simplicibus, & revera etiam talia sunt, (§. 453.) factum est, ut Leibnitius, omnia entia simplicia appellet *Monades*: Monas itaque, & ens simplex sunt ipsi synonyma. Hinc, cum Deus, ex omnium & Theologorum, & Philosophorum, sententia, sit ens simplex, immo vero ens simplicissimum, mirari noli, Leibnitium Deum vocare *Monadem*. Quæ appellatio quanto fuerit offendiculo iis, qui Leibnitii mentem nec voluerunt, nec potuerunt capere, plus satis inter omnes constat. Quotquot vero, Deum ens simplex esse, putant, & Leibnitio ens simplex & Monada synonyma esse, norunt, non errasse Leibnitium fatebuntur, illi quidem, at, veritatem ejusmodi inconvenienti exprimi vocabulo, minus probabunt. Quia porro anima humana, brutorumque animæ sunt entia simplicia, id quod in psychologia luculentius demonstrabitur, vides, quid sit, quod Leibnitius animam hominum æque ac brutorum *monades* appellet. Elementa tamen, & stamina prima corporum, quæ entia simplicia esse, (§. 452.) demonstratum de-

di-

dimus, sunt in Leibnitiana Philosophia strictæ, & κατ' ἐξοχήν sic dictæ Monades.

SCHOL. Ex his intelligi nunc potest, cur Leibnitius quatuor *Monadum* constituat classes. In *prima classe*, ex ipsius sententia, collocatur *Deus* qui ab ipso, ob simplicitatem, seu immaterialitatem suam, vocatur *Monas*, quique distinctissima omnium rerum cognitione gaudet. Ad alteram *Monadum classem* refert Leibnitius *animas* hominum *rationales*, quæ non clara modo, sed distincta quoque, rerum gaudent repræsentatione. Ad *tertiam classem* pertinent *anima brutorum*, quæ claris quidem, sed confusis, ideis sint instructæ. *Quartam denique, & ultimam classem* constituunt *ultima, & simplicissima corporum elementa*, quæ, ut dixi, Leibnitio sunt Monades, strictæ, & κατ' ἐξοχήν sic dictæ, quæque, ex Leibnitii sententia, hoc universum sibi obscure repræsentant. Deum, a quo omnia, cum simplicia, tum composita, entia suam petunt originem, vocat Leibnitius *Monadem Originariam Primitivam, Increatam*; Cetera entia simplicia, scilicet *Animam humanam, Animas brutorum, elementa, item corporum*, vocat *Monades derivativas*, quia a Deo, tanquam causa efficiente suum ortum derivant.

Speciatim illis Monadibus, quæ ad ultimam pertinent classem, quæque ipsa sunt corporum elementa. Leibnitius tribuit quædam, quæ, nescio, an firmo satis nitantur fundamento, quæque adeo, dici non potest, quam vehementer sint impugnata.

(1) Existimat Leibnitius, has monades sive entia simplicia, ex quibus entia composita constant, gaudere vi repræsentativa, atque ipsum hoc universum sibi repræsentare *obscure*.

(2) Hinc illa vocat *viva specula hujus universi*.

(3) Affirmat Leibnitius, in monadem creatam

tam forinsecus nec substantiam, nec accidens ingredi posse.

Adeoque (4) existimat, omnes mutationes, in monadibus creatis obvias, a principio interno, & vi intrinseca proficisci.

Hinc (5) appellat Monades *Entelechias*, propterea quod in se habeant certam quandam perfectionem, (*ἐκτελεστικὴ ἐντελής*,) & detur quædam in ipsis sufficientia, vi cujus sint actionum suarum internarum fontes, adeoque automata incorporea *Conf. Crellingius in disputat. I. qua principia Philos. Leibnit. examinantur*, p. 14.

(6) Unde porro concludit Leibnitius, nullam Monadem creatam, sive derivativam physice influere posse in interius, alterius Monadis creatæ, sive derivativæ,

(7) Opinatur Leibnitius, omnes Monades creatas gaudere determinationibus, & qualitatibus intrinsecis, quibus a se invicem distingui possint.

(8) Nullam item Monadem creatam in rerum universitate alteri Monadi creatæ per omnia similem existere, autumat.

(9) Affirmat, Monades, quæ sunt corporum elementa, nullam quidem habere apperceptionem cum perceptione conjunctam, sed eam tamen perceptionem, licet sit obscura, & careat apperceptione sive conscientia sui, perpetuo tendere ad novam perceptionem, adeoque gaudere illas Monades appetitu.

(10) Ut Leibnitius, quales sint representationes entium illorum simplicium, sive *Monadum*, qua constituunt entia composita, luculentius ostendat, vocat statum perceptionum illarum suporem. Qualis status animæ nostræ est, cum vel deliquio animi laboramus, vel somno profundo absque somnio oppressi sumus.

NOT. Has positiones, quas cum de Monadibus ageret, in medium protulit Leibnitius, reperies cum aliis pluribus, & in *Monadologia ipsius*, a *Metaph. Baum.* O Do-

Doctissimo Henrico Kochiero, Professore Jenensi in patrium sermonem conversa, & in *Hanschii Principiis Philosophiæ Leibnitianæ more Geometrico demonstratis: Francofurti, & Lips. edit. 1728. 4. to.*

SCHOL. Leibnitium sequitur in Monadologia VVOLFIIUS, sed ex parte tantum; & ita, ut in pluribus ab ipso faciat secessionem. Hinc periniquè illi agunt, qui VVOLFII dogmata aliis invisâ reddituri, id omne omnino quod Leibnitius de Monadibus tradidit, VVolfio tribuunt. Quod ipsum præclare monuit Cel. Goettingensium Professor HOLLMANNUS, qui in dissertat. I. de *Harmonia præstabilita*, p. 9. „VVolfius, inquit, Leibnitii de monadibus sententiam omni ex parte suam non facit. Hinc injustum, immo impium, & scelestum esse, puto, longe diversa ceteroquin sentientes, si in aliqua consenserint thesi, in unam eosdem conjicere massam, omnesque illos omnibus imputare errores, quos alter solummodo eorum, qui cum reliquis aliquo in tertio convenit, proprios habet, solusque, exclusis cæteris, defendit. “ VVolfius concedit quidem, omnia entia composita, & corpora omnia constare ex elementis, iisque non compositis, sed simplicibus, omnia quoque, quæ de ente simplici supra Cap. XV. Ontologiæ dicta sunt, prædicari posse de corporum elementis, affirmat; at iis simul tribui posse, vel mundi perceptionem, vel vim repræsentativam, id vero quod sciam, negat & pernegat, *Conf. Metaphys. German. §. 599. & seqq. item §. 898. seqq.* Vide præterea *Monitum ad Commentationem luculentam de nexu &c. §. XIII. & Ribou Fernere erlauterung, &c. p. m. 98.*

SCHOL. Leibnitii VVolfique de monadibus sententiam, vel ideo copiosius recensui, ut *ἐν συνόψει*, perspicere Leibnitianæ philosophiæ non satis periti, quid sit tandem illud, de quo inter recentiores tam acris hucdum lis, & controversia fuit exorta. Ad me interim quod attinet, eam mi-

mihî sedere mentem, scias, ut, nec Leibnitio, nec VVolfio, salva tantorum virorum auctoritate, in omnibus accedam. Satis mihî fuerit, demonstrasse elementa corporum prima non posse non esse entia simplicia, quæ omnibus destituantur partibus. Quæ quidem entia simplicia, five Monades, five Atomos appellaveris, nihil mea interest. Quæ contra Monadologiam, vel Leibnitianam, vel VVolfianam, moveri poterant dubia, ea deprehendes in dissertatione a Cl. Gottschedio, sub S. R. Langhanseni præsidio Regiomonti 1721. defensa, quæ inscribitur: *Dubia circa Monades Leibnitianas, quatenus ipsa pro elementis corporum venditantur*. Conf. Ruardi Andala dissertat. de quatuor fictis simplicium speciebus.

§. 455. Cum corporum elementa sint entia simplicia, (§ 452.) consequens est, ut, quicquid supra de Entibus simplicibus Cap. XV. dictum est, id omne quoque de corporum elementis possit enunciari. Elementa scilicet corporum omnibus destituta sunt partibus, carent extensione, & extensionis limite, scil. figura, non habent determinatam magnitudinem, non possunt oriri, nisi per immediatam Dei creationem, nec interire queunt, nisi per annihilationem. Hæc enim omnia, ut supra, capite de ente simplici demonstravimus, de entibus simplicibus prædicari debent.

SCHOL. Ex eo vero, quod cum Leibnitio, & VVolfio entia composita ex simplicibus constare, nonnulli affirmant, neutiquam inferendum est: Ergo entia composita, atque adeo universus mundus corporeus, componuntur ex *spiritibus*. Miror profecto, & valde miror, quosdam ex iis, qui Leibnitii æque, ac VVolfii Monadologiam impugnant, rationes ita potuisse subducere. Plura profecto ad spiritum requiruntur, quam sola simplicitas, seu immaterialitas. Equidem omnis spiritus est ens simplex, at non omne ens simplex est spiritus, (quia ad spiritum requiruntur etiam intel-

lectus, & voluntas.) Quæ igitur consequentia? Omnia composita constant ex entibus simplicibus, (iisque, quod probe notes, omni distincta representatione, & intellectu destitutis.) E. omnia composita constant ex spiritibus. Perinde esset, ac si dicerem: Mundus constat ex entibus compositis, E. mundus constat non nisi lapidibus. At, inquis, ex quocumque coalescere debet compositum, & extensum, id ipsum quoque sit compositum, & extensum, necesse est. Respondent Leibnitii defensores. Quamvis, quoad modum coalitionis entium compositorum ex simplicibus, nihil certi determinari queat, negandum tamen non est, non magis absolum esse, fieri ex non-extenso extensum, quam fieri ex non-biblioteca bibliothecam, ex non-pio pium, ex non-erudito eruditum, &c. *Conf. Bilfingeri dilucidat. p. 88. seqq.*

## C A P U T VI.

*De naturali, & supernaturali, sive miraculo.*

§. 456.

**N***aturam* §. 441. diximus, esse nihil aliud, quam vim cujusve rei activam, unde ejus actiones dependeant. Ut adeo *Naturale* generatim id omne dici queat, quod ex alicujus rei vi, & essentia potest intelligi, & explicari. *Corpori* itaque *naturale* id dicitur, cujus ratio in essentia, & natura corporum continetur, sive, quod idem est, quod ex eorum structura, & vi potest intelligi, & explicari. *Spiritui* vero *naturale* dicitur illud, quod ex spiritus vi, & essentia potest intelligi, & explicari.

EXEMPL. Ex. gr. Stomacho naturale hoc est, ut cibos concoquat. Ex structura enim stomachi, & vi intrinseca ejus explicari potest, & intelligi, quomodo fieri queat, ut concoctio perficiatur.

Igni



Igni naturale est, ut stramen . & lignum aliaque consumat. Potest enim ex vi ignis intrinseca , & structura explicari , quo fiat , ut ignis ligna , ac stramen comburat . Animæ naturale est, ut , omnibus sensibus externis quiescentibus , ipsa suas per somnia edat operationes . Ex lege enim imaginatio- nis intelligi , & concipi potest modus , quo fieri potest , ut anima somniet , & ut hæc præcise , nec alia , in ipsa se exserant somnia .

§. 457. Ex quo conficitur, id omne , cujus ratio in essentia , & natura entis non continetur , sive quod eodem redit, quod ex vi , & structura corporum , & ex vi , & essentia spiritus non potest concipi , & intelligi , esse *supra naturam* ; *supernaturale* itaque , quod naturali opponitur , generatim est nihil aliud , quam omne id , quod in essen- tia , & vi universi secundum statum antecedentem , & leges motus non fundatur .

SCHOL. Supernaturale quid erat cum ignis tres illos viros , in fornacem candentem coniectos , re- ferente Scriptura Sac. minus læderet , minusque consumeret . Is enim eventus ex vi , & natura ignis non poterat concipi . Supernaturale item quid erat , cum Apostoli , linguarum peregrinarum pror- sus imperiti , illas uno momento non modo calle- rent ; sed eas etiam ita in promptu haberent , ut sua animi sensa iis promte expediteque possent ex- plicare . Is enim effectus neque ex animæ vi , ( ut- pote quæ tanto effectui producendo plane impar erat ) neque ex statu antecedenti , ( ipsi enim ne- que vocabula , neque declinationes , neque conju- gationes , neque regulas syntacticas didicerant , con- cipi poterat .

SCHOL. Id vero , quod *supra naturam* est , ca- ve confundas cum eo , quod est *contra* , & *præter* naturam . Quod *præter* naturam fit , id evenit qui- dem revera secundum ordinem , & leges naturæ generales , attamen fit contra *hujus illiusve* cor- poris , in *particulari* , agendi patiendique leges ,

quas particulares corporis hujus illiusve conservandi leges id, quod *præter* naturam fit, impedit, & evertit. Ita cum e. gr. venenum imbiberis, comperies, secundum ordinem naturæ illud in corpus tuum agere. Quia vero venenum actiones corporis tui lædit, impedit, & evertit, vides, legibus corporis tui particularibus contrarium effectum produci, qui dicitur *præternaturalis*. Hinc vides, cur medici omnem corporis statum morbosum vocent *statum præternaturalem*.

SCHOL. Eventus vero *contra* naturam contingere dicitur, quando, ut loquitur *Verdrie*, vis infertur rerum ordini, & effectus quidam sequitur legibus naturæ adversus, Huc referas tenebras Ægyptiacas. *Conf. Verdrie. in physica. p. 14.*

§. 458. Omnis eventus supernaturalis dicitur *miraculum*. Ut adeo videas, *miraculum* recte defini per ejusmodi effectum, qui neque ex essentia, neque ex vi creaturarum, aut mundi secundum statum antecedentem consequitur. ( §. 457. )

NOT. Commôdus hic locus est, doctrinam de miraculis distinctius proponendi. Neque vero in philosophia determinamus, num miracula unquam facta fuerint, aut etiam nunc hodie fiant. Id enim non nisi historiarum monumenta, quorum est, tradere facta, nos conducere possunt, sed in philosophia tantum de eo disquirimus, num miracula in universo possibile sint, generales item positiones, quas ex *miraculi* notione legitime deducimus, de miraculis demonstramus.

SCHOL. Alii alias *miraculi* definitiones suppeditarunt, quas & adduxerunt, & examinarunt præcæteris, & *Bilfingerus in dilucidat. p. 202. seqq.* & eruditus *Hollmanus in commentatione philosophica de miraculis*. Præcipuas harum brevissimis adferemus, ut intelligatur, quam multi fuerint eruditorum nonnulli in explodenda de miraculis doctrina. *Spinoza*, Atheorum pessimus, miraculum explicat per effectum, cujus causas ignoramus, & si

ourni-

omnino sint naturales. Perbella vero definitio, quæ, si quid video, ad plurimos effectus naturales potest transferri, quæque *mirabile* cum miraculo confundit. Potest quid in universo contingere, & contingit sæpenumero, quod est ejusmodi, ut ejus causæ nos lateant, quodque adeo in admirationem nos rapit. Sed hoc est *mirabile* quid, non vero miraculum. *Clarckius* ad miraculum omne requirit, ut sit rarum quid, & extraordinarium. Sic vero, opinor, actum est de miraculis, quæ, tempore Ecclesiæ plantanda a Christo frequentissime patrabantur. *Vid. omnino Bils. l. c.*

SCHOL. Ad nostram vero definitionem, quod attinet, non est, quod quisquam eam ideo explodendam existimet, quod in ea neque causæ efficientis miraculorum, neque causæ finalis mentio ulla fiat. Non opus enim semper est, ut in definitiones philosophicas, quæ debent esse principia demonstrandi, adeoque multarum conclusionum feraces, omnia, quæ de re definita, vel sciuntur, vel sciri possunt, operose infarciamus. Id quod cum pluribus aliis ostendit *Cl. Schlosserus in dissert. philosophica de Cautione philosophica circa definitiones*. Bona est definitio, quæ (α) omnes characteres in se continet, quibus res definita ab omnibus aliis rebus in omni casu, statu, & tempore potest discerni. (β) Bona est definitio, quæ ejusmodi characteres tradit, ex quibus cætera omnia, quæ rei definitæ competunt, possunt legitimo nexu deduci, & demonstrari, *Vid. Institut. Log. §. 148.* Atqui vero cum nostra miraculi definitio sit (1) ejusmodi, ut miraculum possit per allegatos characteres ab eventu naturali, quam accuratissime internosci, (2) ita quoque sit comparata, ut ex ea, cum causâ miraculorum efficiens, (id quod mox patefcet) tum causâ eorundem finalis possit demonstrari, non video, quid in ea jure possit desiderari.

§. 459. Quamvis vero per characteres, in mira-

*Bona est*

culi definitione adductos, generatim, & in *abstracto* miraculum ab eventu naturali, facillimo negotio possit distingui; difficilius tamen, quam quisquam credat, esse videtur, in *concreto*, & in *casu individuo* miraculum ab eventu naturali discernere.

Ratio est in promptu. Cum enim paucissimi hominum vires naturæ perspectas habeant; & latentes causas naturales sæpius non investigare queant, fit, ut eventus insolitus, cujus causæ latent, sæpissime pro miraculo habeatur. Quod quidem si evitare volueris, cognitione physices te instruas oportet.

§. 460. Leibnitius, ut alibi, ita & in Theodiciæ (§. 249.) miracula distinguit in miracula *majora*, & *minora*. *Majora* vocat, quæ totius naturæ vires superant, & cursum ejus ordinarium transcendunt. *Minora* vocat, quæ nobis quidem naturæ vires superare videntur, attameu actu a creaturis invisibilibus, e. gr. Angelis, præstantur.

SCHOL. Ad miracula majora refert e. gr. creationem, incarnationem, &c. quæ omnem creaturarum potentiam transcendunt. Ad miracula vero minora pertinere, ait, e. gr. commotionem lacus Bethsaidæ, ab Angelo factam. Sed si nostram definitionem in subsidium adhibueris, facile intelliges, miracula, quæ a Leibnitio vocantur, non esse vera miracula, sed tantum miracula, comparativa, & quoad nos talia, aut, ut rectius dicam, *mirabilia*.

§. 461. *Miracula sunt possibilis*:

*Demonstr.* Cum enim totum univèrsum sit ejusmodi, ut quilibet ejus eventus possit esse aliter, (§. 394.) cumque præterea leges motus non sint necessariæ, sed contingentes & mutabiles, (§. 450.) dubium non est, quin, si detur quædam causa extramundana, sufficiente instructa virtute, illa effectum, in essentia, & vi univèrsi non fundatum, possit producere, legesque motus suspendere, & even-

eventum, alias futurum, immutare. Quod cum revera sit miraculum patrare, (§. 458.) manifestum est, possibile esse miracula, si tale detur ens, virtute eventum, in vi universi non fundatum, producendi instructum. Dari autem revera tale ens, infra in Theologia naturali uberius demonstrabitur.)

SCHOL. Miracula sunt, & *intrinsece*, & *extrinsece* possible. *Intrinsece* quidem, quia totus nexus rerum est ejusmodi, ut possit immutari, & omnes leges motus, ob contingentiam possunt suspendi. (§. 450.) *Extrinsece* vero, quia datur revera ejusmodi ens, a mundo diversum, quod eventum, ordini, & cursui naturæ plane adversum, infinita sua virtute potest producere.

§. 462. *Miraculum, si producitur, produci debet ab ente aliquo, quod a mundo plane est diversum.*

*Demonstr.* Cum enim miraculum sit ejusmodi eventus, cujus ratio non continetur in creaturarum, & mundi vi, atque essentia, (§. 458.) nihil autem sit sine ratione sufficiente, (§. 32.) consequens est, ut ratio miraculorum debeat contineri in ente aliquo, quod non est creatura, sed a mundo plane diversum. Ergo, quoties miracula produci debent, toties producantur, necesse est, & ab ente aliquo, a mundo plane diverso.

SCHOL. Hoc ipsum vero ens, a mundo diversum, quod miracula producendi vi pollet, dicitur *Deus*. Ut adeo hinc (α) intelligas, optime, & nostra miraculorum definitione *causam* miraculorum *efficientem* posse deduci. Hinc (β) patet, recte miraculum a nonnullis definiri per quemlibet effectum Dei immediatum.

§. 463. *Omne miraculum, cum fit, fit per saltem.*

*Demonstr.* Cum miraculum sit eventus, qui ex essentia, & vi creaturarum, & mundi, secundum statum antecedentem, non consequatur, (§. 458.) sequitur, ut, cum miraculum contingit, non præ-

ce-

cedant omnes illæ mutationes, quæ alias ad ejusmodi eventum præstandum sunt necessariæ. Cum vero, quando aliquid ita fit, ut non omnes illæ mutationes præcedant, quæ ad effectum producendum necessario ex ordine naturæ requiruntur, id fieri dicatur per saltum, (§. 407.) oppido patet, miracula fieri per saltum.

Ponamus; miracula non fieri per saltum, tum illa ita eveniant, ut sui rationem sufficientem in statu antecedenti, & viribus naturæ inveniant, & a connexionione causali, in hoc mundo obvia, dependeant. Quo ipso vero erunt miracula nihil aliud, quam eventus naturales, (§. 456.) quod est contra principium contradictionis, (§. 22.) prolutum.

SCHOL. Dum, miracula per saltum evenire, dicimus, non saltum *absolutum* intelligimus. Vi enim hujus absoluti saltus miracula plane nullam sui haberent rationem sufficientem, quod est contra principium rationis sufficientis, (§. 32.) stabilitum. Sed hic intelligimus *saltum respectivum*, in quo non ea semper debent præcedere, ex quibus ratio reddi potest consequentium. Ita e. gr. linguarum peritiam per miraculum acquirebant Apostoli, & per saltum evadebant multarum linguarum peregrinarum periti. Non enim, quæ ad intelligendas linguas requiruntur alias, vocabula, declinationes, & conjugationes sibi reddiderant familiares, sed in momento, & callebant linguas, & loqui poterant.

§. 464. *Miraculum, cum ab ente extramundano patratum, debet effectum præstare, qui a naturali eventu plane diversus est.*

*Demonstr.* Si miraculum a causâ aliqua extramundana, sive Deo, patratum, tum debet adesse ratio, cur ens, a mundo diversum, miraculum præstet. (§. 32.) Ponamus igitur, per miraculum patratum, vel nullum effectum, vel effectum, qui sine miraculo naturaliter secuturus fuisset, & inten-

tendi, & obtineri; tum liquet, miraculum sine ratione sufficiente ab ente infinito & causa extramundana esse patratum. Quod vero cum sit contra principium rationis sufficientis, (§. 32.) intelligitur, per miraculum effectum debere præstari, qui sine miraculo naturaliter non fuisset secutus.

NOTA, Annon, cum Christus Lazarum per miraculum ex mortuis fuscitaret, eventus sequebantur, qui sine hoc miraculo patrato nunquam naturaliter fuissent secuti? Naturaliter Lazarus computruisset, a vermibus corrosus, in pulverem rediisset. Sed quam longe ab his diversi erant effectus, qui, miraculo patrato, sequebantur.

§. 465. Hinc intelligi nunc potest, quid sibi velint nonnullorum loquendi formulæ, cum dicunt: *Per miraculum ordo natura turbatur*, item: *Per miraculum in nexum rerum confusio inducitur*.

SCHOL. Scio, has loquendi formulas a nonnullis haberi periculosas offensionisque plenas. Nec ignoro, ex his recentiorum philosophorum phrasibus consequentias necti satis formidolosas, & detestandas. Sed, re recte expensa, nec reperi, nec reperire potui venenum, quod hic delitescere iniquiores interpretes existimant. Ex notione miraculi, & positionibus, jam demonstratis, opinor, intelliges, quid sibi velit illa positio: *Per miraculum ordo natura turbatur*. *Ordinem* supra, (§. 187.) diximus esse nihil aliud, quam similitudinem in modo, quo res sibi vel coexistunt, vel succedunt. *Ordinem itaque natura* dicimus similitudinem in modo, quo res universi vel simul sunt, vel se invicem consequuntur. Quamdiu ergo mutationes in corporibus, & in mundo ita eveniunt, ut altera ex altera regulis motus convenienter fluat, & tertia sequatur ex secunda, secunda ex prima, tamdiu in mundo, & corporibus deprehenditur ordo naturæ. Simulac vero subsequentes mutationes universi non ex antecedentibus proveniunt, & even-

ventus regulis motus minus convenientes contingunt, tum, ordinem naturæ turbari, affirmamus. Cum vero miraculosi eventus ejusmodi sint, ut ex antecedentibus non fluant, nec regulis motus sint conformes, (§. 458.) quid obstat, quo minus ajamus, per miraculum turbari ordinem naturæ? Exemplo res fiet clarior. Annon ordo exigebat naturalis, ut Lazarus mortuus, & jam contumelatus, computresceret, a vermibusque corrosus in pulverem redigeretur? Quid vero, cum ex morte per miraculum excitaretur? Nonne hic ordo naturalis turbabatur? Negas? Ergo Lazarus, miraculo factò, computruit, a vermibus fuit corrosus, perinde, ac si miraculum non factum fuisset. Quod vero, quotus quisque est, qui affirmare ausit? Quæ cum ita sint, non obscure intelligis, nihil subesse periculi, cum recentiorum nonnulli; *per miraculum confusionem in rerum nexum introduci*, contendunt. *Confusio* supra dicta a nobis est dissimilitudo in modo, quo res vel sibi coexistunt, vel succedunt. Ubi itaque in rerum nexu observas mutationes quasdam, quæ in antecedenti statu sui rationem sufficientem non habent, ejusmodi dissimilitudinem sive confusionem revera invenis. Jam vero cum per quodvis miraculum mutationes producantur, quæ a naturalibus plane sunt diversæ, (§. 464.) cumque item per miraculum ii contingant eventus, qui ex antecedenti statu concipi nequeunt, (§. 458.) per miraculum, vides, in rerum nexum introduci dissimilitudinem atque confusionem. Lazaro per miraculum suscitato, nexus naturalis turbabatur, & ipsi confusio inducebatur. Vi nexus naturalis Lazarus computruisset sed, miraculo factò, vivebat, &, ut alii homines, sanguine in orbem redactò, vigeat. Per nexum naturalem a vermibus fuisset consumptus. Sed miraculo factò, nihil tale poterat contingere. Nescio, quid sit nexus naturalis turbatio, si hoc non est. Probe autem monet Bilfingerus, cavendum sedulo esse, ne  
eum



cum idea *confusionis* ideam reprobationis combine-  
mus. *Conf. Dilucid p. 211.*

§. 466. Ex his intelligis, quid de *miraculis re-  
stitutionis* sive ἐποκαταλέω, quæ vocant, sit existi-  
mandum. Leibnitius, & VVolffius horum miracu-  
lorum in scriptis suis faciunt mentionem. Ad quo-  
rum mentem, & sententiam rectius intelligendam  
sequentia observo.

Leibnitius de his restitutionis miraculis quædam  
affert in *Theodicaa* §. 249. VVolffius vero mentem  
suam explicat in *Metaphysica Germ.* §. 639. VVol-  
ffii, si recte judico, mens hæc est.

(α) Putat VVolffius, per miraculum naturalem  
nexum, & ordinem turbari.

(β) Hinc infert, alios omnino eventus, facto  
miraculo, contingere, quam secuti fuissent, si mi-  
raculum non patratum fuisset.

(γ) Disquirat, quid facto opus sit, si per mira-  
culum Deus finem suum consecutus fuerit, & ipse  
velit res in eum statum, in quem venturæ fuissent  
sine miraculo, restitui.

(δ) In quo casu (quem tamen revera dari, aut  
existitisse unquam, non affirmat VVolffius) putat  
per novum miraculum nexum naturalem, qui sine  
priori miraculo fuisset, restitui debere.

(ε) Atque hoc novum miraculum, per quod  
res in eum statum, in quem venturæ fuissent sine  
miraculo, vocat *miraculum restitutionis*. Quale an  
unquam patratum fuerit, non determinat VVol-  
ffius.

SCHOL. Ut rectius hæc omnia intelligas, ca-  
sum asseram sequentem. Novimus ex sacris literis,  
Deum per miraculum Apostolis linguarum donum  
infudisse. Quo miraculo facto, multa omnino eve-  
niebant, quæ sine hoc miraculo non evenissent.  
Apostoli Ebraice, Syriace, Græce, Latine, &c.  
loquebantur, varias docebant gentes, innumeros  
homines ad Christum perducebant, & posteritati  
etiam seræ ansam Deum laudandi ejusque gloriam

am-

amplificandi suppeditabant. Si vero miraculum hoc non patratum fuisset, nexus, naturalis sine dubio hic fuisset: Ignorassent linguas, gentes multas ad Christum non convertissent, & innumeri homines ad Christum non pervenissent, cætera ut taceant. Ponas nunc casum. Deum per hoc miraculum, scilicet linguarum infusionem, finem suum obtinuisse; ponas porro, Deum voluisse res omnes in eum statum in quem venturæ fuissent sine hoc miraculo, in momento restitui. Queritur hic, qua id fieri poterit ratione? Respondit VVolfius; Novo opus fuisset miraculo, per quod res in nexum naturalem, qui sine miraculosa linguarum infusione secuturus fuisset, debuissent, restitui. Num id recte, & vere, non nunc definiam. Id tamen, absit, ut VVolfio imputem, ipsum quodvis miraculum duplicare, ipsum item credere, Christum, cum cæco miraculose visum reddiderit, debuisse ipsum per miraculum iterum occæcare. Hæc enim omnia non video, qua ratione ex VVolfii sententia hypothetica de restitutionis miraculis derivari possit. Conf. *Bilfingerus in dilucidat. p. 211. seqq. item Hollmannus in commentat. de miraculis*. Contra quam commentationem nonnulla monuit S. R. *Veerportenius* Gymnasii Gedanens. Rector in dissertatione de *Miraculis*.

## CAPUT VII.

*De mundi perfectione*

## §. 467.

SUB doctrinæ Cosmologicæ finem nonnulla addere visum est de mundi perfectione. Non id vere hic agemus, ut demonstramus, hunc mundum individuum, qui nunc existit, maxima gaudere perfectione, ( id enim in Theologia naturali luculentius evincetur ) sed ex notione perfectionis ge-  
ne-

neralibus in Ontologia, §. 201. explicata, determinabimus, quid requiratur, si mundo aliqua debeat tribui perfectio, & quo modo gradus perfectionis rite cognoscantur.

§. 468. Ad perfectionem in Ontologia requisivimus hæc tria, ut ( $\alpha$ ) adsint varia, ( $\beta$ ) ut adsit finis aliquis, & scopus, ad quem ista varia colliment, ( $\gamma$ ) ut adsit consensus variorum, & conspiratio ad finem, & scopum obtinendum. Hinc facile intelligis, universo tum demum tribui posse perfectionem, si singula, & simultanea, & successiva, in eo obvia, ita inter se consentiant, ut finis aliquis, & commune bonum obtineatur.

NOT. Finem hunc, ad quem omnia, & simultanea, & successiva, in universo tendere debeant, esse unice gloriam Dei, sive manifestationem attributorum Numinis divini, infra in Theologia naturali commonstrabitur.

§. 469. *Ex his conficitur, perfectionem mundi a posteriori, sive per experientiam, cognosci, & determinari, non posse.*

*Demonstr.* Cum enim perfectio mundi in eo consistat, ut omnia simultanea, & successiva, in eo obvia, ad finem aliquem, & commune bonum obtinendum consentiant, (§. 201.) consequens est, ut, qui vult perfectionem mundi a posteriori, sive per experientiam, cognoscere, & determinare, is singula simultanea, & successiva in mundo speciatim consideret, & accuratius penitusque perspiciat, quomodo omnia, in nexu sumta, tendant, & conspirent ad finem, & commune bonum obtinendum. Quotusquisque vero hominum est, qui omnia simultanea, & successiva, maxima, minima, acie mentis pervadere possit, & pertentare? Quis est, qui complicatam istam omnium rerum connexionem perspiciat? Quis ergo denique reperietur, qui, perspecto toto universi nexu, determinare possit, omnia, maxima, minima, eo tendere ultimato, ut finis aliquis, & scopus bonum-  
que

que quoddam commune obtineatur ? A posteriori itaque meno hominum mundi perfectionem cognoscere potest, & determinare.

SCHOL. Eadem ex causa temeritatis est, velle a posteriori, sive per experientiam determinare mundi imperfectionem. Quod tamen per plures facere, commemini, cum, de mundo perfectissimo sententiam rogati, ita respondent, ut huic mundo summam tribuant imperfectionem, idque ipsa ex experientia constare, ajant. Qui enim mundo imperfectionem competere, ex ipsa probare volunt experientia, si vero totum mundum, universumque omnium rerum nexum perspiciant, oportet, & num cum fine obtinendo consentiant nec ne, determinare debent.

§. 470. Quo *plura* in universo occurrunt, quæ cum fine, ob quem universus mundus conditus est, consentiunt, quod *exactius* item *plura* ista simultanea, & successiva cum fine consentiunt, eo major est universi perfectio. (§. 206.)

§. 471. Negari quidem non potest, fieri posse, ut imperfectiones partiales in mundo occurrant, quæ, seorsum, & extra nexum considerata, in numero imperfectionum collocari omnino mereantur. Quas tamen si in nexu consideraveris, multum ad perfectionem totius universi conferre, comperies. *Imperfectio enim partis, ex collisione regularum, in perfectionibus simplicibus reperiundarum, oriunda, sapius multum facit ad perfectionem totius.* Conf. §. 215. Ontol.

NOTA. Hæc omnia, generalius tradita, magno nobis erunt usui, cum infra in Theologia naturali de mundo perfectissimo speciatim exponetur.

*Finis Cosmologia.*

## PNEUMATOLOGIA

## PSYCHOLOGIAM,

*Et Theologiam naturalem complexa.*

## P S Y C H O L O G I A .

## CAPUT PRÆLIMINARE.

*De spiritu in genere .*

§. 472.

**J**audum veteres ad Metaphysicam referebant Pneumatologiam, sive doctrinam de *Spiritibus*, quam alteram Metaphysices partem, eamque specialem, constituebant.

SCHOL. *Hebensreit in philos. prima p. 1. seqq.* Metaphysicam inter alia objecta ait, res sua natura præstantissimas pertractare debere *Res autem sua natura præstantissimas* dicit, esse res incorporeas, & immateriales, Deum nempe, & spiritus creatos.

§. 473. Per *Spiritum* generatim sumptum, nihil aliud intelligimus, quam substantiam simplicem, sive immaterialem, intellectu, & voluntate præditam.

NOTA. Hanc definitionem nominalem spiritus ejusmodi esse, scias, ut sufficiat ad spiritum a corpore, & ab omnibus aliis rebus dignoscendum.

§. 474. Ex hac definitione liquet,

(x) Omnia ea, quæ supra cap. XV. Ontologiæ  
*Baum. Metaph.* P sunt

sunt tributa entibus simplicibus, sive immaterialibus, posse quoque prædicari de spiritibus.

(6) Ad notionem spiritus distinctam completam formandam non sufficere solam simplicitatem, sive immaterialitatem, sed intellectum quoque, ac voluntatem requiri.

(7) Hinc absurdum est, & regulis recte ratiocinandi plane contrarium, cum nonnulli, dum elementa corporum, & animas brutorum entia simplicia esse audiunt, oppido exinde inferunt: Ergo sunt spiritus. Conf. §. 454.

(8) Denique ex his manifestum fit, eo perfectiorem esse unumquemque spiritum, quo perfectiori gaudet intellectu, & eum esse spiritum perfectissimum, qui præditus est intellectu perfectissimo, & voluntate gaudet perfectissima.

§. 475. Ut verò, quæ sint spiritus requisita, quæve ipsius indoles, & natura, rectius intelligatur, paucis tantum, quid sit intellectus, quidve voluntas, definiemus, uberiores harum notionum explicationes in psychologia suppeditaturi.

§. 476. *Intellectus* est nihil aliud, quam facultas, res sibi *distincte* representandi. *Distincte* vero res nobis representamus, cum eas menti nostræ ita sistimus, ut ipsas non modo ab aliis rebus possimus internoscere, sed notas quoque, & characteres speciatim allegare, quibus res representatæ ab aliis rebus discernantur. Conf. *Institut. Philos. Rat.* §. 97.

477. Quodcumque itaque res sibi tantum obscure aut clare representat, & facultate res sibi *distincte* representandi destituitur, illud non potest in numerum spirituum referri.

SCHOL. Veteres omnes Spiritus dividebant in *Spiritum infinitum*, sive *increatum*, quo referebant *Deum*, & *Spiritus finitos*, sive *creatos*. Hos, dicebant, esse vel *completos*, qui non ordinantur ad substantiam tertiam in unione constituendam, vel

*in-*

*Incompletos*, qui ad substantiam aliquam tertiam constituendam divinitus sint ordinati. Ad Spiritus completos referebant *Angelos*, ad hos *animam humanam*.

NOT. Nos cum existentiam Dei, ex existentia mundi; & animæ humanæ demum in Theologia naturali simus demonstraturi, ita nunc procedemus in pneumatologia explicanda, ut (α) ea, quæ de anima, vel ope experientiæ, vel per ratiocinia, legitime instituta, nobis innotescunt, exponamus in *Psychologia* (β) Spiritus increati, scilicet DEI existentiam, & attributa demonstremus in Theologia naturali. Quæ enim ad Angelographiam pertinent, ea rectius ex literis sacris, quam ex philosophia, quippe quæ parum, vel omnino nihil de Angelis novit, petuntur.

## P S Y C H O L O G I Æ

## PROLEGOMENA.

## §. 478.

**P***Psychologia*, vi vocis, est doctrina sive scientia de anima.

§. 479. Cum vèro, quæ de anima novimus, vel per *experientiam* nobis innotescant, vel per *ratiocinia* ex experientia legitime deducta, vides, quid sit, quod VVolfius, cum eoque alii, *psychologiam* diviserint in *psychologiam empiricam*, & *psychologiam rationalem*.

§. 480. In *Psychologia empirica* ea traduntur, quæ, ope experientiæ, de anima humana novimus. E. gr. experimur, quod nostrum aliarumque rerum, extra nos positarum, nobis simus conscii. Experimur, quod sentiamus res præsentēs, quod

P a ima

imaginemur nobis absentes, quodque item bonum cognitum appetamus, & malum representatum aversemur. Hæc omnia, & alia plura, in psychologia empirica distincte exponuntur.

§. 481. Quæ, ope rationum, de anima nostra nobis innotescant, ea omnia in psychologia rationali explicantur. Huc pertinet doctrina de animæ simplicitate, de ejus immortalitate &c. Nos enim experimur, animam esse ens simplex, experientia edoctus novit quisquam, animam esse immortalem, Hæc omnia, ratiociniis in subsidium adhibitis, de mum addiscimus.

§. 482. Usus psychologiæ multiplex est, & varius. Ecquis, maximopere opus esse, negabit, cognitione sui, & animæ rationalis, per quam homines sumus, per quam ad Dei similitudinem quam proxime accedimus? Imprimis vero solidior animæ humanæ cognitio naturam ortumque affectuum, ac propensionum humanarum ordinem, & nexum nos edocet, quem qui perspectum habet, in propriis affectibus compescendis, & in aliorum propensionibus, vel excitandis, vel sedandis, vel refringendis, erit felicissimus.

De usu psychologiæ metaphysico, morali, & politico, theologico naturali legatur Bilfingerus dilucid. p. 228.



## P S Y C H O L O G I A

## E M P I R I C A.

## C A P U T I.

*De animæ existentia,*

§. 483.

**S**I ad experientiam attendimus, deprehendimus, nos nosmet ab aliis rebus, quæ extra nos sunt, posse distinguere. Observamus item, nos res, extra nos positas, a se invicem internoscere.

**EXEMPL.** Nosti e. gr. te non esse mensam, quam extra te constitutam vides: nosti item, mensam, quam coram intueris, non esse sellam, juxta mensam positam, nec sellam esse mensam &c. Adeoque hoc ipso te ab aliis rebus, extra te positis, distinguis, & ipsas res, quæ extra te sunt, a se invicem dignoscis.

§. 484. Cum nos ab aliis rebus, extra nos positis, distinguimus, dicimur, *nos nostrum nobis esse consci.* Et cum res illas, quæ extra nos positæ sunt, a se invicem discernimus, tum illarum rerum, quas a se invicem dignoscimus, *nos nobis sumus consci.*

**EXEMPL.** Sum e. g. mihi mei conscius, cum scio, me non esse mensam hanc, quam extra me positam video. Sum mensæ mihi conscius, cum novi, mensam non esse sellam, & sellam non esse mensam.

§. 485. Experientia igitur testatur, nos, & nostrum, & rerum extra nos positarum, esse nobis conscios, (§. 483. 484.)

§. 486. Quod si verum est, consequens est, ut quid dari in nobis debeat, quod sui rerumque extra se positarum, sibi est conscium.

§. 487. Illud ipsum autem ens, quod in nobis sui, rerumque extra se positarum, sibi est conscium, dicitur *Anima*.

SCHOL. Non hic definitionem animæ realem, atque omnia ejus attributa, & accidentia complexam, afferimus, sed ejusmodi tantum allegamus characteres, per quos quilibet, audita *animæ* voce, eam a corpore possit distinguere. Si quis in hac definitione nominali requirat, & desideret libertatis mentionem, is nesciat, oportet, definitionis nominalis naturam, in qua non opus est, ut omnia, quæ de re definita sciuntur, vel prædicari possunt, recenseantur. Definitionem animæ pleniorē in psychologia rationali adferendi locus erit, ubi antea quædam demonstrata dedimus.

§. 488. Cum itaque, per experientiam, in nobis existat, & actu detur quid, quod sui, rerumque extra se positarum, sibi est conscium, (§. 486.) consequens est, ut existat, seu actu detur in nobis anima. (§. 487.)

NOT. Veteres animam in *vegetativam*, *sensitivam*, & *rationalem* dispescebant, sed entia multiplicabant præter necessitatem, & physica pneumaticis immiscebant.

§. 489. Animæ itaque existentia ex conscientia sui cuique innotescit. Qui itaque dubitare veller, dari animam, eo ipso dubitaret, esse se sui sibi conscium; si vero dubitaret, esse se sui sibi conscium, eo ipso se refutaret. Quomodo enim dubitare posset si sui sibi non esset conscius? Quamvis itaque quis negare veller existentiam corporum, animæ tamen existentiam inficiari nequit, quia eo ipso, dum ipsam negat, eandem concedit, & prodit conscientiam sui.

NOT. Atque hac ex causâ Cartesium, puto, affirmasse, animam notiorē esse corpore.

CA-

## C A P U T II.

*De Facultate cognoscendi, ejusque parte inferiori.*

§. 490.

**E**Xperientia nos docet, nos, dum vel nostrum vel aliarum rerum, extra nos positarum, nobis sumus conscii, multa percipere, & nobis repræsentare. Actio illa, qua anima res sibi repræsentat, & percipit, dicitur *cognitio*, & potentia illa, res sibi repræsentandi, appellatur *facultas cognoscendi*.

NOTA. Quia, quod in anima primum observamus, illud est, quod percipiamus res, & nobis repræsentemus, a cognitione animæ, & facultate cognoscendi recte nunc ordimur. Hanc facultatem animæ veteres vocabant *intellectum*, quem tamen non tam late patere, quam facultatem cognoscendi, infra demonstrabimus.

SCHOL. Quæ vero cognoscimus, & percipimus, non uno eodemque modo cognoscere nos, constat. Alia obscure, & confuse, alia distincte, novimus, & percipimus. Obscuram, & confusam cognitionem habet anima humana cum brutis communem. Distinctam vero cognitionem anima hominis habet sibi propriam. Quas cum brutis communes habemus cognoscendi facultates, eas referimus ad partem inferiorem facultatis cognoscendi. Huc pertinent facultas ( $\alpha$ ) *sentiendi* ( $\beta$ ) *imaginandi*, ( $\gamma$ ) *recordandi*, & *reminiscendi*.

§. 491. Illa ipsa rei in mente representatio, quam appellamus perceptionem, dicitur alias quoque *idea*. Quatenus vero anima hujus representationis, sive perceptionis simul sibi est conscia, dicitur *appercipere*. Representatio autem talis, cujus anima sibi est conscia, appellatur *cogitatio*.

P 4

SCHOL.

SCHL. Terminus apperceptionis a Leibnizio est inventus, qui per illum, nihil aliud voluit significare, quam illum mentis nostræ actum, quo percipimus ipsas perceptiones nostras. Ejusmodi apperceptionem cum perceptione conjunctam requirit Leibnizius ad omnem omnino cogitationem. Neque enim male. Usus enim loquendi nos docet, vocem cogitationis non prius adhiberi, quam tum, cum indicare volumus, nos nostrarum perceptionum nobis esse conscios.

§. 492. Omnes nostræ perceptiones, sive representationes differunt, aut ( $\alpha$ ) qua *representandi modum*, & *rationem*, aut ( $\beta$ ) qua *ipsas res perceptas sive representatas*, sive qua objecta ipsa.

§. 493. Ratione modi representandi nostræ perceptiones sunt vel *clara*, vel *obscura*. *Clara perceptiones*, sive *representationes* sunt, quæ sufficiunt, ad rem representatam ab aliis rebus distinguendam. *Obscura* vero sunt perceptiones, quæ non sufficiunt.

NOT. Exempla clararum, & obscurarum representationum petas ex institutionibus nostris philosophiæ rationalis p. 50.

§. 494. *Clara representationes* sunt, vel *distinctæ*, vel *confusæ*. Illæ non modo res representatas ab aliis rebus dignoscendas sufficiunt, sed notas quoque characteristicas allegare possumus, quibus res representata ab aliis rebus potest dignosci. In *confusis* representationibus alteram quidem rem ab altera possumus distinguere, nullas vero notas speciatim nobis sistere, quibus res representata ab aliis rebus discernatur.

§. 495. Si notarum characteristicarum novas notas, & partium partes denuo possumus nobis sistere, tum exinde oritur idea sive *perceptio adequata*; habitus autem, ejusmodi adequatas rationes, & representationes formandi, dicitur *profunditas cogitativæ*.

NOT. Omnia ea, quæ de allata representationum,

num, sive perceptionum differentia dici debent copiosius exposita invenies in Institutionibus Philosoph. Rational. p. 49. seq.

§. 496. Res, quas nobis repræsentamus, aut sunt individua, aut abstracta, genus nempe, & species. (Conf. Log. §. 98.) Individua, aut sunt præsentia, aut absentia. Individua præsentia nobis repræsentamus *sensibus*. Absentia autem individua nobis sistimus ope *imaginationis*, & *memoria*. Abstracta repræsentamus nobis *intellectu*, & *ratione*.

SCHOL. Sensus, & imaginationem, memoriam item cum brutis communes habemus. Facultas itaque sentiendi, imaginandi, & recordandi pertinent ad facultatis cognoscendi *partem inferiorem*. A sensibus, a quibus omnis nostra cognitio ortum ducit, ordiamur.

### C A P. III.

#### *De facultate sentiendi.*

#### §. 497.

Cum res, corpori nostro præsentem, nobis repræsentamus, tum dicimur illas *sentire*, & ipsæ illæ repræsentationes rerum, corpori nostro præsentiam, dicuntur *sensationes*. *Facultas* autem *sentiendi* est potentia animæ nostræ, sensationes, sive sensationes habendi.

SCHOL. Ut vero sensationis natura, & indoles rectius intelligatur, a Wolffio, & Bilfingero recensentur criteria, quibus *corpus nostrum* ab omnibus aliis corporibus distinguitur. Præcipue vero *corporis nostri* characteres hi sunt. (1) Ex innumeris corporibus illud vocamus *nostrum*, pro cujus relatione, situ, & operatione, reliqua corpora nobis repræsentamus. (2) In quo, comperimus, motus fieri ad imperium voluntatis. Conf. Bilfingeri *disputat.* p. 34. Corpori autem nostro præsens dicitur illud, quod

quicquid in ejus organis sensoriiis mutationem producit.

§. 498. *Organa sensoria* dicuntur membra in corpore nostro, in quibus mutationes, cujusvis structure convenientes, in sentiendo contingunt.

SCHOL. Quinque ejusmodi organa sensoria corporis nostri deprehendimus, oculum, aurem, nares, linguam cum papillis suis, & fibrillas nerveas, per totum corpus dispersas. Inde oriuntur quinque sensus, ( $\alpha$ ) *visus*, qui est facultas, corpora per mutationes, in oculo factas, sentiendi, ( $\beta$ ) *auditus*, qui est facultas, corpora per mutationes, in *aure* factas, sentiendi, ( $\gamma$ ) *olfactus* sentit corpora per mutationes, in *naribus* factas, ( $\delta$ ) *gustus* sentit corpora per mutationes, in *lingua* ejusque papillis factas, (\*) *tactus* denique corpora sentit per mutationes, in fibrillis nerveis factas.

SCHOL. Hos sensus, quia nobis corpora, extra nos posita, sistunt, vocamus *externos*. Addunt non nulli *sensus internos*, cum scilicet anima proprias suas cogitationes, & cupiditates percipit.

§. 499. Cum sensationes sint representationes rerum, corpori nostro presentium, (§. 497.) id autem omne corpori nostro *prasens* esse dicatur, quod in ejus organis sensoriiis mutationem producit, (§. 497.) intelligis, recte a nonnullis quoque *sensationes* definiri per representationes rerum, in corporis nostri organi sensoriiis mutationem producentim.

§. 500. Cum itaque in omni sensatione ( $\alpha$ ) in organi nostri corporis sensoriiis mutatio produci debeat, (§. 499.) ( $\beta$ ) illa mutatio, a rebus, extra nos positis, in organis nostris sensoriiis producta, ab anima representetur, (§. 499.) perspicuum est, nec solum corpus, nec solum animam sentire, sed alio perfungi officio corpus, alio animam, eodem tamen tempore.

SCHOL. Corpus concurrit ad sentiendam, *recipiendo* mutationes ab extra in organis ipsius sensoriiis,

foriis, anima concurret *representando* illas mutationes in corporis organis sensoriis facta. Ut hæc evidentius pateant, addo exemplum. Cum fragorem tonitruui, aut explosi tormenti, auditu percipis, tum id ita contingit, ut motus aeris tremulus, qui percussione, & vehementi dispendio corporum solidorum, aut fluidorum producitur, ad aures subito deferatur, per illarum flexuosos, & tortuosos anfractus continuetur atque ibi reconditum auditus organum percellat. Hæc ad corpus. Quod cum fit, oppido anima sibi mutationes in auribus factas præsentat.

§. 501. De sensationibus per experientiam observamus, alteram istarum esse altera sæpius clariorem, & fortiolem, alteram debiliolem, & obscuriorem.

EXEMPL. Cum e. gr. auditu percipis fragorem tormenti bellici, tum illam sensationem, comperies, esse fortiolem illa, qua dulces lusciniæ, pone sedentis, modulationes percipis.

§. 502. *Sensatio fortior suppressit sensationem debiliolem, uti lumen majus obscurat lumen minus.*

*Demonstr.* Hanc positionem quotidiana confirmat experientia, qua edocemur, & ratione *visus*, ita sensationes esse comparatas, ut, lumine solis exsplendescente, lumen stellarum debilius fiat, nec amplius compareat, & in auditu eandem esse rationem: Sonus enim tympanorum, vel tormentorum fragor impediunt, quo minus musicam, aut vocem loquentis nobiscum audiamus. Quod idem obtinet in aliis omnibus sensationibus.

§. 503. *Quando objecta externa revera, & actu ipso in organa sensoria agunt, in iisque mutationem produciunt, non est in potestate anima, utrum, sentire velit, nec ne.*

*Demonstr.* Hæc propositio itidem nititur experientia. Ad quam cum attendimus, reperimus, cum radii objecti alicujus visibilis, solis e. gr. in oculis mutationem produciunt, non esse arbitrii nostri

nostri, utrum videre solem velimus, nec ne. Cum porro fragor tormenti illabitur, in aures nostras, non est in potestate nostra, utrum ipsum audire velimus, nec ne &c.

§. 504. Possumus tamen impedire sæpius, quo minus objecta extrinseca in organis nostris sensoriis mutationem producant. Atque catenus sunt sensationes in potestate nostra. Possumus e. gr. si volumus, radios solares, aut fragores tormentorum in oculos, auresve illabi; oculos claudere, aut aures obturare, aut procul abire, quo minus in nobis mutationes ejusmodi moleste producantur.

§. 505. *Non est penes animam nostram, qualem ipsa sensationem esse velit.*

*Demonstr.* Hanc propositionem stabilit, firmatque etiam experientia. Hac enim magistra, discimus, non esse arbitrium nostri, utrum id, quod aures nostras offendit, sentire, & percipere velimus, tanquam sonum suavem ac gratum. Neque est in nostra potestate, frigus, tanquam calorem, amarum, tanquam dulce quid, & flagella, tanquam blandam titillationem, sentire.

SCHOL. Disputatum est recentius de sensationum necessitate, quam, fuerunt, qui negarunt, alia licet omnia sensu communi edocti. *Cel. Bilsingerus in dilucidat. p. 242.* mentem suam de iis, quæ circa sensationum necessitatem ultro citroque disputata sunt, brevissime, sed distincte aperit. „Poftis conditionibus, inquit, ad sentiendum necessarii, organo, objecto, & medio recte constitutis. (1) non est penes mentem, an velit admittere sensationem, habet illam necessario. (2) Non est penes illam, qualem eam sensationem esse velit. Est tamen in potestate mentis positum, ut possit organa eo flectere, quo velit, aut avertere, cum velit, item, ut unam sensationem possit depellere per alteram sensationem fortio-rem.

SCHOL. Alii necessitatem sensationum ita enunciant;



ciant: sensationes sunt necessariae, ratione *adessentia*, & ratione *qualitatis*; sunt liberae, ratione *præliminarium*.

§. 506. Ex his intelligi potest, regulam sensationum esse hanc positionem: *Si objecta extrinseca in organis corporis sensorii mutationes producant, tum illa mutationes representantur in anima.*

## C A P U T IV.

*De legibus motus.*

§. 507.

**E**Xperientia quemlibet condocet, nos non ea modo, quæ coram sunt, & quæ nobis fiuntur præsentia, sentire, percipere, & nobis repræsentare, sed ea quoque, quæ jam olim sensu percepimus, quæque nunc absentia sunt nos denuo nobis tanquam præsentia, repræsentare, posse.

SCHOL. Fac, te, vel heri, vel nudius tertius, vel superioribus diebus fuisse in convivio, fac te vidisse multos illustres, & eruditos viros, te item aut doctos sermones, aut musicam audivisse; omnes hos, vel eruditos viros vel doctos sermones, nec non musicam, vivide tibi, licet fueris absens, poteris repræsentare.

§. 508. Facultas, res absentes, tanquam præsentæ denuo sibi repræsentandi, & perceptiones, jam olim habitas, reproducendi, dicitur *facultas imaginandi*. Ipse autem actus mentis nostræ, quo res absentes olim perceptas, de novo tanquam præsentæ, nobis repræsentamus, dicitur *imaginatio*, sive *phantasia*. Ipsa autem res, quæ ab imaginatione denuo producit, dicitur *phantasma*.

§. 509. *Nihil nobis imaginari possumus, nisi quod antea sensibus perceperimus.*

*Demonstr.* Cum enim imaginatio nihil aliud sit.,  
quam

## 238 DE FACULTATE IMAGINANDI.

quam facultas, ea, quæ olim sensibus percepimus, denuo repræsentandi, (§. 308.) perspicuum est, nihil nos nobis posse imaginari, nisi quod antea a nobis sensu fuerit perceptum.

SCHOL. Hinc est, ut nonnulli imaginationem vocent *continuatam sensationem*. Imaginatione enim id, quod antea sensimus, percipere, & repræsentare nobis continuamus: sic e. gr. nemo sibi poterit Romam imaginari, nisi vel ipsam viderit, vel ab aliis descriptam audiverit.

NOT. Puto, huc pertinere illud, quod veteres dicebant: *Nihil est in intellectu, quod non antea fuerit in sensibus*.

§. 510. *Hoc facilius, quamque rem nobis imaginamur, quo, clarius & distinctius eam olim sensimus; hoc autem difficilius, & ægrius rem aliquam nobis imaginamur, quo eam obscurius, & confusus antea sentiebamur.*

*Demonstr.* Experientia testatur, nos, cum ædificium aliquod, secundum structuram, magnitudinem, & partes singulas, vidimus, & attente contemplati sumus, nos, inquam, illud facillimo negotio nobis denuo posse repræsentare, etiamsi fuerimus absentes, longeque ab ipso remoti. Sed fac, te velle tibi gustum cibi cujusdam, quem semel tantum degustasti, imaginari, tum, difficilius imaginationem suo defungi officio, comperies. Cibi enim dulcedinem confuse admodum, nec secundum omnes partes, sentiebas.

§. 511. *Quo recentior fuit sensatio, & quo crebrius repetita est sensatio, eo etiam vividior, & fortior est imaginatio.*

*Demonstr.* Deprehendimus id in vita communi, & quotidiana experientia. Cum recentissime interfuisti in templo orationi sacræ, tum universa hominum concio, multorumque, quos ibi vidiisti facies menti tuæ, licet absens fueris, vividissime sistetur. Fac vero, te, longo temporis spatio interjecto, velle tibi homines, quos cœspexisti

xisti olim in templo, rursus, ope imaginationis, repræsentare, tum difficilior procedet negotium. aliquas jam imagines in mente evanuisse, animadvertes, nonnullæ vero obscuriuscule tibi se exhibebunt, &c. Ut adeo inde recte conficias, hoc vividioris esse, & fortioris imaginationem, quo recentior fuit sensatio.

Quod vero, quo crebrius repetitur sensatio, eo fortior, & vividior sit imaginatio, id comprobare poterunt illi homines, qui, computationibus assueti, hoc plus potare volunt, quo plus jam potarent. Ratio est in promptu, si enim quis semel iterumque, ac tertio vini persensit dulcedinem, tum semper imaginatio, fortius operata, & pabulum quasi quoddam nata, clarius & vividius eam menti sistit dulcedinem.

SCHOL. Hinc fit, ut, qui semel iterumque ac tertio, vitiorum irretiti illecebris, se vitiorum constituendos dederunt vinculis, vix ac ne vix quidem ex iis expedire queant, imaginatione fortissime operante, & vividissime vitiorum delicias nobis repræsentante, ad similia vitia exstimulati.

§. 511. *Imaginatio, cum sola, quiescentibus cæteris sensibus externis, operatur, majori claritatis gradu gaudet, quam cum una cum sensibus externis operari debet.*

SCHOL. Id ipsum experientia quoque testatur, qua edocti non ignoramus, tum, cum in statu somni versamur, & externi sensus plane quiescunt imaginationem multo fortius, & vividius operari, quam, cum vigilamus, & nunc sensu auditus, nunc sensu visus &c. in imaginando turbamur, Hinc intelligis, ( $\alpha$ ) cur homines, quorum interest, ideas imaginationis esse clariores, oculos claudant, si imaginatio fortissime operari debeat. ( $\beta$ ) Planum hinc fit, cur imaginatio in tenebris melius operetur. ( $\gamma$ ) Cur literati, qui imaginatione alia, aliave objecta sibi volunt repræsentare, se-

secessum ament, & a turbis, ac celebritate hominum remoti esse cupiant.

§. 513. Cum per imaginationem absentia nobis representemus; absentia autem sint infinite multa, debet adesse ratio sufficiens, cur imaginatio *hanc* potius rem absentem, quam aliam, producat.

§. 514. Hanc rationem sufficientem deprehendimus in quadam idearum similitudine, si scilicet aliquid, quod in earum una est, reperitur etiam in altera, aut, si quis duas sensationes simul habuit, earum una recurrente, altera quoque, quæ olim cum priori simul existit, reddit.

SCHOL. Ponas, te commeare Lipsiam, atque in foro hominumque turba occurrere tibi personam, quæ facie aliisque linearum dotibus gaudeat, qui lineis facieique amici cujusdam absentis, aut patris tui sunt similes, oppido amicus ille absens, aut pater tuus tibi per imaginationem representabitur: Ratio hic latet in observata idearum similitudine.

SCHOL. Ponas, te in convivio olim plures personas simul vidisse, cum iisque hilariter vixisse. Fac tibi, nec opinanti, longum post temporis spatium, Cajum, qui simul tecum convivio interfuit, obversari. Mox, Cajo conspecto, totum denuo tibi representabitur convivium, omneque id, quod memoratu dignum in convivio contigit, menti tuæ sistetur. Ratio latet hic in eo, quod Cajum scilicet, & omnia ea, quæ in convivio contigerunt, simul senseris.

§. 515. Hanc idearum combinationem, quæ sui rationem sufficientem in similitudine observata habet, vocant philosophi *Associationem idearum*. Quandoquidem vero hæc idearum combinatio constanter observatur, eumque perpetuo servat ordinem imaginatio, ut, vel minima similitudine observata, confestim recurrant omnes illæ idæ, quæ per sensationem, eodem tempore factam, produce-

ban-

bantur, factum hinc est, ut philosophi certam constituerint legem, quam *legem sive regulam imaginationis* appellant.

§. 516. *Lex autem imaginationis* continetur hac propositione: *Perceptio præterita integra redit, cujus præsens perceptio tantummodo partem in se continet*. Alii legem imaginationis ita enunciant: *Si quæ simul sensimus, & unius sensatio denuo producitur, imaginatio producit & perceptionem alterius*.

SCHOL. Hanc imaginationis legem, & rustici plebe iique omnes, & eruditi norunt, confuse illi quidem, at hi distincte. Quin, ipsa bruta secundum legem imaginationis actiones suas instituere, comperimus. Quid est, quod canis, baculo conspecto, suffugiat? scilicet cum baculum conspicit, recurrunt ipsi, occasione baculi, tædiosa ideæ verberum, baculo ipsi infligatorum, idque per legem imaginationis, vi cujus, producta una sensatione, recurrunt simul omnes, quæ cum producta perceptione olim erant conjunctæ.

§. 517. Ex hac imaginationis lege, quam *Lockius de intellectu humano lib. 2. c. 33. p. 485. seqq.* primus distincte explicavit, innumeri casus, cum in vita civili, tum in christiana, exponi, & expediti possunt.

NOT. *B. Buddens in Theologia moralip. m. 170.* in primis tradit, quod imaginationis lex in explicandis vehementioribus affectibus valeat, quemve item idearum associatio nobis præstet usum in discrimine naturæ, & gratiæ recte intelligendo.

§. 518. Cæterum, quemadmodum imaginatio est continuata sensatio, (§. 509.) sensationes autem non semper in nostra sunt potestate, (§. 503.) ita quoque, imaginationes non semper in potestate nostra esse, patet.

SCHOL. Experimur id ipsum fere quotidie. Si enim quis imaginem viderit obscenam, aut librum scædum legerit, sibi imaginem obscenam, post  
*Baum, Metaph.* Q *mul.*

multum temporis spatium, identicum obversari, sentiet, velit, nolit.

§. 519. Quatenus tamen organa nostra sensoria ab objectis externis possumus avertere, ne eadem sentiamus, eatenus imaginationes quoque sunt in nostra potestate.

SCHOL. Si tua interest, imaginem obscuram non tuis obversari oculis, avertas oculos ab eadem, omnique modo impedire allabores, quo minus imaginem ob viam aspicias. Aut, si, imaginatione productæ ideæ mentem tuam turbare non debent, poteris alias res quascunque sensibus tuis obijcere, ut ita per sensationem fortiorem depellatur debiliior.

## C A P U T V.

### *De facultate fingendi.*

#### §. 520.

Quemadmodum anima nostra gaudet facultate, res absentes, sive phantasmata sibi repræsentandi, (§. 508.) ita in ipsa quoqueprehendimus potentiam, & vim, res, quas imaginatio sibi sistit, pro arbitrio vel combinandi, vel dividendi.

SCHOL. Potes tibi *alas*, licet absentes, imaginationis adminiculo, repræsentare. Repræsentare tibi quoque potes *equum*. Has denique ideas, imaginatione productas, potes pro arbitrio componere, ita quidem, ut sistere tibi possis equam alatum. At hoc modo, inquires, poterimus quid imaginari nobis, quod tamen nunquam vidimus, quod est contra §. 508. *Respond.* Possumus quidem plura phantasmata inter se componere, ut inde emergat res aliquæ, quam nunquam vidimus; at partiales tamen ideas, vel phantasmata, quæ componis

nis te sensibus usurpasse, oportet. Quamvis non videris equum alatum, alas tamen, & equum tanquam parciales ideas, & phantasmata, ex quibus equus alatus componitur, senseris, necesse est.

§. 521. Hæc idearum combinatio, vel divisio, ab imaginatione pro arbitrio producta, si ita instituitur; ut nullum extra mentem objectum ideæ totali productæ respondeat, tunc appellatur *fiçtio*, ipsa autem mentis potentia ita ideas, vel combinandi, vel pro arbitrio dividendi, dicitur *facultas fingendi*.

EXEMPL. E. gr. Cum poetæ Harpyias sibi repræsentant; combinant faciem virgineam flavam comam, alas & corpus accipitris, aures ursinæ, manus humanas. Ex qua arbitraria plurium rerum combinatione exsurgunt monstra illa, quæ Harpyias vocant. Fingunt hic poetæ. Plures enim ideas pro arbitrio, & libitu combinant, atque id ita quidem, ut inde emergat idea aliqua totalis, cui nullum extra mentem objectum respondet. Ecquis enim unquam vidit ejusmodi monstrum? Ecquis comprobabit, dari Harpyias, nisi in poetarum cerebro?

§. 522. Cum fingimus, tum aut res, & ideas, sibi repugnantes, & contradicentes, combinamus, aut jungimus ideas, quarum una alteram non tollit. In hoc casu dicuntur *fiçtiones impossibiles*, in illo vero appellantur *fiçtiones impossibiles*, sive *chimæra*.

SCHOL. Ad fiçtiones possibiles referimus fabulas nonnullorum, eleganter confectas, item plures fiçtiones in philosophia. Cum e. gr. nobis universam gentem, & societatem, tanquam personam individuum; repræsentamus, atque exinde officia gentis erga gentem deducimus. Ad chimæras autem, sive fiçtiones impossibiles, pertinet respublica Platonica, cæcorum item respublica.

§. 523. A fiçtionibus dependet magna ex parte

ars inveniendi architectorum . Ars item pingendi , sculpendi , & architectura hortensis nituntur fictionibus .

NOT. Quid fictiones generatim præstent in veritatibus inveniendis , id vero præclare ostendit *Cl. Koehlerus in dissertat. de fictionibus heuristis* , *Jena 1724. habita.*

## C A P U T VI.

*De statu vigiliarum , somni , & somni .*

## §. 524.

**E**X his , quæ de sensationibus , imaginatione , & fictione dicta sunt , clare nunc , & perspicue poterit intelligi , quid sit *vigilia* , *somni* , *somniisque status* .

§. 525. Quando anima nostra in eo est statu , ut objecta externa in corporis organis sensoriiis mutationem producant , & ipsa res extrinsecas clare sentiat , tum dicimur *vigilare* .

Dum vero in eo versatur anima statu , ut nihil clare sentiat , nihilque clare imaginetur , tum dicimur *dormire* , & ille status dicitur *somnus* .

§. 526. *Somnium* autem est inter *somnium* , ac *vigiliam* status medius . In somnio enim anima quidem objecta externa clare non sentit , sed tamen ea , quæ in statu *vigiliæ* jam clare percepta sunt , clare sibi imaginatur .

\*. 527. *Somnia* . itaque , patet , esse imaginationes , quæ solæ , sine sensationibus coexistentibus , in anima existunt .

§. 528. *Somnia* itaque majori gaudere gradu claritatis , non mirum est . ( §. 512. )

§. 529. *Somniare non possumus , nisi de rebus , sensu perceptis .*

*Demonstr.* Cum enim *somnia* sint imaginationes , ( §. 527. ) imaginari autem nihil nobis possumus , nisi



nisi quod sensibus percipimus, (§. 508.) manifesta est ratio, nihil nos in somniis nobis posse imaginari, nisi quod jam a nobis sensu fuit perceptum.

§. 530. Cum autem teste experientia, anima nostra phantasmata pro arbitrio vel combinet, vel separet, (§. 520.) non mirum est, animam in somnio, nullis quippe sensibus externis turbatam, fortissimeque operantem, experiri sæpius phantasmata, & plures imagines, antea seorsum perceptas ita combinare, ut inde emergant imagines monstruosæ, formidolosæ, & terribiles.

§. 531. *Anima nostra in somniis operatur secundum legem imaginationis.*

*Demonstr.* Cum enim somnia sint imaginationes, (§. 527.) facile intelligis, animam operari in iisdem secundum legem imaginationis, (§. 516.)

EXEMPL. E. gr. Fac, te antequam cubitum ii, vel legisse quid, vel cum amico sermones contulisse de spectris, oppido imaginatio, quiescere nescia, & moleste sedula, formidolosis imaginibus, te dormientem turbabit. Ex quibus imaginibus, si una, alterave vestimento rubro induta, tibi comparuerit, confestim, ob similitudinem coloris, imaginatio bellum, & funestam cladem tibi sistet. Atque ita inter tormentorum bellicorum fragores, & tympana versaberis. Si datum nobis esset, ad omnia, quæ in somnio obveniunt, attendere, profecto totius phantasmatum successionis rationem ex lege imaginationis effemus reddituri.

§. 532. Fit nonnunquam, ut, dum somniamus, clare agnoscamus, quid somniemus; tum somnium appellatur *clarum*. Fit vero quoque, ut, quod somniaverimus, non satis agnoscamus; tum somnium appellamus *obscurum*.

SCHOL. Cum clarum fuerit somnium, tum expergefacti omnium eorum, plerorumque certe, quæ somniavimus, recordari possumus; aliisque som-

nium speciatim enarrare . Quod non item licet in somnio obscuro .

## C A P U T VII.

*De memoria, oblivione, & reminiscencia.*

## §. 533.

**E**Xperientia teste, novimus, animam nostram perceptiones, jam olim habitas, non modo posse reproducere, sed reproductas quoque ideas recognoscere, quod eadem sint, quas jam antea habuimus.

EXEMPL. E. gr. Vides florem aliquem peregrinum in principis alicujus horto. Quem dum Dresdæ intueris simul autem tibi conscius es, te jam illum ipsum florem olim vidisse Lipsiæ, reproductam ideam floris recognoscas, quod eadem sit quam jam ante habuisti.

§. 534. Facultas animæ, ideas reproductas recognoscendi pro iisdem, quas jam antea habuimus, vocatur *Memoria*.

SCHOL. Ita notionem *memoria* determinat Cl. Wolffius in *Psychol. Empir. Lat.* p. 123. Sunt ex veteribus, qui, *memoriam idearum receptaculum* esse, dicunt. Alii eam facultatem, ideas, sive perceptiones, jamdudum habitas, reproducendi appellant. Sed illi vocabulo usi metaphorico, leges definendi migrant. Conf. *Logic.* §. 169. Hi vero imaginationem cum memoria confundunt. Aliud enim est, res objectas extrinsecus immediate percipere, quod est *sensuum*: aliud vero est, perceptiones, jam olim habitas, reproducere, quod est *imaginationis*; aliud denique est, ideas, ab imaginatione reproductas, recognoscere, quod eadem sint, quas jam olim habuimus, id quod operatio est *memoria*. Quod aliud quid sit, ideas reproducere,

*cere*, aliud vero quid *recognoscere*, quod *idea* reproductæ eadem sint, quas jam olim habuimus, quodque usui loquendi convenienter, & recte determinetur notio memoriæ, intelligi potest, si ad sequens attenditur exemplum. Annon sæpius contingit, tibi que usu venit, ut, si quid legisti in libro quopiam, imaginatio quidem ideam istam in mente reproducat, sed tibi sis non sigillatim conscius; te ex, quæ jam in mente tua reproducur, in libro isto legisse. Quod cum sit, memoriæ hunc defectum imputas. Vides, notionem memoriæ usui loquendi convenienter determinari, cum per illam intelligitur facultas, ideas ab imaginatione reproductas, recognoscendi, quod eadem sint, quas olim habuimus.

§. 535. Impotentia animæ, perceptionem reproductam recognoscendi, quod eadem sit, quam jam olim habuimus, dicitur *Oblivio*.

§. 536. De memoria nos docet experientia sequentia:

I. Facile memoriæ mandamus ea, quæ vel diu, vel sæpius percipimus, vel frequentius ruminamur, & repetimus.

II. Facilius quodque ea mandamus memoriæ, quæ distincte percipimus, quam quæ confuse.

III. Felicior est memoria, quæ res perceptas *plures cito* arripit, & *din* retinet.

SCHOL. Ut adeo bonitas memoriæ ex sequentibus æstimetur. Si quis ( $\alpha$ ) *plurima*, ( $\beta$ ) *cito*, & *facile* memoriæ mandat, & ( $\gamma$ ) memoriæ mandata *din* retinet, bona gaudere dicitur *memoria*.

§. 537. Fit nonnunquam, ut *idea*, ab imaginatione reproducta, obscura sit, & ne quidem recognoscatur; tum solemus, cum repræsentatio, ab imaginatione reproducta, recognosci debet, eam in claram, & distinctam computare, idque ita, ut nonnullæ, vel temporis, vel loci circumstantiæ allegentur, quibus mediantibus, *idea* reproducta clara fiat.

SCHOL. Fac, tibi, Lipsiæ commoranti, in foro Titium obviam venire, cum quo, ante decem, amplius, annos in convivio aliquo Dresdæ simul fuisti: Fac, te non posse recognoscere, quod idem sit Titius, quem olim vidisti Dresdæ in convivio, tum allegabit Titius aliquas circumstantias, quæ olim in convivio adfuerunt. Atque, his mediantibus circumstantiis, recognosces tandem, eundem esse Titium, quem olim Dresdæ vidisti.

§. 538. Facultas animæ, perceptiones præteritas mediantibus quibusdam circumstantiis, reproducendi, & recognoscendi, & obscuras ideas, jam olim habitas commutandi in claras, & distinctas, dicitur *reminiscentia*.

EXEMPL. Cum e. gr. Titius, in nundinis Lipsiensibus tibi occurrens, allegat quasdam loci, temporisque circumstantias, quibus mediantibus, possis recognoscere, quod idem sit Titius, quo cum vixisti Dresdæ, tum dicis, allegatis circumstantiis: Jam modo recordor &c.

§. 539. Hæc quidem hætenus de cognoscendi facultate, ejusque parte inferiori. Ad quam retulimus omnes illas animæ operationes, & facultates, quas cum brutis habemus communes. Bruta, ut homo, sentiunt, imaginatione, & somniis gaudent, recordantur, reminiscuntur. Nunc ad eas progrediemur operationes, & facultates, quas sibi homo proprias vindicat. Atque huc pertinent facultas attendendi, & reflectendi, ratio, intellectus, abstrahendi item potentia &c.

## DE FACULTATE

COGNOSCENDI,

*ejusque parte superiori.*

## CAPUT I.

*De facultate attendendi, & reflectendi.*

§. 540.

**O**Rdinis exigit ratio, ut, expositis iis, quæ ad facultatem cognoscendi, ejusque partem inferiorem pertinent, ea nunc exponere aggrediamur, quæ ad facultatis cognoscitivæ partem superiorem spectant. Huc vero referuntur omnes illæ operationes animæ nostræ, per quas res cognoscimus distincte, quasque cum brutis plane non habemus communes.

§. 541. Deprehendimus per experientiam, nos posse efficere id, ut perceptionis *A*, nobis magis simus conscii, quam perceptionis *B*, adeoque ut perceptio *A*, clarior evadat, quam cæteræ omnes perceptiones, quæ cum *A*, una adsunt.

EXEMPL. E. gr. Efficere possumus, ut, cum in quandam ingressi bibliothecam, multos contemplantur libros, unum eorum speciatim possimus considerare, atque id ita quidem, ut hujus libri, quem præ cæteris omnibus nunc intuemur, & inspicimus magis, & clarius nobis simus conscii, quam cæterorum omnium, qui simul se visui nostro exhibent.

§. 542. Cum efficimus, ut unius rei *A*, magis nobis simus conscii, quam cæterarum, quarum æque po-

poteramus nobis esse conscii, tum illi rei *A*, dicimur attendere.

EXEMPL. Attendis e. gr. in bibliotheca illi libro, quem nunc præ cæteris omnibus in bibliotheca conueris. Attendis sermoni oratoris, si illius tibi magis fueris conscius, quam aliarum rerum, quas eo tempore tibi poteras representare.

§. 543. *Attentio suis gaudet gradibus*. Eo major est attentio, quo (*α*) diutius quis cogitationes suas ita potest in objecto aliquo defigere, ut singula, in objecto occurrentia, acie mentis pervadat, & pertinet. (*β*) *Attentio eo major est, quo pluribus objectis simul eodem tempore possumus attendere*. (*γ*) *Attentio major est, si quis, inter multos strepitus, cum multa objecta extrinseca feriant organa sensoria, rei alicui potest attentione ita inhæere, ut rerum, sensus ferientium, propemodum sibi non amplius sit conscius*.

EXEMPL. Ut hi gradus pateant evidentius, sequens addo exemplum. Cum quis, qui philosophiæ operam dat, ita potest demonstrationi attendere, ut omnes propositiones, in demonstrationis catena, longa serie connexas, sigillatim sibi sistere possit, &, quo quæque nexu cum altera sit conjuncta, distincte perspiciat, tum ejusmodi hominis attentionem permagnam esse, dicimus. Hanc, in diu conservanda attentione, patientiam summam, reperimus in maximis quibusque mathematicis, & exercitatis philosophis. Cum porro quis, & epistolam scribere, &, eodem tempore, pluribus alijs epistolas diversi argumenti dictare, & omnibus, ac singulis speciatim attendere potest, tum vero magnam ejusmodi attentionem miramur. Julius Cæsar exemplo hic nobis esse potest, quem accepimus, id præstitisse.

§. 544. *Quemadmodum, experientia teste, attentio continuo nec interrupto exercitio, & acquiritur, & augetur, ita, per sensus, & imaginationem*.

ginationem, omnesque confusas repræsentationes, attentionem turbare, & minui, itidem constat.

EXEMPL. Cum e.gr. quis quotidie demonstrationes mathematicas, & philosophicas, vel legerit, vel ab aliis propositas audiverit, vel denique ipse eas confecerit, id tandem, succedente tempore, consequetur, ut connexionem multarum propositionum, in demonstratione longa serie concatenatarum, facili negotio queat perspicere. Quod idem juvenis minus exercitatus vix poterit præstare.

SCHOL. Quod vero sensus, & imaginatio turbent, & minuant attentionem, tuo ipsius exemplo quotidie condoceris. Fac, te in museo libris asfidere, & demonstrationi mathematicæ, a VVolfio prolata, attendere. Fac vero, vel fragorem tormentorum, vel horrifonum tympanorum strepitum ex improvviso aures tuas ferire, tum de repente omnis evanescet attentio. Fac quoque, te, cum legis librum, argumento cuidam difficili attendere, imaginationem autem, imaginem heri visam, tibi reproducere, tum extemplo omnis turbatur attentio.

§. 545. Cum attentio ita per partes continuatur, ut omnes partes, in toto occurrentes, speciatim contemplerur, tum ille mentis nostræ actus dicitur *reflexio*.

SCHOL. Reflexionem, & actum reflexum vocabant veteres illam animæ actionem, qua se ipsam, & suas operationes cognoscit. Sed significatus vocis *reflexionis*, uti a nobis determinatur, usu communique sermone receptus est. Fac e. gr. horologium tibi offerri. Fac, te velle super illud reflectere. Quid agis? Annon omnibus rotulis, in horologio occurrentibus, sigillatim attendis? Annon omnes catenulas speciatim consideras? Vides, in reflectendo attentionem continuari per singulas, & minimas alicujus rei partes.

§. 546. Intelligis hinc:

I. Quid sit, cum animam super se ipsa, & actionibus

nibus suis reflectere dicimus: In hoc casu anima ad omnia partialia, & omnes suas speciales actiones attendit.

II. Hinc patet, ea omnia, quæ de attentione dicta sunt, (§. 542.) valere quoque de reflexione.

III. Quæ igitur attentionem turbant, & minuunt, ea reflexioni quoque obstant.

§. 547. *Mediante reflexione, a cognitione clara, & confusa ad distinctam cognitionem intellectu progredimur.*

*Demonstr.* Cum enim, ope reflexionis, partialia, in re quapiam obvia, sigillatim nobis repræsentemus, (§. 545.) ejusmodi autem repræsentatio rerum, quæ notas, & partes alicujus rei nobis sigillatim repræsentamus, dicatur *cognitio distincta*, (§. 75. Log.) manifestum est, mediante reflexione, a cognitione clara, & confusa ad distinctam cognitionem nos progredi.

## C A P U T II.

### *De Intellectu.*

#### §. 548.

**S**upra jam, & in Logicis, a nobis probatum est, *variā esse nostram rerum repræsentationem, & cognitionem, confusam aliam, aliam distinctam* (Conf. §. 494.)

§. 549. Facultatem, res distincte repræsentandi dicimus *intellectum*.

SCHOL. Vox *intellectus* tam late interdum patet, ut per eam a nonnullis philosophis omnis cognitio humana, sive confusa illa sit, sive distincta, intelligatur. Ita novimus, a veteribus animæ nostræ assignari duas potentias; intellectum scilicet, sive facultatem repræsentandi, & voluntatem, si-



ve facultatem appetendi. Per intellectum itaque facultatem cognoscendi generatim intelligebant, Vox autem intellectus multo aliter determinari debet. Attendas ad usum loquendi. *Intelligere* nos tum demum rem aliquam recte dicimus, si eam distincte, & cum suis notis characteristicis representaverimus, &, *intelligibiter explicare* quid, nos dicimus, cum ita illud explicamus, ut rationem interiorum, & notas rei allegemus. Intellectus itaque recte definitur per facultatem, res *distincte* representandi. Si intellectus sensuum, & imaginationis confusas representationes sub se complectitur, quidni etiam brutis intellectum tribuimus?

§. 550. Ex his intelligis:

I. Eo majorem esse intellectum, quo *plura* sibi distincte representare potest.

II. Major itidem est intellectus, si *plura distinctius* sibi representat.

III. Maximus itaque, & perfectissimus intellectus ille est; qui ( $\alpha$ ) *omnia possibilis*, ( $\beta$ ) *distinctissime*, & *adequatissime*, ( $\gamma$ ) *unico actu*, & *simul*, sibi representat.

§. 551. Per experientiam deprehendimus, nos nec *omnia* nobis representare, nec, quæ nobis representamus, ea distinctissime nos nobis sistere. Adeo, vides, intellectum humanum, cum quoad *objectum*, tum quoad *modum representandi*, esse limitatum.

§. 552. *Intellectum purum* dicimus, ubi res eo distinctionis gradu nobis representamus, ut nulla sensuum imaginationisque confusa representatio sit admixta. *Intellectus impurus* est, cum res nobis ita representamus, ut multas adhuc sensuum, & imaginationis confusas ideas admixtas inveniamus.

EXEMP. Cum e. gr. quis, in Metaphysicis versatus, notiones abstractas *spatii*, *essentia*, &c. tam distincte sibi representat, ut nullis imaginibus sensu-  
turalibus, ad eas recte intelligendas, opus habeat,  
tum

tum hac intellectus operatio pertinet ad intellectum purum. Si vero quis sibi notionem spiritus, sine imagine quadam sensuali, formare nequit, tum illud est indicium intellectus impuri.

§. 553. *Intelligitur hinc, in hac vita nec dari intellectum perfecte purum, nec dari posse.*

*Demonstr.* Cum enim; & quoad modum representandi, & quoad objectum, intellectus noster limitatus sit; adeoque non omnia distinctissime sibi representare possit, (§. 551.) facile intelligitur; multas adhuc sensuum, & imaginationis confusas representationes esse distinctis animæ representationibus intermixtas. Quo ipso patet, nec dari; nec dari posse in hac vita; intellectum perfecte purum.

NOT. Equidem non nego; & mathematicos, & philosophos, tam abstractas sibi formare rerum ideas posse, ut, omnem confusam sensuum imaginationisque representationem abesse, crederes; At, re rite expensa, deprehendes, etiam subtilissimis, & maxime abstrusis conceptibus admixtas esse confusas sensuum, & imaginationis ideas.

§. 554. Operationes, quas intellectui debemus, sunt potissimum sequentes. (α) Format intellectus *ideas*, sive *notiones*. (β) Ideas vel conjungit, vel separat, ex quo nascitur *judicium*. (γ) Ex judiciorum conjunctione derivat novum judicium, unde oritur *rationium*.

NOT. Addunt nonnulli quartam operationem, scilicet rationum concatenationem, sive demonstrationem.

§. 555. Cum de tribus hisce intellectus operationibus in institutionibus philosophiæ rationalis sufficienter a nobis actum sit, non est, cur iis explicandis immorari velimus. Quare paucis tantum hic exponemus, quæ qualesque sint *ideæ*, quas intellectus sibi format.

§. 556. Cum *ideæ* individuales sint representationes rerum præsentium; res præsentibus autem, sive

sive existentes, tantum ope sensuum, nobis representantur, (§. 497.) manifestum est, ideas individuales ab intellectu non formari.

§. 557. Ideis singularibus, sive individualibus opponuntur notiones universales; sive abstractæ (§. 103. 108. Log.) Cum itaque ideas singulares, sive individuales non intellectus formet, (§. 556.) palam est, universales, sive abstractas notiones tantum formari ope intellectus.

§. 558. Cum vero idea, sive notiones generum, & specierum, sint notiones universales, (§. 109. Log.) patet, ideas, quæ intellectu formantur, esse ideas generum, & specierum.

§. 559. Quid sit genus, quidve species, quæ item ratione notiones universales formentur, dictum est a nobis in Logicis (§. 105. 107.) Ibi enim demonstravimus, notiones generum, & specierum, tanquam notiones universales, formari non posse, nisi per abstractionem (§. 110.) Brevisissimis itaque tantum hic attingemus, in quo consistat abstractio, facultasque abstrahendi, animæ nostræ propria.

§. 560. Cum individua nobis representamus, tum ejusmodi res nobis sistimus, quæ omnimode sunt determinatæ, innumerisque involutæ circumstantiis, & characteribus exhibentur (§. 100.) Log. Si itaque notiones generum, & specierum, tanquam notiones universales nobis formare volumus, tum id ita fit, ut notas illas, & characteres, in quibus individua perpetuo conveniunt, separatim consideremus, illas autem determinationes, quæ in individuorum collatione non sunt perpetuæ, in mente paullisper separemus, & omittamus. Atque hoc ipsum est *abstrahere*. Notiones autem ita formatæ dicuntur *abstractæ*.

EXEMPL. Si e. gr. notionem *spei* formare volueris, tum opus est, ut plures casus individuales, in quibus *sperare* quidam dicuntur, consideres, & inter se conferas. Id quod in pluribus istis casibus

non

non perpetuo occurrit, mente separas ab iis determinationibus, quæ sunt in pluribus casibus perpetuæ & constantes. Id quod fit abstractione.

§. 561. Cum notiones abstractione formatæ, & universales, non in sensus incurrant, adeoque aliis coram monstrari nequeant, nobis summum Numen dedit *verba*, per quæ varietates rerum, maxime abstractas, a se invicem distinguere, & cum aliis communicare possumus.

EXEMPL. Sic e. gr. notio abstracta, & universalis *hominis* non incurrit in sensus, neque adeo alicui coram monstrari illa potest. Si tamen alter, quod sit homo, nosse voluerit, tum ipsi notionem *hominis* universalem poteris per verba ingenerare, dum scilicet recenseres notas illas, & characteres, quibus homo ab aliis omnibus rebus internosci possit.

§. 562. Cum rem nobis immediate repræsentamus, ita, ut illam coram intueamur, tum illa cognitio dicitur *intuitiva*. Cum vero res nobis, vel per verba, vel per alia quæcunque signa, nobis sistimus, dicitur illa cognitio *cognitio symbolica*.

EXEMPL. Si e. gr. solem præsentem intueris, tum illa cognitio solis dicitur *cognitio intuitiva*. Cognitionem autem symbolicam habes *spiritus*, si cogitas, spiritum nihil esse aliud, quam substantiam immaterialem, intellectu, & voluntate præditam.

§. 563. *Cognitio symbolica vel maxime facit ad ideas distinctas acquirendas.*

*Demonstr.* Cum enim cognitione symbolica, sive per verba, partes, & notas rei cujusque distinguamus. ( §. 561. ) consequens est, ut, ope cognitionis symbolicæ, ideas rerum distinctas acquiramus. ( §. 79. 80. Log. ) Atque adeo per symbolicam cognitionem ideas distinctas acquirimus.

SCHOL. Conf. Gollingii dissertat. de *Cognitione intuitiva. & symbolica*. in qua cum alia multa,

ad

ad perspicendam cognitionis intuitivæ, & symbolicæ differentiam, afferuntur, tum imprimis demonstratur, omnem nostram cognitionem universalem & distinctam vocabulis cæterisque signis ita niti, ut notio distincta eo momento designat, quo nulla amplius signa suppetunt.

§. 564. Acuti dicuntur oculi nostri, si plura in objectis, quæ se exhibent visui, possumus a se invicem discernere. Atque adeo *acumen* est in anima nostra nihil aliud, quam facultas, in uno objecto multa distinguendi.

EXEMPL. F. g. Cum quis notionem, vel *legis*, vel *obligationis* sibi format, atque in his notionibus plura distinguere a se invicem, & detegere novit, tam ejusmodi homini acumen tribuimus.

§. 565. Quo itaque plura in re quapiam quis distinguere nōtis hoc majus est acumen.

§. 566. *Acumen cum intellectu est connexum, & quo quis majori gaudet intellectu, eo majus in ipso est acumen.*

*Demonstr.* Cum enim intellectus, nihil sit aliud, quam facultas, distincte res sibi repræsentandi, (§. 549.) *distincte* autem rem quampiam nos nobis repræsentemus, si plura in ea, sive partiales notas a se invicem distinguere, separatimque nobis repræsentare possimus, (§. 78. Log.) intelligis, acumen quippe quod est facultas plura in re quapiam distinguendi, (§. 564.) pertinere ad intellectum. Cum præterea hoc major sit intellectus, quo distinctius sibi res repræsentat, (§. 550.) hoc autem distinctius intellectus sibi res repræsentet, quo plura potest in re repræsentata distinguere, (§. 78. Log.) manifestum est, hoc majus esse acumen, quo major est intellectus.

§. 567. Quod ad cæteras mentis operationes, judicium scilicet, ratiocinium, & demonstrationem attinet, iis recensendis supersedere possumus, propterea quod & judicii naturam, ratiociniorum, demonstrationisque varias

*Baum. Metaph.*

R

spe-

species in philosophia rationali, uberius excussimus.

## CAPUT III.

*De ingenio, ratione, rationisque analogo.*

§. 568.

CUM plures res inter se conferimus, tum experientia nos edocet, nos facile posse cognoscere, quid sit in rerum plurium representatione *simile*, quid *dissimile*. Facilitas, similitudines rerum observandi, dicitur *ingenium*.

SCHOL. Vox *ingenii* tam late patet sapius, ut per eam nonnulli intelligant universum complexum omnium facultatum, & virium mentis. Sic dicimus: Cajus est bono ingenio præditus. Id est, facile obvia quæque arripere, memoriæ mandare, & judicare potest. Usus tamen loquendi quemlibet conducet. Ingenium strictiori sensu nihil aliud significare, quam eam mentis facultatem, & promptitudinem, qua res inter se facile comparare, & rerum similitudines sine multo labore introspicere possumus. Ingenio e. gr. hæc deberetur locutio, si diceres: Prudens utitur divitiis suis, uti mendicus claudus subalaribus fulcris. Quemadmodum enim mendicus claudus subalaria fulcra non amat quidem per se, neque tamen ea abjicit, sed iis ad ambulandum opus habet, ita etiam dives divitias suas non abjicit quidem, neque tamen eas amat per se, sed eas retinet, usus, & necessitatis gratia.

§. 569. Hinc *ingeniosus*, ille dicitur, qui similitudines rerum facile observat.

NOT. Præ cæteris poetæ, & oratores sunt ingeniosi. Utuntur, & oratores, & imprimis poetæ, allegoriis, & metaphoris, quæ in rerum similitudinem fundantur,

§. 570.

§. 570. *Ad ingenium opus est attentione, & reflexione.*

*Demonstr.* Ope enim ingenii similitudines rerum observamus, (§. 568.) similitudo autem plurimum rerum ita observatur, ut tam ea, quæ in uno, quam quæ in altero adsunt, probe a se invicem distinguamus, & deinde, quatenus in utroque idem sit, attendamus. Quod cum, ut vides, fieri debeat ope attentionis, & reflexionis, (§. 549. 545.) Er. ad ingenium opus est attentione, & reflexione.

§. 371. Cum Systemata philosophica: sive ejusmodi libros, in quibus veritates, & propositiones universaliores proponuntur, & traduntur inspicimus, tum generaliores illas, & universales propositiones ita ordinatas deprehendemus, ut alix ex aliis demonstrari possint, & posteriores ex prioribus intelligi queant, cur sint veræ. Unde perspicuum est, propositiones, & veritates universaliores inter se connecti.

§. 572. Facultatem animæ nostræ, nexum veritatum universalium distincte perspicendi, dicimus *rationem*.

NOT. Philosophi in omnibus fere assertionibus suis ad rationem provocant; ipsi tamen, quod mirabile dictu, sententiam de ratione dicere jussi, in varias disstrahuntur sententias.

SCHOL. Prius vero, quam *rationis* vox determinari rite potest, duplex *rationis* acceptio probe est attendenda. I. Sumitur ratio *objective* pro ipso veritatum, & propositionum universalium nexu: Atque ita sumsisse videtur Leibnitius *rationem*, cum in discursu de conformitate rationis, & fidei, Theodiceæ præmissa, §. 23. rationem definit per catenam, i. e. nexum veritatum. II. Sumitur *subjective* pro facultate mentis nostræ, veritatum universalium connexionem distincte perspicendi.

SCHOL. Quod vero vox *rationis* recte ita deter-

minetur, id vero sequentibus comprobatur. Annon usui loquendi est conforme, cum dicimus: *Cajus vitam suam non instituit rationi convenienter*, cum quotidie comessatur, scortatur, & libris sepositis, studiisque liberalium artium posthabitis, eam vivit vitam, ut damna, ex ejusmodi dissoluta vivendi ratione oritura, plane non perpendat? Annon contra Sempronius vivit rationi conformiter, cum vitam suam instituit, futuras consecutiones, futuramque felicitatem, infelicitatemve continenter consideret, & ante oculos habeat? Vides his in exemplis, Cajum ideo *rationi non convenienter* vivere dici, quia nexum inter actiones suas actionumque consequentias non perspicit. Sempronius vero ideo ad rationis ductum vivit, quia non praesentia modo intuetur, sed simul mente cernit futura & eminus prospicit consecuturos actionum suarum eventus.

SCHOL. Cicero idem, quod nos, per rationem voluit intelligi. Ita enim ille in libro I. de officiis, Cap. IV. *Homo*, inquit, *quod rationis est particeps, per quam consequentias cernit, causas rerum videt, earumque progressus, & quasi antecessiones non ignorat, similitudines comparat, & rebus praesentibus adjungit, atque annectit futuras*. Quo quidem quid aliud innuit, atque indicat Cicero, quam hoc nos per rationem rerum, & veritatum nexum perspicere? Neque est, quod contra hanc rationis definitionem objicias, esse illam nimis angustam; dum ad rationem non modo requiratur, ut nexum veritatum respiciat, sed quoque, ut a bono malum, & a malo bonum distinguat, & verum, falsumque dijudicet. Sed distinguas, quae operationes intellectus ab operationibus rationis. *Formatio notionum universalium*, quam nonnulli rationi retribuant, non ad rationem, sed intellectum pertinet.

§. 573. Intelligi hinc & determinari possunt gradus



dum rationis. Quo longiorem scilicet veritatum nexum, quis potest perspicere, eo majori rationis gradu gaudet; quo brevior vero est veritatum nexum, qui perspicitur, hoc minor est rationis gradus. Ubi vero plane nulla veritatum connexio perspicitur, ibi non locum habet ratio.

SCHOL. Licet hinc intelligas, cur experientiam philosophi opponant rationi. In experientia, per quam ea tantum, quæ coram sunt, & in sensus incurrunt; contuemur; unum veritatum nexum perspicimus. Brutis quoque quare omnis denegatur ratio; hinc perspicuum est. Bruta enim, ut observamus, sensibus tantum præsentia contemplantur, neque præsentibus, ut Cicero monet, futura annectunt, & adiungunt.

§. 574 *Ratio maxime se exserit ratiocinando.*

*Demonstr.* Dum enim ratiocinamur, ex duobus judiciis, inter se collatis, deducimus tertium, adeoque, quomodo iudicium tertium cum duobus aliis judiciis connexum sit perspicimus. Quod cum sit operatio rationis (§. 572.) manifestum est rationem se maxime exserere ratiocinando.

Unde, & ratiocinia dicuntur.

§. 575. Si ratiocinia, & demonstrationes ita concatenare possumus, ut, in demonstrationum nexu, loco fundamenti, subternantur, nonnisi axiomata, & definitione, neutiquam verbò experientia, tum, si nexum ejusmodi ratiociniorum, & demonstrationum perspicimus, *ratione pura* gaude re dicimur. Ubi vero nexum veritatum ita tantum perspicimus, ut, inter demonstrandi principia, etiam experientiis locum concedamus, dicitur *ratio impura*.

§. 576. Rationem, objective sumtam, diximus esse catenam, sive nexum veritatum. Recte itaque illud *rationi conforme* dicitur, quicquid cum veritatibus cognitis connectitur. *Disforme* autem *rationi* illud erit, quod veritatum nexui contradicet.

EXEMPL. E. gr. hæc propositio: *Deus aversatur malum*: est rationi conformis. Hæc enim, propositio cum aliis veritatibus jam cognitis connectitur. Ratio novit, *Deum esse sanctissimum*. Scit præterea *ens sanctissimum omnia odisse mala*. Ergo concludit: *Deus aversatur mala*. Vides nexum postremæ positionis cum præcedentibus. Si vero dixeris: *Anima est mortalis*: tum hæc propositio contradicit aliis propositionibus veris, ex ratione jamdum cognitis. Annon ex rationis lumine constet, *animam esse ens simplex*? Annon, duce ac magistra ratione, novimus *ens simplex esse indestructibile*? Ergo *animam indestructibilem esse*, inde concludimus. Propositio itaque hæc, *anima est mortalis, sive destructibilis*, cum contradicat propositionibus antecedentibus, mirum non est, eam esse rationi difformem, & contrariam.

§. 577. A ratione pendet *soliditas*, per quam nihil aliud intelligimus, quam facilitatem, plura ratiocinia ita concatenandi, ut subsequencia semper intelligantur ex antecedentibus, donec ad principia indubitata perventum fuerit.

§. 578. *Ratio quatenus est ratio, non in errores nos adducit, neque quispiam errare potest, quamdiu rationem ducem sequitur.*

*Demonstr.* Cum enim per rationem veritatum nexum distincte perspicimus (§. 572.) consequens est, ut ratio, quatenus est ratio unice in veri inquisitione, & indagazione occupetur. Atque adeo, rationem falso pro errorum genitrice haberi, patet. Dum porro, qui rationem ducem sequitur, veritatum universalium nexum distincte perspicit (§. 572.) sequitur, ut, quamdiu quis rationem sequitur ducem, tamdiu a vero aberrare non possit.

SCHOL. Equidem facile prævideo, fore, qui hanc positionem falsam, ipsique experientiæ contrariam existiment. At si, qui sunt, ut sunt, qui rationi tot tantosque tribuunt errores, eamque pedibus

bus proculcandam credunt, nã ii, quid sit ratio, juxta cum ignarissimis ignorant. Id enim, quod præjudicatis opinionibus, ratiocinationibusque illegitime conceptis, vitiosis item affectibus tribuendum erat, id, inquam, imputant rationi. Sed, inquis, ipsa scriptura sacra, cum eaque Theologi, rationem in malo sensu usurpant. Conf. Ephes. II. 3. Col. I. 21. 2. Cor. X., 5. At in locis citatis non exstat vox λόγος, rationem significans, sed vox δ'ιστοιχ, aut λογισμός, &c. Δ'ιστοιχ autem non significat rationem, sed tantum *beneficium* & λογισμός non indicat rationem, sed ratiocinationem, quæ sæpius ex falsis præjudiciis ortum trahit. E contrario in bono sensu, & ut nos eam sumimus, vox ratio occurrit Rom. XII. 1. 1. Petr. II. 2.

§. 579. Fit interdum, ut, quando olim certas observavimus circumstantias, cum iisque certos eventus connexos, nos, iisdem circumstantiis recurrentibus, eosdem rursus expectemus eventus. Id quod dicunt philosophi, *expectationem casuum similitum*.

EXEMPL. E. gr. Cum jam olim observavi, Titium, cum opes suas luxuriando concoqueret, ad incitas redactum esse, nunc, iisdem circumstantiis, & causis in Cajo recurrentibus, Cajum item in summam prolapsuram esse mendicitatem, concludo. Hic expecto casus similes. Hæc expectatio casuum similitum non in hominibus modo, sed in brutis quoque reperitur.

§. 580. Ad expectationem casuum similitum requiritur, (α) ut præsentis quasdam circumstantias observem, id quod *sensibus* perficitur (β). Tum opus est, ut, occasione præsentium circumstantiarum, similes præteritas reproducat *imaginatio*. (γ) Denique casus similes dum expectamus, *memoria* agnoscit, easdem nunc esse circumstantias, quæ jam olim adfuerunt.

§. 581. Quia itaque expectatio casuum similitum

lium fit per sensus, phantasiam, & memoriam, ( §. 580. ) consequens est, ut expectatio casuum similium sine rationis operatione exferere se possit.

NOT. Conf. hic mea dissertatio de *fallaci expectatione casuum similium in praxi morali*, Vitembergæ 1733. habita.

§. 582. Quia tamen expectatio casuum similium in sensibus, imaginatione, ac memoria fundata, ( §. 580. ) hanc cum ratione habet similitudinem, ut effectus, ex præsentibus circumstantiis secuturus, confuse licet, prævideatur, ( 580. ) id omne autem, quod cum ratione similitudinem habet, dicitur *analogum rationis*, intelligitur, *analogum rationis*, quod in brutis reperitur, constitui in expectatione casuum similium.

NOT. Plura de analogo rationis quatenus in brutis locum habet, agentur infra in Capite de animabus brutorum.

## C A P U T IV.

### *De Voluptate, & Tadio.*

#### §. 583.

**Q**Uandoquidem, experientia magistra, quilibet novit, animam nostram, & facultate, obviaqueque, atque universalia cognoscendi, & ea, quæ tanquam bona, cognovimus, appetendi, malave averfandi, præditam esse; non autem id omne, quod ad facilitatem cognoscendi, spectat, hætenus exposuimus, proximum est ut de appetendi, averfandique facultate quædam nunc adferamus.

NOTA. Cum vero omni *appetitus averfationis*que notione idea *voluptatis* ac *tadii* contineatur, id nunc agemus, ut, quid sit voluptas tadiumque, distincte, enodemus,

§. 584. Cum ad nos attendimus, observamus, toties, quoties, vel in nobis, vel in alia quacunque re extra nos, perfectiones contuemur, in nobis oriri *voluptatem*.

SCHOL. Ecquis nescit, nos insigni perfundi voluptate, cum quis nobis centum, aut plures thaleros dono dederit? Ejusmodi enim donum, tanquam perfectionem, i.e. tanquam tale quid, quale cum fine nostro est conveniens, nobis repræsentamus. Ita quoque in nobis oritur voluptas, si quotidie in liberalium artium studiis incrementa, & auctus senserimus. Incrementa enim studiorum, tanquam perfectiones, consideramus.

§. 585. *Voluptatem* itaque in genere (voluptatum) definimus per sensum, sive cognitionem intuitivam perfectionis.

NOT. Est hæc definitio ejusmodi, ut ortum; genesis, & causas voluptatis exponat. Atque adeo inter definitiones geneticas, sive reales est referenda. Omne autem id, quod contra ipsam moveri poterit; confutatur oppido, si modo inter definitionem nominalem, & realem distinguere no-  
tir.

Ex definitione suppeditata sequentia fluunt Axiomata,

I. Quo major est perfectio, quam quis animo contemplatur, eo major, & insignior est voluptas.

II. Hoc major est voluptas, quo majorem perfectionis habemus certitudinem.

III. Hoc insignior est voluptas, quo vividius perfectiones nobis repræsentamus.

IV. Quamdiu nobis perfectionem rei alicujus repræsentamus, tamdiu durat voluptas: Cessante vero perfectionis repræsentatione, cessat, & evanescit voluptas.

V. Perfectio si est vera, i.e. talis; ut nunquam in majorem degeneret imperfectionem; tum vo-  
lu-

luptas quoque est vera; si vero perfectio est apparens, tum voluptas quoque est apparens:

EXEMPL. E. gr. Qui veritatis ducitur cognitione, is in ea veras reperit perfectiones. Adeoque voluptas, veritatum utilissimarum cognitione nixa, est vera. Qui vero in ebrietate putat inesse perfectiones, majores vero, & plures imperfectiones postea observat, is voluptatem capit quidem ex ebrietate, sed apparentem illam.

§. 586. *Si perfectio fuerit vera, eandemque quis ita sibi representat, ut, eam non imperfectionem, sed perfectionem esse, certo sciat, tum voluptas, ex certa vera perfectionis cognitione oriunda, est durabilis.*

*Demonstr.* Si enim perfectio fuerit vera, tum nunquam degenerat in imperfectionem (§. 585.), adeoque, cum causa voluptatis perpetua, & durabilis sit, ipsa voluptas durabilis sit, necesse est.

Si illam perfectionem veram ita nobis repræsentavimus, ut certo sciamus, esse perfectionem, tum fieri non potest, ut illam ullo tempore pro imperfectione habeamus, (§. 348.) Dum itaque cognitio perfectionis hoc modo est, & manet perpetua, consequens est, ut voluptas quoque, hoc ex fonte profluens, sit durabilis.

§. 587. Voluptas itaque vera supponit (α) perfectionem veram. (β) Certam, & indubiam perfectionis veræ cognitionem.

§. 588. Voluptas itaque appetens, quæ nititur perfectione apparenti, est cito transitura minusque durabilis, & degenerat in majus tædium.

§. 589. Voluptati opponitur *tædium*, quod, contraria ratione definitum, nihil est aliud, quam sensus, sive cognitio intuitiva imperfectionis.

SCHOL. Tædium, cave, ponas in sola absentia voluptatis. Est enim omne tædium ejusmodi, ut positivi quid, & reale involvat. Ipsa autem tædii notio, hic evoluta, est ita comparata, ut ad omnes tædii species possit applicari, experientiaeque sit

fit quam maxime conformis. Sic exempl. gr. cum non modo nullos in studiis progressus sentis, sed quoque omnia in pejus prolabi, animadvertis, tum tædio afficeris. Sentis enim, & cognoscis tuas imperfectiones.

§. 590. Quemadmodum voluptas crescit, & augetur, cum (α) *plures* nobis perfectiones repræsentamus, (β) cum vivide, distincte, & certo perfectiones cognoscimus, (§. 585.) ita, e contraria parte, tædium majus fit, quo (1) *plures* imperfectiones cognoscimus, (2) quo *vividius*, & *certius* illas imperfectiones cognoscimus.

§. 591. Tædium, & voluptas, est vel *verum*, vel *apparens*. Illud nititur imperfectione vera, & est durable, hoc imperfectione apparenti, & transire cito, repenteque evanescere potest.

§. 592. *Prædominator* in mente nostra voluptas, si repræsentatio perfectionum fortior est repræsentatione imperfectionum, quæ simul concurrunt. *Prædominatur* vero tædium, si repræsentationes imperfectionum fortiores sunt repræsentationibus perfectionum, easdemque obfuscant.

SCHOL. Si e. g. ob injuriam aliquam levidentem, qua te affecit Cajus, tædio fueris affectus, sed eodem fere tempore, quo injuriam pateris, præter opinionem literas centum thaleris repletas, ab amico acceperis, tum hoc donum, quod mittit amicus, tam erit efficax, ut omne tædium, ex injuria tibi illata haustum, oppido depellat. In hoc casu prædominatur voluptas.

§. 593. Cum anima in ejusmodi statu fuerit constituta, ut nec tædio, nec voluptate aliqua afficiatur, tum ejusmodi status appellatur *status indifferentia*.

SCHOL. E. gr. Si quis, in tabernam librariam ingressus, librum, antea sibi ignotum, aspexerit, tum, nec voluptate nec tædio, librum contemplatus, afficitur.

§. 594. Tædii species est *dolor*, quem *generica*  
VVol-

VVolfius definit per solutionem continui, in corpore. Conf. ejus *Psycholog. Empirica* §. 539.

SCHOL. Probe autem memini, ab adversariis VVolfii contra hanc definitionem monitum esse, non omnem continui solutionem esse dolorem. Quare completam doloris notionem formari ita posse existimamus, si ita dolorem definiverimus: *Dolor* est sensus, ex solutione continui nervosi in corpore nostro ortus.

§. 595. Quicquid igitur de tædio dictum est, id dici quoque debere, putato, de dolore.

§. 596. *Bonum* est, quod nobis nostroque statui perfectionem conciliat, sive, quod idem est, quod fini nostro est conveniens. *Malum* vero dicitur, quod nos nostrumque statum imperfectionem reddit, sive, quod cum fine nostro non consentit.

§. 597. Cum idea *boni* contineat ideam *perfectio- nis*, idea *mali* ideam *imperfectionis*, (§. 596.) perfectio autem æque ac imperfectio sit, vel vera, vel apparens, (§. 201.) consequens est, ut bonum, & malum sit, vel verum, vel apparens.

§. 598. Uti itaque cognitio, sive representatio, perfectionis voluptatem in mente excitat. (§. 585.) & cognitio imperfectionis tædium, (§. 589.) ita quoque representationem *boni* gignere voluptatem, & cognitionem *mali* tædium, patet. Sicut igitur bonum, vel verum, vel apparens est, (§. 597.) ita quoque voluptas, & tædium, inde ortum, vel verum est vel apparens.

§. 599. Perfectiones æque ac imperfectiones suis gaudent gradibus. (§. 193.) adeoque bona, & mala etiam sunt gradu diversa. *Bonum minus* est malum in comparatione ad bonum majus: & *malum minus* est bonum, relatum ad malum majus.

§. 600. Representationes nostræ sunt, vel individuales, sive rerum existentium, (§. 99. Log.) vel abstractæ, sive generum, & specierum (§. 100. Log.) Illæ formantur ope sensuum (§. 550.) hæ ope intellectus. (§. 358.) E. etiam bonum malum



## DE VOLUPTATE, ET TÆDIO. 169

lumve, vel ope sensuum, & confuse, vel ope intellectus, & distincte, nos nobis repræsentamus. Voluptas, ex boni repræsentationibus, ope sensuum factis, orta, dicitur *sensualis*. Voluptas vero, ex repræsentationibus boni distinctis, ope intellectus factis, dicitur *mentalis*. Quod idem valet de tædio.

NOT. Explicatis nunc voluptatis tædiique notionibus, facillime intelligetur, in quo consistet appetitus sensationisque natura.

### CAPUT V.

#### *De appetitu, & aversione.*

##### §. 601.

CUM nobis bonum aliquod repræsentamus, tum, voluptate in mente coorta, oppido in nobis sentimus nsum, conatum, & inclinationem versus bonum illud a nobis perceptum, & cognitum. Cum e contrario aliquid, tanquam malum, nobis repræsentamus, tum in mente tædio ante exorto, observamus conatum aliquem, & nsum, malum illud cognitum depellendi, & miram quandam ab eo reclamationem.

EXEMPL. Si e. gr. Cajo hectico duo obtuleris pulveres, alterumque dixeris hecticæ sanandæ esse perquam accommodatum, alterum vero, tanquam venenum pestilentissimum, corporis vires destruere, tum Cajus, convalescere cupiens, oppido in se sentiet nsum, & conatum ad pulverem hecticum obtinendum, eoque fruendum. Contra pulvere venenato, quem sibi perniciosissimum sistet, reclamationem in se animadvertet.

§. 602. Hæc animæ *inclinatio* versus bonum cognitum dicitur *Appetitus*: ipsa autem potentia animæ, versus bonum cognitum inclinationem habens.

bendi, appellatur *facultas appetendi*, sive *voluntas*.

SCHOL. Appetitus, qui pro actu sumtus, a nonnullis quoque dicitur *appetitio*, *appetentia*, *volitio* dum per *inclinationem* definitur, poterat, quem offendere vox metaphorica *inclinationis*, ex definitionibus proscribenda. (§. 169. Log.) Quare *inclinationem*, scias, de anima cum adhibetur, nihil esse aliud, quam conatum animæ, sensationem aliquam producendi.

SCHOL. Vox *voluntas*, qua indicamus generatim omnem appetendi facultatem, a VVolffio quidem aliisque usurpatur tantum de appetitu rationali. At cum ita usu receptum sit; ut plerumque per voluntatem generatim omnis appetendi facultas significetur; eum quidem significatum hic retinere volumus.

§. 603. Reclinatio animæ a malo cognito dicitur *aversatio*, sive *nolitio* in genere.

SCHOL. Reclinationem autem ita hic sumimus, ut per eam nihil aliud velimus intelligi, quam conatum animæ sensationem aliquam impediendi, quo minus producat.

§. 604. Cum omni appetitu est voluptas conjuncta, & cum omni aversatione tædium.

Demonstr. Dum omnis appetitus fertur in bonum cognitum, (§. 602.) consequens est, ut omnis appetitus secum habeat conjunctam representationem boni. Quia vero, posita boni representatione, ponitur voluptas (§. 586.) manifestum est, cum omni appetitu esse voluptatem conjunctam.

Porro cum aversatio sit reclinatio a malo cognito (§. 603.) sequitur, ut omnis aversatio involvat representationem mali. Posita vero representatione mali, ponitur tædium. (§. 589.) E. cum omni aversatione tædium esse conjunctum, patet.

§. 605. Uti itaque voluptas, & tædium gradibus

bus suis gaudent. (§. 585.) ita quoque appetitus & averfatio gradus certos admittant, neceffe est. Quo *plura* fcilicet bona, & quo vividius illa *plura* tibi repræfentaveris; hoc vehementior, & fortior fit appetitus. Quod idem, contraria ratione, valet de averfatione.

§. 606. *Nihil appetere possumus, nisi nobis, tanquam bonum aliquod, repræsentaverimus, & nihil averfari possumus, nisi id, tanquam malum, nobis repræsentaverimus.*

*Demonstr.* Hæc propositio experientia fundata & ipsa definitione appetitus averfationisque nixa, poterat sine demonstratione assumi; at ipsam tamen, ex principio rationis sufficientis ita demonstrari, & corroborari posse, existimamus. Quoties quid agimus, vel omittimus, toties, cur hoc agamus, nec potius aliud, cur ita agamus, nec aliter, debet adesse ratio sufficiens, (§. 32.) E. quoties quod appetimus, vel averfamur, toties debet adesse ratio sufficiens, quæ nos ad appetendum, averfandumque determinet, quæque adeo efficiat, ut *hoc* præcise, nec aliud appetamus, ut *sic*, nec aliter. Ratio illa aut deprehenditur in intellectu, (sumo hanc vocem hic latius pro quacunque repræsentandi facultate) aut in voluntate. Si fuerit illa in voluntate, tum, interrogatus, cur velis hoc, nec aliud, aut respondebis: *quia possum velle*, aut dices: *volo, quia volo*. Si illud, ab indeterminato sequetur determinatum, & a posse concluditur ad esse, (quod est contra §. 54. 146.) sin hoc, ridicule, ut dixi, respondebis: *volo quia volo*. Ratio itaque, cur hoc, illudve, hic & nunc, appetamus, vel averfamur, erit in repræsentationibus intellectus. Appetitus scilicet ratio latet sufficiens in repræsentationibus *boni*; averfationis vero ratio in repræsentationibus *mali* (§. 603.) Nihil itaque appetere possumus, nisi id nobis, tanquam bonum, repræsentaverimus, & nihil averfamur,

mur, nisi id, tanquam malum, nobis repræsentaverimus.

§. 607. Intelligitur nunc regula, quam anima in appetendo averfandoque sequitur. Hæc sequenti continetur propositione. *Nihil appetimus, nisi sub ratione boni, & nihil averfamur, nisi sub ratione mali.* Hanc positionem vocant *legem appetitus*.

§. 608. *Motiva* vocamus repræsentationes boni, voluntatem ad appetendum determinantes, vel repræsentationes mali, voluntatem ad averfandum commoventes. Illas repræsentationes vocant *motiva volendi*, has *motiva nolendi*.

EXEMPL. Cum e. gr. hæcticus pulverem oblatum appetit, tum motivum est repræsentatio sanitatis, per ejusmodi pulverem recuperandæ.

§. 609. Apparet hinc, nos, dum sine repræsentatione boni nihil appetere, & absque mali repræsentatione averfari nihil possumus, (§. 606.) nos, inquam, sine motivis nec velle, nec nolle quicquam posse.

§. 610. Cum bonum nobis repræsentamus, aut, ope sensuum imaginationisque, confuse illud nobis sistimus, aut, ope intellectus, & rationis, distincte. (§. 497. 508. 549.) Appetitum itaque & averfationem, repræsentationibus boni ac mali fundatam, (§. 606.) vel ex repræsentationibus boni, & mali sensualibus, & confusis, vel ex distinctis, & ope intellectus formatis, ortum suum trahere, manifestum est.

§. 611. Appetitus ille, qui ex repræsentationibus sensuum confusis oritur, appellatur *sensitivus*: qui autem ex distinctis, & ope intellectus formatis repræsentationibus suam ducit originem, vocatur *rationalis*. Atque eodem modo, mutatis mutandis, averfationem distinguimus.

EXEMPL. Cum e. gr. quis, febris æstuque jactatus, vinum, quod videt vehementius appetit, tum hunc

hunc appetitum vocamus sensitivum, propterea quod ægrotus vinum sibi, ope sensuum bonum & dulce repræsentat.

§. 612. *Qui appetitum sensitivum in agendo sequuntur, id demum appetunt, quod sensus suavius afficit, averianturque id, quod iisdem molestum, & tedium creat.*

*Demonstr.* Cum enim appetitus sensitivus nitatur repræsentationibus boni, ope sensuum factis, (§. 611.) & averfatio repræsentationibus mali sensuabilibus; ii autem, qui sensuales sequuntur repræsentationes, ea tantum, quæ coram sunt, & ante pedes, contueantur, (§. 497.) adeoque bonam præsentem delectationem sensuum, & malum præsentem sensuum tædio metiantur, de futuris nihil solliciti, mirum non est. eos, qui appetitum sensitivum in agendo sequuntur, id demum appetere, quod sensus suavius afficit; id omne contra averfari, quod iisdem tedium creat.

§. 613. Ut omnis omnino appetitus, averfatioque suis gaudet gradibus, (§. 605.) ita appetitus quoque sensitivus, & sensitiva averfatio gradu distinguatur, necesse est.

§. 614. Appetitus scilicet sensitivus fit vehementior, & mirum quantum crescit, si *plura bona* simul nobis confuse repræsentaverimas, si item, sensuum imaginationisque adminiculo, *plura illa bona* vividissime, & clarissime, nobis sistimus.

§. 615. *Hinc perspicuum est, hoc vehementiorem esse appetitum, quo plus voluptatis sensus demulcet.*

*Demonstr.* Cum enim hoc vehementior fiat appetitus sensitivus, quo *plura bona*, aut quo majus bonum, sensus nobis sistunt, (§. 614.) id autem, iudicio sensuum stantes, pro maximo bono habemus, quod sensus maxime delectat, (§. 596.) mirum non est, hoc fieri appetitum sensitivum vehementiorem, quo major, & intensior est voluptas, qua sepius afficiuntur.

§. 616. *Appetitus sensitivus in id quoque vehementius fertur, quod crebrius cum voluptate aliquam sensimus.*

*Demonstr.* Cum enim appetitus sensitivus hoc vehementior sit, quo vividius, & clarius imaginatio rem aliquam, tanquam bonam, sibi sistit, (§. 614.) imaginatio autem tum demum rem aliquam sibi vividissime repræsentare soleat, si eam antea crebrius cum voluptate aliqua sensimus, (§. 511.) patet, appetitum sensitivum in id majori cum impetu ferri, quod crebrius cum aliqua voluptate antea sensimus.

EXEMPL. Si e. gr. Cajus voluptatem, ex Veneris, & Bacchi servitio, crebrius senserit, tum ipsum comperis, maximo impetu in has delicias postea ferri, usque adeo, ut cupiditatum vi vix ac ne vix quidem amplius obistere queat.

§. 617. Quæ de appetitus sensitivi gradibus determinandis attulimus, ejusmodi sunt, ut, habita oppositi ratione, facillimo negotio ad aversionem sensitivam possint transferri.

§. 618. Appetitum sensitivum, vel aversionem sensitivam vehementiorem, cum extraordinaria sanguinis, & fluidi nervi commotione in corpore conjunctam, dicimus *affectum*.

NOT. Doctrinam itaque de affectibus hic commodissime explicabimus. Percensebimus itaque omnes, quos nosse datum est, affectus, eorundemque originem, & effecta rimabimus.

## C A P U T VI.

### *De affectibus.*

#### §. 619.

**A**ffectus cum sint appetitus, vel aversiones vehementiores, (§. 618.) manifestum est, affectus eodem modo, quo generantur appetitus sensitivi

sitivi, vel averfationis sensitivæ gradus, generari, Atque adeo ad affectum producendum requiritur, vel (1) ut multa bona, & mala simul nobis repræsentemus, vel (2) ut bona malaque nobis, ope sensuum imaginationisque, *vividissime* repræsentemus. ( §. 614. )

§. 620. *Conficitur ex dictis, nullum locum habere posse affectum, qui neque in tædio, neque in voluptate consistat.*

*Demonstr.* Cum enim omnis affectus sit, vel appetitus, vel averfatio sensitiva vehementior, ( §. 618. ) nullus appetitus possit esse sine voluptate, & nulla averfatio sine tædio, ( §. 604. ) liquet, nullum affectum posse habere locum, qui neque in tædio, neque in voluptate consistat.

§. 621. Absit autem, ut quamlibet voluptatem, & quodvis tædium pro affectuum speciebus habeamus. Ad affectum requiritur vehementior voluptas, & tædium, atque item extraordinaria sanguinis ac fluidi nervei in corpore commotio. ( §. 618. )

§. 622. Sponte hinc enascitur divisio affectuum in *gratos & ingratos*. Cum scilicet omnis affectus, vel voluptatem, vel tædium secum habeat conjunctum, ( §. 620. ) omnis affectus, vel gratus erit vel ingratus.

NOT. Addunt nonnulli affectus *mixtos*, in quibus voluptas ac tædium alternant. Huc referunt affectum *amoris*, qui quidem multum habet in se jucunditatis, sed plurimum simul tædii.

§. 623. Nonnulli affectus sunt ejusmodi, ut ab iis, tanquam a stirpe, cæteri affectus tanquam surculi, progerminant. Hos dicunt *originarios*. Cum vero gaudium, & tristitia ejus sint indolis, ut ab his quidem duobus affectibus omnes cæteri promanent, gaudium, & tristitiam pro affectibus *originariis* recte haberi; patet; Cæteros ab his descendentes affectus appellamus *derivativos*.

§. 624. *Gaudium* est prædominium voluptatis si-  
ve est voluptas insignior.

EXEMPL. Cum e. gr. Cajo, spartam per multos an-  
nos frustra ambiendi, & anhelanti, præter omnem  
spem & expectationem, vocatio transmittitur, &  
quidem ad munus lautissimum, tum in Cajo major,  
& insignior voluptatis gradus orietur, sive, quod  
idem est, Cajo gaudebit.

§. 625. Dum, voluptatem tum *prædominari*, di-  
ximus, quando tædium, si quod adfuerit, plane  
non sentimus, ( §. 592. ) intelligitur, characterem  
gaudii præcipuum esse hunc, si tanta voluptate per-  
fundimur, ut tædii, quod eo tempore adest, pro-  
fus obliviscamur.

§. 626. *Nullum gaudium potest in nobis exoriri, nisi vel plura bona simul, vel magnum aliquod, & insigne bonum confuse nobis repræsentemus.*

*Demonstr.* Cum enim omnis voluptas nitatur re-  
præsentatione boni, ( §. 585. ) & magnitudini bo-  
norum repræsentatorum respondeat magnitudo vo-  
luptatis, ( 586. ) palam, est in stata voluptatis in-  
signioris, aut plura bona simul, aut magnum quod-  
dam, & insigne bonum vividissime nobis repræsen-  
tari debere. Voluptas insignis dicitur *gaudium*. E.  
nullum gaudium potest in nobis exoriri, nisi vel  
plura bona simul, vel magnum aliquod & insigne  
bonum confuse nobis repræsentemus,

§. 627. A gaudio differre quodam modo, putant  
nonnulli *letitiam*, quam definiunt per gaudium ob  
malam finitum.

EXEMPL. E. gr. cum, ex morbo recreati, con-  
valuimus, tum gaudium nostrum, ob morbum subla-  
tum, prodituri, dicimus: *gaudeo, quod modo con-  
valuerim.*

§. 628. Omnes affectus cum extraordinaria sangui-  
nis, & fluidi nervei commotione in corpore nostro  
connexos esse; & ipsa docet experientia; & ex  
( §. 618. ) jam patet. Hinc, quæ quisque affe-  
ctuum in corpore nostro efficiat, paucis dispiciemus.

§. 629.



§. 629. In gaudii affectu hi reperiuntur plerumque in corpore effectus (α). Concitator sanguinis circuitus, (β) risus, (γ) complosio manuum, (δ) exultatio, (ε) oculi vividi, & igne micantes.

§. 630. Gaudio opponitur *tristitia*, quæ est insignior gradus tædii, siue est prædominium tædii.

§. 631. *Prædominatur tedium*, cum voluptatem, si qua adfuerit, eo tempore, quo afficimur tædio, prorsus non sentimus, ( §. 592. ) E. character tristitiæ præcipuus est, si voluptatis prorsus obliviscimur, si qua adfuerit.

§. 632. Tristitiam oriri ex confusa & simultanea multorum, & magnorum malorum repræsentatione, ex §. 590. 630. colligi potest.

§. 633. Effectus, qui in corpore tristitiam comitantur, plerumque sequentes sunt. (1) Lacrymæ, & fletus, (2) oculi languidi, & humum intuentes, (3) pallida facies, (4) tremor in toto corpore, & omnibus membris, (5) querimoniam, (6) solitudinis amor.

§. 634. *Amor* est gaudium, ex alicujus personæ felicitate ortum.

SCHOL. Amor vel ut affectus consideratur, atque eatenus a nobis definitur; vel ut animæ inclinatio, & pronitas ad hunc affectum, atque hoc sensu amorem VVollius in Psychologia Empirica §. 633. dicit *dispositionem* animæ ad percipiendam voluptatem ex alterius felicitate.

§. 635. Ex definitione supposita plures fluunt positiones, quas sigillatim adducemus, maxime cum ejusmodi eas esse reperiamus, & ad interiorem veri amoris indolem perspiciendam, & ad recte intelligendas theses nonnullas, in morum philosophia obvias, permultum faciant.

§. 636. *Amor erga alium tum demum oritur, si in ipso quicquam, quod bonum nobis videtur, quodque nobis placet, animadvertimus.*

*Demonstr.* Cum enim amor sit gaudium, (§. 634.) gaudium autem esse non possit, nisi insignior adsit voluptas, (§. 624.) voluptas vero tum demum oriatur, si boni quid, & quod nobis placet, nobis repræsentamus, (§. 585.) lucide apparet, amorem erga alterum oriri tum, cum in ipso observamus, quod nobis bonum videtur, nobisque placet.

Hinc VVolfius in Psychologia empirica §. 633. *amorem* definit generice per affectum, qui oritur ex eo, quod quid in altero observamus, quod nobis placet, si quid in altero nobis repræsentamus, tanquam bonum, præsertim respectu nostri.

§. 637. Ex his fluunt intelligique possunt positiones sequentes.

I. Hoc quisque vehementius amat alterum, quo majus alterius felicitate delectatur.

II. Quo plura quis bona in altero observat, eo majora capit incrementa amor.

III. Qui alterum amat, non potest non tædio affici, cum, alteri ægre fieri, videt.

IV. Qui alterum amat, id omne appetit, quod ad alterius felicitatem promovendam pertinet; idque omne impedire, & depellere nititur, quod ad alterius infelicitatem tædiumque procreandum facit.

§. 638. His amoris signis accurate cognitis, per facile nunc erit ad intelligendum, quod sit *odium*. *Odiū*, contraria ratione definitum, nihil est aliud, quam gaudium ob alicujus personæ infelicitatem, &, *odisse* alios, nihil est aliud, quam aliorum delectari infelicitate.

SCHOL. VVolfius, *odium*, ut dispositionem, & animæ inclinationem ad actualement hunc affectum considerans, illud dicit dispositionem animæ ad voluptatem percipiendam ex alterius infelicitate: Psychol. Empir. §. 661.

§. 639. Qui novit amoris signa, §. 637. a nobis recensita, eum nunc latere non possunt odii criteria.

I. Qui alterum odit, alterius infelicitatem, tanquam boni quid, considerat, quia ex ea capit voluptatem. ( §. 585 )

II. Qui alterum odit, non potest non tædio affici, cum alterum, quem odit, res suas secundo vitæ sine ulla offensione cursu, feliciter agere, videt.

III. Unde non mirum, omnes eos, qui alios odio habent, horum, quos oderunt, felicitatem destructam velle, infelicitatem contra omnibus viribus promovere.

§. 640. Cum amoris, tum odii, sunt effecta nonnulla, quæ corpus juxta ac animum mire agitant, & turbant. Amorem comitantur plerumque commotio spirituum, quos vocant, animalium perturbatio, rubor in facie, oculi micantes, insatiabile desiderium se uniendi cum persona amata, lacrymæ porro, &, ut ait Terentius, suspiciones, inimicitia, induciæ, bellum, pax rursus. *Eun. Act. I. Scen. I. v. 14.* Odium vero comites habet oculos torvos, & truces, colorem pallidum, iras, & rixas, vindictæ item cupiditatem, &c.

§. 641. Cum ob alterius infelicitatem contristamur, dicimur *commiserari*. Ut adeo *commiseratio* nihil aliud sit, quam tædium vehemens ob alterius infelicitatem.

SCHOL. Talis commiseratio reperiebatur in Christo, cum, funesto Hierosolymitanorum exitio perspecto, insigniori afficeretur tristitia ob infelicitatem ipsorum, mox insecuturam.

§. 642. *Qui alterum amat, non potest non ejusdem quoque, quem amat, vices miseriari.*

*Demonstr.* Cum enim, qui alterum amat, non possit non tædio affici, cum alteri, quem amat, ægre fieri videt, ( §. 637. n. III. ) is autem, qui ob infelicitatem alterius tædio afficitur, dicatur

alterius *commiserari*, (§. 641.) perspicuum est, eum, qui alterum amat, non posse non alterius quoque vices miserari.

SCHOL. Unde commiserationem nonnulli recte vocant, *filiam amoris*, qui quo major est, eo major quoque est commiseratio. Sublato vero, & extincto amore, mirum non est, omnem quoque cessare commiserationem.

§. 643. Commiserationi opponitur *invidia*, quæ est tedium ob felicitatem alterius.

EXEMPL. Cum e. gr. Cajus videt, Titium in lauta, & bene aucta parte constitutum, crescere in dies opibus, cum, eidem, observat, omnia fluere ad votum, majoresque, vel fortunæ, vel dignitatis, fieri accessiones, tum Cajus, si tristitia ideo afficitur, Titio suam *invidere* felicitatem dicitur.

§. 644. *Quemadmodum, commiserationem amoris esse filiam, §. 542. demonstravimus, ita, invidiam odii esse filiam, recte affirmamus.*

*Demonstr.* Cum enim, qui alterum odit, non possit non tædio affici, cum ei, quem odit, prospere omnia cedere videt, (§. 639. n. II.) illud autem tedium, quod ex alterius felicitatis sensu cooritur, nominetur *invidia*. (§. 643.) sequitur, ut, invidiam odii esse filiam recte affirmemus.

§. 645. Ex his non difficulter intelligi potest.

I. Quod omnis invidus alterius, cui invidet, felicitatem, tanquam mali quid, sibi repræsentet, quia omne tedium oritur ex repræsentatione mali (§. 589.).

II. Quod invidus ejus, cui invidet, felicitatem aversetur, atque adeo destruere allaboret, quia id omne, quod nobis, tanquam malum, repræsentamus, non possumus non averfari. (§. 603.)

§. 646. Quos habet tristitia, eosdem plerumque comites habere solet commiseratio. Præsertim vero comperimus, eam a lacrymis rarius, a studio vero juvandi, nunquam sejungi. Invidia vero, quan-

quantum faciei pallorem, quantam universo corpori maciem, tanta animo tormenta cruciatusque conciliat.

§. 647. Gaudium istud, quod percipimus, cum boni quid commisisse opinamur, dicitur *acquiescentia in seipso*.

EXEMPL. Si e. gr. Sempronius, consensa cathedra, ingenii experimentum edidit, atque id ita quidem, ut omnibus, & egregias animi dotes, & eruditionem exquisitam, & miram denique facundiam approbarit; tum Sempronius iis, quæ bene a se, excellenterque facta sunt, gavisus, dicitur in *se ipso acquiescere*.

§. 648. Hic affectus quamvis sit unus omnium maxime jucundus, mirificeque animum ad præstara facinora identidem exsuscitet, fieri tamen potest, ut idem, in vitiosam degenerans *Πελαγία*, multum afferat detrimenti.

§. 649. Opponitur acquiescentiæ in seipso *pœnitentia*, quam definimus per rædium ob malum, quod patravimus.

SCHOL. Si Mævius, qui in Academia liberius vixit, domum reversus, male se tempus collocasse, a nimadvertit, si ob crassam mentis ignorantiam, contemni se se ab omnibus, & a spe etiam, potiundi munere, exclusum videt, tum pœnitentia vitæ antea factæ tangitur, i. e. rædio afficitur, quod per opportunam solidi quid discendi occasionem temere dimiserit, quod pecuniam item, valetudinemque profuderit. Quæ omnia nunc, tanquam mala, a se patrata, considerat.

§. 650. Cum ab aliis de nostris recte, beneque factis benignius; honorificeque existimari sentimus, tum, gaudium in nobis oboriri observamus. Illud gaudium, ex opinione aliorum, benignoque de nostris bene factis iudicio ortum, dicitur *Gloria*.

SCHOL. VVolfius in Psychologia Empirica §. 769, *gloriam generice* ita definit: *Gloria* est affectus, qui oritur, si ea, quæ fecimus, vel nostra sunt,

ab aliis bona existimari opinamur. Videri poterat hic affectus non multum ab *acquiescentia in semetipso* §. 647. explicata, differre. At, cum acquiescentia in se ipso sit gaudium, ob bonum, quod patravimus, quamvis id non referatur ad opinionem aliorum; gloria vero sit gaudium ob bonum, quod patravimus, & *quatenus id refertur ad opinionem judiciumque aliorum*. (§. 650.) vides, tantam esse inter hos duos affectus differentiam, quanta maxima esse potest.

§. 651. Gloriæ, quam merito stimulum ad optima quæque perpetranda dixerim, opponitur *pudor*, quem definimus per tædium, ortum ex sinistro, & malo Judicio aliorum de nobis, & factis nostris.

SCHOL. Fac, novellum Magistrum, qui temeritatis, quam doctrinæ, plus in cathedram affert, ab opponentibus in angustias redactum, stare, ceu Marpussiam cantem, nihilque quod respondeat, habere, ad hoc a circumstantibus auditoribus exhiberi, tum tædio magnæque tristitia bonus hic homuncio afficietur, ideque ideo, quod a se commissum quid videt, quod famam suam existimationemque quam maxime lædit. Atque id ipsum est, quod nomine *pudoris* insignimus.

§. 652. Ex notione pudoris distincta concipi nunc possunt subsequentes positiones.

I. Quo quis majori gloriæ studio ducitur, hoc pronior est ad pudorem.

II. Nullius rei nos pudet, nisi ejus, quam famæ, & existimationi nostræ officere opinamur.

III. Hinc, cum nonnullos interdum videmus pudere earum rerum, quas minime ipsorum existimationi fraudi esse, in aprico est, e. gr. pusillæ staturæ, paupertatis, &c. colligi potest, perversum de honore conceptum perversum præposterumque gignere in ipsis pudorem.

Pu-

Pudorem produnt suffusus in facie rubor, aver-  
sus corporis status, &c.

NOT. Cæterum perlubenter fateor, nunquam  
me affectum pudoris in homine considerare, quin  
singularem quandam Dei contra malum providen-  
tiam inde cognoscam. Fac enim homines carere  
pudoris affectu. Annon ita carebunt freno quo-  
dam, & retinaculo malitiæ: Annon soluti præci-  
pitesque ferentur in omnia mala? Hinc Poeta:  
*Hunc perisse, scias, cui pudor periit*. Quod qui-  
dem, tanquam in transcurso, monitum hic volo,  
ut intelligant lectores, quemadmodum omnes om-  
nino affectus, ita pudorem quoque non forte ca-  
suve, sed aliquo numine divinoque prorsus consi-  
lio in mentibus humanis esse altissime impressum.

§. 653. Cum gaudio perfundimur ob bonum fu-  
turum, & a nobis demum obtinendum, tum di-  
cimus *sperare*. Ipsum autem gaudium ob bonum fu-  
turum dicitur *spes*.

EXEMPL. E. gr. Titius, lecto mortis affixus, cum  
grave ancipitique consistatur morbo. Advocatur  
medicus: Accedit. Hic periculi quid subesse  
negat, aureos montes pollicetur, sanitatemque,  
vi morbi infracta, propediem restitutum iri, affir-  
mat. Tum Titius voluptatis sensu permulcetur, id-  
que ideo, quod pristinam sanitatem, tanquam exi-  
mium bonum, sit obtenturus. *Sperat* hoc in casu  
Titius.

§. 654. Hinc efficitur, hoc eminentiorem esse  
spem, hocque majora eandem acquirere incremen-  
ta, (1) quo *plura* bona obtinenda sibi quis repre-  
sentat; (2) quo *certius* ista bona futura obtinebun-  
tur. Evanescit autem spes, si bonum, quod spera-  
mus, plane obtineri non posse, observamus.

§. 655. Spei gradum eminentiorem dicimus *fidu-  
ciam*. Cum vero tanto major spes esse soleat,  
tanto facilius quantoque certius judicamus, bo-  
num a nobis obtineri posse, (§. 654.) intelligitur,  
*fidu-*

*fiduciam* quoque definiri posse per gaudium de bono certo obtinendo.

§. 656. Quoniam, quoties speramus, futurum bonum obtinere cupimus, (§. 653.) fit, ut mora, qua bonum obtinerendum retardatur; nobis tedium procreet. Hoc ipsum tedium, ex mora boni obtinendi coortum, dicitur *desiderium*.

§. 657. Spei adversum tenet *metus*, quem definimus per tedium; malo futuro, seu imminenti perceptum.

EXEMPL. E. gr. Cum in ephemeridibus relatum legunt Saxones, Turcas in eo jam esse, ut in proxime abjectas irruant terras; tum magno afficiuntur tédio, futura sibi representantes mala, & incommoda. Quo in casu dicuntur; *metuere Turcas*.

§. 658. Quo (1) *plura* mala instant, (2) quo *certius* ista adventura opinamur, eo major est *metus*: Si vero malum jam ita imminet, ut evitari amplius non possit, oritur inde vehementior tristitia. Quæ, intollerabilis tristitia ob malum imminens, prorsus inevitabile, constituit extremum gradum *metus*. Atque hic extremus *metus* gradus id ipsum est, quod vocamus alias *desperationem*.

EXEMPL. Finge, te, ingenti immanissimorum hostium multitudine circumcinctum, nullam amplius elabendi rimam animadvertere, tum desperabis vitam tuam. Vehementissimam enim conturbaberis tristitia, ob vitæ disperditionem, quam nunc, tanquam malum intollerabile, & inevitabile tibi sistis.

VVolfius *desperationem* ita definit: Est affectus, qui oritur, si nobis malum representamus, tanquam inevitabile, imprimis, ubi simul idem nobis representamus, tanquam intollerabile. *Conf: Psychologia Emp.* 825.

§. 659. Fit interdum, ut, præter spem, & opinionem, quid occurrat nobis, quod malum nobis sisti-



sistimus. Unde vehemens subinde oritur tedium, Vehementius hoc tedium ex improvise malo perceptum, dicitur *terror*.

SCHOL. Ponas Cajum, in museo libris assidentem, & meditantem, præter omnem opinionem, spectrum horribilis faciei, maximique corporis juxta se videre. Annon Cajus, spectrum hoc tanquam malum improvise, sibi sistens, vehementissime conturbabitur? Annon summa afficietur tristitia? Quæ ipsa tristitia, ex malo minus separato, & improvise oriunda, *terrorem* constituit.

§. 650. Ubi terror animum ita concutit, ut hic, extra se raptus, sui sibi plane non amplius videatur esse conscius, tum insignior ille terroris gradus appellatur *pavor*.

§. 661. Usu venit nonnunquam, ut, cum bonum quoddam obtinendum speramus, id ita speremus, ut, quia reperire non possumus, num bonum speratum facile obtineri queat, multo cum metu adhuc coluctemur, spemque metus, metum rursus spes excipiat. Quæ spei metusque vicissitudo, *Fluctuatio*, vel *Vacillatio animi*, nominatur. Ubi vero difficultates plures, quæ bonum obtinendum circumstant, nobis repræsentamus, oritur inde *pusillanimitas*, cui opposita est *animositas*, orta ex præsentatione facilitatis boni obtinendi.

SCHOL. Sempronius, in gravem implicitus morbum, nunc in spem venit sanitatis recuperandæ, nunc æstu jactatus insolito, timet rursus sanitati ac vitæ suæ. En *fluctuationem animi*! Morbo in dies ingraveſcente, medicoque attonito adstante animam despondet, & abjecta fere spe ad mortem se præparat. En *pusillanimitatem*! Fac vero, novum accedere medicum, qui ingenio mali, morbi que rite explorato, confidere animo jubeat, propterea quod ipse plures jamjam ejusdem indolis morbos feliciter sustulerit; tum animo collecto, paululum rursus lætatur. En *animositatem*!

§. 662. *Emulationem*, sive *Zelotypiam*, definimus per

per appetitum sensitivum, quo ferimur in aliquod bonum habendum præ altero quodam, idem appetente.

Hic affectus est ejusmodi, ut ipsi plures alii facile immisceantur, *metus*, scilicet, ne alter nobis bonum, quo frui soli cupimus, eripiat, *odium* contra illum, quem putamus, nobis bonum eripere velle, *invidia* item &c.

§. 663. Devenimus nunc ad affectum, omnium fere vehementissimum, puta, *iram*. Est autem *ira* nobis nihil aliud, quam insigne tedium, ortum ex injuria, nobis, vel aliis illata, conjunctum cum odio ejus personæ, quæ injuriam intulit.

SCHOL. Alii aliam iræ definitionum proferunt, quorum tamen plures iram, vel a metu, vel a pœnitentia, vel a tristitia, & pudore, non satis distinguunt. Allata vero definitio videtur omnino esse ejusmodi, ut characteres, iræ proprios, alleget. Ponas, exemp. grat. Cajum, Titium, præsentibus aliis spectatæ auctoritatis hominibus, plurimis proscindere conviciis, ipsique vitia vitæ antæactæ exprobrare, tum Titius, injuriosius se tractatam arbitratus, vehementiori afficietur tædio, magnumque adversus Cajum, injurias inferentem, concipiet odium, sive *irascetur* Cajo.

§. 664. Promitudo, & animæ pronitas ad iram celerem dicitur *iracundia*. Quæ in iis reperiri possimum solet, qui, honoris paulo avidiores, vel speciem injuriæ pro insigni statim injuria habent.

§. 665. Ira intenditur, fitque vehementior,

I. Cum injuria, quæ infertur, magna fuerit, & atrocissima, aut certe, ut talis, menti repræsentetur.

II. Cum plures injuriæ concurrunt, magnæque copia inferuntur.

III. Dum per præsentem injuriam, ope memoriæ, & imaginationis, pristina injuriæ reviviscunt quædam, & vivide denuo menti fiunt.

IV. Cum affectui iræ alii simul affectus exempli,

gr.

grat. pudor, pœnitentia, metus, terror, desperatio, invidia, æmulatio, &c. immiscentur.

SCHOL. Fac, Cajo a Titio per calumniam crimen atheismi affingi; tum Cajus ira exardescet, & stomacho. Crescet autem, & augebitur ira, si Titius, qui Cajo atheismi crimen imputat, fuerit olim Caji discipulus, ab eoque multa, & insignia acceperit beneficia. Nam in hoc casu injuria *major* est, (vi num. I.)

SCHOL. Ponas porro, Cajum non modo Titio crimen Atheismi imputare, sed id quoque agere, ut Titium, munere suo huc dum laudabiliter functum, de gradu dignitatis suæ dejiciat, dejectumque in exilium propellat, tum magis magisque ira in Titio intenditur, quia *plures* concurrunt injuriæ, (vi num. II.)

SCHOL. Quod si Mævius, qui multis olim te injuriis laceflivit, tibi que vel maxime ægre fecit, forte fortuna tibi occurrerit, & vel limis te aspexerit oculis, mox ira effervesces, idque non tam ideo, quod te nunc limis Mævius aspicit oculis, sed quod imaginatio tua omnes illas injurias, quibus te quondam Mævius affecit, occasione præsentis injuriæ, denuo tibi repræsentet. (num. III.) ut adeo intelligi queat, cur vehementissima sæpius ira ex causa levi oriatur, maxime, si iræ alii affectus (num. IV.) recensiti immiscentur.

§. 666. Cum ira plura cōjuncta sunt mala, inter quæ, ratione animæ, maxime locum habet *vindicta cupiditas*, qua quod alter nos injuria affecit, ipsi malum rependere nitimur.

SCHOL. In corpore iræ effectus omnium maxime conspicui sunt. Enumerat hos Seneca Lib. I. de Ira Cap. I. hunc fere in modum: „Flagrant, & „micant oculi, multus ore toto rubor, exastu- „ante ab imis præcordiis sanguine. Labia quatuntur, dentes comprimuntur, horrent, ac sub- „eriguntur capilli, spiritus coactus, ac stridens, „articulorum se ipsos intorquentium sonus, ge- „mi-

appetitus, aversationisve rationalis naturam pertinentes.

§. 669. I. Appetitum rationalem oriri ex distinctis repræsentationibus, supra §. 611. demonstravimus. Cum vero, ope intellectus, res distincte cognoscamus, (§. 549.) consequens est, ut appetitus rationalis intellectum, tanquam ducem, sequatur.

II. Unde manifestum fit, quod, si appetitus rationalis via labatur, maleque eligat, ratio quærenda sit in errore intellectus.

III. Quo majus bonum nobis intellectus repræsentat, eo fortius ad appetendum motivum adest (§. 608.). Atque adeo mirum non est, nos e bonis, distinctius cognitis, majus bonum præferre minori.

IV. Fieri potest, & fit etiam persæpe, ut, quod intellectus, & ratio tanquam bonum repræsentant, id sensus, & imaginatio nobis tanquam malum stant, & contra.

V. Hinc oritur illud, ut, quod appetitus sensitivus cupit, rationalis sæpe aversetur, &, quod, sensus, & imaginationem secuti, averfamur, idem, ratione in consilium adhibita, appetamus.

VI. Status ejusmodi, quo appetitus sensitivus rationali est contrarius, & vice versa, dicitur *pugna appetitus sensitivi, & rationalis*.

SCHOL. Hanc pugnam exemplo perquam perspicuo illustrabimus. Fac, judici cuidam, qui jure jurando pollicitus est, se quascunque largitiones oblatas recusaturum, offerri a cliente quodam magnam pecuniæ summam, ut jus pervertat. Sensus, splendore auri præstrikti, pecuniam, tanquam gratam, tanquam utilem, ipsi repræsentabunt, atque tum appetet pecuniam, accipiendamque putabit. Mox vero ratio, & intellectus judici perjurii deformitatem, injustitiæ item vitium, cum infamia inde expectanda menti sistent, atque tum averfabitur largitiones, oblatumque munus respuen-

*Metaph. Baum.*

T

dum

dum existimabit. Atque hæc appetitus rationalis, sensitivique lucta tamdiu durabit, donec alterutra appetitio vincat, ita, ut vel ratio imperet, & sensus obtemperet, vel sensus imperent, & ratio obtemperet. Intelligi hinc potest illud poetæ;

- - - *Video meliora proboque,*

*Deteriora sequor.*

*Videmus* scilicet persæpe meliora, & probamus etiam, *rationem* scilicet, *tanquam optimam magistram*, secuti, deteriora tamen sequimur *sensuum determinati confusis representationibus*, *eorundemque irritamentis allecli, & circumducti*.

§. 670. Appetitus rationalis, quem hucdum explicavimus, dicitur *Voluntas* κατ' ἐξοχήν, Aversatio vero rationalis *Noluntas*.

NOT. Ita vocat eum *Wolffus*, in cujus systemate quoties, vel *voluntatis*, vel *noluntatis* vocabulum occurrit, toties appetitum rationalem, scito, intelligi.

§. 671. *Hac ipsa voluntas quamvis motivis, sive representationibus boni, ad volendum determinetur, & inclinetur, (§. 609.) non tamen anima, ut vel velit, vel nolit, neque interna, neque externa, vi, cogi potest.*

*Demonstr.* Dum enim voluntas sequatur representationes intellectus. (§. 611.) idque tantum cupiat, quod intellectus, tanquam bonum, distincte cognoscit, (§. 611.) facile intelligitur, voluntatem a vi externa cogi non posse. Si enim voluntas posset cogi ad appetendum, tum vi externa posset effici, ut id, quod intellectus, tanquam malum, sistit, simul pro bono haberet, & si ad averfandum posset voluntas cogi, tum vi externa deberet effici, ut intellectus, quod pro bono habet, simul pro malo haberet. At cum huic ei præstandæ nulla vis par esse queat, propterea, quod contradictoria produci non possunt. (§. 22.) intelligi potest, voluntatem nulli vi externæ esse subjectam, neque adeo cogi posse.

• *Quod*

*Quod* vero internæ coactioni non subiecta sit voluntas, id internus quemvis sensus conducere potest: experimur quidem, positis volendi, nolendique motivis, nos invitari, determinari, suaviter allici ad volendum, vel averſandum, coactionis vero nescia est anima.

EXEMPL. Fac e. gr. capitis damnatum ad supplicium pertrahi, & raptari à carnifice. Carnifex, crudelissimis licet tormentorum generibus excogitatis; omnibus licet instrumentis adhibitis; nunquam tamen in eo, quem ad supplicium rapit, appetitum patibuli, & rogi procreabit, quamvis id externa vi efficere possit, ut reus pedem moveat; & rogam scendat. Hinc veteres: Voluntas non potest cogi quoad *actus elicitos*, i. e. quoad internam appetitionem, post tamen cogi, quoad *actus imperatos*, i. e. quoad externa.

§. 672. Dum itaque voluntas neque externa, neque interna vi ad appetendum, averſandumve cogi potest, (§. 671.) patet; animam, cum in appetendo, tum in averſando, seipsam *determinare*. Facultas animæ seipsam determinandi dicitur *Spontaneitas*, & ea actio; ad quam se ipsa determinat anima, dicitur *spontanea*.

EXEMPL. Cajus e. gr. frequentat collegium juridicum *spontè*, *sponteque* audit Doctorem Juris Titium, quatenus scilicet non vi externa pertrahitur, & truditur in scholas jurídicas. Mævius vero, mox capitis pœnam in ferali pœgmate subiturus, non *spontè* ad locum supplicii ire dicitur, si ea crudeli carnificis manu ad eum locum raptatur; violenterque detruditur.

§. 673. *Ex his consequitur, animam; & in appetendo, & averſando sponte agere.*

Demonstr. Cum enim anima, neque interna neque externa vi, ad appetendum averſandumque cogi queat, (§. 671.) adeoque se ipsa ad appetendum averſandumque determinet, eatenus autem, quatenus anima seipsa determinat, *sponte*

ipsa agere dicatur, (§. 672.) consequens est, ut anima, & in appetendo, & in averfando sponte agat.

§. 674. His recte intellectis, intelligitur nunc facillime, in quonam genuina *libertatis* notio consistat. Ad quam distinctius evolvendam, permultum refert, casum allegasse specialiozem, in quo quis *libere* agere, dicatur.

§. 675. Ponas ergo, Cajum *libere*, præ studio theologico, & juridico, eligere studium medicum. Nonne hic in Cajo requiritur, ut *distincte perspiciat*, quid agat, ut incommoda studii theologici, vel juridici perpendat, ponderetque e contrario commoda, & opportunitates a studio medicinæ expectandas? Nonne porro, si studium medicum præ theologico, juridicoque *libere* eligere dici debet, requiritur, ut studium medicum etiam mittere, & illud non eligere posset? Nonne denique vel hoc quoque imprimis requiritur, ut se ipsum determinet, ut a nullo violenter ad studium medicum cogatur, trudatur, pertrahatur?

§. 676. His in summam collectis conficimus, ad omnem actionem liberam requiri (I) *distinctam* actionis suscipiendæ *intelligentiam*, sive, ut quis eam actionem, quam *libere* suscipere dicitur, recte intelligat, eaque, quæ actionem circumstant, probe expendat, atque adeo eligat, quod optimam judicat.

SCHOL. Hinc bruta non agere *libere* dicuntur. Quamvis enim bruta, ab omni vi externa libera se ipsa ad agendum determinent, quia tamen distincta, & mediata actionum committendarum cognitione destituuntur, omnis ipsis libertas denegatur.

§. 677. I. Quia, si actio libera dici debet, ita comparata esse debet, ut etiam possit omitti, ut contrarium ejus fieri possit, (§. 675.) id autem, cujus oppositum adhuc fieri potest, appellatur *contingens*, (§. 175.) sequitur, ut

Ut ad omnem actionem liberam requiratur *contingentia*.

EXEMPL. Hinc e. gr. pulsus cordis, circulus sanguinis, non vocamus actionem liberam, quia non possumus eam omittere.

§. 678. II. Cum ut agat quis *libere*, requiratur, ut se ipse ad agendum determinet, (§. 675.) is autem, qui se ad agendum ipse determinat, dicatur *sponte* agere, (§. 672.) palam est, libertatem sine spontaneitate esse nullam posse.

SCHOL. Sic fur, a carnifice ad supplicium pertractus; non libere ad patibulum ire dicitur, cum spontaneitas desit.

§. 679. His recte præstratis, intelligis, *liberitatem* nihil esse aliud, quam facultatem entis *intelligentis*, (§. 676.) *ex pluribus possibilibus sive contingentibus*, (§. 677.) *sponte*, (§. 678.) *eligendi id, quod optimum judicat*.

SCHOL. Hunc libertatis conceptum, ipsa fundamentum experientia, eleganter solide, multaque cum diligentia, exposuit S. R. *Wagnerus*, Hamburgensium in præsentem decus, & delictum, idque in peculiari libro, quem de *libertate*, ante paucos annos, Germanice conscripsit. *Schloesserus* item selectis quibusdam thesibus libertatis notionem enucleavit. Vitemb. 1725. Scholastici aliam libertatem dicebant esse libertatem *contradictionis*, aliam *contrarietatis*. Vi *hujus* aliquid, positis omnibus ad agendum prærequisitis, possumus agere, & non agere. Vi *illius* possumus ex actionibus, specie diversis, eligere hanc, illamve. Libertatem contradictionis vocant quoque libertatem *exercitii*, e. g. cum possum librum legere, & non legere. Libertatem contrarietatis appellant quoque libertatem *speciei*, exempli gr. cum possumus librum legere, vel ambulare, vel, loco ambulationis, scribere &c.

§. 680. Ex libertatis notione intelligitur: (a  
*ubi non habet locum intellectus & ratio, ibi nulla*



la libertas, (β) Quicquid non tollit contingentiam actionis, & spontaneitatem, id non tollit libertatem, adeoque (γ) cum necessitas hypothetica contingentiam neutiquam tollat, (§. 185.) sequitur, ut necessitas hypothetica cum libertate possit consistere.

§. 681. Motiva itaque volendi non tollunt libertatem, sed cum ea optime possunt simul stare.

Demonst. Cum enim motiva volendi nihil sint aliud, quam representationes boni voluntatem ad appetendum determinantes, (§. 608.) ad id autem, ut quis libere agat, requiratur, ut actionem suscipiendam sibi tanquam bonam distincte antea representet, intelligenterque eam ponderet, (§. 676.) perspicuum est, tantum abesse, ut motiva volendi ullo modo libertati adversentur, ut sine iis nulla libertas locum habere queat.

Ponamus, motiva volendi tollere libertatem. Tunc sequetur, omnem actionem, si quidem libera dici debeat, esse sine antecedenti deliberatione suscipiendam, omnemque illam, quæ cum ratione, & intelligentia committitur esse necessariam. Quo quidem nihil absurdius dici potest.

Quod vero motiva volendi plane non officiant libertati, id cum suis quemque sensus condocet, tum ex exemplo appposito patescet clarius. Fac, te hucdum studio Theologico addictum fuisse. Fac porro, te nunc, misso studio Theologico, animum tuum appellere ad studium juridicum. Numne adsunt rationes, quæ te ad hanc mutationem suscipiendam commovent? Adsunt omnino. Scilicet (α) debili voce es instructus, adeoque ad orationes sacras habendas minus aptum te sentis. (β) Memoria languida, nec tenaci te laborare intelligis, quæ impediat, quo minus hebræam, græcamque linguas, Theologo necessarias, addiscere queas, (γ) accedit, quod spes affulgeat stipendii percipiendi, quod vero ex mente testatoris, non nisi juris studio conferri debeat. En ratio-

rationes, en motiva, ad studium Theologicum cum juridico commutandum te moventia! Ecquis vero est, qui cum te his motivis ad studium juridicum amplectendum adductum videat, negare velit, te jurisprudentiam præ theologia libere elegeris? Nescio itaque, nec video satis, qui fieri possit, ut nonnulli eo progrediantur vecordix, ut, omnia motiva libertati repugnare, affirmarint, periculosaque illam doctrinam esse, clamitarint, qua, cum ratione, & tamen libere, actiones suscipi posse, asseritur. *Conf. omnino jam citatus liber VVagneri de libertate.*

§. 682. *Ita apparet nunc, indifferentiam illam perfecti æquilibrii, qua veteribus Scholasticis tantopere arrisit, quaque placet etiam nunc nonnullis, neutiquam libertatis notionem constituere, sed pertinere ad non entia, & commenta.*

*Demonstr.* Cum enim libertas sine motivis, sive representatione boni distincta locum habere non possit, (§. 676.) *indifferentia vero perfecti æquilibrii* vocarent veteres, qua anima, positis omnibus ad volendum requisitis, sive motivis, tamen contrarium eligere posset, idque sine motivo, sine ratione sufficienti, animam ad contrarium determinante, palam est, *indifferentiam perfecti æquilibrii* referri inter ea, quæ fieri non possunt, adeoque ad non entia, & commenta. (§. 62.)

SCHOL. Concedimus equidem, quod anima, positis omnibus ad agendum requisitis, possit contrarium agere, sed N. B, *si contraria motiva fortiora accesserint*. Cæsus e. gr. offert mihi medicinam, quam, ait, hæsticæ sanandæ esse accommodatissimam. Appeto eam, & quidem libere. Fac vero, Titium accedere, & jurejurando confirmare, quod in pulvere oblato pestilentissimum delitescat venenum, tum, novis motivis, scilicet representatione periculi, mortisque, ex sumto pulvere certissime subsecuturæ, determinatus, averter id, quod modo pro saluberrimo habebam me-

- dicamento, & appetebam. Atque eatenus, quatenus anima per se indifferens est, ad agendum, & non agendum, ipsi tribuitur *indifferentia exercitii*. *Conf. Flottwell in dissertat. philosophica de Anima in aequilibrio libera, Jena 1734. habita*

## C A P U T VIII.

*De commercio animæ, & corporis, quatenus illud constet ex experientia.*

## §. 683.

**E**Xplanata sunt hætenus cum ea, quæ ad animæ facultatem cognoscendi pertinent, tum illa quæque, ordinis lege, distinctius enodasse nobis videmur, quæ appetitionibus animæ, & aversionibus recte intelligendi deserviunt. Nunc, experientia magistra, trademus, quo nexu, quæve cognatione corporis ac animæ mutationes inter se contineantur.

§. 684. Quod animam arctissimo sit conjuncta vinculo cum corpore, & in societatem veniat eorum, quæ corpori contingunt, de eo suus neminem sensus dubitare patitur. Neque adeo negasse quemquam hanc positionem, memini, nisi eos, qui aut corpora dari negant, quo pertinent *Idealistæ*, aut, qui spiritus existere inficiantur, quo referendi *Materialistæ*.

§. 685. Harmoniam vero, & commercium, quod anima habet cum corpore, ut alia plura, ita, vel maxime sequentia comprobant.

I. Experientia quemque conducet, eo momento, quo in corpore nostro organa sentiendi, ut, oculus, auris, nares, fibrillæ nervæ, a rebus externis pulsantur, feriuntur, moventur; statim in anima oriri ideam ejus mutationis, quæ in corpore nostro ab objectis extrinsecis producitur. Ea, quæ ipsa idea est rei externæ, quæ sensus afficit,

mu-

mutationique in sentiendi organis productæ, admodum conveniens.

EXEMPL. E. gr. Cum tormenta bellica, magno fragore, exploduntur, tum motus aeris tremulus producit, ad aures defertur, per illarum anfractus continuatur, & fibrillas per aërem interiori disperfas subita vibratione percellit. Hæ mutationes ad corpus spectant. Eo ipso vero momento, & temporis punctulo, quo hæc omnia in corpore, & organo auditus contingant, anima sibi fragorem bellici tormenti repræsentat. En arctam connexionem animæ cum corpore.

II. *Commercium* hoc evincit præterea illud, quod ubi corpus, vel languore alioque, vel morbo, & dolore infirmatur, anima quoque miram sentiat ægitudinem, & omni vigore amisso, paulatim languescat. Contra, cum corpus succi plenum crescit in dies, & vigescit, tum animam quoque, & in cogitando, & in judicando, ratiocinandove plurimam acquirere agilitatis, & firmamenti comperimus.

III. Experimur præterea, anima, cerebro læso, mirum quantum in functionibus suis turbari & identidem in delirium prolabi.

§. 686. Hæc ut docent, animam, arctissimo cum corpore connexam vinculo, intimum cum eo habere commercium, sic itidem experientia nescire neminem patitur, corpus cum anima vicissim habere harmoniam, & consensionem. Quod ut intelligas, attende ad sequentia.

I. Observamus, motus quosdam in corpore evenire tum, cum anima eosdem vult consequi, & eo cessare rursus momento, quo cessare cupit eos anima.

II. Novimus, in turbulento affectuum concursu ita sanguinem, succosque corporis omnes confundi, & conturbari, ut nihil tranquillius in eo compareat, æstu autem animi defervescente, sedari omnia, & placari.

§. 686. Quæ quid aliud indicant , quam amicum , quod cum anima habet corpus , commercium ? Nihil autem , si experientiam recte in consilium adhibueris , experiris , sentisque aliud , quam quod cum certis corporis mutationibus convenientes animæ ideæ simul existant , ( §. 685. ) quodque ad animæ decretum nonnulli corporis motus sequantur .

- NOT. Qui plura experientia sentire putant , idque maxime observasse sibi videntur , quod anima , ut causâ efficiens producat vere motus in corpore , quodque , quoties in corpore mutatio accidit , toties animæ a corpore *effectivè* imprimatur idea , nã ii sensisse quid se putant , quod nunquam senserunt , idque , ut experientiam certam , nec fallacem , allegant , quod , ut fœtum aliquem adulterinum , imaginatio enixa est . Hi , non video , qua se ratione *vitio subreptionis* , §. 566. Philosophiæ nostræ rationalis explicato , purgare queant .

§. 687. Cum , experientiam testari , dixerimus , ( §. 684. ) animam motus corporis ita determinare posse , ut pro lubitu hic , nec alius sequatur motus , consequens est , ut eadem confirmet experienti , animæ competere *regimen in corpore* . *Regimen enim anima in corpore* , quid aliud est , quam facultas animæ , motus corporis pro lubitu ita determinandi , ut sequatur hic , nec alius , motus .

§. 688. Tantum de commercio mentis , & corporis nos conducet experientia , qua edocti , scimus , dari revera inter utramque hanc substantiam mutuam amicitiam . Modum vero , quo sequatur ad decretum animæ motus in corpore , quoque ad certas in corpore factas mutationes exurgat idea in anima , varii varie explicant ; de quo deinceps dispiciemus .

*Finis Psychologia Empirica .*

PSY-

# PSYCHOLOGIA

## RATIONALIS.

---

### C A P U T I.

*De essentia, & Natura animæ, Rationibusque eorum, quæ sunt in animæ.*

#### §. 689.

**S**upra jam monitum fuit a nobis, ea, quæ animæ tribuuntur, aut cognosci ex experientia unde existit *Psychologia Empirica*, aut ratiociniorum ope investigari, unde *Psychologia rationalis*. (Conf. §. 479.) Ad finem itaque perductis iis, quæ ad psychologiam empiricam spectant, nunc in investigandis eorum, quæ per experientiam animæ competunt, rationibus versabimur, atque, id ita quidem, ut, quas ratio suppeditat, positiones cum demonstrationibus percontemur.

§. 690. Definitionem nominalem *animæ* supra allegavimus, (§. 487.) qua ipsam diximus esse ens, quod in nobis sui, rerumque extra se positarum est sibi conscius. Cum conscius sibi quis sui rerumque extra se positarum est, tum *cogitare* dicitur. (§. 491.) Atqui vero tum, cum quis sibi sui rerumque extra se positarum conscius est se ab aliis rebus, resque a se invicem dignoscere debet, (§. 484.) ut adeo cogitans rerum discrimina percipere debeat, & unam repræsentationem cum altera per attentionem, & reflexionem (§. 542.) comparare.

§. 691. Quicquid igitur rerum differentias observare nequit, quicquid perceptiones suas a se ipso

di-

discere non potest, quicquid item non est ejusmodi, ut unam representationem cum altera, ope attentionis, & reflexionis, comparare valeat, id cogitare non potest.

§. 692. *Quicquid est ens compositum, illud non potest cogitare.*

*Demonstr.* Quicquid rerum differentias observare, & res representatas inter se invicem conferre, perceptionisque suas a se ipso discernere nequit, id cogitare non potest (§. 691.). Atqui vero ens compositum hæc omnia non potest. Ergo ens compositum cogitare nequit. Quotiescumque enim compositum, vel perciperet res, vel res perceptas inter se compararet, toties certas subiret mutationes, (quia, quod communis quemque sensus edocet, nulla cogitatio, & nulla rerum perceptarum inter se collatio sine mutatione evenire potest). Cum vero omnes mutationes, quæ in ente composito fieri possunt, mediante motu fiant, ita, ut partes ipsius, vel transponantur, vel aliæ addantur, vel minuantur quædam, (§. 265.) consequens est, ut; si in ente composito cogitatio, & conscientia sui locum habere deberet, tum illa aut ex additione, aut transpositione, aut diminutione partium exurgeret. Sed *transpone* partes, tum habes *aliud* ens compositum, aliamque ejusdem figuram, neutiquam vero cogitationem, & conscientiam sui. *Adde* partes, tum emerget *maius* ens compositum, (§. 237.) *diminue* partes, tum habebis *minus* ens compositum: (§. 257.) Nunquam vero esculpes cogitationem.

SCHOL. Hoc negare quidem non possumus, a causa quadam externa imagines, & representationes rerum materialium in ente composito, e. gr. imaginem regis in ænea statua produci posse. Ad id autem, ut ens quoddam perceptionis inter se conferat, ut similitudines rerum, & differentias observet, ut pro lubitu uni rei attendat alteramque cognoscere omittat, ad id, inquam;  
inter

interna quædam vis requiritur. Cum vero compositum quiescens seipsum movere non possit, (§. 446.) multo minus perceptiones producere easdemque inter se conferre, & super ea reflectere poterit.

*Theorema hoc: Compositum non potest cogitare; a variis varie demonstratum est. Canzjus in Jurisprudentiali Theologia p. 152. hanc in rem præclare: „ Quod si, inquit, intellectus, & voluntas Spirituum finitorum necessario deposcunt rem extensam, in qua insint, (cum res extensa sit complexus plurium,) intelligendi, & appetendi facultas nascetur vel a partibus extensi, vel a toto, i. e. quatenus partes juncta sunt. Tertius, & quartus &c. modus consequendi, aut possidendi intellectum in re extensa non datur. cum nihil amplius in ea sit. Non potest intellectus oriri a partibus extensi singulis, singula enim haberent sua magnitudini respondentes minutos intellectus, quorum unusquisque aliquid ad intellectum ex partibus componendum, & majorem, uti atomi ad molem coacervandam, conferret, quo nihil potest cogitari absurdius; sed nec intellectus, & voluntas possunt resultare ex partibus extensi, quatenus sunt juncta in certo situ, figura, & motu. Nam si hoc fieri posset, nihil obstarret, quo minus ejusmodi machina major, fabricaretur, servata proportione minoris, idque ideo maxime, ut major intellectus, domus instar, ex ea oriretur.*

§. 693. Cum itaque de ente composito in genere sit demonstratum, adeoque etiam de corpore quovis, quod est ens compositum, (§. 430.) perspicuum est, nec materiæ subtiliori cogitationem posse tribui.

§. 694. Quin etiam ne per potentiam quidem divinam corpori, ac materiæ facultas cogitandi tribui potest.

*Demonstr.* Ponamus, Dei omnipotentia vim, & facultatem cogitandi corpori tribui posse, tum  
aut



aut corpus cogitaret, ut corpus, aut in spiritum mutaretur. Si mutaretur in spiritum, tum vero non corpus, sed spiritus, omnipotentia divina productus, cogitaret. Si vero simul corpus maneret, tum non cogitaret, ut corpus, sed ut spiritus simul existens. Id enim, quod cogitat, & intellectu adeo gaudet, est *spiritus*; & pertinet ad essentiam spiritus *ad cogitare*. (§. 473.)

§. 695. *Anima est ens simplex.*

*Demonstr.* Cum enim anima cogitet, & sui sibi conscia sit, (§. 487.) ens compositum autem non possit sui sibi conscius esse, adeoque nec cogitare. (§. 692.) consequens est; ut anima non possit esse ens compositum. Quia verb, quicquid est, debet esse aut ens compositum, aut simplex (§. 267.) manifestum est, animam esse ens simplex.

Ergo anima non est extensa, (§. 269.) omni caret magnitudine, (§. 270.) item figura destituitur, (§. 271.) est indivisibilis, (§. 272.) & indestructibilis, (§. cit.)

§. 696. *Anima gaudet vi cogitandi, sive representativa; a qua, tanquam a principio & fonte suo, omnes ejus representationes ortum trahunt.*

*Demonstr.* Dum enim omnia entia simplicia gaudent vi quadam, (§. 301.) anima autem est ens simplex; (§. 695.) intelligis, animæ quoque vim, sive continuum agendi conatum, & nisum; (§. 298.) tribui debere. Cum vero præcipue animæ operationes representationibus absolvantur, vint istam animæ recte dicimus *vim representativam*. *Vis* est id, in quo continetur ratio sufficiens, cur actio ad existentiam perveniat. (§. 398.) E. in vi representativa continetur ratio sufficiens, cur representationes ad existentiam perveniant. Id, in quo continetur ratio sufficiens, cur alterum ad existentiam perveniat, dicitur *caussa* alterius, (§. 347.) E. vis representativa est causa, sive principium representationum, & perceptionum in anima.

§. 697.

§. 697. Non omnia sibi repræsentat unico actu anima, quæ sibi repræsentare potest, nec, quæ sibi repræsentat, eo distinctionis gradu semper sibi sistit, quin distinctius possit repræsentare. Ergo anima nondum habet omnia eâ actu, quæ habere potest. Ergo anima est ens finitum, (§. 324.) & limitibus circumscripta est: (§. 323.) Vis itaque animæ repræsentativa etiam certo modo sit limitata, necesse est.

§. 698. Hæc vis repræsentativa limitatur (α) qua *objecta*, quæ repræsentantur, sive, ut alii enunciant, *materialiter*. Dum scilicet anima sentit, sibi repræsentat ea, quæ in organis sensoriis mutationem producant, (§. 499) atque adeo res sibi repræsentat pro situ corporis organici. (β) Limitatur qua *modum repræsentandi*, ita, ut aliæ perceptiones sint clariores, obscuriores aliæ, prout scilicet organa sensoria fuerint, vel sana vel corrupta, aut objecto percepto propius admota, aut ab eodem longius distant. Hinc animam recte dicimus in repræsentationibus suis limitari per situm corporis organici, & constitutionem organorum sensoriorum.

SCHOL. Ex quo nunc intelligi potest, quid sit, quod anima a nonnullis dicatur *substantia repræsentativa universi pro situ corporis organici in universo*: Ut vero magis perspicua fiat illa loquendi ratio: pro situ corporis organici, ad sequentia attendas. Cum e. gr. in bibliotheca tua fueris, tum percipis, sentiendoque tibi repræsentas libros, qui sunt ante oculos. Ecquid vero est, quod non simul videas libros, qui sunt a tergo? Nonne causa est situs corporis organici? Quod enim prout alium, aliamve situm habebit, ita aliæ, aliæque perceptiones exurgent in anima. Quid porro est, quod, cum rem aliquam, e. gr. arborem sensibus tibi repræsentas, alio plane modo percipias, quam cum propius accesseris? Nonne rationem invenies in situ corporis organici? Atque adeo intelligis, quid

quid sit illud tandem, cum anima sibi res pro fitu corporis organici representare dicitur. *Conf. Bilfing. dilucid.* ( §. 288. )

§. 699. Quandoquidem vim representativam animæ diximus esse principium fontemque omnium representationum operationumque animæ, ( §. 696. ) agendum, dispiciamus nunc, qua ratione & illæ ex vi representativa resurgent.

§. 700. De sensationibus quidem dubium non est, quin in vi representativa contineantur. Cum enim sensationes sint representationes rerum præsentium, ( §. 497. ) representatio autem supponat, vim representandi, ( §. 297. ) palam est, vim representativam non posse non adesse, si sensationes locum habere debeant.

§. 701. Dum autem anima in sentiendo res præsentis, mutationibus, in organis sensoriis factis, convenientes sibi representat, ( §. 699. ) sequitur inde, (α) representationes sensuum in anima exactam habere cum iis rebus, quæ representantur, convenientiam, & similitudinem. Sunt enim representationes rerum velut imagines rerum. Atqui vero inter imaginem, & rem, cujus est imago, semper debet esse similitudo. (β) Hinc colligitur, eodem ordine eademque successione, eodem item tempore, quo res externæ organa sensoria afficiunt, pulsant, feriunt, animam sibi easdem representare debere. (γ) Ex quo fluit illud, si in casibus duobus, vel pluribus etiam eadem in organis sensoriis producit mutatio, eandem in anima representationem oriri debere.

§. 702. Quæ quidem omnia quemadmodum ex natura, indoleve sensationum tam evidenter fluunt, ut evidentiùs non possint, ita illud quoque pro comperto habemus, cum sensationibus omnibus certos motus fluidi nervi in cerebro simul existere.

*Demonstr.* Cum enim in omni sensatione in organis sensoriis ab objecto externo per motum producat mutatio, ( §. 499. ) consequens est, ut nervi,

vei, qui connexi sunt, arctiusque cohererent cum organis sensorijs, quoque tangantur. Nervei autem, id quod quemque corporis humani dissectio conducet, in cerebrum usque, filo quasi continuo, propagantur simulque tanquam totidem vascula, subtilissimum aliquod fluidum, quod vocant ideo *nerveum*, in se continent. Quo patet, motu in organis sensorijs facto, subtilissimum illud fluidum nerveum agitari, atque, agitatione usque in cerebrum continuata, ipsum cerebrum mutationes subire. Vides ergo, *cum sensationibus certos motus* fluidi nervei simul in cerebro existeret.

§. 703. *Imaginatio itidem ex vi representativa resultat.*

*Demonstr.* Cum enim sensatio suum ortum habeat a vi representandi, (§. 700.) imaginatio autem nihil aliud sit, quam continuata sensatio, (§. 309.) ratio in promptu est, cur imaginationem ita, ut sensationem, ex vi representativa fluere, affirmemus.

§. 704. Et quia somnia sunt imaginationes, (§. 627.) eadem, liquet, per vim animæ representativam produci.

§. 705. Sicut sensationibus omnibus respondet certus motus fluidi nervei in cerebro, (§. 702.) imaginatio vero non nisi continuata est sensatio, (§. 509.) dubium non est, quin cum imaginatione sit certus quidam motus subtilioris illius, de quo diximus, fluidi nervei in cerebro conjunctus.

SCHOL. Patet id cumulatius ex eo, quod, læso turbatque cerebro; imaginatio, sive phantasia miram quantum in functionibus suis impediatur, & turbetur. Specialius hæc imaginatio motusque fluidi nervei in cerebro ita explicatur. Quemadmodum scilicet sensatio, quæ olim fuit sensatio, producit imaginationem, (§. 508.) ita idem, qui in cerebro cum sensatione simul existit, (§. 702.) idem, inquam, motus nunc reproducitur cum imaginatione.

*Baum. Metaph,*

V

§. 706.

§. 706. *Attentio, reflexio, abstractio, resultant etiam ex vi representativa animæ.*

*Demonstr.* Cum enim attentio æque ac reflexio abstractioque nihil aliud involvant, quam id, ut anima unam rem clarius distinctiusque præ altera contempletur, (§. 542.) consequens est, ut anima in attentione, reflexione, & abstractione, ad unum præ cæteris representandum, nitatur. Qui nifus quid aliud est, quam vis representandi? Ut adeo, attentionem, reflexionem, & abstractionem ex vi representativa resultare, pateat.

Si itaque attentio, & reflexio ex vi representativa concipi possunt, (§. 706.) comparatio vero idearum, adeoque ingenium etiam, ex attentione, & reflexione originem trahunt, (§. 570.) *ingenium, & idearum comparationem ex vi representativa derivare possumus.*

§. 707. *Per vim representandi formantur etiam notiones universales.*

*Demonstr.* Cum enim ad notiones rerum universales formandas opus sit attentione, reflexione, abstractione (§. 560) hæc autem facultates ex vi representativa deriventur, (§. 706.) intelligis, per vim animæ formari notiones rerum universales.

§. 708. *Judicia nostra animæ ex vi representativa deduci possunt.*

*Demonstr.* Cum enim judicia nihil aliud sint, quam combinationes, vel separationes idearum, (§. 185. Log.) consequens est, ut in judiciis anima / bi ideas certas, & representationes former. Quo ipso manifestum fit, animam judicare non posse, nisi adsit in ea nifus ad representationes quasdam producendas. Hic ipse nifus est vis representativa, (§. 298.) Ergo ad judicia formanda requiritur vis representativa, & ex hac illa recte derivantur.

§. 708. *Ratiocinia oriuntur ex vi representativa.*

*Demonstr.* Cum enim ratiocinia tribus consent ju-  
di-

dictis, (§. 238. Log.) iudicia vero non nisi ex vi repræsentativa, deduci debeant, (§. 708.) in apri-  
co est; ratiocinia oriri ex vi repræsentativa.

§. 710. Dum vero ratio per ratiocinia se maxime  
exierit, (§. 574.) ratiocinia vero ex vi repræsen-  
tativa animæ resultant, (§. 709.) idem de ratione  
dicendum; patet.

§. 711. Cum igitur tres intellectus operationes  
præcipue, notionum scilicet universalium formatio,  
iudicium, ratiocinium, ex vi repræsentativa propul-  
sulant, (§. 707. 708. 709.) manifestum est, intel-  
lectum quoque ex vi repræsentativa oriri debere.

§. 712. Quia acumen ab intellectu sejungi non  
potest, (§. 566.) lucidissime apparet; etiam acu-  
men a vi repræsentativa provenire.

§. 713. *Ex vi repræsentativa etiam in anima ori-  
tur appetitus, & aversatio, atque adeo voluntas;  
& noluntas.*

*Demonstr.* Cum enim omnis appetitus ex repræ-  
sentatione boni oriatur, (§. 606.) & omnis aver-  
satio ex repræsentatione mali, (§. 606.) repræsen-  
tatio autem boni in alique oriatur ex vi repræsen-  
tandi, (§. 696.) consequens est; ut & appetitus,  
& aversatio, oriantur ex vi repræsentativa.

§. 714. Dum igitur appetitus, & aversiones in  
genere ex repræsentativa vi oriuntur, (§. 713.) quis  
dubitet, etiam appetitus sensitivos, atque adeo af-  
fectus, oriri ex vi repræsentativa?

§. 715. *In vi repræsentativa anima continetur,  
& consistit ejusdem essentia.*

*Demonstr.* Cum enim vis repræsentativa conti-  
neat rationem eorum in sese, quæ animæ conve-  
niunt, (§. 628.) omniaque etiam, quæ in Psy-  
chologia empirica a posteriori de anima cognovi-  
mus, ex vi repræsentativa a nobis deducta sint;  
(§. 714.) dubium nullum superest, quin vis re-  
præsentativa primam illud sit, quod de anima  
concipitur. Primum autem illud quod in aliqua re  
concipi potest, quodque continet rationem sufficientem

tem in sese eorum omnium, quæ rei conveniunt, est *rei essentia*, (§. 66.) E. vis repræsentativa est animæ essentia.

§. 716. *Vis repræsentativa constituit etiam naturam animæ.*

*Demonstr.* Naturam cujusque rei constituit vis ejusdem intrinseca, ad determinatas actiones patrandas tendens, (§. 443.) Cum vero vis animæ repræsentativa sit vis animæ actiosa ad determinatos effectus, nimirum perceptiones, & volitiones præstandas apta, (ex vi enim repræsentativa omnes has mutationes profluere, demonstravimus (§. 714.) perspicuum, evidensque est, quod vis repræsentativa constituat naturam animæ.

SCHOL. Naturam itaque, & essentiam animæ unum idemque esse, ex dictis constat. Quod neutiquam valet in corpore, ubi naturam vis ejus activa, sive motrix, essentiam vero modus compositionis constituit. Conf. §. 443.

§. 717. Id omne itaque animæ *naturale* est, quod ex vi ejus repræsentativa, secundum regulas legesque cogitandi, potest concipi distincteque explicari. *Supernaturale* vero, quod ex ea non potest distincte intelligi. (§. 456.)

SCHOL. Facile hinc determinari poterit differentia inter somnium naturale, & supernaturale. Somnium naturale legi imaginationis conformatur, & continuatur. Somnium supernaturale non item.

§. 718. *Vis animæ tantum unica est.*

*Demonstr.* Dum enim omnia, quæ de anima in psychologia empirica a posteriori cognovimus, ex vi repræsentativa unica derivari potuerant, (§. 700. seqq.) sine ratione vires plures animæ tribuuntur, præter hanc.

SCHOL. Hoc theorema compluribus paradoxon, aut falsum omnino, videri, non miror. Cum enim perpauci notiones distinctas, *vis*, & *facultatis* sibi forment, factum est, ut cum plures animæ facultates dentur, putent, positionem, qua animæ tan-

tum

tum unica vis tribuitur, esse sensui communi, & experientię contrariam. Si nos unicam vim animę assignamus, tum id ita intelligi volumus, unicum tantum esse nilum, perpetuumque conatum in anima, ad novas repręsentationes formandas. Hęc autem unica vis repręsentativa diverso modo, pro diversitate rei, quę repręsentatur, determinari solet. Unde oriuntur varię facultates animę: Cum exempl. grat. vis animę repręsentativa ad repręsentationem rerum pręsentium tendat, tunc anima dicitur *sentire*. Ipsa autem possibilitas sentiendi dicitur *facultas sentiendi*. Eadem est ratio facultatis imaginandi, recordandi, judicandi, ratiocinandi, & averfandi &c.

SCHOL. *Cel. Bilfingerus* hanc in rem pręclare: *Esti inquit, una anima vis tribuatur, non tribuitur tamen una facultas; quia autem unica illa vis diverso modo agit (nunc enim sentit, nunc imaginatur, nunc recordatur, nunc judicat, nunc ratiocinatur, &c.) diverso quoque modo potest agere. Potentia illa sive possibilitas agendi dicitur facultas. Igitur plures in anima adesse possunt facultates, Vid. Diluc. §. 288.*

SCHOL. *Vinclerus in Institut. philos. p. 256.* Vi unica, inquit, tantum anima pollet, propterea, quod est simplex. Duę vires duas substantias requirunt.



## CAPUT V.

*De modo, quo anima cum corpore  
est conjuncta.*

## SECT. II.

*De systemate influxus physici.*

§. 719.

**D**ari arctum quoddam corporis & animæ commercium, id fāt multis, ex experientia adductis, rationibus supra §. 684. demonstrasse mihi videor. Superest, ut de modo nunc dispiciamus, quo anima cum corpore est conjuncta. De eo scilicet quæritur, quomodo id fiat, ut, dum motus in organis sensoriis oritur, statim oriatur in anima representatio, & qui fiat, ut, dum anima vult, hoc illudve membrum in corpore moveri, oppido motus in corpore conveniens adsit.

§. 720. Hanc quætionem, hoc problema, cujus solutio est mere metaphysica, nec in aliis altioris momenti disciplinis multi est usus, triplici ratione eruditi solvendum putarunt. *Alii* existimant, animam ita agere in corpus, & corpus, ita agere in animam, ut, quando ab objecto externo mutatio in organo sensorio fiat, tum motus per nervos in cerebrum usque propagetur, & ita, mediante fluidi nervei motu, animæ imprimatur idea, & quando anima velit, corpus ejusdemque membra moveri, tum anima *revera*, & *effective* alium, aliumque nervum impellat, atque ita efficiat, ut motus voluntarius hic, nec alius, sequatur. *Alii*, Deo quasi ex machina advocato, opinantur, facta in organis sensoriis mutatione, Deum immediate in anima convenientem producere mutationem, & coercita in anima voluntate, mo-

motum convenientem corpori a Deo imprimi. *Alii* denique, in aliam, eamque novam, sententiam ingressi, modum, quo anima cum corpore est conjuncta, ita exponunt. (1) Putant, facta in organis sensoriis mutatione, sensationes in anima produci per vim animæ intrinsecam, & quidem ex sensationibus præcedentibus. (2) Ab anima, neque immediate a Deo produci, sed resultare ex structura, & vi motrice corporis, & motibus præcedentibus. (3) Quod vero tam amicus, tamque æctus corporis motuum, & animæ repræsentationum consensus adsit, id a quadam Dei prudenti præordinatione, & præstabilitione derivant.

SCHOL. Dici non potest, quam vehementi animi æstu, quantaque virulentia ac pertinacia nostris temporibus de modo, quo anima cum corpore conjuncta est, sit disputatum. Crederes, de salute Græciæ agi, aut quoddam fidei dogma in discrimen vocari, cum tamen tota illa controversia sit de mera hypothese, & problemate, quod affirmari, ac negari potest. In tres autem, ut dixi. abeunt sententias eruditi, nec plures, quam tres, modos dari, commercium inter animam, & corpus expiscandi, & a non paucis asseritur, & res ipsa docet. *Illustris Bilfingerus in Commentatione hypothetica de harmonia animæ, & corporis, maxime præstabilita a priori demonstravit*, non posse quartam præter has tres sententias in medium adduci p. 10. *Cel. Hollmannus in dissertatione I. de harmonia inter animam, & corpus præstabilita p. 6.* hanc in rem præclare: „Diver-  
„ sissimæ, ait, duæ substantiæ si in operationibus  
„ suis conspirare secum debent, aut altera alteram  
„ dirigat moveatque, aut communis inter utram-  
„ que mediator intercedat, aut utraque suum  
„ agat, in perpetua tamen cum altera consensio-  
„ ne, necesse est. Illustrari id solet, & explicari  
exemplo duorum horologiorum, quæ, licet a se

invicem sint diversa ; licet magna distantia a se  
sejuncta sint , tamen consonent exacte . *Faciamus* ,  
inquit *Billebius* in dissertat. *An Harmonia presta-*  
*bilita sit miraculum* , & concipiamus duo horologia ,  
qua consonare debeant . Res expectata reddi potest  
triplici ratione . Una per influxum ; Si fecerimus ,  
ut alterum agat in alterum , idque vel mutuo , vel  
ex unica tantum parte . Altera per causas occa-  
sionales , si opificem operi comitem fecerimus , qui dis-  
sonantia ceteroquin , vel cessatura a motu horologia  
singulis momentis dirigat . Tertia si sapienter satis  
persecerimus eas machinas artis , ut singula suas  
leges exacte sequantur , easdemque ab initio sibi re-  
spondere curaverimus . Ita enim , cum utraque ead-  
em vel similes exequantur leges , semel harmonice  
facta nunquam dissonabunt , p. 8. *Conf. Schloefferi*  
*Commentatio de Commercio animæ & corporis* , §.  
8. Nos tres has opiniones de modo commercii ani-  
mæ inter & corpus nunc recensēbimus , atque id  
ita quidem , ut ( a ) rationes cujusque sententiæ  
adducamus ( b ) difficultates , quæ unamquamque  
commemoratarum opinionum circumstant , enumerē-  
mus .

§. 721. Prius vero , quam ad unamquamque  
trium harum hypothesium percensendam me accin-  
go , id monendum esse existimo , ad duo potissi-  
mum momenta attendi debere in explicando animæ  
corporisque commercio I. Scilicet quæritur , quo-  
modo se anima habeat in *sensationibus* , facta ni-  
mirum in organis corporis sensoriis mutatione . II.  
Quæritur , qua ratione in *corpore* motus hi , nec  
alii , sequantur , cum anima hos , nec alios , motus  
vult provenire .

NOT. Hæc vel ideo hic annotanda putavi , quod  
in controversiis , quæ de commercio inter animam  
& corpus recentius obortæ sunt , sapiens observa-  
verim , de omnibus omnino cogitationibus , omni-  
busque cupiditatibus disceptatum esse , cum ta-  
men •

men nonnisi sensationes, & motus corporis hic in censum veniant.

§. 722. Dum, tres modos, commercium inter animam & corpus explicandi, ab eruditis adferri, diximus, (§. 720.) fierique posse negavimus, ut plures, quam tres, dentur, ab eorum primo nunc ordiemur. Consistit autem hic, (vi §. 720.) in eo, ut putent nonnulli, animæ, facta in organis corporis sensorijs ab objectis extrinsecis mutatione, per motum fluidi nervei revera imprimi ideam, & corpus, anima motus in ipso decernente, ita ab anima impelli, & moveri, ut hi præcise, nec alii, motus consequantur. Hic modus commercium inter animam & corpus explicandi, dicitur *Systema influxus physici*; qui autem hoc systema defendunt, appellantur *Influxistæ*, a nonnullis *Influxionistæ*.

SCHOL. Cur vero hypothesis illa, qua sumitur animam revera movere, & impellere corpus, & corpus vicissim animæ imprimere ideam, dicatur systema *influxus physici*, ratio hæc est. Anima scilicet dicitur *physice influere* in corpus, quando anima revera, & effective agit in corpus illudque movet: Et corpus *physice influit* in animam, cum ei imprimit reali actu ideam. Jam vero cum primus modus, explicandi commercium inter animam, & corpus, huc redeat, ut statuatur, animam revera agere in corpus, & corpus in animam, (§. 720.) intelligis, cur hic modus, commercium animæ, & corporis explicandi, dicatur *Systema influxus physici*. Dicitur hæc hypothesis alias quoque *Systema Aristotelico-Scholasticum*. Aristotelici scilicet, & Scholastici hanc hypothesin quovis modo defendebant, & quamdiu stetit philosophia Aristotelico-Scholastica, tamdiu quoque hæc opinio philosophantibus arrisit.

§. 723. Qui Systemata influxus physici defendunt, animamque adeo, ut causam motus in corpore, ut effecta, producere affirmant, & v. v. ita rationes

nes subducunt: „ Quo posito , ponitur statim , &  
 „ semper effectus , & quo remoto , statim , & sem-  
 „ per removetur alterum , id dicitur recte *caussa*  
 „ alterius . Atqui , posito in organis corporis sen-  
 „ foriis motu , ponitur , representatio in anima , &  
 „ sublato motu , tollitur representatio , item , po-  
 „ sito voluntatis decreto , ponitur motus volunta-  
 „ rius in corpore , & remoto voluntatis decreto ,  
 „ removetur motus voluntarius in corpore . E-  
 „ motus in organis corporis sensoriis est *caussa* re-  
 „ presentationis in anima , & decretum volunta-  
 „ tis est *caussa* motuum in corpore , sive , quod  
 „ idem est , anima agit in corpus *effective* , ita ,  
 „ ut producat motus in corpore , & corpus agit  
 „ rursus in animam , ita , ut producat fluidum  
 „ corporis nerveum ideas , in anima , eidemque eas  
 „ imprimat . E. *Systema influxus physici* est verum  
 „ *Systema* .

SCHOL. Alii eadem fere ratione , ita instruunt  
 ratiocinium : *Quaecumque substantia firmissimo socia-*  
*ta sunt vinculo , atque ad unum compositum consti-*  
*tuendum a sapientissimo omnium rerum conditore*  
*sunt ordinata , earum unam ab altera moveri par*  
*est . Atqui anima , & corpus &c. Ergo .* In utroque  
 vero Syllogismo ii , qui *Systema influxus physici*  
 impugnant , quid desiderent , habent . Majorem  
 enim propositionem , ajunt , parum habere ponde-  
 ris ac firmamenti . Consequentiam scilicet , & ne-  
 xum negant in hac propositione : „ Quo posito ,  
 „ ponitur statim , & semper alterum , & quo re-  
 „ moto , removetur statim , & semper alterum , id  
 „ dicitur recte *caussa alterius* „ . Adducam verba  
*Bilfingeri* , qui in dilucidat . §. 249. ita de hac pro-  
 positione mentem suam exponit . *Fallit* , inquit ,  
*regula , nisi limitetur . Accipe casum . Si duo effe-*  
*ctus sint ejusdem causae naturaliter agentis , & es-*  
*fectus quidem , qui ab alia causa non procedant ,*  
*quam ab hac , sane posito uno , ponitur , & alter ,*  
*etsi unus non sit causa alterius . Nam illuminatio*  
*rel.*

telluris, pergit acutissimus vir, a sole, facta est causa illuminationis Saturni? Posita una, ponitur, & altera, & sublata una, tollitur, & altera. Sint A, & B, dua urbes, sub eodem meridiano sita, posita in A, meridie, meridies est in B, & vice-versa ac contraria. „ Quod tamen A solem in meridie habeat, non esse causa, cur & B, solem meridianum experiatur. Nec vice versa meridies, in B, est causa meridiei in A. Sed uterque effectus habet eandem causam, naturaliter agentem unicam. Aliam adhuc adjicit propositionis allatae limitationem, hoc modo „: Si, posito A, ponitur B, & sublato A, tollitur B, sic, ut ex positionis vel ablatione  $\bar{A}$ , possit ratio reddi positionis vel oblationis  $\bar{B}$ ; tum A, est causa  $\bar{B}$ . Sin minus, ex posito vel sublato A, possit intelligi, cur ponatur simul aut tollatur B, nego, Canonem probare institutum, aut ex concomitantia, vel successione duorum sequi causalitatem. Conf. Institut. Philosoph. Rat. p. 275. ubi satis mihi evicisse videor, quod ex eo, quod una res alteram, vel insequatur, vel cum ea simul existat, nondum inferre semper liceat, ergo una res est causa alterius.

§. 724. Defensores Systematis influxus physici porro, ad *experientiam* confugiunt, &, ex constanti omnium hominum conscientia, sensu, & consensu constare, & patefcere, putant, animam esse causam, & principium motuum voluntariorum in corpore, corpus vicissim, vel spiritus animales, & fluidum nerveum in corpore afficere animam, eademque ideas materiales imprimere.

SCHOL. Ut alicui taceam, unus omnium hic adduci meretur *Cel. Langius*. Hic in disquisitione modesta, ex natura omnium hominum in hac parte equaliter sibi conicia, & hinc ex evidentissima & universalissima experientia constare, arbitratur, animam influxu physico agere in corpus, & corpus vicissim in animam. Quin etiam sibi persuadet,   
 hanc

*hanc experientia evidentiā superare quamlibet veritatis geometrica evidentiā certe nulli certitudinem cedere.* Unde non mirum, quod Reverendus Vir, contra VVolfium disputaturus, sequentem propositionem, postulati, & axiomatis loco assumat, „ Inter duas essentielles hominis partes, animam, & corpus, tanquam duas substantias, physice distinctas, est unio physica, uti communio, sic etiam operatione physica se exserens, p. 2. „ Dudum vero monuerunt alii, quidvis potius, quam influxum physicum, constare ex experientia. Quamvis enim suus quemque sensus, & experientia con doceat, ad certa animæ decreta, & volitiones sequi motus hos, nec alios, in corpore, item ad certos motus in organis sensoriis sequi has, nec alias, repræsentationes, in anima, (conf. §. 680.) negant tamen ac pernegant, vel nullum unquam experiendo sensisse; vel etiam nunc sentire quemquam, quod anima revera moveat corpus, & quod per motum fluidi nervei animæ imprimatur idea. Atque adeo eos, ajunt, qui influxum physicum ex experientia probare recte sibi videntur quid pro experientia habere, quod tamen nunquam experti sint, & nunquam senserint, & quod potius ratiocinando ex experientia collegerint. Quare non posse non ipsos vitii subreptioni incusari pertendunt. *Conf. VVolf. in Psycholog. Rat. item Instit. nostra Philos. Rat. p. 202.*

SCHOL. Cl. Bilfingerus cum in aliis pluribus scriptis, tum maxime in dilucidationibus ostendit, quam perperam inepteque in stabiliendo influxus physici systemate, ad experientiam provocetur. *Quod mutatio, inquit, in corpore sit causa influens physice mutationem animæ, & v. v. id observationis, sive experientie, esse non arbitror; p. 280.*

SCHOL. Ipsum sanioris influxus physici patroni fatentur, minus recte argumentum pro influxu physico ab experientia desumi. *Cel. Hollmanus, qui semper defendit influxum physicum in disser-*  
ta

*tatione II. de Harmonia præstabilita*, p. 5. ita : „  
 „ Ambabus amplector illam Cel. VVolfii senten-  
 „ tiam, qua experientia nihil aliud evinci afferit,  
 „ quam motus corporis, & actiones animæ simul  
 „ fieri, nequaquam autem eadem confirmari con-  
 „ cedit, quod vel motus corporis producantur ab  
 „ anima, vel sensationes, & perceptiones animæ  
 „ producantur organis corporis.

§. 725. Superest argumentum tertium, quo in-  
 fluxus physici defensores systema, & hypothesin  
 suam corroborare allaborant. „ Nisi talem, in-  
 „ quunt, animæ, & corporis unionem statuamus,  
 „ ut mutuum in se invicem operationem habeant,  
 „ actiones corporis jure non possunt imputari ani-  
 „ mæ, nulla remanent virtutum ac vitiorum forma  
 „ ac norma.

SCHOL. Observat ad hoc argumentum Billinge-  
 rus sequentia: *Verum est*, inquit, *si physice anima*  
*instit in corpus*, possunt illi operationes sue impu-  
 tari. *Sed conversæ non sequitur propositio: Ergo, si*  
*non physice instit*, *sed moraliter tantum SUUM*  
*confert*, (ita tamen, ut eo posito, & propter id  
 positum, ponatur, eo negato, & propter id nega-  
 tum tollatur operatio) non potest illi imputari.  
*Notum est in moralibus*, recte effectus imputari caus-  
 se physica; sed non ideo absoluti causam moralem,  
 propter cujus voluntatem egit physica. Conf. *Dilu-*  
*cidat.* §. 321.

§. 726. Hæ sunt potiores rationes, quibus, com-  
 memini, influxus physici systema a nonnullis ejus-  
 dem fautoribus esse adstructum, & stabilitum. Re-  
 censui istas *historice*. Neque enim in animo est,  
 vel de argumentis, quibus unaquæque hypothesi  
 confirmatur, vel de difficultatibus, quibus premun-  
 tur omnes judicare. Nunc enuncerabimus quoque  
 ea, quæ influxum physicum vel tollere prorsus,  
 vel dubium certe reddere, posse videntur.

SCHOL. Nisi me omnia fallunt, sequentia fere  
 contra influxum physicum moneri, deprehendo.



1. „Vox *influxus*, inquit, contra sentientes, est  
 „vox, a rebus materialibus desumpta. Quæ si  
 „transfertur ad animam, oppido omnis conceptus  
 „evanescit, nullamque cum ea ideam combinare  
 „possumus. Advertat, pergunt, qui sibi notionem  
 „cum voce *influxus* conjungere videtur, animum  
 „ad se ipsum, & intelliget, nihil omnino esse,  
 „quod vocabulis istis *influxus*, *transfusionis*, &  
 „*transformationis* virium respondeat, ubi ad ani-  
 „mam transferuntur „ *Conf. VVolf. Psychol. Rati.*  
 §. 473. II. Objicitur: „Si anima revera in corpo-  
 „re motum producit, id fieri debet ita; ut ani-  
 „ma actu corpus contingat. Contactus vero possi-  
 „bilis non est, nisi in ente materiali: Ergo si  
 „anima movere debet corpus, aut si ipsi imprimi  
 „debet idea, non potest non esse materialis, &  
 „ens compositum. „ III. Influxus physicus adver-  
 „satur illi legi motus: *In toto universo semper con-*  
*servari debet eadem virium vivarum quantitas.* „  
 „Per influxum enim physicum, ajunt, vis quæ-  
 „dam motrix oritur in aliqua materia, quæ ex  
 „nulla alia in eandem derivatur. Et si corpus in  
 „animam physice influit; vis aliqua motrix in  
 „gratiam animæ perit, quæ materiæ cuidam in-  
 „hæreat, & aliunde in ipsam derivata est. „ IV.  
*Bilfingerus* inter alia hoc usus est argumento con-  
 tra influxum physicum. Putat, inter vires animæ  
 appetitumque fortissimum, & motus corporis sæpius  
 nullam esse proportionem. Vires, inquit animi; &  
 corporis motus sunt, quoad proportionem *incompara-*  
*rabiles*, i. e. non possunt secum invicem compara-  
 ri. Ergo actus, quales in corpore movendo experi-  
 mur, non procedunt a viribus animæ influxu. Er-  
 go anima non effective movet corpus suum. *Conf.*  
*Dilucidat. §. 327.*

§. 727. Hæc de influxu physico dixisse habui-  
 mus: Qui vero num possibilis sit, aut probabilis,  
 judicet lector. Satis nobis fuerit, & argumento  
 pro

pro influxu , & dubia contra illum commemo-  
rasse .

NOT. De influxu physico legas *Bilfingeri Dilu-  
cidat.* §. 321. *seq. item in commentatione hypothet.  
de Harmonia corporis , & animi maxime præstabilita.  
Erf.* 1723. 8. item *Gottsched.* in vindic. Systemat.  
influ. physici Lipsi. 1727. Adde *Verdrie.* in com-  
ment. de æquilibrio mentis , & corporis . Gießf.  
1726. 4. & denique *Ruardum Andalam* in diff. de  
unione mentis , & corporis physica , neutiquam me-  
taphysica . Halæ recuf. 1724.

## S E C T. II.

*De systemate adfissentia , seu caussarum  
occasionalium .*

### §. 728.

**Q**UOD explicavimus , systema influxus physici  
eruditis arrisit usque ad tempora Cartesii .  
Hic , expulso influxu physico , aliam de modo  
commerci inter animam & corpus opinionem com-  
biberat , nodumque , ut dicam , quod res est , non  
solvebat , sed secabat . Opinabatur enim , *Deum* ,  
facta ab objecto externo mutatione in organis sen-  
soriis , *Deum* , inquam , convenientem repræsentationem  
producere in anima , & , orto in anima vo-  
luntatis decreto , *Deum* corpori imprimere ideam  
convenientem . Hinc modus commercium animæ cum  
corpore explicandi vocatur *systema caussarum occa-  
sionalium* , item *adfissentia* .

SCHOL. Cum acu digitum pupugeris , & idea in  
anima hujus compunctionis oborta fuerit , tum se-  
cundum hoc systema , compunctione facta , Deus  
ideam in anima producit , & cum volueris , lin-  
guam , vel brachium tuum moveri , tum , secun-  
dum hoc systema , Deus immediate , orto decreto  
in anima , producit motum in corpore .

Auctor

Auctor hujus systematis , & inventor primus ; ut dixi , fuit *Cartesius* , qui animæ vim corpus movendi , corporisque vim ideas imprimendi animæ prorsus denegavit . Quare affirmavit , mutatione in organis sensuum excitata ; Deum vim animæ repræsentativam ita determinare , & ita dirigere , ut hæc factam in organis sensoriiis mutationem sentiat , contenditque porro , orta in anima voluntate Deum ita vim movendi determinare , ut motus ille aut sequatur , aut sistatur . Adeoque mutationes , in organis sensoriiis factæ , tantum occasionem præbent , qua Deus animæ assistat . Hinc hypothesis hæc dicitur *systema causarum occasionalium* , item *assistentiæ* . *Causas* enim *occasionales* vocamus eas , quæ vi agendi proprie destituuntur . Deo tamen agendi occasionem præbent . Ille autem , qui hoc systema defendunt , dicuntur *Occasionalistæ* .

NOT. Defenderunt autem hoc systema *Cartesius* in medit. de philos. prima . *Malebranchius* in tr. de inquirenda veritate , *de la Forge* in libr. de mente humana , *Sturmius* , alii .

§. 729- Contra hoc systema de quo hodie , vel vix , vel non vix quidem , disceptatur , ut alia plura , ita id imprimis urgetur , quod , stante hac hypothesi , miracula sine necessitate multiplicentur . Dum enim , vi opinionis Cartesianæ , Deus immediate ad motus , in organis sensoriiis factos , in anima sensationes , sive ideas producit , & ad decretum animæ motus in corpore ipse ad existentiam deducit , ( §. 728. ) affectus autem a Deo immediate productus , vocatur *miraculum* , ( §. 458. ) consequens est , ut , stante systemate Cartesiano , omnis sensatio animæ , & omnis motus corporis voluntarius pro miraculo sit habendus . Cum vero non facile miraculum patrare Deus censendus sit , si eventus via naturali impetrari queat , perspicuum est , quod si naturaliter potest fieri , ut , & cognitiones animæ , & motus in cor-

corpore producat, cadat *systema caussarum occasionalium*.

## S E C T. III.

*De systemate harmonia præstabilita,  
sive Leibnitiano.*

## §. 730.

**T**Andem devenimus ad tertium modum explicandi commercium inter animam & corpus, qui (vi §. 720.) consistit in eo, ut nonnulli opinantur, animam, & corpus ita agere, ut *anima* omnes suas sensationes vi sua representativa producat, idque nexu, & serie continua, & ut corporis motus voluntarii ex vi motrice, & structura ejusdem, secundum leges motus, proveniant, ita tamen, ut admirabilis inter sensationes animæ, corporisque motus voluntarios consensus & harmonia adsit, quæ a sapienti quadam Dei præordinatione, dispositione, & præstabilitione derivari debeat. Hic modus explicandi commercium inter animam & corpus dicitur *systema harmonia præstabilita*.

NOT. Hæc hypothesis, quæ, nostræ ætate, tam multas excitavit controversias, suam originem repetit a Leibnitio. Cum enim persuaderet sibi Leibnitius, nec influxum physicum posse cum immaterialitate animæ naturæque ordine stare, nec *systema caussarum occasionalium*, ob infinities multiplicata miracula, turbatumque naturæ ordinem posse admitti, plures annos parturiebat novam, tertiamque de commercio animæ, & corporis, opinionem, donec tandem harmoniam præstabilitam, tamquam fœtum ingenii fecundissimi, eniteretur.

Scilicet, cum per decem fere annos de nova hypothese cogitasset Leibnitius tandem eam cum

*Beaum. Metaph.*

X

eru-

eruditius communicabat, & primum quidem omnium in *Journel des Scavans* A. clb lxxcv. d. XXVII. Jur. & IV. Jul. Per id tempus in reliquis suis scriptis eandem identidem preposuit, latiusque eam explicavit cum in *Monadologia*: tum in *Theodicaea* §. 61 seqq. *Leitritio*, ut in alis rebus ita in hac quoque hypothese assentiebatur illustris *Wolffius*, cumque hoc *B. Iffingerus*, alii.

*SECT. I.* Vocavit autem *Leitritius* hanc suam commercii animæ corporisque explicationem *Harmoniam præstabilitam*. *Harmoniam* quidem, quia inter animam & corpus, ex ipsius eruditorumque aliorum sententia, deprehenditur exacta convenientia, consensuque amicissimus. *Præstabilitam* vero ideo reminat, quia putat, hanc harmoniam, & consensum motuum corporis operationumque animæ non dependere a mutuo influxu, sed a sapienti quadam Numinis præordinatione, dispositione, & præstabilitone per quam ita jam omnia sint coordinata, ut sibi invicem exacte respondeant, animæ scilicet sensatiles motibus corporis, motusque corporis decretis & voluntati animæ.

§. 731. Exposita ita origine *Harm. præstab. historica*, enodatisque vocum *Harmonia*, & *præstabilita* significacionibus, nunc in eo erimus, ut ipsam harmoniam præstabilitam, ex mente *Leibnizii*, *Wolffii*que, plenius uberiusque interpretemur. Ad quod rite præstandum juvabit ad duas potissimum attendere quæstiones. I. Quæritur, quomodo in *Systemate Harmoniæ præstabilitæ* anima se habeat in *sensationibus*, sive qua ratione fiat, ut, dum ab objectis externis in organis sensoriis certa quadam contingit mutatio, anima eo ipso momento sibi repræsentet id, curd in organis sensoriis mutationem producit. II. Quæritur, quomodo se habeat corpus in *motibus*, ad decretum animæ factis, sive, qua ratione fiat, & fieri possit, ut, dum anima vult; linguam, & brachium

move-

moveri, lingua quoque, & brachium ceteraque membra, moveantur.

§. 732. Ad primam quæstionem, quod attinet; respondent Harmoniæ præstabilitæ defensores, nec corporis fluidum nerveum per motum suum producere ideas, & sensationes in anima, uti in influxu physico; (§ 720.) nec Deum quoque immediate ideant, sive perceptionem imprimere animæ, ut in systemate causarum occasionalium, sed animam agere, quod suum est, ita quidem, ut omnes perceptiones sive sensationes *vi sui intrinseca* producat. Quod ut intelligas rectius, mentem Leibnitii paucis, ac perspicuis, positionibus includam.

§. 733. Prima itaque propositio hæc esto: ANIMA VI, SIBI DIVINITUS INDITA, OMNES SUAS SENSATIONES, sive PERCEPTIONES PRODUCIT, ita, ut anima nullas extrinsecus adfiscat ideas, nullas, ex organis sensoriis imagines accipiat, sed ad instar automati, quod internam suarum operationum habet principium, omnes suas sensationes, sive perceptiones ex se ipsa eliciat, & deducat.

SCHOL. Hæc propositione se vel maxime distinguit systema H. P. a systemate influxus physici, vel causarum occasionalium. Si scilicet harmoniæ præstabilitæ defensorem interrogaveris: qui sit, ut, facta in organis sensoriis mutatione, anima sentiat id, quod extrinsecus animam afficit, tum respondet: *Anima sensationem SUAVI producit*. Testatur id Leibnitius, ut in aliis pluribus suarum scriptorum locis, ita imprimis in quinto adversus Clarchium scripto §. 84. Ubi, „ non con-  
„ sentio, inquit, *communibus philosophorum dictis*,  
„ *donec imagines, verum auxilio sensuum in ani-*  
„ *ma represententur, vel transferantur*, Conf. Respons. Antibail. p. 70. not. 6. „ Ubi melius dicitur, quod Deus, cuicumque anima virtutem dederit, quæ totam mundi fabricam in propria

*natura, quam repræsentat sibi imaginari, vel repræsentari possit. Si de ratione quæras, qua adductus Leibnitiuſ vim animæ tribuit repræsentativam, inter alias eam adduci scito, quod anima sit substantia simplex, omnis autem substantia simplex vi agendi, repræsentandi, adeoque, & sensationes producendi gaudeat. Wolfius vero in Metaphys. Germ. §. 765. hanc in rem ita: Cum anima propriam virtutem habeat, qua sibi repræsentet mundum, & contra vero omnes naturales mutationes corporis in sua natura, & essentia fundata sint, hinc clare patet, quod anima agat, quod in se est, & corpus pariter pro se mutationes habeat, sine eo, quod, vel anima in corpore, vel corpus in anima operetur &c.*

SCHOL. Ex hac assertionem, qua animæ tribuitur vis sensationes, & perceptiones producendi, enatæ sunt quædam locutiones, & propositiones, quæ minus commodæ nonnullis videntur. Prima earum hæc est: *Anima est automatum incorporeum, & spirituale.* Conf. Theodicæa Part. I. §. LII. p. 163. Quo sensu autem anima a Leibnitio appellatur *automatum incorporeum*, ostendit definitio automati incorporei, quam suppeditat *Hanschius*: „Automatum incorporeum, inquit, est ens simplex, „cujus mutationes secundum legem appetituum „ex essentia ejus successive consequuntur, ut in „præcedenti mutatione ratio sufficiens existentia „consequentis mutationis contineatur. „*Princ. phil. Leibn.* p. 54. Negari non potest, compluribus hanc loquendi rationem, qua anima vocatur *αὐτόματον* fuisse offensionem, & multas excitasse controversias. Quare *Bilfingerus*, cum in *Commentat. de H. P.* tum in *Dilucidat.* maximopere in eo occupatur, ut hanc locutionem ab omni mali suspicionem liberet. „Memento, inquit, animam in „sensu propriissimo esse *αὐτόματον*: *Αὐτόματον*, ex „mente *Lexicographorum*, descendit ab *αὐτός* ipse, & *μαῖν* desidero, vehementer appeto. Est igitur *αὐτόματον* ens se ipsum desiderativum sive, „cujus

„eius mutationes ab ipso appetitæ sunt. Id ani-  
 „mæ competit propriissime, quicquid in illa fit,  
 „fit per appetitum internum, sive per appetitum  
 „suum. “ Quicquid vero hujus sit, nolim tamen  
 ego animam vacare *αὐτομάτω*. Conf. *Bilfingeri* Di-  
 lucidat p. 346. seqq. Inconveniens illa quoque vi-  
 detur esse locutio, qua nonnulli Harmoniæ præ-  
 stabilitæ defensores utuntur, cum ajunt, *animam*  
*omnes suas perceptiones ex se ipsa evolvere*. Quam-  
 vis enim norim, nihil aliud hac locutione velle  
 intelligi Harmonistas, quam id, quod anima omnes  
 suas sensationes vi sua intrinseca producat, quod-  
 que suarum mutationum principium sit, & causâ,  
 dedit tamen nonnullis ansam sibi persuadendi,  
 Leibnitium cum Wolfio reminiscentiam Platonî-  
 cam asserere, & affirmare, omnes ideas in anima  
 jam dudum actu delituisse, ita ut tantum opus  
 sit, occasione mutationum, in organis sensoriis  
 actarum, ipsas proferri, ut merces mercato-  
 rum e cista, & si voverint ementes, promi pro lu-  
 bitu, & ostendi solent. Tantum de propositione  
 Harmonistarum prima.

§. 734. Altera propositio, quam Harm. præst.  
 defensores in medium proferunt, hæc est: ANI-  
 MA OMNES PERCEPTIONES, sive SENSATIO-  
 NES CONTINUA SERIE PRODUCIT, ITA, UT  
 SEQUENTES SENSATIONES EX ANTECEDEN-  
 TIBUS RESULTENT, ET TERTIA FLUAT EX  
 SECUNDÂ, SECUNDA EX PRIMA.

NOT. Hanc perceptionum, sive sensationum suc-  
 cessionem, & seriem, quæ in systemate H. P. ad-  
 mittitur a defensoribus, Leibnitius cum alijs ex  
 eo deducunt, quod animæ status sequens semper  
 in antecedenti sui rationem sufficientem habeat,  
 ita, ut sensatio prima sit causâ sensationis secun-  
 dæ, & secunda sit causâ tertiæ; sive, ut Leibni-  
 tius loquitur, *ut præens sit gravidum futuro*.

SCHOL. Hanc vero sensationum coherrentiam, &  
 nexum, putant plerique nonnunquam ipsi H. P.



patroni, esse experientiae sensuique communi prorsus contrariam. Adducam quæ *Cel. Hollmanus* in dissertat. II. de Harm. præst. p. 9. contra hanc sensationum coherentiam, & successionem erudite profert. „ Cogitemus modo, inquit, „ quotiescumque nobis non accidat, ut v. c. in campum „ egressis nobis innumera fere se offerant objecta, „ inter quæ, ne minima quidem deprehendi connexionio potest, ideoque nec cogitari quidem, „ quomodo ex una idea reliquæ successive nasci „ queant, cum diversissimæ sint, nec quicquam „ sæpius, nisi communem conceptum ens, commune habes. Videmus enim; & solem, & cœlum, & nubes, & terram, & herbas, flores, „ nunc aves, & apes, muscas, mures, & lepores „ nunc boves arantes, nunc tripudiantes, eaque eo „ omnia ordine, quo excitari ab invicem ideæ ille nunquam possunt.

Ipse Reinbeckius, qui Harm. Præstabilitam distinctius explicavit, & quodam etiam modo defendere videtur, non negat, illam, quæ a Leibnitio aliisque H. P. amatoribus tradatur, illam, inquam, sensationum connexionem, & coherentiam obstare, quo minus harmonia præstabilita in omnibus accipi ut vera queat. *Stat aliquis, inquit, vespertino tempore ante januam suam, & considerat cœlum stellis ornatum. Eodem momento videt volantem Draconem. Immediate post audit a longe exonerare scilpetum. Vix hoc audito, sentit se pungi a musca, & statim vocat ipsum inopinate suus vicinus. Ex his omnibus sequuntur immediate representationes harum rerum in anima; deberent igitur juxta hypothesin non solum illa, sed etiam ista res exteriores, quæ sentiuntur immediate, harmoniam habere. Tandem sequuntur quidem immediate exterritores contingentia, in quibus tales sensibilitates conveniunt. Verum nullus ostendere poterit quod etiam ista immediate connexionem, & harmoniam haberent, quod tamen juxta harmoniam præstabilitam*

*tam esse deberet. Conf. Ipsius commentatio de Hæmonii præstabil. pag. 45.*

§. 735. Dux hæ, quas adduximus, propositiones perunt ad animam, easque *facultate n. senti-  
van.* Nunc eas quoque adferemus positiones, quæ explicent modum, quo in corpore ad voluntatis decretum motus eveniant.

§. 735. Si itaque, quo in corpore motus ad animæ decretum contingant, quis nosse avel, attendat ad has positiones.

I. CORPUS VI STRUCTURÆ SUÆ OMNES MOTUS PRODUCIT.

II, OMNES MOTUS SEQUUNTUR IN CORPORE CONTINUA SERIE, & SUCCESSIONE CONTINUA EX MOTIBUS ANTECEDENTIBUS.

Si ergo ex Harmonie, præstabilitæ defensore quæras, qui fiat, ut, dum vis linguam movere; eo ipso momento lingua quoque moveatur, respondebit; Hic linguae motus ex alio motu præcedenti legibus motus & structuræ convenienter sequitur.

§. 737. Cum itaque anima sentiendo, in systemate H. P. seorsum agat, (§. 733.), & corpus omnes motus serie continua structuræ conformiter producat, (§. 736. mirum videri poterat, duas has substantias, a se invicem diversissimas, nec agentes in se invicem, tam belle tamque exacte in suis operationibus consentire, ita, ut, facto motu in organis sensoriiis, extemplo anima sensationem sibi formet, &, ad voluntatis decretum, hic nec alii, sequantur motu in corpore.

§. 738. Hic ergo H. P. Patroni ad summam Numinis divini sapientiam, & potentiam confugiunt. *Deus, inquit, qui previdit, quam potissimum anima ex nullo aliis corpori huic darmooce sociari posset, & quodnam vicissim corpus huic animæ, Deus hic sapientissimus illud anima corpus associavit, cujus motus voluntati animæ, & decretis respondent, & eam cuique corpori animam adjunxit*

*quæ in perceptionibus suis attemperaretur motibus in organis, & oriis factis.*

Illustratur hæc, divinitus constituta, harmonia exemplo a duobus horologiis, exacte inter se consonantibus desumpto. Duo, inquit, dari possunt horologia, in quibus conspiciatur, & horarum, & minutorum mensuræ exactissima convenientia. Hæc harmonia, & convenientia potest locum habere, quemvis horologium A, non agat in horologium B, illudque moveat, sed hæc harmonia potest ortum trahere a sapientis artificis ordinatione, qui quo hæc horologia ita construere novit, ut, alterum alteri attemperatum, exactissima servant harmoniam. Quidni itaque pergunt, possibile esset Deo, tales substantias inter se se jungere, in quibus compareret summa mutationum, & operationum omnium consensus, sine mutuo tamen influxu sed a sola sapientia Dei conditoris orta.

§. 739. Hæc sunt fere, quæ ad harmoniam præstabilitam rectius intelligendam pertinent. Restat, ut, & *prærogativas*, quibus hæc hypothesis, præcæteris systematibus gaudere dicitur, & difficultates, quæ eam circumstant, enumeremus.

§. 740. Prærogativæ H. P. quas ostendant defensores, potissimum sunt sequentes.

I. In harmonia præstabilita animæ idea motus, quæ corporis via maxime naturalis explicari, affirmant.

II. In nullo systemate, contendunt, sapientiam divinam ita extolli, quemadmodum in systematâ harmoniæ præstabilitæ, ut adeo systeme hoc vocent speculum sapientiæ, & potentiæ divinæ.

III. In systemate H. P. majores virtutes, & perfectiores tribuuntur animæ, omnia vi sua, sine corporis assistentia & influxu paragenti, quam in cæteris systematibus.

IV. Harmoniam præstabilitam, denique pertendunt, immaterialitatem, & immortalitatem anime  
vel

vel maxime adstruere, quam nemo possit negare, qui harmoniam præstabilitam concedat.

§. 741. Quod ad difficultates, quibus premitur Harmonia præstabilita, attinet, earum jam dudum quasdam recensuimus. Restant tamen aliæ, quas attingere nostrum est.

SCHOL. Præcipua, & prima objectio, quæ contra H. P. formatur, nisi fallor, hæc est: (1) In systemate H. P. homo constat ex duplici automato, materiali altero, scil. corpore, altero immateriali, scil. anima. In automato vero sive, machina ubi libertas? *Respondent* Leibnitiani: Quod ad corpus attinet, ei nunquam libertas tribui potest, quia ad libertatem requiritur intellectus, quo corpus destituitur. Animæ vero in systemate Harmoniæ præstabilite neutiquam denegatur libertas, cum tantum respectu *sensationum*, non vero respectu cæterarum cogitationum, & appetituum, anima dicatur *αὐτόματος*. Sensationes vero in nullo systemate sunt liberæ. (2) Si motus corporis in systemate H. P. oriuntur ex motibus præcedentibus, quibus corpus non potest resistere, non sunt liberi; *Respondent* defensores: Motibus corporis in se nec competit libertas, quia libertas tantum tribuenda est animæ. (3) Si corpus motus etiam malos præstat mechanice, sequitur, quod non possit puniri; *Respondent* Harmonistæ: Pœna in corpore exercetur, non propter libertatem ejus, sed ut anima sentiat dolorem. Pura, & graviora dubia qui sibi vult reddere perspicit, is *Bisfingerum* adeat in *Comment. de H. P. & Diluc. philo.* §. 346.

SCHOL. Cæterum negari non potest: Harmoniam præstabilitam a multis esse huc dum defensam, a pluribus vero impugnata. Defenderunt nimirum eam *Leibnitius*, *VVolfius*, *Bisfingerus*, *Hanschius*, *Thummigius*, *Schreiberus*, & nuper eandem ita explicavit *Reinbeckius*, ut haud obscure prodere videatur, hanc hypothesein, si recte explicetur, omnino posse defendi, certe non debere illam, ut pe-

ricu-

ri uli plenam, libertatique inimicam, explodi. Eandem vero impugnaverunt *Ulrichius, Bailus, Tournefortus, Lessius, Langius, Andala, Eudæus Wachterus, Hellmannus*, & nuper etiam *Müllerus, Profetor Giesiensis*. Et quis omnes illas s'heculas scriptionesq; re-enarrabit, quæ contra harmoniam præstabilitam a novis magistris, famam, & gloriam aucupantibus, sunt editæ? Legantur præ cæteris omnibus *Bisfingerus* in locis citatis, *Reinbeckius*, in tr. de Harmonia præstabilita, & *Hollmannus* in duabus dissertationibus de Harmonia præstabilita, item in epistolis quas vocat amœbæis, *Gotschedius* in vindictis.

§. 742. Nostrum nunc esset, de ut his tribus, systematibus generatim: ita imprimis de Harmonia præstabilita, sententiam nostram exponere. Sed cum de hypothesis disputetur, de qua in utramque partem potest disputari, tuo ipse utere, Lector, iudicio, meque meo frai patiari. Quam tibi deprehensis esse probabiliorē, eam, ut probabilem assumes, quæ in nas probabilis tibi videtur, eam, ut in nas probabilem, rejicias. Cave vero, eam, qui abs te dissentit, vel Atheism esse putes, vel religionis veræ irrisorem. Non enim de salute Græciæ aut reipublicæ, sed de hypothesis philosophica, & problemate disputatio instituitur.

§. 743. Sub finem capitis vehementer opto, ut sopiantur tandem superflue illæ controversiæ, quæ, de his tribus systematibus, abortivæ, maximum Theologorum animos distraxerunt, &, sparsis discordiæ seminibus, multa in rempublicam litteratam mala invexerunt.

## CAPUT III.

*De immortalitate animæ.*

## §. 744.

**A**ccedimus nunc ad animæ immortalitatem, quam permultum interest, legitime, & ex principiis rationis solide demonstrari. Cum vero animæ immortalitas recte demonstrari non possit, nisi antea notio immortalitatis fuerit distinctius enodita, primum, quid intelligi velimus per animæ *immortalitatem*, sumus exposituri.

§. 745. Ut vero notio *immortalitatis* recte formari queat, ita quidem, ut usus fert loquendi, in notionem mortalitatis antea inquiramus, oportet, &, quid sit *mori*, quid sit *interire*, dispiciamus. Sic enim, oppositis juxta se positis, clarius, quid sit *immortalitas*, dispalescet.

§. 746. Corpus nostrum ex usu loquendi dicitur *mori*, quando omnia ejus membra, & organa a functionibus suis penitus cessant. Hunc statum comitatur sanguinis stagnatio, ex quo putredo oritur, ex putredine vero provenit partium dissolutio, qua notione *interitus* continetur.

§. 747. Si itaque anima humana mori deberet, omnes ejus representationes, & appetitiones, ipsaque animæ vis, quæ ejus essentiam constituit, cessaret. Neque per solutionem partium, si interire deberet, interiret anima, quia est ens simplex. (§. 695.) sed, si interiret, periret per annihilationem, (§. 236.)

§. 748. Anima itaque erit *immortalis*, si post mortem corporis operationes suas, i. e. representationes, & appetitiones continuat. Cum vero representationes, & appetitiones continuari nequeant, nisi vis representandi continuo duret, atque adeo anima, quoad essentiam suam perse-  
ve-

veret. (§. 715.) consequens est, ut ad immortalitatem animæ recte requiritur, ut ipsa post mortem corporis, qua vim, & essentiam suam, perennet.

§. 749. Si itaque verum est, ad immortalitatis animæ notionem postulari, ut ipsa suas continuet perceptiones, & appetitus, (§. 749.) nostræ autem perceptiones, dum vivimus, sint ejusmodi, ut anima se ab aliis rebus, aliasque res a se invicem discernat, adeoque sui sibi conscia sit, (§. 484. 487.) liquet, ab immortalitate animæ non posse sejungi statum perceptionum distinctarum, & conscientiam sui.

§. 750. Tria ergo immortalitatis requisita cum VVolffio, Bilfingero, Thummigio, aliis, statuimus. I. Ad immortalitatem animæ pertinet, ut ipsa a morte corporis supersit, & existentiam suam continuet, neque adco pereat, (§. 748.) II. Ut anima sit immortalis, postulatur, ut in statu perceptionum distinctarum perseveret (§. 749.) III. Ut sui sibi sit conscia atque adeo statum præteritum possit recordari, eisdemque ad se pertinere agnoscat. His in summam collectis, sequens *immortalitatis anima* definitio exsurget: *Immortalitas anima* est perseverantia animæ post mortem corporis in existentia, statu representationum distinctarum, & conscientia sui.

SCHOL. Hanc immortalitatis notionem debemus VVolffio, qui, confusionem indestructibilitatis animæ cum ejusdem immortalitate evitaturus, ita definit immortalitatem animæ: *Est potentia perseverandi a morte corporis in statu perceptionum distinctarum & conservandi memoriam sui.* *Cors. Psychol. Rat. p. 657.* Eandem notionem immortalitatis nos ipsa sacra scriptura edocet, exemplo divitis illius Hælluonis, cujus fit mentio Luc. XVI. Hujus anima existere pergebat post mortem, sentiebat enim cruciatus. Perceptiones item distinctas habebat, poterat enim se a Lazaro distinguere, statum quoque præteritorum recordabatur, eosdem-

demque ad se pertinere, agnoscebat, id quod, vel ex eo patet, quod fratrum suorum recoleret memoriam. En tria immortalitatis requisita a nobis allegata. (750.)

§. 751. Quicumque igitur rite demonstrare vult animam esse immortalem, ei demonstrandum ( $\alpha$ ) est, animam perseverare post mortem corporis in existendo: ( $\beta$ ) Animam continuare perceptiones suas, & quidem distinctas. ( $\gamma$ ) Animam sui, statumque præteriti esse adhuc consciam.

SCHOL. Sunt quidem, qui satis habent, demonstrasse, animam post mortem corporis perseverare in existendo, quique adeo arbitrantur, animæ immortalitatem esse demonstratam tum, cum ejusdem indestructibilitas demonstrata est. At fac, te demonstrasse, animam perseverare in existendo; fac vero, animam esse in stupore quodam, & versari in statu obscurissimarum idearum, id quod olim secta Arabicorum opinabatur. Num hæc esset immortalitas? plura ergo, quam sola indestructibilitas animæ, sunt demonstranda, si quidem animæ immortalitas demonstrari debeat. Agendum itaque, singulas propositiones, ad corroborandam animæ immortalitatem pertinentes, perpendamus, &, qua quæque ratione communiti debeat, videamus.

§. 752. *Anima cum corpore interire nequit, sed in existentia post mortem corporis perseverat.*

*Demonstr.* Cum enim anima sit ens simplex, (§. 695.) ens simplex autem ob partium carentiam dissolvi corrumpique, ac interire non possit, (§. 272. 285.) consequens est, ut anima post mortem cum corpore non simul pereat, sed in existendo perseveret.

*Poterat hoc theorema ita quoque demonstrari:* Anima est ens simplex. (§. 695.) Ens simplex, si interit, interire debet in instanti; (§. 282.) Ergo anima, si interit, interire debet in instanti. Si anima interit in instanti, interit miraculose, quia quod



quod fit in instanti, non habet eventus antecedentes, & naturales. (§. 281. 458.) id vero, quod ex causis, & statu antecedente concipi non potest, dicitur *supernaturale*, sive *miraculum*, (§. 558.) si vero interit miraculose, sequitur, Deum ejus interitus esse causam, quia miracula habent rationem sui sufficientem in causa extramundana, sive Dec. (§. 462.) Quamvis igitur Deus possit animas annihilare & destruere, quaritur tamen, num velit, & num illa destructio, sive annihilatio ex natura, & essentia animæ fluat? Ipsum autem nolle probatur ex fine miraculorum. Inter alios fines, quos Deus in patrandis miraculis intendit, & hic est, ut nos reddat attentos. Nunc vero, dic, quæso, quam familiaria, & vilia apud nos tandem futura essent miracula, si vellet Deus tot perpetrare miracula, quot millia animarum interirent. *Conf. Braunii disp. de statu anima post mortem. p. 13. seq.*

§. 753. *Anima post mortem perceptiones suas continuat.*

*Demonstr.* Cum enim anima post mortem in existendo perduret, (§. 752.) consequens est, ut etiam anima post mortem, suam adhuc habeat essentiam, quia essentia ab ente, cujus est essentia, separari non potest, & omne ens debet habere suam essentiam. (§. 69.) Essentia vero animæ est vis repræsentandi. (§. 715.) Ergo post mortem durat vis repræsentativa, quæ est fons omnium perceptionum, & principium omnium operationum in anima. Si vero vis animæ repræsentativa durat post mortem, & omnis vis transit in actum, nisi impedimentum adsit, (§. 300.) intelligitur, vim repræsentativam animæ post mortem corporis producere repræsentationes, maxime cum nullum impedimentum ne fingi quidem possit, quod fontem perceptionum in anima, puta vim repræsentativam, obstruat.

NOTA Nonnulli Harmoniam suam præstabilitam  
hic

hic commendant, atque putant, cum per harmoniam præstabilitam corpus nihil ad animæ perceptiones conferat, sed anima easdem vi propria producat ( §. 733. ) nullam adesse rationem, cur anima, corpore licet in morte intereunte, post mortem superstes non versetur in statu perceptionum, easdemque continuat.

§. 754. *Anima non modo post corporis mortem perceptiones suas continuat, sed quoque in statu perceptionum distinctarum versatur.*

*Demonstr.* Cum enim omnis confusio in perceptionibus; siue repræsentationibus proveniat a sensuum limitatione, ( §. 81. Leg. ) in morte autem corporis organa sensoria plane a functionibus suis cessent, ( §. 746. ) limitatione adeo, per organa sensoria producta desinat, consequens est, ut causa confusoris sublata, ipsa cesset repræsentationum confusio. Cum autem anima perceptiones suas continuat & libera tamen est a confusione, sequitur, ut animam post mortem corporis versari in statu perceptionum distinctarum, contendamus.

Sunt, qui hoc thesaurum evicturi, argumentum quoddam adducunt, quod ab *analogia* desumptum est. Sic rationes suas fere conficiunt: *Res naturales* inquirunt, *in vicissitudinibus suis extantioribus perficiuntur potius, quam destruantur.* Idque comprobare ipsam animam, ajunt, quippe quæ in generatione, una cum corpusculo organico uterum matris intret, ex statu obscurarum perceptionum in statum claritatis progreditur. Hinc colligi debere, existimant, animam in morte corporis, ubi novam rursus, & magnam subeat mutationem, non modo pristinas, quas in vita habuit, perceptiones claras retinere, sed in majorem quoque claritatis distinctionisque gradum progredi. De hoc argumento videntur *Thomminus in dissertat. de immortal.* item *Bilfingerus in Dilucidat.* §. 361.

§. 755.

§. 755. *Anima, post mortem corporis, sui adhuc sibi conscia est; seque eandem adhuc esse agnoscit, quæ antehac fuerat in vita mortali, status item præteriti memoriam conservat.*

*Demonstr.* Cum enim anima post mortem corporis versetur in statu idearum distinctarum, (§. 754.) consequens est, ut anima post mortem corporis se ab aliis rebus resque ipsas extra se, a se invicem discernat, (§. 494.) Quo ipso vero cum sit conscia sibi sui, (§. 484.) dubitari non potest, animam post mortem corporis esse sui sibi consciam, atque adeo agnoscere, se esse eandem, quæ fuerit in hac vita mortali. Si itaque anima post mortem corporis agnoscit, se esse eandem, quæ fuerit in vita mortali, consequens est, ut status præsens, cum præterito connexus, per legem phantasiæ, sive imaginationis, ipsi in memoriam revocet statum præteritum. Adeoque ipsa memoriam conservabit status præteriti.

SCHOL. *Cl. Canzins in usu philosophia Leibniz. & Wolffiana in Theologia hac de re præclare.* „ Præ-  
 „ sto est ratio, ut anima perseveret, status enim  
 „ consequens pendet ex statu antecedenti. Atqui  
 „ in statu antecedenti erat idearum distinctarum,  
 „ & conscientia fons uberrimus, cur igitur pro-  
 „ tinus exaresceret? Si anima, sui conscia, post  
 „ obitum existit, ut etiam eandem se agnitura sit,  
 „ quæ antehac fuerit in vita mortali. Consequen-  
 „ tes enim fluunt ex antecedentibus. „ Phantasiæ  
 „ regula poscit, ut, quoties idea offertur, quæ quid  
 „ commune habet cum alia, olim in diversa serie  
 „ observata, toties præteriti status memoria animum  
 „ subeat. Cum igitur in anima separata plures orian-  
 „ tur notionēs, ex antecedentibus consecutæ, quæ  
 „ non possunt non aliquid cum illis habere commu-  
 „ ne; sentiet profecto anima, se eandem esse quæ  
 „ fuit ante mortem. T. I. p. 284.

§. 756. *Hæc itaque evincunt, animam esse immortalem.*

De-

*Demonstr.* Cum enim anima post mortem in existendo perseveret, (§. 752.) perceptiones item suas continuat, (§. 753.), & denique cum conscientia sui memoriam status præteriti conservet, (§. 755.) hæc tria vero requirantur ad immortalitatem, (§. 750.) intelligis, animam esse immortalem.

SCHOL. Hoc argumentum pro immortalitate animæ vocant *intrinsecum*, quia ex interna animæ vi, natura, & essentia est desumptum. Latius hoc argumentum explicavit *Thummigius* in peculiari dissertatione, quæ inscribitur: *Demonstratio immortalitatis animæ, ex intima ejus natura deducta. Hale cl. lc CCXXI*. Non nego, a pluribus plura ad demonstrandam immortalitatem animæ argumenta esse deducta, nec iniri fere eorum potest numerus qui animæ immortalitatem assertum eunt. *Conf. Fabric. in Syllabo scriptorum de veritate religionis Christianæ*.

SCHOL. Cel. Syrtius argumento, quod a desiderio hominis infinito pro animæ immortalitate desumit, plurimum tribuit. Nervus vero, & robur hujus argumenti consistit in his positionibus:

(1) *Quacumque anima naturaliter intelligit bonum infinitum, illa etiam naturaliter appetit tale bonum.*

(2) *Quidquid naturaliter appetit bonum infinitum, illius desiderium non potest esse frustra datum.*

(3) *Cujus desiderium infinitum non potest esse frustra datum, illud naturaliter destinatum est ad bonum infinitum.*

(4) *Quidquid naturaliter destinatum est ad bonum infinitum, illud etiam tali bono frui potest.*

(5) *Quidquid frui potest bono infinito, illud durare debet in infinitum.*

(6) *Quidquid durare debet in infinitum, illud non potest mori, adeoque est immortale. E.*

(7) *Anima hominis est immortalis. Conf. Syrt. Baum. Metaph.*

tii Philosoph. Rat. p. 241. & disputat. ejusdem de desiderio hominis infinito.

NOTA. Quæ contra hoc argumentum moveri excipique cum specie possent, indicat *Canzins in Jurisprudencia Theologia, sive de Civitate Dei*, pag. 110. seqq.

SCHOL. Aliud, præter recensita, argumentum adhuc adhiberi solet cum animæ immortalitas est demonstranda. Scilicet ita ratiocinari video quosdam; „Homo sæpe in hac vita agit male, nec tamen accipit pœnas. Ergo aut Deus non est justus, aut status post mortem superesse debet, in quo bonis bene sit, malis male, „Contra hoc argumentum, a justitia divina desumptum, nonnulla sunt, quæ monet *Bisfingerus in Dilucidationibus* §. 362. (α) Ex hoc argumento sequi, putat, etiam corporis immortalitatem, (β) non sequi perennem animæ durationem, si quidem fortassis tempore finito pœnæ vel præmia accipi possint. (γ) Sequi ita animæ immortalitatem tantum pro illis, qui præmia bonorum factorum, & pœnas malorum factorum in hac vita non acceperunt.

NOTA. Qua felicitate aut quo tædio anima afficiatur post mortem; aut residetne perpetuo illa in corpore suo, an extra illud commoretur, non subtilius disputabimus hoc loco, cum hæc omnia ex revelatione, quam ex ratione, rectius sciantur. Legatur interim *Brannii dissertatio de statu animæ humana post mortem corporis sui, vel beato, vel damnato, ex principiis sanioris philosophiæ deducto*, Hala hab. 1736.

## CAPUT IV.

*De animabus brutorum.*

## §. 757.

**S**atis jam, satis exposuisse nobis videmur animæ nostræ virtutes statumque post mortem corporis. Unicum hic adjungere licebit caput de *animabus brutorum*, quas alio alii modo explicant; Nos vero principia jam dum a nobis stabilita secuti; quod sanior hic tradat philosophia, edocebimus.

§. 758. *Bruta sunt animabus prædita, quæ ab ipsorum corpore prorsus distinctæ, objecta, in organa sensoria agentia, sibi repræsentant.*

*Demonstr.* In brutis ( $\alpha$ ), deprehendimus, experientia teste, organa sensoria, ( $\beta$ ) deprehendimus in ipsis quoque cerebrum, cerebro humano simile. Jam vero, cum hanc organorum sensoriorum cerebrique in homine usum, finemque adeo divinum esse, nemo neget, ut per organa sensoria vis repræsentativa animæ limitetur, nobisque perceptiones formare possimus, recte inde colligimus, eundem esse horum membrorum in brutis finem divinum. Atque adeo liquet, brutis æque, ac hominibus, competere animas, quæ res extrinsecus in organa sensoria agentes, sibi repræsentent, & quidem pro mutationibus, in organis sensoriis factis.

§. 759. *Bruta cogitant.*

*Demonstr.* Cum enim experientia testetur, bruta, ope sensuum, se ab aliis rebus discernere, & res extra se invicem, consequens est, ut bruta, & sibi sui, & rerum extra se positarum sint conscia (§. 484.). Cum autem, qui conscientia sui rerumque extra se positarum gaudet, dicitur *cogitare* (§. 491.) bruta cogitare, dubitari non potest.

§. 760. *Bruta non modo habent sensationes, sed imaginatione quoque, & memoria gaudent.*

*Demonstr.* Cum enim quotidiana testetur experientia, in brutis, quum duæ simul adfuerunt sensationes, & una earum reproducitur per sensus, reproduci quoque alteram. Ita videmus, in cane, cum dominum observat baculum, quo semel iterumque fuit percussus, elevare, oppido ideam verberum excitari, id quod indicat abitus festinatus, & vociferatio lamentabilis. Quæ omnia cum sint effectus imaginationis, sive phantasiæ (§. 509.) dubium non est, brutis competere phantasiam, sive imaginationem, &, cum conscientia sui gaudeant, (§. 759.) mirum non est, ipsa quoque nosse, esse reproductas sensationes easdem, quas olim habuerunt, quod est operatio memoriæ (§. 536.)

§. 761. Patet ergo, bruta, ut homines, agere secundum legem imaginationis, quod pluribus, ex experientia desumptis exemplis, potest comprobari. De lege autem imaginationis videas §. 509. seqq.

§. 762. Bruta gaudent appetitu sensitivo, & aversione sensitiva, ipsam quoque legem appetitus, & aversionis sequuntur, id quod iterum experientia potest comprobare.

§. 763. *Bruta carent ideis rerum distinctis, & hinc etiam intellectu.*

*Demonstr.* Cum enim bruta sermone, & vocibus articulatis careant per experientiam, sine sermone autem, & vocibus articulatis ea, quæ in objecto totali aliquo discerni possunt, dignoscere nequeamus, adeoque ad distinctas etiam ideas pervenire non possumus, (§. 363.) bruta carere ideis rerum distinctis, in aprico est. Et quia intellectus est facultas res sibi *distincte* repræsentandi, (§. 549.) necesse est, ut intellectum bruto denegeamus.

**EXEMPL.** Canis e. gr. format quidem sibi ideam  
canis

canis hujus, & illius, sed sensibus acquisitam, & confusam. Non vero ita sibi formare potest notionem *corporis*, generatim spectati, ut possit sigillatim sibi sistere, quænam sint notæ characteristicæ, quibus corpus generatim spectatum, ab omnibus aliis rebus discernantur.

§. 764. Cumque abstractio sine ideis distinctis non habeat locum, (§. 560.) notionesque universales formari non possint, nisi mediante abstractione, (§. III. Log.) evidens est, nec abstractione, nec facultate, notiones universales sibi formandi bruta esse instructa.

§. 765. Ex quo apparet, nec judicia universalia formare ipsis esse datum. Judicia enim sunt combinationes, vel separationes idearum. Ergo judicia universalia sunt, cum notiones universales combinamus, vel separamus. Cum vero notiones universales formare non possint, (§. 764.) palam est, nec judicia universalia ab ipsis posse formari.

EXEMPL. *Canis* e. gr. *equus* &c. non potest sibi universalem notionem, vel *legis*, vel *spei*, vel *virtutis* vitisque, ut homo formare, nec fieri potest, ut equus aut canis ita judicent, *virtus est legi conformis*, *vitium difforme*. Sunt enim hæc notiones universales, sunt hæc judicia universalia, quæ non possunt cadere in quemquam nisi distinctis gaudeat ideis adeoque intellectu.

§. 766. *Bruta nexum veritatum universalium distincte perspicere non possunt.*

*Demonstr.* Cum enim bruta neque notiones; neque judicia universalia, sibi formari possint, (§. 764. 765.) omnibusque repræsentationibus distinctis careant, (§. 763.) facile patescit, bruta quoque nexum veritatum universalium distincte perspicere non posse.

§. 767. *Bruta carent ratione.*

*Demonstr.* Cum is gaudeat ratione, qui nexum veritatum universalium distincte perspicere possit,



(§. 572.) bruta autem nexum veritatum universalium distincte perspicere non possint, (§. 766.) perspicuum hinc fit, bruta omni destituta esse ratione; & ita recte dici *irrationabilia*.

SCHOL. Miror, de hac thesi tam acriter inter eruditos fuisse disceptatum. Tota lis oppido componi posse videtur, si, quid per rationem intelligi velis, determinaveris. Negari quidem non potest, casus allegari, ex quibus demonstrari posse videatur, brutis æque ac hominibus, & verius nonnunquam, tribui debere rationem. At si omnes casus rite examinaveris, in quibus ratio brutis tribuitur, si omnia brutorum ratiocinia, & syllogismos excusseris, si omnes eorum operationes, quæ elegantes atque admirabiles tibi videntur, quasque edunt sine prævia institutione; nunquam rationemprehendes, eo scilicet sensu, quo nos definivimus. Quas enim bruta edunt operationes, aut proveniunt ab instinctu quodam naturali, divinitus ipsis indito, nec consilio, aut prævia deliberatione ipsas suscipiunt, aut regulis diriguntur, quæ in solis sensibus, imaginatione, & memoria brutorum fundatæ sunt. Sic apes favos construunt, & mella conficiunt, formicæ cibum congerunt, & in futuros suos reponunt usus, aves nides componunt, satis illos quidem artificiose, non tamen cum prævia quadam deliberatione, aut consilio, sed vel ex instinctu quoddam naturali, divinitus ipsis indito, vel regulis diriguntur, sensu, imaginatione, ac memoria nixis.

Quod ad ratiocinia, & syllogismos brutorum attinet, in iis quidem, confuse formatis, nihil, quod rationem probet, reperire potui, sed semper præmissæ in ejusmodi ratiocinio, quod a brutis formari videtur, nituntur aut sensu, aut imaginatione, aut memoria. Cum e. gr. canis videt, dominum elevare baculum, tum canis, reproductis pristinis verberum ideis, oppido aufugit, ita quasi ratiocinatus.

Quan-

# DE ANIMABUS BRUTORUM. 343

Quandocunque Dominus elevat baculum, tum vapulo,

Atque vero nunc elevat baculum,

Nunc vapulo, sive verbera sentiam, E. abeundum.

In hoc syllogismo *major* propositio nititur imaginatione, *minor* sensu, neutra vero præmissarum habet pro fundamento rationem. Qua itaque ratione ex syllogismo, in quo, neque major neque minor propositio, nititur ratione, probabis rationem? Percurre omnes brutorum syllogismos, quos sibi formare videntur, si vel unicus eorum ratione nititur, tum pertendam, bruta gaudere ratione.

§. 768. *Quamvis brutis nullam tribuendam esse rationem existimem, analogum tamen rationis, quod vocant, ipsis adscribi potest.*

*Demonstr.* Cum enim, experientia teste, in brutis observemus, ipsis, si duas habuerunt olim sensationes simul, una earum redeunte, alteram etiam redituram videri, (§. 760.) id quod modo exemplo canis comprobatum dedimus, consequens est, ut, brutis expectatio casuum similium tribui possit. In quo quia consistit id, quod vocamus *analogum rationis*, (§. 532.) non video, cur non brutis rationis analogum tribui possit.

SCHOL. Veteres Scholastici cum vocibus his *analogum rationis* nullum fere conjunxerant conceptum. At recentiores, quia vocabula, mente cassa, & voces nihili ex philosophia sedulo proscribendas putant, ita determinarunt, ut per analogum rationis, ubi quis videtur in rebus particularibus nexum perspicere, nihil aliud intellexerint, quam expectationem casuum similium, leges in §. 579.

§. 569. Experientia testatur, in aliis brutis majorem esse docilitatem, minorem in aliis, ita, ut alia aptiora deprehendantur, quæ instituantur, alia ineptiora. Atque adeo sponte hic fluit, alia

bruta aliis meliores sensus, imaginationem, & memoriam habere, ac gradu perfectionis inter se invicem differre.

§. 770. *Brutis competit quidem in agendo spontaneitas.*

*Demonstr.* Cum enim, id quod experientia quemque condocet, bruta se ipsa ad agendum determinent, is autem, qui ad agendum se ipse determinat, dicatur sponte agere, (§. 672.) brutis spontaneitatem denegari non posse, patet. Quia vero ad omnem libertatem requiritur intellectus, (§. 676.) bruta vero intellectu destituantur, (§. 763.) manifestum est, brutis libertatem tribui non posse.

§. 771. *Brutorum animæ sunt quidem entia simplicia, sed non sunt spiritus.*

*Demonstr.* Cum enim brutorum animæ cogitent, (§. 769.) id autem, quod cogitat debeat esse ens simplex, (§. 692.) patam est, brutorum animas esse entia simplicia.

Cum ad omnem spiritum requiratur, ut gaudeat intellectu, (§. 473.) brutorum vero animæ non gaudeant intellectu, (§. 692.) brutorum animas non posse esse spiritus, certum est.

NOTA. Scholastici animas brutorum esse materiales credebant, Cartesiani bruta meras machinas existimabant. Utrique falso.

SCHOL. Cæterum hinc vides, tertium adducdari inter corpus, & spiritum, scilicet dantur adhuc entia, quæ neque sunt corpus, neque spiritus, sunt tamen entia simplicia. Quo referri constat (α) entia simplicia, ex quibus corpora sunt composita, de quibus supra, §. 554. & (β) animas brutorum, uti id ex præsentia §. patet.

§. 772. *Evinci hinc potest, animas brutorum esse ex sua natura indestructibiles.*

*Demonstr.* Cum enim animæ brutorum sint entia simplicia, (§. 771.) ens simplex autem destrui non possit, (§. 372.) sequitur, ut animæ bruto-

rum

## DE ANIMABUS BRUTORUM. 345

rum destrui non possint ex sua natura, adeoque sint indestructibiles.

SCHOL. Ex eo tamen neutiquam confici potest hæc propositio: *Ergo anima brutorum sunt immortales*. Plura enim ad immortalitatem requiri, quam solam indestructibilitatem, docet §. 750. *Canizius* qui mentem suam de hoc in usu philo. opb. in Theolog. p. 176. egregie exponit. *Non intersere*, inquit, *post mortem brutorum animas largior; immortales tamen esse, nego*. Deest scilicet post mortem animabus brutorum tertium immortalitatis requisitum, scilicet, recordatio status præteriti, ejusdemque cum præsentis comparatio. (§. 755.) Quod enim bruta post mortem corporis, non possint recordari status præteriti, id vel ex eo patet, quod bruta, dum vixerunt, non distinctas habuerunt ideas, sed tantum claras, & confusas. Atqui vero, cum anima quædam magnam subit mutationem, & ante illam mutationem tantum clavis, & confusis gavisa fuit ideis, non vero distinctis, reperimus, illam post magnam, quam subit, mutationem non recordari posse status præteriti. Duplici exemplo id nunc probare, opportunum erit. Quotiusquisque est, qui eorum, quæ in tenera infantia suscepit, ætate adulta, recordari potest? Nemo profecto. Ecquid vero causæ? Scilicet, cum in tenera infantia nondum, ob defectum vocum articulatorum, distinctis gaudeamus ideis, sed confusa omnia nobis & obscure representemus, fit, ut anima in alium, eumque perfectiorem, statum proventa, nihil eorum, quæ olim in statu tenerrimæ, & primæ infantie novit, meminisse queat. Et profecto, aut fallor ego vehementer, aut eandem rationem, & causam recte allego in casu illo, quo quis, inter bruta silvestria educatus, ad tempus more brutorum vixit. Relatum legimus, ejusmodi homines, inter bruta in silvis educatos, quando capti fuerunt, & cum hominibus consociari cæperunt, sensus

fenſimque linguam didiciſſe, & ad cognitionem diſtinctam pedetentim perveniſſe. Quod vero ubi factum eſt, ubi uſum rationis impetrarunt, nunquam potuerunt ſtatus præteriti, vitæque, quam vivebant inter feras ſilveſtres, recordari, idque ideo, quia in illo ſilveſtres, & fero vivendi genere diſtinctis caruerunt repræſentationibus. Cum igitur animæ brutorum caruerint in vita diſtinctis ideis (§. 763.) quidni negemus, ipſas aliquando ſtatus præteriti recordari poſſe?

§. 773. *Inter hominis brutique animam tanta eſt differentia, quanta maxima eſſe poteſt.*

*Demonſtr.* Cum enim anima hominis gaudeat ideis diſtinctis, (§. 347.) & intellectu, (§. 548.) abſtrahat, (§. 557.) rationem, item habeat, (§. 572.) libertate ſit inſtructa, (§. 671.) hæc omnia autem animabus brutorum non competant, (§. 763. 767.) facile eſt intellectu, animas hominum, & brutorum maxime inter ſe diſferre.

SCHOL. Quæritur vero, utrum gradu, an eſſentia diſferat anima brutorum ab anima hominum? Diſtinguunt hic nonnulli inter *gradum eſſentialem*, & *gradum accidentalem*. *Gradus eſſentialis* in repræſentationibus dicitur, ubi totus repræſentandi modus mutatur, e. gr. repræſentatio obſcure, clara, diſtincta. *Gradus accidentalis* eſt, qui in ipſo gradu eſſentiali deprehenditur, exempl. grat. *obſcuritas major & minor, claritas major & minor*. *Gradus igitur eſſentiali* animas brutorum ab animabus hominum diſferre ajunt, id eſt, ita ut, brutorum animabus non niſi ideæ competant *clara & conſuſa*, cum contra humana anima ſit capax idearum diſtinctarum, & univerſalium, quæ animæ brutorum perſtingere nequeant.

*Canzius* mentem ſuam de animæ bruti, & infantis differentia ſic exponit. „ Anima infantis „ longiſſime diſtat ab anima bruti. Namque illa „ rationem ſufficientem omnium olim formanda- „ rum notionum jam tum in tenella ætate com- „ ple-

# DE ANIMABUS BRUTORUM. 347

„ plectitur , anima bruti nil tale complectitur. Il-  
 „ la plura , & sublimiora in se involvit , ad instar  
 „ cepæ Tuliparum , hæc autem viliora , & indi-  
 „ gniora comprehendit more cepæ communis ( sit  
 „ venia similitudini ultra tertium non extenden-  
 „ dz. ) Anima hominis inde ab initio femina fu-  
 „ turarum idearum distinctarum habet in se recon-  
 „ dita , qualia bruti anima non habet. “ *Tom. I.*  
*p. 271.* De animabus brutorum legas , vel maxime  
 libros duos *Hieronymi Rorarii* , quod animalia bru-  
 ta sæpe ratione utantur melius homine. Quos re-  
 censuit *dissertatione historico-philosophica de anima*  
*brutorum annotationibusque auxit Georg. Henr. Ric-*  
*bovius.* Helmst. 178. 820.

*Finis Psychologia Rationalis.*

THEO. ]

# THEOLOGIA

## NATURALIS.

---

### §. 774.

**T***heologia naturalis* est scientia de Deo ejusque attributis, & operibus.

SCHOL. Hæc disciplina, quam, cum veteres, tum recentiores, philosophi ad Metaphysicam re-tulerunt, ultimam nobis Metaphysices partem con-stituit. Conf. §. 5. Wolfius *Theologiam Naturalem* definit per scientiam eorum, quæ per Deum sunt possibilia. *Vid. discursus præliminaris Logica præmissus* §. 57. Quæ quidem definitio quomodo sit intelligen-da, & ab exceptionibus vindicanda, docui in defi-nitiva philosophia, p. 4.

SCHOL. Hæc vero disciplina dicitur Theologia NATURALIS, ideo quia, quidquid hic de DEO ejusque attributis docetur, id omne ex lumine *na-turae*, sive ex ratione scientifica demonstrari debet. Quo ipso distinguitur a Theologia revelata quæ non ratione, sed scriptura sacra nixa, DEUM non modo ratione existentiae, & attributorum considerat, sed explicat, quoque sublime illud Trinitatis mysterium quod rationem prorsus fugit. Taceo, quod in Theo-logia revelata remedia allegentur, quæ ad æternam salutem consequendam sufficiunt, quod non item fit in Theologia naturali.

SCHOL. Quod vero Theologia naturalis in per-tractandis disciplinis metaphysicis agmen claudat, ratio hæc est: Methodus, qua philosophos uti, par est, postulat, ut præmittantur ea, per quæ sub-sequentia intelligantur. ( §. 30. Log. ) Atqui ve-

to in Theologia naturali plurimæ propositiones explicari intelligique non possunt, nisi notiones, vel ex Ontologia, vel ex Cosmologia, vel ex Psychologia denique præstruantur, (id quod ex sequentibus uberius patefcet, ) Ergo Theologiam naturalem demum post Ontologiam, Cosmologiam, & Psychologiam pertractandam esse, liquet.

§. 775. Quod ad methodum, in explicandis Theologiæ naturalis placitis adhibendam, attinet, eam debere esse demonstrativam, & scientificam affirmamus, quod vel ex eo perspicuum esse potest, quod Theologiam naturalem esse scientiam de DEO dixerimus.

NOT. *Cel. Bilfingerus* cautiones nonnullas tradidit, quæ circa methodum Theologiæ naturalis sunt observandæ, quas vide in Dilucidation. §. 372, seqq.

§. 776. Usus Theologiæ naturalis in omnes fere disciplinas, deductis quasi rivulis, se diffundit, & in conformandis recte dirigendisque hominum moribus tantus omnino est, quantus vix ab alia disciplina potest expectari, Atheismum quoque, & superstitionem per Theologiam naturalem profligari, in aprico est.

NOT. his præsertim, qui Theologiæ se addicunt, credi vix potest, quantam utilitatem afferat Theologia naturalis. Qua enim si quis destituitur, neque Atheos ratione convellere, neque religionis Christianæ irrisores poterit ratione labefactare. Quid? quod Theologia naturalis viam nobis sternit manuque sui cultores ducit ad Theologiam revelatam, quæ hoc solidius discitur, quo firmioribus, ex naturali Theologia desumptis, fulcris innitur.



## S E C T. I.

*De DEI existentia.*

## §. 777.

**S**I existentia DEI, rite demonstrari debet, præmittenda est aliqua definitio DEI nominalis; ut ita intelligi queat, quidnam hac voce Dei indicari velimus. Scilicet ejusmodi characteres sunt allegandi, quibus id ens, quod DEUM vocamus, ab omnibus aliis rebus possumus dignoscere.

SCHOL. Cum vero definitio nominalis sit arbitraria, (§. 176. Log.) facile intelligis, ab aliis alias notas characteristicas posse allegari, quæ tamen nota debent esse ejusmodi, ut (1) *Deo soli & semper* competant, (2) ut ex ea attributa Dei nexu commodo & apto possint deduci. Perinde itaque est, si dixeris: *DEUS* est ens perfectissimum, aut: *DEUS* est ens absolute necessarium, virtute propria, & per essentiam suam existens; aut denique: *DEUS* est ens infinitum, & independens. In unaquaque enim harum definitionum nominalium allegantur characteres, Deo semper, & soli competentes. Quarum tamen unam alteramve si in ordine systematico, ubi demonstrationibus locus est, adhibueris, videndum est, num ex definitione adhibita omnia attributa nexu legitimo fluant, ex eaque possint demonstrari.

§. 778. Definitionem itaque DEI nominalem condituri, per DEUM *nihil aliud intelligimus, quam ens absolute necessarium, quod ab hoc universo diversum est, & a quo hic mundus, tamquam a causa sua, dependet.*

SCHOL. Putaverim hic recenseri ejusmodi characteres, qui nulli rei, nisi DEO, competunt. Quod si tamen minus placuerit tibi hæc definitio, dic: *DEUS* est spiritus perfectissimus. Item: *DEUS*

est ens independens, aut, si mavis, DEUS est ens infinitum. Idem enim mecum dicis. Quod vero hanc potissimum, nec aliam, DEI definitionem supeditaverim, rationem tum perspicias, cum intellexeris, omnia Dei attributa, nexu perquam facili, abs me ex hac definitione deduci. Cave vero, ideo hanc definitionem Dei falsam putes, quod non omnia DEI attributa in ea recenseantur. Non enim hoc opus est in definitione nominali, quæ ideo præmittitur, ut sit principium demonstrandi, & ut ex ea rei definitæ attributa demonstrantur.

SCHOL. *WVolfius in Theolog. natur. Tom. I. §. 67.* eandem fere definitionem profert, ubi, per *DEUM*, inquit, „intelligimus ens a se, in quo continentur ratio sufficiens existentiae mundi hujus aspectus, et animarum nostrarum“ I. e. DEUS est ens a se, quod hunc mundum, tanquam causa efficiens, produxit. Id enim, quod in se continet rationem sufficientem, cur alterum existat, dicitur causa alterius, (§. 447.) In metaphysica Germ. has legimus DEI definitiones: *DEUS est ens a se, in quo ipsum fundamentum existentiae Mundi, & anima reperire est* §. 945. item §. 1069. ita mentem suam exponit de DEI conceptu primo: *Igitur dici potest in quantum Deus cognosci potest ex consideratione mundi, & in quantum compendium quarit, ex quo reliqua deduci possunt: Deus quoad essentiam suam talis est, qui omnes mundos possibiles* (i. e. omnes res, non eas modo, quæ existunt, sed quæ etiam existere possunt, omniumque rerum connexiones, & relationes) *ictu oculi modo perfectissimo sibi representari potest.* Alius fortasse idem ita expressisset: DEUS est ens, intellectu perfectissimo præditum. Id enim involvunt characteres, in hac definitione a WVolfio allegati. Dici non potest, quanto animi impetu, quantaque acerbitate, & vehementia de his quidem recensitis definitionibus sit disceptatum. Omnes, opinor, controversiæ evanescerent, modo adversarii WVolfii in-

intelligere vellent, nihil his quidem definitionibus VVolfium aliud docere, quam quod DEUS sit causa mundi, quodque DEUS sit spiritus perfectissimus, perfectissimo intellectu præditus. Verba impugnant, res concedunt. *Conf. Canzins in u. u. philo. oph. VVolf. in Theologia p. 86. Tom. I. ubi historia totius illius controversiæ Logicæ enarratur, Item philo. oph. nostra defin. p. 171.*

§. 779. Quicumque itaque demonstrare vult, dari DEUM, is demonstrare debet, dari *ens aliquod, absolute necessario existens, a mundo diversum, & a quo hic mundus, tanquam a causa sua, dependet.* (§. 778.) Quod quidem qui demonstravit, eo ipso demonstravit existentiam Dei.

§. 780. *Datur ens absolute necessario existens, ab hoc mundo diversum, & a quo hic mundus, tanquam a causa sua, dependet.*

*Demonstr.* Hujus thæseos fundamentum, & ratio ut perspiciatur luculentius, sequentibus positionibus totam demonstrationem comprehendemus:

( 1 ) Hic mundus existit (*per experientiam, & sensum communem.* )

( 2 ) Hic mundus, qui revera nunc existit, ita existit, ut etiam posset non existere, atque adeo est contingens (§. 425.)

( 3 ) Cum hic mundus, ob contingentiam, ita existat, ut possit etiam non existere, ut possit alio modo existere, (§. 525. & num. 2.) consequens est, ut debeat adesse ratio sufficiens, cui hic mundus existat potius, quam non existat, cur existat hoc modo, & non alio (§. 32.) . Poterat enim etiam non existere, poterat alio modo existere,

( 4 ) Illa ratio sufficiens, cur hic mundus existat potius, quam non existat, cur existat hoc modo, & non alio, aut est in ipso mundo, aut comprehenditur in ente aliquo a mundo diverso (§. 23.)

( 6 ) Si ratio sufficiens, cur hic mundus existat potius quam non existat, cur existat hoc modo,

nec

nec potius alio, deprehenditur in mundo ipso, tum mundus est ens absolute necessarium. Quodcumque enim ens ita existit, ut rationem, cur existit, in semetipso habeat, *illud absolute necessario existit* (§. 179.) Cum vero mundus sit ens contingens, (§. 425.) ens autem contingens non possit esse absolute necessarium, (§. 175.) palam est, mundum non posse esse ens absolute necessarium. Adeoque ratio sufficiens, cur hic mundus existat, non est in ipso mundo.

(6) Cum itaque ratio, cur mundus existat, non sit in ipso mundo, (num. 5.) manifestissimum est, rationem, cur hic mundus existat, debere deprehendi in ente aliquo, a mundo diverso.

(7) Hoc ens, a mundo diversum, quod continet rationem sufficientem in se, cur hic mundus existat, aut est ens contingens, aut est ens absolute necessarium. (§. 170.) (Tertium enim non datur.)

(8) Si hoc ens, quod a mundo diversum est, quodque in se continet rationem sufficientem, cur hic mundus existat, est ens contingens, tunc hoc ens contingens, quod continet in se rationem sufficientem, cur mundus existat, ita existit, ut etiam possit non existere. (§. 175.) Atque adeo rationem rursus extra se habebit, cur existat.

(9) Sic ergo hac analysi notionum in infinitum progredieris, ita, ut semper, & sine fine, devenias ad ejusmodi entia, quæ rationem sufficientem, cur existant, habent in aliis rursus entibus extra se, ut tandem subsistendum erit in ente aliquo, quod non amplius rationem sufficientem, cur existat, extra se habet, sed quod rationem suæ existentiae in semetipso habet.

(10) In infinitum autem non progredi in analysi notionum possumus, quia alias non pervenietur ad rationem plene sufficientem existentiae nostræ, qua posita, sisti potest quæstio, cur existamus (§. 31.)

*Baum. Metaph.*

Z

(11)

(11) Ergo subsistendum est in aliquo ente absolute necessario, quod a mundo est diversum quodque continet in se rationem sufficientem, cur hic mundus existat potius, quam non existat, cur hoc modo existat, & non alio.

SCHOL. Dedita opera, & studio totam hanc, quanta est, demonstrationem positionibus, a se invicem sejunctis, comprehendimus, ut ita intelligi queat, quid in quaque propositione insit ponderis, & num quid contra eam excipi queat. Suum cuique robur, suum firmamentum constat. Ad eam vero propositionem, quæ membro 9. comprehenditur, quaque progressus in infinitum negatur, quod attinet, fusius demonstrari potuisset. Wolffius in *Cosmologia* §. 93. progressus in infinitum rectilinei impossibilitatem hoc modo evincit.

„ Si in serie causarum contingentium, quæ progressum in infinitum constituit, continuo ascendas, ad aliam continuo causam contingentem pervenis, quocumque tandem intervallo series retro continuari supponatur. Quare cum causa ista, ens contingens, rationem suæ existentiae in se non habeat, in progressu in infinitum rectilineo, non datur ratio sufficiens existentis cujuscunque. Progressus itaque in infinitum rectilineus esse nequit. Quare progredi in infinitum, & progredi in linea recta, sibi mutuo contradicunt. “ Alii ita: Si in serie causarum datur progressus, aut potius regressus in infinitum, tum in ista serie non datur principium. Ubi vero in serie causarum nullum locum habet principium, ibi nec locum habet continuatio, ubi nulla continuatio, ibi nullus finis. Series vero, ubi nec principium, nec continuatio, nec finis, plane non est series. Ergo series causarum, in qua locum habet regressus in infinitum, est series, per hypothesin, & non est series, (per demonstrata) Quod vero eum sit contra principium contradictionis, (§. 22.) & impossibile, patet, seriem causarum, ubi locum ha-

habet progressus in infinitum, esse impossibile.  
*Conf. Schlosseri Commentatio de analysi contingentium infinita; Vitemb. 1726. edita.*

„SCHOL. Poteramus existentiam entis absoluti, te necessarii, a mundo diversi, brevius quoque ita demonstrare. Hic nexus causarum, quo mundus precipue hic est mundus, nec alius, (§. 405.) debet habere rationem sufficientem, cur precipue hic nexus sit, nec alius, (§. 432.) hæc ratio sufficiens aut est in ipso causarum nexu, & serie, aut extra eam. Non potest esse in ipso nexu, & causarum serie, alias causarum nexu, & series esset absolute necessaria, (§. 179.) quod esset contra §. 325. “E. debet ratio esse extra eam seriem. Ergo debet ens existere, quod a causarum serie est diversum, & in quo ratio continetur sufficiens, cur hic precipue, nec alius, nexus adsit. Illud ens, a mundo diversum, non potest esse ens contingens, alias pertineret ad ipsum nexum mundanum, (§. 435.) & non esset a mundo diversum. Ergo debet ens esse necessarium: Ergo datur ens necessarium, quod non potest non existere; quod a mundo est diversum, & in quo continetur ratio sufficiens, cur hic mundus existat.

§. 781. *Datur DEUS.*

*Demonstr.* Cum enim detur ens absolute necessarium, a mundo diversum; & in quo continetur ratio sufficiens hujus mundi, (§. 780.) illud autem ens necessarium; a mundo diversum, & in quo continetur ratio sufficiens, cur mundus existat, idem illud ens sit, quod vocamus *Deum*, (§. 778.) patet, dari Deum.

SCHOL. Hoc argumentum, quod a contingentia mundi desumitur, & cui recentiores plurimum tribuunt, latius deduximus in peculiari dissertatione Vitembergæ 1735. habita: Si placet; brevissimis hoc argumentum ita concinna. Hic mundus existit. Hic itaque mundus, aut semetipsum produ-

duxit, aut per essentiam suam vi propria *necessario* ab æterno extitit, aut ab alio ente productus est. Illud contra §. 373. istud est contra §. 425. Ergo mundus est ab alio productus. Ergo datur ens aliquod, quod continet in se rationem sufficientem, cur mundus existat.

SCHOL. VVolfius, ceteris argumentis pro existentia Dei missis, unico huic argumento, quod a contingentia mundi desumitur, plurimum inesse roboris, contendit, negatque, ullum aliud argumentum, quodcumque etiam proferatur, posse cum successu adhiberi, nisi contingentia mundi fundamenti loco substernatur. In quo quidem rectenens secus fecerit VVolfius, nunc disquirere non est animus. Hoc certe habeo dicere, illum neutiquam, qui argumenti alicujus robur ad examen Logicum revocat, posse ideo incusari Atheismi. Quod enim si esset, quid tandem fieret de illis, qui VVolfio dixerunt contra? Nonne ipsi de argumenti, pro Dei existentia a VVolfio allati, robore dubitarunt? Nonne maximi quique Theologi etiam nunc argumentum Cartesii, pro existentia Dei prolatum, impugnant? Ecquis vero illos ideo esse Atheos dixerit? Non is statim thesin negare confendus est, qui argumentum aliquod, quo thesis corroboratur, in dubium vocat. Quædam vero illa sint, quæ in nonnullis argumentis desideravit VVolfius, speciatim nunc indicabo, cum potiora, quibus Dei existentia confirmari solet, argumenta adduxerim.

SCHOL. Veteres scholastici quique commonstrabant vias, quibus insisti debeat, si divini Numinis existentia recte debeat demonstrari. *Prima via* concludebatur a moventibus inter se subordinatis ad primum motorem, hunc fere in modum. „ Il-  
 „ lud, quod movetur, ab alio movetur. Moven-  
 „ tur autem res quædam in hoc universo, per  
 „ sens. communem ). Ergo res illæ, quæ moven-  
 „ tur, in hoc universo, ab alio moventur. „ Cum  
 autem in iis, quæ moventur, non possit infinità  
 fieri

fieri progressio, desinendum erit in uno aliquo *primo*, quod cum reliqua moveat, non tamen ipsum moveatur ab alio, sed immobile existat. Hoc vero illud ipsum est, quod Deum appellamus. *Alter* *ra via* concluditur a causis in subordinatione agentibus, ad causam aliquam primam, & independentem. Cum enim, inquiunt, in causis, & agentibus subordinatis non possit procedi in infinitum, deveniendum est ad aliquam primam, & independentem causam, quæ Deus est. *Tertia via* a rerum contingentia ad ens per se necessarium concluditur. Quod ipsum est illud, quo usi sumus, argumentum, paullo aliter a nobis propositum. *Quarta via* concludebatur ex eo, quod datur magis & minus perfectum ad ens aliquod, quod omnes habeat perfectiones, idque hac fere ratione: Aliud alio in hoc mundo deprehenditur perfectius. Ex qua graduum differentia convincitur necessario, dari revera ens summe magnum, summe perfectum, & summe bonum. *Quinta via* ita inferebant: Omnia in hoc universo bene, & sapienter gubernari, videmus. Ergo necesse est, detur gubernator omnium rerum, i. e. DEUS.

SCHOL. Alii argumento a *consensu gentium* desumpto utuntur, de quo videatur *Feverlini* disputatio. Alii ad *notitias DEI homini innatas* confugiant, alii a *motu conscientie*, ac dolore, post peccata patrata, robur argumenti sui petunt; alii ab *ordine* ad ordinantem a *finibus* rerum in hoc universo ad ens aliquod sapientissimum, quod istos fines intenderit, concludunt. Longum foret, omnia hæc argumenta verbosius commemorare, & de cujusque rebore, vel imbecillitate dispicere. Quare ea tantum, quæ recentiori ætate *VVolfius* contra argumentum a finibus rerum ab ordine ad ordinantem desumptum, disputavit, paucis, & brevissimis attingemus. Constat scilicet inter eruditos, inter alia argumenta, quæ ad stabiliendam DEI existentiam adferuntur, hoc non raro occur-



rere, quod a finibus rerum in hoc universo petitur, hunc in modum: *Ubi sunt rerum fines, ibi est, qui propter fines agit eosdemque intendit. Atque rerum omnium in universo dantur fines. Ergo aliquod ens sit, necesse est, quod propter hos fines agit, quodque eosdem intendit.* Hanc argumentationem vitiosi circuli inculcat VVolfius. Qui sic vero? Audias rationem. Si enim minor propositio, inquit VVolfius, probanda est, quod in hoc universo dentur rerum fines, provocabitur necessario ad usus, quos altera res alteri in hoc universo præstat. Si vero probari debet, hoc usus in universo esse fines, tum necessario ante evincere debet, dari aliquod ens intelligens, quod hos usus intenderit. *Finis* enim nihil est aliud, quam id, cujus gratia ens intelligens agit, (§. 372.) Adeoque ex mente VVolfii, & ex finis definitione non probari potest existentia finium, nisi sit antea probata existentia entis cujusdam intelligentis. Qui itaque ex existentia finitum ens intelligens demonstrare volunt; illi, ex mente VVolfii, revera ens intelligens jam supponunt. Si enim interrogati fuerint, unde constet, dari ens aliquod summe intelligens, sive DEUM, tum respondebunt; *quia dantur fines in hoc universo.* Quæsitum vero, unde constet, dari fines in hoc universo, non possunt non respondere, si ex genuina finis notione respondere voluerint: *quia datur ens intelligens.* Hæc ex mente VVolfii. *Conf. Commentatio VVolfii de differentia nexus rerum sapientis, & fatalis §. 7. item Canzins in usu philosophia VVolfiana in Theologia T. I. p. 15.* Hoc argumentum a finibus rerum desumptum, contra VVolfium defendit B. Wucherer in peculiari dissert. Jena 1725. habita. Alterum argumentum, quod emendatione opus habet, ex VVolfii sententia, hoc est: Ubi ordo, ibi ordinans: in hoc mundo est ordo; E Majorem ita limitandam putat: ubi ordo *contingens*, ibi ordinans. Adeoque hoc argumentum, negat quicquam

quam probare, nisi antea mundi contingentia fuerit evicta. Alia, ne longus sim mitto. Historiam hujus controversiæ, in quam Wolfius, ob argumenta pro existentia Dei allata, implicitus fuit, legas in *Canzio* p. 109. *seqq.*

SCHOLI. Cartesius ab idea entis infiniti sive perfectissimi, eaque innata, sumsit probationem existentie DEI. Quod vero argumentum vix credibiles motus turbasque excitavit. Mens autem Cartesii hæc erat: „Ens, quod perfectissimum concipio omnes habet perfectiones. Necessario, & actu existere, est perfectio. Ergo ens, quod perfectissimum concipio, necessario, & actu existit. *Vid. Cartesii Philos. prima, meditat. 3. Conf. Ruckeri dissertatio de hoc argumento Jene habita.*“ Contra hoc argumentum eruditi, vel hoc maxime moverunt, quod entis, quod perfectissimum concipitur, conceptus quidem necessariæ, & actuali existentie tribui debeat, exinde tamen non sequi, quod illud ens necessario, & actu etiam extra mentem existat. Alii, atque in his Leibnitijs & Wolfius, stringere, & valere hoc argumentum, sibi persuadent; dummodo entis perfectissimi possibilitas antea recte demonstrata. *Conf. Wolffii commentatio de differentia nexus* p. 12. Quare possibilitatem entis perfectissimi nonnulli ita probant: Cujuscunque nulla contradictio demonstrari potest, illud est, & manet tandiu possibile, donec demonstretur contradictio. ( §. 43. ) Atqui nulla contradictio in existentia entis perfectissimi demonstrari potest, ergo ens perfectissimum est, & habetur tandiu pro possibili, donec demonstretur contradictio, quam vero putant ad Græcas Calendas demonstratum iri. Alii ita: ( 1 ) *Ens* perfectissimum est, quod omnes possidet perfectiones, sive realitates. ( 2 ) *Ubi* omnes realitates, sive perfectiones, ibi non locum habet defectus, sive negatio ulla realitatis, ( 3 ) *ubi* non locum habet negatio, ibi non locum habet contradictio, ( quia

omnis contradictio includit suo conceptu negationem, (§. 20.) Ubi nullum locum habet contradictio, ibi adeſt poſſibilitas (§. 44.) Ergo ens perfectiſſimum eſt poſſibile. Si itaque ens perfectiſſimum eſt poſſibile pergunt, ſequitur, quod ens perfectiſſimum eo ipſo, dum poſſibile eſt, etiam actu, & neceſſario exiſtat: Atqui eſt poſſibile (*per demonſtrata*). Ergo etiam actu, & neceſſario exiſtit. *Conſequentiam ita probant: Ens perfectiſſimum eſt id, quod omnes habet perfectiones. Actu, & neceſſario exiſtere eſt perfectio. Ergo, ſi ens perfectiſſimum eſt poſſibile, etiam debet actu, & neceſſario exiſtere. Si enim non actu, & neceſſario ex iſteret, tunc deeſſet enti perfectiſſimo aliqua perfectio (actualis enim exiſtentia eſt perfectio) adeoque eſſet ens perfectiſſimum. (per hypotheſin) & non eſſet ens perfectiſſimum, quia ipſi adhuc deeſſet aliqua perfectio, ſcilicet actualis exiſtentia. Leibnizius eodem fere modo hanc argumentationem proponit. „Entis infiniti, inquit, poſſibilitatem nihil poteſt impedire. Poſſibilitas entis „neceſſarii includit ejus exiſtentiam. „Ergo ens infinitum, idque neceſſarium actu exiſtat. Vid. Monadolog. §. 44.*

SCHOL. Qui hoc argumentum, tanquam debile, rejiciunt, haſ, ſi recte memini formant objectiones. (α) A poſſe ad eſſe vitioſe concluditur; (§. 54.) *Respondent* defenſores hujus argumenti, a ſumma perfectione ad actualem exiſtentiam hic concludi. (β) Excipiunt, in hoc argumento id tantum ſequi; Si ens perfectiſſimum eſt poſſibile, ejuſmodi ens eſt poſſibile, quod omnes habet perfectiones, nondum vero actu, ſed in poſſibilitate, quodque adeo etiam poſſibilem exiſtentiam habet. *Respondent*; Poſſibilis exiſtentia non eſt perfectio, idque, quod non niſi poſſibilem exiſtentiam habet, imperfectius eo eſt, quod gaudet actuali exiſtentia. Ex inſtituto hoc argumentum, quod vocant *argumentum a priori* pro exiſtentia DEI, per-

pertractavit *Hartmannus*, *Professor Marburgensis*, in peculiari dissertatione, de hoc argumento, ante paucos annos *Marburgi* habita. *Conf. Canzjus in Juri/prudent. Theologiae* t. 12.

SCHOL. Non ab instituto nostro alienum erit, hoc loco quoque *Cel. Syrbii* argumentum, quod, existentiam DEI demonstraturus, adhibet, paucis attingere. Desumfit autem illud a *desiderio hominis infinito*, ita ratiocinatus: In homine datur desiderium infinitum. „ Hoc desiderium, omnibus „ hominibus innatum, est naturale. Ergo non potest esse frustraneum. Si non est frustraneum, „ sequitur, ut illud, ad quod se refert, existere „ debeat. Refert autem hoc desiderium, se ad bonum infinitum, hoc est, Deum: ergo Deus existit, „ *Conf. Philo'soph. prima p. 19. & dissertat. ejus de desiderio hominis infinito, Jena habita.*

SCH. Superfunt argumenta physica, ad quorum classem referuntur ea, quæ ab admirabili structura & pulchritudine hujus universi petuntur, item, quæ ex artificiosissimo corporis humani contextu & fabrica desumuntur. Hoc argumentum, quod ab artificiosissima corporis humani coagmentatione petitur, pluribus persecutus est *Christ. Hebenstreit* in pecul. dissert. de corporis humani machina, divinæ sapientiæ, & providentiæ teste 1725. Fuerunt quoque, qui sigillatim ex singulis membris argumentum deduxerunt. e. gr. *Sturmius* existentiam Dei ex structura oculi probavit, *Hambergerus* ex inspectione cordis, *Schmid* ex aure, *Vucherer* e cerebro: *Dona* ex structura manus humana &c. *Conf. Buddens de Atheismo, & superstitione.*

§. 782. Quamvis vero veritas hæc, *datur Deus*, tam evidens sit, tamque clara, nihil ut evidentius clariusque esse possit, fuerunt tamen omni tempore, qui eo, vel vecordiæ, vel impietatis, sunt progressi, ut hanc positionem, & in dubium vocare, & negare prorsus, non erubuerint. Ejusmodi homines, qui negant, dari Deum, dicuntur

*Athei*

*Athei*, ut adeo, *Atheismus* in negatione existentie Dei consistere, pateat.

SCHOL. Atheismi tria constituunt genera. Primus Atheismus eorum est, qui prorsus, Deum existere, negant. Secundus eorum, qui mundum negant a Deo factum esse, etsi Deus aliquis existat. Tertius eorum est, qui dicunt, mundum a Deo productum esse, non voluntate sua libera, sed necessitate natura, Conf. Canzianus in usu philos. in Theolog. Tom. II. p. 322. Queritur vero: Num existerint unquam, aut revera dentur Athei.

SCH. Ad quam quidem questionem prius distincte responderi non potest, quam, quotuplices sint Athei, fuerit explicatum. Distinguuntur (α) Athei in theoreticos & practicos. Practici vocantur illi, qui ita vivunt, ita agunt, ut vita sua demonstrare videantur, nullum se credere Deum. Tales Athei sunt omnes impii, quorum numerus iriri non potest. Athei theoretici sunt, qui docent aut credunt, non existere Deum. Quales num dentur, dicidi fere non potest, nisi antea varia Atheorum theoreticorum genera fuerint enumerata. Alii scilicet Athei theoretici sunt *systematici*, alii *personales*. Personales Athei sunt, qui quidem non docent in scriptis publicis, non existere DEUM, interius tamen, & in mente sua credunt sibi que persuadent, non existere DEUM. De his vero Atheis si questio instituitur, num dentur? facile intelligitur, difficulter responderi posse. Ecquis enim est, qui animos hominum interioresque animorum latebras perspexerit? Hoc certe affirmari posse videtur, quod si etiam fuerint, qui sibi in mente sua persuadeant, non dari DEUM, vix posse serio, & ad tempus vitæ tale quid sibi ejusmodi homines persuadere. Veritas enim hæc: *Datur Deus*, est nimis manifesta, & conscientia perpetuo reclamationat, aliaque docent omnia, quam quæ vana fert persuasio. De Atheis vero systematicis, i. e. ejusmodi Atheis, qui in publicis scriptis

tis Atheismum proposuerunt, si sermo instituitur, dubitari non potest, eorum plures, quam optaverint cordatiores, reperiri. Magna tamen in his cautio, & provisio adhibenda est, ne in Atheismo, aliis imputando, nimis simus liberales. Vix enim credibile est, quanta inde in rempublicam literariam, vel sacram, importentur damna. Atheorum autem, qui vocantur *systematici*, alii sunt *directi*, alii *indirecti*. Illi totidem verbis negant, dari DEUM; hi per ambages, aliisque doctrinis proferendis, declarant, se negare existentiam DEI. Et directorum, & indirectorum Atheorum plurimos recenset *Jenckius*, *Thomasius in historia Atheismi*, item *Buddens in thes. de Atheismo & superstitione*. Qui de Atheismo scripserunt, plures sunt, quam ut a me possint recenseri, allegati, & *Cel. Fabricio in syllabo scriptorum de veritate religionis Christianae*.

SCHOL. Aliud adhuc hominum genus est, quod itidem circa DEI existentiam vehementer errat, Quemadmodum scilicet *Atheismus* existentiam DEI prorsus vult sublatam, ita *superstitio* rebus humanis divini quid attribuit, & in multiplicandis Diis peccat. Disputatum est recentius, num superstitio pejor sit Atheismo, numque Atheismus, an superstitio plus inferant damni civitatibus reique publicae? Qui cum Bailio affirmant, superstitionem plus adferre damni, quam Atheismum, has potissimum rationes adferunt. (α) Superstitiosorum numerum multo ampliorem esse Atheorum turba. (β) Superstitionem totum animum occupare, haud quaquam reclamante conscientia, vel ejus stimulo urgente. Quod contra fieri, putant, in Atheis, quorum nemo unquam adeo induruerit, quin, redeuntibus intervallis, a suo ipsius animo fuerit objurgatus. Qui vero, Atheismum pejorem esse superstitione existimant, ita rationes subducunt: *Satius est, religione duci aliqua, licet superstitiosa, quam nulla, supersticiosos, quippe,*

pe, si nulla alia re, certe tamen metu sulto in officio boni civis contineri. Difficile est, in quaestionibus comparativis certi quid determinare. Negare tamen non possum, mihi hanc controversiam semper perinde esse visam, ac si quis quaereret: Num satius, sit, se gladio, an cultello aliquo subdoli interficere? Conf. de hac controversia *Buddens in thesibus de Atheismo, & Superstitione*.

## S F C T. II.

*De essentia, & attributis DEI in genere.*

## §. 783.

**E**ssentia rei alicujus diximus supra ( § 66. ) esse id, per quod res aliqua præcise hæc res est, & non alia, quodque est primus rei conceptus, unde cætera, quæ rei competunt, fluunt, & derivantur. Essentia itaque Dei erit, qua ejus existentia est simpliciter, & absolute necessaria. Per existentiam enim, simpliciter & absolute necessariam, Deus est Deus; ( §. 770. ) & ex hac absoluta necessitate existentie divinæ cætera, quæ Deo tribuuntur, facili nexu deducemus.

SCHOL. Si de eo disceptatio instituitur, quænam sit Dei essentia, de nulla alia re disputatur, nisi de eo, quænam radix attributorum Dei sit constituenda. Alii *independentiam*, alii *infinitem*, *intellectum perfectissimum* alii, rursus alii aliud quid pro radice attributorum sumunt. Hic itaque quaeritur, quinam Dei conceptus primus sit præferendus alteri. Atque adeo omnis hæc controversia philosophica, & logica est. Nos id, quod Deus *absolute necessario* existit, pro conceptu Dei primo assumemus. Atque ex eo quidem conceptu cætera omnia, quæ Deo competunt, deducemus.

§. 784. *Attributa Dei* vocamus quælibet Dei prædicata, quæ de Deo possent dici, sive attributa

buta Dei sunt ea omnia in Deo, quæ ab ipsius essentia separari non possunt.

SCHOL. Attributa Dei, sive ea, quæ de Deo prædicantur, quæque ex primo Dei conceptu seu essentia necessario sequuntur, neutiquam ab essentia divina *realiter* distinguuntur, neque a se invicem revere differunt. Quicquid enim in Deo est, illud est ipse Deus, neque eorum, quæ in Deo sunt, unum ab altero potest separari. *Formaliter* vero differunt attributa Dei, i. e. secundum nostrum concipiendi modum. Cum enim mens humana, suis, at exiguis, limitibus circumscripta, iis viribus non polleat, ut divinitatem uno obtutu perlustrare, & comprehendere queat, intelligitur, cur cognitione nostra essentiam ab attributis, unum autem attributum ab altero, distinguamus.

SCHOL. Attributa Dei, sive prædicata illa, quæ de Deo enunciantur, sunt vel *positiva*, sive *affirmativa*, vel *negativa*. Affirmativa e. gr. sunt omniscentia, veracitas, benignitas &c. &c.

SCHOL. Negativa vero sunt ex. gr. independentia, immutabilitas, indestructibilitas, infinitas, &c. Hæc vero attributa negativa non ideo dicuntur negativa, quod in re ipsa negationem inferant, sed quod, ob intellectus humani imbecillitatem, terminis, ac ideis negativis, hic uti debeamus. Attributa positiva porro distinguuntur in attributa *absoluta*, quæ de Deo prædicantur, sine respectu ad mundi existentiam, exempl. grat. infinitas, immensitas, independentia; & *respectiva*, quæ jam supponunt mundi existentiam; e. gr. omnipotentia, misericordia, &c. &c.

SCHOL. Superest alia attributorum Dei distinctio. Distinguuntur scilicet ea in attributa *descriptiva*, sive *quiescentia*, quæ in suo conceptu nullam inferunt operationem, exempl. grat. æternitas, & *operativa*, sive *impyetiva*, quæ operationem aliquam in idea sua involvunt, ut omniscentia, omni-



omnipotentia, &c. Nos ita nunc proponemus omnia Dei attributa, & positiva, & negativa, & absoluta & respectiva, & quiescentia, & operativa, prout methodus naturalis id postulat, omnia ex necessitate in existendo deducturi.

§. 785. *Deus non opus habet vi entis alterius extra se ad existendum.*

*Demonstr.* Cum enim Deus sit ens absolute necessarium, (§. 779. 789.) ens autem absolute necessarium rationem sufficientem, cur existat in se, & sua essentia habeat, (§. 179.) consequens est; ut Deus existat, quamvis ens aliud, ab ipso diversum, nullum detur. Atqui adeo Deus vi alterius entis extra se non opus habet ad existendum.

§. 786. Ex quo per immediatam consequentiam fuit, quod Deus vi propria existat, sibi que ipse sufficiat ad existendum.

§. 787. *Ens a se dicitur illud; quod non indiget vi entis alterius, extra se ad existendum, si ve, quod idem est, quod vi propria existit.*

§. 788. *Deus est ens a se;*

*Demonstr.* cum enim Deus vi propria existat; nec opus habet alterius cujusdam entis vi ad existendum, (§. 785. 786.) ejusmodi autem ens dicitur *ens a se*, (§. 787.) patet, DEUM esse ens a se.

SCHOL. Dum autem Deum dicimus ens a se; non id ita accipi volumus, ac si Deus esset causa sui ipsius, sibi que ipse existentiam largitus esset, sed eatenus dicitur ens a se quatenus vi propria; & per essentiam suam necessario ab æterno existit.

§. 789. *Deus est ens independens.*

*Demonstr.* Ejusmodi ens, quod in nullo alio extra se habet rationem sufficientem; cur existat; dicitur *independens*. (§. 338.) Cum vero Deus sit ens absolute necessarium; (§. 778. 780.) ens autem absolute necessarium non habeat rationem suffi-

afficientem, cur existat, in alio ente extra se, sed in seipso (§. 179.) consequens est, ut DEUS sit ens independens.

§. 790. *DEUS est immutabilis.*

*Demonstr.* Cum enim ens absolute necessarium sit immutabile, aliterque esse non possit, (§. 176.) DEUS autem sit ens absolute necessarium, (§. 778.) intelligitur DEUM esse immutabilem.

§. 791. *Aeternum dicitur; quod nec initium, nec finem habet existendi.*

§. 792. *Ens, quod absolute necessario existit, debet esse aeternum.*

*Demonstr.* Quodcunque enim nec initium, nec finem habet existendi, illud est aeternum. (§. 791.) Atqui ens, quod absolute necessario existit, nec initium nec finem habet existendi: Ergo ens, quod absolute necessario existit, est aeternum. Ens enim, quod absolute necessario existit, ita existit, ut oppositum, scilicet non existentia, involvat contradictionem, adeoque sit impossibilis (§. 46.). Fac ergo, absolute necessarium ens habere initium existendi, tum concedatur necesse est, absolute necessarium aliquando non existisse, adeoque ens absolute necessarium foret ens absolute necessarium, (*per hypothesein*) & non foret simul ens absolute necessarium, quia etiam posset non existere. Quod vero cum sit contra primum principium contradictionis, (§. 22.) intelligis, ens, quod absolute necessario existit, non posse habere initium existendi. Fac porro, ens absolute necessarium habere finem existendi tum rursus concedatur, necesse est, ens absolute necessarium aliquando posse non existere; quod rursus pugnat cum indole, & natura entis absolute necessari, quippe quod ita existit, ut oppositum, scilicet, non existentia sit impossibilis.

§. 793. *Deus est aeternus.*

*Demonstr.* Cum enim DEUS sit ens absolute necessarium. (§. 778.) ens autem absolute necessa-

cessa-

cessarium debeat esse æternum, ( §. 792. ) palam est, Deum, esse æternum.

§. 794. *Duratio DEI est immensurabilis.*

*Demonstr.* Dum enim duratio Dei sit æterna, ( §. 793. ) æternum autem illud sit, quod nec initium, nec finem, existendi habet, ( §. 791. ) consequens est, ut æternum nullum habeat defectum realitatis, adeoque nullos limites ( §. 315. ) Quodcumque vero est illimitatum, illud mensurari non potest, quia numerus ille, quoties mensura in toto contineatur, nunquam potest assignari, quod tamen ad *mensurari* requiritur. ( §. 260. ) Ergo æternum, & duratio Dei æterna est immensurabilis.

§. 795. *Ens primum* dicitur, ante quod non existit aliud.

*Ens ultimum* vero appellatur, post quod non existet aliud.

§. 796. *DEUS est ens primum, & ultimum.*

*Demonstr.* Cum etiam DEUS sit æternus ( §. 793. ) adeoque nec initium, nec finem, existendi habeat, ( §. 791. ) perspicuum est, nihil existisse prius, quam DEUS extitit, sive ante DEUM non existere quicquam potuisse, item post DEUM non existere quicquam posse. Cum vero ejusmodi ens, ante quod non existit aliud, dicatur *primum*, ( §. 785. ) & post quod non existit aliud, vocetur *ultimum*, ( §. 795. ) DEUM, & primum, & ultimum ens esse, patet.

Hoc quoque sensu DEUS appellatur *α & ω*.

§. 797. *DEUS non potest esse ens compositum.*

*Demonstr.* Cum enim DEUS ob æternitatem nec initium, nec finem, existendi habere queat, ( §. 793. 791. ) adeoque nec oriri, nec interire, ens autem compositum per combinationem partium oriri, & per earundem dissolutionem interire, & dividi queat, ( §. 254. ) consequens est, ut DEUS non possit esse ens compositum.

§. 798. *DEUS est ens simplex.*

R.

Dec

*Demonstr.* Cum enim DEUS non sit ens compositum, (§. 797.) omne autem ens sit, vel compositum, vel simplex, (§. 376.) relinquitur nihil aliud, quam ut, Deum ens simplex esse, ajamus.

§. 799. Omnia itaque ea, quæ de ente simplici supra, (§. 269. 379.) prædicavimus, de Deo quodque possunt enunciarì.

§. 800. *DEUS non potest habere limites.*

*Demonstr.* Cum enim omne id, quod possidet limites, debeat esse ens contingens, (§. 321.) DEUS autem non sit ens contingens, sed ens absolute necessarium, (§. 778.) consequens est, ut DEUS non possit habere limites.

§. 801. *DEUS est ens infinitum.*

*Demonstr.* Cum Deus non possit habere limites, (§. 800.) ejusmodi autem ens, quod non habet limites, sit *ens infinitum*, (§. 323.) evidens est, Deum esse ens infinitum.

§. 802. *Ex quo apparet, Deum debere habere omnes perfectiones actu, quæ in ipso sunt possibiles.*

*Demonstr.* Cum enim Deus sit ens infinitum, (§. 801.) ens autem infinitum debeat actu habere omnes realitates, vel perfectiones, quæ in ipso sunt possibiles, (§. 327.) liquet, DEUM debere habere omnes perfectiones actu, quæ in ipso sunt possibiles.

SCHOL. Alii hoc theorema ita enunciant: DEUS debet habere omnes perfectiones *compossibiles*, i. e. quæ cum essentia ejus, & reliquis attributis non pugnant. *Conf. Bilfingerus in Dilucidat. §. 407.* Memini, ita quoque solere demonstrari infinitatem DEI. „ Aut DEUS tantum quasdam habet perfectiones, aut nullas, aut omnes compossibiles. „ Nullas habere non potest. Est enim ens absolute „ necessarium, immutabilem, æternum &c. Nec „ *quasdam* habere tantum potest perfectiones. Si „ enim habere deberet *quasdam* tantum perfectiones, tum ratio adesset sufficiens, cur *quasdam*

*Baum. Metaph.*

A a

„ non

„ non omnes, possideret perfectiones. (§. 32.) Aut  
 „ itaque ratio sufficiens, pergunt, cur *quædam*  
 „ tantum DEO competant perfectiones, est in  
 „ DEO ipso, aut extra illum. (§. 33.) Si ratio  
 „ sufficiens, cur *quædam* tantum competant DEO  
 „ perfectiones, esset extra DEUM, tum depende-  
 „ ret DEUS ab alio, (§. 338.) quod est contra §.  
 „ 789. Si ratio sufficiens, cur DEO competant *quæ-*  
 „ dum tantum perfectiones, esset in DEO ipso,  
 „ tum in illo deprehenderetur illa ratio, aut qua-  
 „ tenus ens est, aut quatenus ens absolute neces-  
 „ sarium, sive ens a se est. Non quatenus *ens* est,  
 „ quia essentia entis, ut entis, generatim conside-  
 „ rata, infert tantum possibilitatem, (§. 67) pos-  
 „ sibilitas autem entis non determinat perfectio-  
 „ num numerum, sed majus, & minus, itemque  
 „ pauciores, & plures perfectiones admitti. Nec  
 „ ratio sufficiens, cur DEO competant *quædam*  
 „ tantum perfectiones, non omnes, latere potest  
 „ in DEO, quatenus consideratur, ut ens absolu-  
 „ te necessarium, & ut ens a se. Nam ut ens a  
 „ se, & absolute necessarium rationem suæ exi-  
 „ stentiæ habet in sua essentia, (§. 177.) adeo-  
 „ que, quod per essentiam suam possibile est, ha-  
 „ bet actu. Ubi vero limites tibi conceperis, non  
 „ omne id, quod per essentiam entis a se est pos-  
 „ sibile, habet existentiam (§. 315.) Cum itaque  
 „ hoc assertum: *Deo competunt quædam perfectio-*  
 „ *nes*: omni destituitur ratione sufficienti, id au-  
 „ tem, quod omni destituitur ratione sufficienti,  
 „ sit nihil (§. 33.) consequens est, ut certus nu-  
 „ merus, & determinatus gradus quarundam tan-  
 „ tum perfectionum in DEO sit inter non entia  
 „ referendus: Relinquitur ergo, ut affirmemus,  
 „ DEUM omnes habere realitates sive perfectiones  
 „ compossibiles, sive, quæ cum ejus essentia, &  
 „ attributis reliquis non pugnant: “ *Vid. Bilpin-*  
 „ *gerus in Dilucidat. §. 408. item Canzius in Usa*  
 „ *Philosoph. in Theologia T. I. p. m. 157.*

§. 803. *Deus non modo omnes habet perfectiones compossibiles, (§. 800.) sed eadem quoque possidet absolute, & sine gradibus.*

*Demonstr.* Cum enim DEUS sit ens infinitum, (§. 801.) ens autem infinitum omnes possibiles perfectiones, & realitates sine ullo gradu possident, (§. 338.) in manifesto est, Deum omnes possibiles perfectiones non in certo aliquo, & determinato gradu possidere, sed absolute, & sine gradibus.

§. 804. *Deo nihil potest concipi majus.*

*Demonstr.* Cum enim DEUS nullos habeat limites, (§. 800.) & sit ens infinitum; (§. 801.) eo autem, quod limitibus destituitur, nihil possit concipi majus; (§. 322.) consequens est, ut DEO nihil possit concipi majus.

§. 805. *Immensitas DEI vocatur incommensurabilitas perfectionum divinarum.*

§. 806. *Deus est, quæ perfectiones suas, immensus.*

*Demonstr.* Dum enim DEUS, ob infinitatem suam omnes compossibiles perfectiones possidet, (§. 802.) nihilque eo concipi majus potest, (§. 804.) manifestum est, DEO certam quandam, & determinatam magnitudinem perfectionum attribui non posse. Cum vero, quidquid non habet magnitudinem, cujus ratio ad aliam datam homogeneam magnitudinem potest investigari, id *mensurari* non possit, (§. 260.) intelligi potest, perfectiones divinas mensurari non posse. (§. 335.) Quæ incommensurabilitas perfectionum divinarum cum constituat DEI immensitatem. (§. 805.) DEUM im-  
mensum esse, liquet.

§. 807. *Est tantum unicus DEUS, nec possunt plures Dii esse, quam unus.*

*Demonstr.* Cum enim DEUS sit ens infinitum; (§. 801.) duo autem entia infinita nec dentur, nec dari possint, (§. 334.) consequens est, ut tantum unicus sit Deus, nec possint plures Dii esse, quam unus.

SCHOL. Veteres varia pro unitate Dei argumenta adhibebant, quorum quædam adducemus ( α ). „ Ita argumentabantur : DEUS est ens simpliciter „ perfectissimum. Ens simpliciter perfectissimum est, „ quod simpliciter omnia entia superat, „ Repugnat autem, rem aliquam simpliciter omnes res „ reliquas perfectione ac bonitate superare, & tamen „ non unicam esse. Ita enim simul omnes res, & „ non omnes res bonitate, & perfectione superaret. „ Omnes quidem per illud, quod est simpliciter optima ac perfectissima. Non omnes per hoc, quod non „ est unica sed habeat æquam sibi ipsi alteram rem, „ quam non excedit. Alterum hoc argumentum „ est : „ Deus est summe magnus. Ergo est unus. „ Consequentia probatur. Quia summe magnus dicitur, „ cui nihil adæquatur. Tertium argumentum „ huc redit : Si essent plures Dii, sequeretur, „ nullam eorum esse omnipotentem. Ratio hæc „ est. „ Si ex pluribus Diis unus creaturam aliquam „ producere decrevit, aut alter posset id impedire, „ aut minus. Si non posset alter id impedire, non „ esset omnipotens. Si autem posset impedire, tum is, „ qui creaturam aliquam producere vellet, non esset „ omnipotens, quia non posset afficere id, quod vellet. „ Plura vide in *Hebenstreitii theologia naturali* „ p. 468. item *Steinvehr in peculiari dissertatione, „ ante paucos annos Lipsia habita, qua argumenta „ pro unitate DEI examinantur. Conf. Canzjus in „ Ufu Philosophia, p. 151.*

§. 808. Omnia, quæ Deo possunt inesse, insunt ipsi sine TEMPORIS PROGRESSU, & SUCCESSIONE.

*Demonstr.* Cum enim DEUS sit ens infinitum, ( §. 801. ) ens autem infinitum omnis successionis, sit expers, ( §. 329. ) consequens est, ut omnia, quæ Deo possunt inesse, insint ipsi sine temporis progressu, & sine omni successione.

## C A P U T III.

*De intellectu divino, & attributis cum ipso  
connexis.*

§. 809.

**D**EUS gaudet intellectu.

*Demonstr.* Cum enim DEO omnes, quæ ipsi inesse possunt, perfectiones actu insint, (§. 802.) intellectus autem, per quem ens aliquod res sibi distincte repræsentat, (§. 549.) ex omnium sententia, sit perfectio, dubitari non potest, DEUM gaudere intellectu.

SCHOL. Alii ad hoc theorema demonstrandum sequentes adducunt positiones. In DEO continetur ratio sufficiens, cur hic mundus potius, quam alius, ad existentiam pervenerit (§. 778.) Jam vero plures mundi, sive plures rerum connexiones sunt possibiles, quam hic mundus, sive hæc rerum connectio, ob contingentiam §. 417. demonstratam. Ergo ratio sufficiens adesse debet, cur DEUS hunc mundum, nec potius alium, produxerit. (§. 32.) Si dixeris: *Produxit hunc mundum præ cæteris omnibus possibilibus, quia produxit*, tunc ridicule respondes, nec rationem sufficientem allegas; sin dixeris, produxit hunc mundum præ cæteris mundis possibilibus ideo, quia *voluit* eum producere, tum aliquid dicis, sed nondum rationem sufficientem allegas, in qua plene possim acquiescere. Ut taceam, hanc responsionem deducere facile quemquam posse ad *Absolutissimum*, divina sapientia prorsus indignum. Restat itaque, ut dicas, DEUM hunc mundum ideo produxisse, quia hunc mundum finibus suis convenientissimum distincte sibi repræsentavit. Quod cum inferat intellectum (§. 549.) DEUM gaudere intellectu, patet.



§. 810. *DEUS gaudet intellectu absolute perfectissimo.*

*Demonstr.* Cum, quidquid DEUS possidet, id possideat ipse non in certo quodam, & determinato gradu, sed absolute, & sine gradibus (§. 803.), DEUS autem intellectum habeat (§. 909.), lucidissime apparet, Deum non ejusmodi gaudere intellectu, quo concipi potest major, sed intellectu, omnes gradus prorsus respuente, & absolute perfectissimo.

§. 811. *Dei intellectus non est facultas, sed est actus.*

*Demonstr.* Cum enim facultas sit possibilitas agendi (§. 298.) DEO autem omne, quidquid ipsi inesse potest, actu inest (§. 802.), in aprico est, intellectum DEI non esse habendum pro facultate representandi, sed pro actu.

§. 812. *DEUS non ea modo, quæ actu sunt, & revera fiunt, sed OMNIA quoque POSSIBILIA sibi repræsentat.*

*Demonstr.* Cum enim DEUS gaudeat intellectu perfectissimo (§. 801.), ad intellectum autem perfectissimum requiratur, ut omnia possibilis sibi repræsentet (§. 550.) certum est, DEUM non ea modo, quæ actu sunt, & revera fiunt, sed omnia quoque possibilis sibi repræsentare.

SCHOL. Alii hoc theorema ita enunciant: *Deus omnes mundos possibles sibi repræsentat.* Fuerunt, qui hac locutione offenderentur. Fuerunt, qui illam rejiciendam, ut periculosam, putarent. At nihil hic video veneni. Concedisne, DEUM plura scire, quam quæ hoc mundo comprehenduntur? Fieri enim alia omnia possent, quam quæ nunc fiunt, fieri possent in alio nexu. Concedisne, plura ad existentiam posse perducì, quam quæ perducantur? Putasne, hæc, quæ adhuc ad existentiam in alio nexu aliaque causarum subordinatione perducì possunt, latere DEUM? Jam vero cum congeries rerum, per causas, & effectus connexarum,

rum, dicatur mundus (§. 366.), quidni, DEUM omnes possibiles mundos sibi repræsentare dicemus? Sin hæc locutio tibi fuerit suspecta, dic: DEUS non ea modo, quæ existunt, revera fiunt, sibi repræsentat, sed ea quoque, quæ existere possunt, quæque, sub hac illave conditione, in hoc illove nexu, futura essent, accuratissime novit. Idem dicis, mutatis tantum verbis.

§. 813. *DEUS non omnia modo possibilia sibi repræsentat (§. 812.). Sed ea quoque possibilia DISTINCTISSIME, & ADÆQUATISSIME novit.*

*Demonstr.* Cum enim Deus gaudeat intellectu perfectissimo (§. 820.) ad intellectum vero perfectissimum requiratur, ut omnia possibilia *distinctissime*, & *adequatissime* sibi repræsentet (§. 55.), conficitur inde, Deum omnia possibilia sibi distinctissime & adæquatissime repræsentare.

SCHOL. Novit adeo Deus ea, quæ vel existunt, vel existere possunt, non confuse, non superficialiter, ut nos homines plurima novimus, sed interiora rerum, & omnium possibilibum *origines*, habitudines, & relationes ad se invicem intime perspexit.

§. 814. *Novit DEUS, quidquid novit, vi intellectus perfectissimi: non successive, sed UNICO ACTU & SIMUL.*

*Demonstr.* Dum enim intellectus perfectissimi natura id postulat, ut omnia possibilia non modo distinctissime, sed unico quoque actu, & simul, sine successione, sine temporis progressu, sibi sistat (§. 350.), Deus autem gaudet intellectu perfectissimo (§. 810.), consequens est, ut Deus omnia possibilia non distinctissime modo, & adæquatissime, sed *unico quoque actu*, & simul sine ulla successione, sine ullo progressu temporis, sibi repræsentet.

§. 815. *Intellectus DEI est purissimus.*

*Demonstr.* *Intellectum purum* dicimus, ubi res eo distinctionis gradu nobis repræsentamus, ut nulla

confusa repræsentatio sit intermixta (§. 552.). Jam vero cum intellectus Dei omnia possibilia *distinctissime*, & *adaquatissime* sibi repræsentet, (§. 813.) luculenter apparet, in repræsentationibus intellectus divini ne minimam quidem confusionem locum habere posse. Atque adeo perspicitur ratio, cur intellectum Dei purissimum dicamus.

§. 816. *DEUS nec sentit, nec imaginatur.*

*Demonstr.* Cum enim ad omnem sensationem requiratur, ut res externæ in organis sensoriis corporis producant mutationem, (§. 499.) & ille demum *sentire* dicatur, qui res, corpori suo præsentem, sibi repræsentat (§. 497.), Deus autem non habeat corpus, quia non est ens compositum (§. 797.) sed est ens simplex (§. 798.) clarum est, & evidentissimum, Deum non sentire.

Quia omnis imaginatio oritur ex sensationibus, & ipsa nihil aliud est, quam continuata sensatio, (§. 509.) consequens est, ut, cum Deus non sentiat, nec imaginetur.

§. 817. *DEUS nec abstrahit, nec ratiocinatur.*

*Demonstr.* Ille *abstrahit*, qui unum absque altero considerat, atque adeo non omnia, quæ potest cognoscere, *simul* cognoscit, (§. 560.) Cum vero Deus omnia possibilia *unico actu*, & *simul* cognoscat (§. 814.) Palam est, Deum non abstrahere. *Ratiocinatur* ille, qui unum ex altero colligit, & ex judiciorum combinatione novum judicium derivat (§. 554.). Quod cum non possit, nisi successive, & progressu temporis, fieri, omnis autem successio, omnisque cognitio progressu temporis acquisita, repugnet intellectui divino (§. 814.), sequitur, ut Deus nec abstrahere, nec ratiocinari dici queat.

§. 818. *Omniscientia* dicitur omnium possibilibus distinctissima, & simultanea repræsentatio.

§. 819. *DEUS est omniscius.*

*Demonstr.* Cum enim Deus repræsentet sibi, & sciat (α) *omnia possibilia* (§. 812.) (β) *distinctissime*,

*sine*, ( §. 813. ) ( 7 ) *simul*, & *unico actu* ( §. 814. ), repræsentatio autem omnium possibilium distinctissima, & simultanea sit *omniscientia*, ( §. 818. ) perspicuum est, Dum esse omniscium,

§. 820. Novit itaque DEUS distinctissime non præterita modo, & præsentia, sed futura quoque, & hæc tam certo futura, quam sub conditione, nunquam existente, futura, ( Theologi vocant *futureabilia* ) novit, qui ordo successionis futurus sit in futuris. Et cum omniaabilia unico actu Deus & simul repræsentet ( §. 812. 814. ) omnia futura ipsius intellectui sunt præsentia. Novit abstrusissima quæque, & ipsas hominum cogitationes occultas.

§. 821. Quatenus Deus cognoscit mere possibilia, quæ nunquam existent, dicitur habere *scientiam simplicis intelligentia*, sive *necessariam*. Quatenus ea novit, quæ actu fiunt, & revera existunt, dicitur habere *scientiam visionis*, sive *liberam*. Quatenus novit ea, quæ sub conditione, licet non existente, futura, dicitur habere *scientiam mediam*, item *præscientiam*. Conf. Kromayeri dissertatio de *præscientia contingentium*.

§. 822. DEUS gaudet *ratione summa*, & *purissima*.

*Demonstr.* Cum enim omnia possibilia, & omnium possibilium connexionem Deus perspiciat distinctissime, ( §. 812. ) is autem, qui veritatum nexum perspicit distincte, dicatur gaudere *ratione*, ( §. 752. ) consequens est, ut Deus gaudeat ratione. Quia vero quidquid in Deo est, ipsi inest absolute, & sine gradibus, ( §. 572. ) ratione summa, & purissima ( §. 575. ) Deus gaudeat necesse est.

§. 823. *Intellectus divinus est fons essentiarum*.

*Demonstr.* Dum DEI intellectus omnia possibilia sibi repræsentet, ( §. 812. ) consequens est, ut, quidquid DEI intellectus sibi non repræsentat, id non sit possibile. Ergo ratio, cur quicquam sit possi-

possibile, ex intellectu DEI erit derivanda. Id, in quo alterius ratio continetur, dicitur alterius *principium* sive *fons* (§. 339.). Ergo intellectus divinus est fons, sive principium possibilitatis rei. Possibilitas rei constituit ejusdem essentiam. (§. 67.) Ergo intellectus divinus est principium, & fons essentiarum.

SCHOL. *Bilfingerus* in eo multus est, ut originem essentiarum, ab intellectu divino unice derivandam, recte explicet, negans, possibilitatis, & essentiarum fontem esse in voluntate DEI, & libero ejusdem decreto querendum. Vid. Dilucidationes. §. 19. 34. Ita ipse inter alia: „Necessarium dicitur, cujus oppositum involvit contradictionem, quidquid enim non involvit contradictionem, id est possibile, ) igitur possibilia sunt necessaria. Quod necessarium est, id ex necessario fonte pullulat, nec arbitrario; neque enim in principiatio plus esse debet, quam in principio. 17.

SCHOL. *Caterum* obstupescamus, necesse est, immensitatem, & infinitatem intellectus divini; satis magnus satisque vastus esset intellectus, si ea tantum, quæ hac rerum universitate comprehenduntur, quæque ad existentiam perveniunt, sibi repræsentaret. Cum enim multitudo sit innumerable corporum mundi totalium, partialium, corpusculorum, elementorum atque aliarum substantiarum immaterialium, quæ constituunt hoc universum, cum porro minimum quodque spatium innumeris repleatur particulis, quæ, ob principium indiscernibilem, semper sibi sunt dissimiles, & stupendam adeo varietatem inferunt, intelligitur, ejusmodi intellectum, qui hæc omnia distinctissime unico actu, & simul sibi repræsentat, attentiores non posse non in admirationem sui rapti. Cum vero DEUS non hæc modo, quæ hoc universo comprehenduntur, sed omnia quoque, quæ in alio nexu hic & nunc possent accidere, distinct.

Etissime, & adæquatissime noverit, stupore defixi,  
 & attoniti hæreamus, oportet, in inexhausto illo  
 repræsentationum divinarum oceano. VVolſius, ſi  
 quis alius, immenſitatem intellectus divini expli-  
 care proponit, in *ſpecimine Phyſ. ad Theolog. ap-  
 plicata*, ſubjuncto Thummigii meletematibus p. 343.  
 Hic ad immenſitatem intellectus divini aliquo mo-  
 do intelligendam conſiderare nos jubet, „ (α) mul-  
 „ titudinem partium mundi majorum, minorum, &  
 „ minimarum, quas quidem homines perveſtigare  
 „ poſſunt, (β) ſtupendam vaſtitatem illius ſpatii,  
 „ quod mundus noſter replet, atque alii mundi  
 „ poſſibiles replere poſſent. (γ) multitudinem mu-  
 „ tationum, ſibi ſuccedentium (δ) infinitam va-  
 „ rietatem ſerierum, quas contingentia, in ſyſte-  
 „ mata redacta, producant, (ε) porro infinitarum  
 „ ſerierum neceſſariarum infinitatem, quam mathe-  
 „ ſis conſiderat (ζ). Comparare nos vult intellectus  
 „ finitos cum infinito. Quibus omnibus rite per-  
 „ penſis, aliquo modo magnitudinem intellectus di-  
 „ vini adumbrari poſſe, putat VVolſius.

## C A P U T I V.

*De voluntate Dei, & attributis cum ea  
 de connexis.*

§. 824.

**D**EUS gaudet voluntate.

*Demonſtr.* In DEO continetur ratio ſufficiens,  
 cur hic mundus exiſtat. (§. 778.) Ratio itaque  
 ſufficiens, cur hic mundus exiſtat, aut quæren-  
 da eſt in eſſentia DEI, aut in actu. Non autem  
 ratio quærenda eſt in eſſentia DEI, alias mundus  
 eſſet DEI attributum (§. 77.) eſſet absolute neceſ-  
 ſarius, & immutabilis, (§. 80. 81.) quod eſt  
 contra §. 417. Ergo ratio quærenda eſt in actu  
 DEI

DEI. Cum vero plures mundi, præter hunc, sint .  
possibiles, (§. 418.) necesse est, ut ille actus  
DEI sit talis, ubi Deus ex pluribus illis mundis  
possibilibus præsentem *elegit*, & reliquis possibili-  
bus prætulit. Cum vero electio sit actus voluntatis,  
(§. 669.) consequens est, ut Deus gaudeat volun-  
tate.

SCHOL. Alii ita: Intellectus DEI repræsentat di-  
stinctissime omnia bona, & omnes bonorum gradus,  
(§. 812.) atque adeo tendit in omnia bona, distin-  
cte cognita, sive, quod idem est, *vult*, omnia bona  
distincte cognita. (§. 601. 669.).

§. 825. *DEUS habet voluntatem perfectissimam.*

*Demonstr.* Cum enim Deus, quidquid habet, id  
possideat absolute, & sine gradibus. (§. 802.)  
Deus autem habet voluntatem, (§. 824.) certum est  
Deum habere voluntatem perfectissimam.

NOTA. Ut vero facilius intelligi queat in quo  
consistat voluntas perfectissima, perfectiones volun-  
tatis, generatim spectatæ, sunt volvendæ.

§. 826. Hoc perfectior est voluntas, (1) quæ  
ad *plura* bona ipsa fertur. (2) si bonum appæ-  
tit pro *exalta bonitatis mensura*, i. e. si majoræ  
bona vehementius: quam minora, appetit, & si  
præstantius bonum bono majori præfert. Hoc ipso  
enim servatur consensus, & proportio inter quan-  
tatem boni in re, quæ appetitur, & inter actum  
volendi ipsum. (3) Si voluntas prior, & posterior  
circa idem objectum semper *sibi consentit*, ita ut  
ea non aversetur post aliquod tempus, quæ antea  
appetiit.

SCHOL. Bilfingerus in Dilucidat. §. 300. hæc ad  
perfectionem voluntatis, generatim consideratam,  
requirit „ Ex mea, inquit, sententia perfectio  
„ voluntatis quadruplicem complectitur consen-  
„ sum. Unum præsupponit, eum scilicet, qui est  
„ inter repræsentationem objecti; ab intellectu  
„ factam, & rem ipsam. Duos includit, alterum  
„ inter actum volendi, & repræsentationem mo-

„ ti-

ET ATTRIBUTIS CUM EADEM &c. 381

„ tivorum agendi ; alterum inter volitionem unam  
 „ & alteram . „ Quartus quasi consequens est inter  
 volitionem , & potentiam , & ut nihil velit , nisi  
 quod possit . Hæc Bilfingerus .

§. 827. *Perfectissima* itaque *voluntas* est , quæ  
 (1) fertur in *omne* bonum , (2) pro *exacta boni-*  
*tatis mensura* , (3) semper sibi *consentanea* , ut  
 nunquam prior , & posterior actus volendi secum  
 pugnent .

§. 828. DEUS *vult omnia , quæ bona sunt* .

*Demonstr.* Cum enim DEUS gaudeat voluntate  
 perfectissima , ( §. 825. ) perfectissimæ autem vo-  
 luntatis requisitum primum sit , ut feratur in *om-*  
*ne bonum* , ( §. 827. ) patet , DEUM velle omne  
 bonum .

*Ponamus* , DEUM non omnia , quæ bona sunt  
 appetere ; Ergo darentur bona , quibus nondum  
 delectaretur . Cum vero perfectionibus divinis ni-  
 hil addi possit , ipseque DEUS , quicquid habere  
 potest , actu habeat , & quidem absolute ac sine  
 gradibus , ( §. 803. ) consequens est , ut nullum  
 bonum detur , in quod voluntas divina non feratur .  
 Ergo DEUS omne appetit bonum .

SCHOL. Hominis quidem anima etiam nil , nisi  
 bonum , appetere dicitur , at (α) ob confusam bo-  
 ni cognitionem , anima sapius quid pro bono ha-  
 bet , quod est revera malum . DEUS autem bo-  
 num cognoscit distinctissime . (813. ) (β) Homo  
 appetit bonum *generatim* tantum , non vero sem-  
 per *in individuo* , *hic & nunc* , quia in individuo  
 non semper cognoscit bonum , cum tamen bonum  
 adfit .

§. 829. *Deus vult omne bonum pro exacta boni-*  
*tatis mensura* .

*Demonstr.* Dum enim voluntas perfectissima re-  
 quirat , ut bonum omne appetat pro *exacta boni-*  
*tatis mensura* , ( §. 827. ) DEUS autem voluntate  
 gaudeat perfectissima , ( §. 825. ) manifestum est ;

DEUM



DEUM velle omne bonum , pro exacta bonitatis mensura .

*Ponamus* , DEUM non velle omne bonum pro exacta bonitatis mensura , id est ita , ut bonum majus præferat minori , tum non adesset consensus inter actum volendi , & inter quantitatem boni in objecto . Dum vero ; ubi deest consensus , ibi desit aliqua perfectio , ( §. 201. ) DEUS non omnes , haberet perfectiones , quod est contra §. 802.

§. 830. *Deus non vult quicquam sine distinctissima boni representatione , sive motivo .*

*Demonstr.* Aut enim DEUS vult bonum , quia vult , aut quia potest illud velle , aut quia id , tanquam bonum , sibi distinctissime repræsentat : Illud cave dicas : ridicule enim responderes , si quæsitus ; cur vult DEUS bonum , responderes ; quia vult . Istud item non valet : a posse enim ad esse non valet consequentia . ( §. 54. ) Ergo affirmandum , Deum ideo velle aliquid , quia illud sibi repræsentat , tanquam bonum . Repræsentatio boni , voluntatem ad appetendum determinans , dicitur *motivum* . ( §. 619. ) Ergo patet , Deum non quicquam velle , sine motivo .

*Ponamus* , Deum aliquid velle sine motivo , sive representatione boni , tum concedatur , necesse est , esse in DEO actum volendi , cui nulla tamen bonitas in objecto responderet . Deestne hic consensus inter actum volendi , & bonitatem objecti , sive rei appetitæ ? Atque adeo DEI voluntas non esset perfectissima , quod est contra §. 825.

NOTA . Miror , nonnullos , cum de ratione , sive motivo , DEUM ad appetendum determinante audiunt , adeo effervescente ira . Annon in omnibus compendiis systematibusque Theologicis occurrat hæc quæstio ? Quænam fuit causa impulsiva redemptionis generis humani ? Quænam causa impulsiva creationis hujus mundi ? Quænam item

caus.

causa impulsiva, quæ DEUM movet ad quosdam salvandos? Nonne idem dicis, ac si diceres: Quænam ratio objectiva, quodnam motivum adest, quod DEUM determinat ad quosdam salvandos? Quid? quod si rationem objectivam, si motiva, ab objectis desumpta, negas, evitare non potes, quin in pestilentissimam illam incidas opinionem, qua DEO tribuitur *absolutum* quoddam *decretum*.

§. 831. Quamvis Deus velit omne bonum seorsum spectatum. (§. 828.) cum tamen sæpius fiat ut omnia bona, ob collisionem, (§. 207.) obtineri nequeant; finibusque præterea divinis non sit conveniens, omnia bona ad existentiam perducere, DEUS, cum bonum in nexu cum omnibus reliquis bonis spectat, vult, sive decernit optimum, sive quod finibus suis est convenientissimum.

§. 832. *Deus ex iis objectis, quæ perfectione, & bonitate inæqualia sunt, non potest id, quod imperfectius est, finibusque suis non adeo est conveniens præferre ei, quod perfectius est, finibusque suis esse convenientius.*

*Demonstr.* Si enim DEUS ex iis objectis, quæ perfectione, & bonitate inæqualia sunt, imperfectius, sive id, quod finibus suis non adeo est conveniens, præferret ei, quod perfectius est, finibusque suis convenientius, tum Deus id, quod imperfectius est, magis vellet, & id quod perfectius est, minus vellet, atque adeo inter actum volendi, & quantitatem boni in objecto non daretur consensus, Deusque non appeteret bonum pro exacta bonitatis mensura. Cum vero DEUS, ob voluntatem suam perfectissimam, velit bonum pro exacta bonitatis mensura, (§. 829.) consequens est ut DEUS in objectis, quæ bonitate, sive perfectione inæqualia sunt, non possit imperfectius præferre ei, quod perfectius est.

NOTA. Si te offenderint vocabula: *Imperfectius* & *perfectius*, dic: *DEUS semper eligit, vult, & decernit id, quod finibus suis, quod sapientia, & glo-*

*gloria sua est convenientissimum.* Non video, quid in hac positione, οὐδὲ δόξα τοῖς Theologis familiarissima desiderari aut jure carpi queat.

§. 833. *Ex iis objectis, quæ bonitate, vel perfectione sunt æqualia, Deus vel neutrum eligit, vel utrumque.*

*Demonstr.* Ponamus enim, DEUM præferre unum alteri, ex objectis, perfectione, & bonitate æqualibus, tum circa objectum A, se magis exferret voluntas ejus, quam circa objectum B, cum tamen objectum B, sit objecto A, ratione bonitatis, & perfectionis, æquale. Atque adeo si Deus ex iis objectis quæ bonitate, vel perfectione sunt æqualia, unum alteri præfert, tum tollitur consensus inter actum volendi, & objecti bonitatem, nec DEUS vult bonum pro exacta bonitatis mensura, quod est contra §. 829. Ergo restat, ut dicamus, Deum ex iis objectis, quæ bonitate, vel perfectione sunt æqualia, vel neutrum eligere, vel utrumque, neutiquam vero alterum alteri præferre.

§. 834. *Ex his omnibus colligitur, Deum ex omnibus possibilibus rerum connexionibus mundum optimum, sive rerum nexum finibus suis convenientissimum elegisse, & produxisse.*

*Demonstr.* Cum enim Deus nunquam id, quod est imperfectius, possit præferre ei, quod est perfectius, sive finibus suis convenientius, (§. 832.) sed ex pluribus bonis eligat, & producat id, quod finibus suis est convenientissimum, sive optimum, (§. 832.) intelligi potest, Deum, ex omnibus possibilibus rerum connexionibus, sive mundis, mundum optimum, sive rerum nexum, finibus suis convenientissimum, elegisse, & produxisse.

SCHOL. *Cum* itaque, vi hujus theoremat, DEUS, ex pluribus possibilibus mundis elegerit illum mundum, qui finibus suis est convenientissimus, sive optimus, hic autem mundus, qui nunc existit,

fit, sit idem ille mundus, quem Deus, ex innumeris aliis possibilibus elegerit; & ad existentiam perduxerit, inferunt inde nonnulli, *bunc mundum qui nunc existit, omnium possibilium mundorum esse optimum, esse perfectissimum*. Alii pro mundo optimo ita argumentantur: *Aut DEUS non potuit, aut non voluit, mundum optimum, sive perfectissimum producere. Si non potuit optimum mundum producere, non est omnipotens DEUS, si non voluit mundum optimum producere, non est omnipotens, nec gaudet voluntate perfectissima, quippe qua semper fertur in optimum, ut §. 831. 832* Ut-  
rumque est absurdum. Ergo Deus mundum optimum sive perfectissimum produxit.

SCHOL. De quaestione: *Num hic praesens mundus sit optimus, omniumque possibilium mundorum perfectissimus?* recentiori ætate vehementissime est disputatum. Non disquiremus nunc, num veteres Philosophi, Plato exempl. gr. Cicero, Plinius, mundum optimum asseruerint. *Vid. Ribovius. In der fernerem Erläuterung, latina autem in uberiori explicatione p. 286, seqq.* Leibnitius, originem mali contra Bailium recte explicaturus, Deique bonitatem, & sapientiam in mali permissione contra irrisores vindicaturus, inter alia incidit in dogma de mundo optimo, quod proposuit in Theodicea passim, maxime vero parte I. §. 8. ubi *Summa sapientia, inquit, juxta suam etiam infinitam bonitatem, nihil aliud, quam optimum eligere potuit. Nam sicut malum minus aliquod bonum est, sic etiam minus bonum aliquod malum est si comparatur majori bono. Et posset in operibus Dei aliquid taxari, si inveniri posset medium, ex quo opus a Deo creatum meliorari posset. Cum Leibnitio idem sentit Wolfius. Hic enim in Metaphysica Germanica ita: Inter innumeros mundos possibiles Deus unum tantum elegit, & aliis anteposuit, ut hic mundus existens suam existentiam obtinuerit. Ex hoc clare patet, quod existens mundus pra aliis*

Baum, Metaph.

Bb

possi-

possibilibus sit optimus. Nam vocamus optimum mundum, in quo summa perfectio reperire est. Si perfectior mundus, quam existens possibilis fuisset, fieri non potuisset, quod imperfectiorem illi praelegisset. Nam si quis praeligeret minus perfectum pra perfectiori, contingit hoc ex ignorantia, vel ex sultitia, quia non posset ostendi sufficiens fundamentum, cur hoc faciat, si scienter, vel cum plena voluntate hoc faceret. Quia autem Deus omnes mundos posibles perfectissime cognoscat, hunc minus perfectum mundum perfectiori ignoranter, vel inscienter non praeligere potest. Wolfii Leibnitii-que sententiam de mundo optimo cum alii plures proposuerunt, & defenderunt, tum vero vel maxime *Bilfingerus*, in integro libro de origine, & permissione mali, item in Dilucidationibus. *Anonymus* in dissertatione in Class. VIII. Fascicul. I. Bibliothec. Bremens. p. 74. 76. *Canzius* in Usu Philosoph. Leibn. in Theolog. p. 212. seqq. & nuper *S. Reinbeckius*, qui contra Palmium, Theologum Hamburgensem, multa de mundo optimo disputavit. Addatur Georgii Friderici *Moelleri*, Advocati Berolinensis, scriptum, nuper contra Bertramum editum, quod inscribitur: *Certum est, quod ex hac propositione hic mundus non est optimus certe, nonnisi absurda fuent.* 1737. Quindecim absurda ex positione hac: *Hic mundus non est optimus!* Auctor dncere allaboravit.

Qui mundum optimum defendunt, sequentes potissimum positiones sibi volant concedi.

(1) Præter hunc mundum, qui nunc existit, multi alii mundi fuerunt, & sunt etiam nunc posibles. Quod enim nisi esset, hic mundus, qui nunc existit, unice esset possibilis, adeoque esset absolute necessarius, (§. 172.) quod foret contra §. 417.

(2) DEUS omnes posibles mundos, & rerum nexus, licet non ad existentiam pervenerint, ab æterno sibi distinctissime repræsentavit. Quod enim

# ET ATTRIBUTIS CUM EADEM &c. 387

enim si negatur, negaretur intellectus DEI perfectissimus. (§. 812.)

(3) Ex innumeris possibilibus mundis, siue rerum connexionibus DEUS hunc potissimum mundum, & rerum nexum, qui nunc est, elegit, & ad existentiam perduxit.

(4) Cum vero DEUS semper optimum eligat, (§. 831.) nec possit imperfectius perfectiori præferre, (§. 832.) colligitur inde, DEUM ex omnibus possibilibus mundis optimum mundum elegerisse.

(5) Bonum dicitur illud, quod fini est conveniens, (§. 696.) ergo optimum illud dicitur, quod finibus divinis est convenientissimum.

(6) Cum hic mundus, qui nunc existit, sit ille mundus, quem DEUS elegit, & ad actum perduxit, consequens est, ut hic mundus sit optimus, siue divinis finibus convenientissimus.

SCHOL. Ex his patescit, mundi optimi defensores non unice per vocem *mundi* intelligere Systema hoc terraqueum, & artificiosam structuram coeli, & terræ, corporumque in his contentorum. Neque, qui mundum optimum defendunt, per *mundum* intelligi volunt partem tantum aliquam, & periodum mundi, exempli grat. statum paradisiacum Adami, sed per vocem *mundi* indicant totam illam, quanta quanta est; congeriem causarum, & effectuum, inter se connexorum, connexionem statuum præteritorum cum statibus præsentibus, & præsentium cum futuris, ita, ut ad mundum pertineant non modo corpora terrestria, & cælestia eorundemque connexiones, sed etiam omnes eventus physici cum suis effectibus, omnesque actiones creaturarum intelligentium morales cum suis consequentiis, post multam demum sæcula infecuturis. Paucis: Considerant mundum, tanquam ens successivum, cujus partes, periodi, statusque, sigillatim, & seorsim spectant.

étati, non efficiant ipsum mundum: sed omnes si-  
 mul, & in toto suo nexu. Vox *optimi* a mundi  
 optimi defensoribus non eo sensu accipitur, quo  
 usurpari solet ab iis, qui optimum vocant, in  
 quo nihil est mali, nulla macula, nullus defectus  
 &c. Sed optimum, ut dixi eo sensu sumitur, ut  
 significet, id, quod finibus Dei gloriæque ejusdem  
 amplificandæ est accommodatissimum. Eadem ra-  
 tio est vocis *perfectissimi*. Non enim, cum de mun-  
 do perfectissimo disputant Leibnitiani, eo sensu  
 perfectissimum vocant, quo DEUM vocamus ens  
 absolute perfectissimum, neque ita hic hanc vo-  
 cem accipi volunt, ut per perfectissimum mun-  
 dum intelligant mundum, in quo nullæ plane  
 imperfectiones, nullumque peccatum, & labes re-  
 periat. Sed *perfectissimum* mundum illum vo-  
 cant rerum nexum, ubi omnia ita coordinata  
 sunt, ut fines divini, gloriæ scilicet divinæ ma-  
 nifestatio, & creaturarum felicitas, obtinean-  
 tur. Cum itaque hanc positionem defendunt:  
*Hic mundus est optimus*, nihil aliud affirmant,  
 quam hoc: *Hic mundus* est speculum gloriæ di-  
 vinæ, in hoc mundo tam admirabiliter tamque  
 sapienter administrantur connexaque sunt omnia,  
 ut ultimato ex tota illa admirabili sapientissima-  
 que omnium rerum connexione gloriæ divinæ  
 manifestatio emergat. Aut fallor ego vehementer,  
 aut certum mihi est, idem docere Theologos ad-  
 mnum omnes. Qui etiam docent, non modò  
 per peccatorum permissionem, sed in ipsis quo-  
 que damnatis adhuc patefieri justitiam sapientiam-  
 que DEI: Quo quid aliud est, quam hoc, quod  
 Dei gloria, permittendis peccatis, amplificetur.  
 Equidem negari non potest, res & partes mundi  
 seorsim spectatas, actiones item hominum sigilla-  
 tim & extra nexum consideratas, sæpissime quid-  
 vis potius, quam gloriam DEI amplificare, vide-  
 ri. At si totum perspicere posses nexum omnium  
 rerum,

rerum, obstupefceres, quam admirabili harmonia; quam suavi concentu, ultimato omnia ad gloriam DEI dirigantur, & collineent.

SCHOL. Plures fuerunt, qui mundum optimum impugnantes, & Leibnitium, & VVolfium confutare allaborarunt. Contra Leibnitium edebat Jenæ *B. Buddens* dissertationem de origine peccati, in qua Leibnitii Theodicæam aggressus, multa contra mundum optimum monebat. *VVeismannus*, Theologus Tubingensis, peculiare conficiebat schediasma de providentia Dei circa malum, in quo mundus optimus itidem impugnabatur, *Zimmermannus* dissertationem conscripsit de mundi existentis imperfectione, Jenæ 1725. ut taceam Langium, Bertramum, & Palmium, qui nuper demum, cum Reinbeck congressus, plurima contra mundum optimum monuit.

SCHOL. Plurima sunt, quæ contra mundum optimum monita, quæ autem nunc ad animum occurrunt, sunt sequentia (1). *Objicitur*, „ In quo, „ cumque mundo innutvera continentur mala, ille „ non est optimus sive perfectissimus. Atqui in hoc „ mundo innumera continentur mala. Ergo hic „ mundus non est optimus, sive perfectissimus. “ *Respondent* Patroni mundi optimi; In quocunque mundo innumera continentur mala, ille non est optimus, si vox *optimi* significet id, in quo nihil est imperfectionis, nullus nævus, nulla macula. Cum vero *mundus optimus* sumitur pro eo nexu omnium rerum creatarum, & simul existentium. & successive se excipientium, in quo gloria DEI manifestatur maxime, major propositio, si contra mundum optimum disputari debet, nunc ita erit instruenda. In quocunque rerum creatarum nexu innumera deprehenduntur mala, in illo nexu non omnia ita ordinari possunt, & cohærere, ut ultimato gloria DEI amplificetur. Unde vero hoc probabitur? Qui hoc probare audet, ille universum nexum omnium rerum creatarum, inde a principio,



usque ad finem, ita distincte perspicere debet, ut determinare queat, num partiales illæ imperfectiones, num mala illa particularia, nexui implicata, non ultimato ita dirigantur, ut gloria DEI inde emergat, ut perfectiones divinæ inde manifestentur. Supra jam monuimus, imperfectionem partis, sæpius facere posse ad maiorem totius perfectionem, non id ita tamen, ut ex imperfectione partis, in se, & seorsum spectata, resultet perfectio totius sed imperfectio partis, in toto *nexu* considerata, sæpius tribuit quid ad perfectionem totius. *Conf. §. 215.* Non mala, in se, & seorsum considerata, promovent gloriam DEI, sed, intra nexum cum aliis rebus ita dirigantur, ut tandem admirabili quadam, & vix expectata ratione gloriæ, & maiestatis divinæ splendor eluceat. Quod ut quodammodo capi possit, illustrationis gratia adjiciatur admirabilis nexus ille vitæ fatorumque Iosephi.

Fratres Iosephi ipsi invidebant, ipsum in foveam projiciebant, vendebant, &c. Nihil hic boni, omnia mala. Nihilominus hæc omnia in toto illo vitæ fatorumque Iosephi nexu ita dirigebantur, ita se invicem insequiebantur, ut tandem ex hoc toto nexu gloria *quadam* divina insigni modo elucesceret. Idem perspiceres, si totum nexum mundanum, cui innumera mala implicata sunt, posses perspicere, si posses animadvertere, quomodo omnia tandem, ex consilio DEI, cum fine DEI ultimo conspirent. Stat illud firmum incōcussūque, quod sacra tradit scriptura: *Consilium DEI est mirabile, sed omnia ad gloriosum exitum perducit* (2). *Obijciatur*: DEUS vult mundum optimum: mundus optimus continet malum. Ergo DEUS vult malum. *Respondent* Fautores mundi optimi! Non sequitur: Volo librum hunc ob eruditionem, exinde consequendam, sed liber hic est macula conspurcatus. Ergo volo quoque maculam. Non sequitur: Volo medicinam, ob sanitatem inde inipetrandam, medicina continet amaritudinem. Ergo volo etiam

amaritudinem (3). *Objicitur* : Mala tamen , ex sententia Leibnitii , ad creati. mundi perfectionem quid conferunt. *Respondent* Leibnitiani : Non ita est. Mala , sive peccata , sunt quidem *in* mundo optimo , non sunt *de* mundo optimo , ut implerent *in* ecclesia , non sunt *de* ecclesia . Atque adeo mundus , QUI malo , & peccato infectus est , est optimus , non QUIA peccatis infectus . Additur , illustrationis gratia , sequens exemplum . Sint studio Theologiæ oblatis duo libri , chymicus alite , alter dogmata theologia ordine concinno & apto complexus . Ecquem librum studiosus Theologiæ eligeret ? Nonne eum , qui finibus suis est convenientissimus ? Puto theologicum . Fac vero , librum oblatum theologicum esse insigniori macula conspurcatum , fac porro , librum chymicum esse nitide compactum , & purioris chartæ . Num putas , theologicum librum , studiosi Theologiæ fini , & scopo accommodatissimum , esse ideo accommodatissimum , quia macula conspurcatus est ? Non puto . Num puta , Theologiæ studiosum ideo eligere librum , quia macula conspurcatus est ? Non puto . Eligit librum , qui macula inquinatus est , non quia macula pollutus est (4) . *Obijciunt* : Si DEUS non potuit non eligere optimum , cadit ejus libertas . *Resp.* Quasi vero electio optimi non stare posset cum libertate . Conf. §. 679. Cajo offeruntur plures libri , diversi pretii . Eligit illum , quem optimum judicat . Num putas , libertatem ita Caji , dum eligit optimum , cadere ? Conf. *Banzius in Usu Philos. in Theologia p. 212. seqq.*

§. 835. *Voluntas Dei est immutabilis.*

*Demonstr.* Cum enim Deus sit immutabilis , ( §. 790. ) ipsa quoque voluntas Dei erit immutabilis . Quidquid enim est in Deo , illud est ipse Deus . ( §. 784. )

*Ponamus* , voluntatem Dei esse mutabilem . tum aut Deus , id , quod ante voluisset , post aliquod tempus averfari posset , aut vellet nunc id , quod

ante multum tempus averſatus eſt. Conſequentur Deus id quod antea, tanquam bonum, ſibi repræſentaffet, repræſentaret ſibi nunc, tanquam malum, & v. v. Cum vero ſibi omnia poſſibilia diſtinctiſſime repræſentet, (§. 813.) fieri nequit, ut id, quod, tanquam bonum, ſibi repræſentavit, poſt aliquod tempus ſibi repræſentet, tanquam malum. Magnam enim id imperfectionem intellectus, & confuſionem involveret.

SCHOL. Poſſe hæc poſitio ita quoque demonſtrari: Quæcumque voluntas eſt perfectiſſima, illa appetit bonum, & averſatur malum ſibi conſentaneæ (§. 827.) Atqui voluntas Dei eſt perfectiſſima; (§. 825.) Ergo voluntas Dei appetit bonum, & averſatur malum ſibi conſentaneæ. Quæcumque voluntas appetit bonum, & averſatur malum ſibi conſentaneæ, illa ita appetit bonum, ut nunquam idem averſari poſſit (§. 825.), ſive quod idem eſt, illa eſt immutabilis. Ergo Dei voluntas eſt immutabilis.

§. 836. *Voluntas Dei eſt liberrima.*

*Demonſtr.* Cum enim (1) DEUS bonum, quod eligit, ſibi diſtinctiſſime repræſentet, (§. 813.) (2) ob independentiam ſuam a nemine ad appetendum vel agendum cogi poſſit, (§. 789.) adeoque ſponte eligit bonum, (§. 672.) (3) ſemper ob voluntatem ſuam perfectiſſimam eligit optimum ex pluribus poſſibilibus (§. 831.), hæc tria autem ad libertatem, vere talem, requirantur (§. 625.) patet, Deo competere libertatem, vere talem. Cumque Deo, quidquid ipſi ineſt, inſit in absolute ſummo gradu, ſeu absolute potius, & ſine gradibus, (§. 802.) conſequens eſt, ut Deo tribui debeat libertas absolute ſumma. Atque adeo voluntas Dei eſt liberrima.

§. 837. *Voluntas DEI eſt principium omnium exiſtentiæ rerum contingentium.*

*Demonſtr.* In DEO continetur ratio ſufficiens, ut totus hic mundus exiſtat, (§. 778.) totus autem

tem hic mundus omnia ea complectitur, quæ contingentem, & mutabiliter existunt (§. 396.). Ergo in Deo continetur ratio sufficiens omnium existentiarum rerum contingentium. Illa ratio sufficiens non continetur in Essentia divina, (§. 823.) Ergo in actu volendi. Id, in quo continetur ratio sufficiens alterius, dicitur principium alterius (§. 339.). Ergo voluntas DEI est principium existentiarum omnium rerum contingentium.

§. 838. Exinde colligi potest.

I. Quidquid DEUS non vult, illud non potest ad existentiam pervenire.

II. Hinc patere satis nunc potest tibi via, voluntatem DEI a *posteriori* cognoscendi, attendendum scilicet est ad id, quod est, vel fit. Quidquid scilicet est, vel fit, id vult etiam DEUS, scilicet vel *approbative*, ut res ipsa etiam ipsi placeat, vel *permissive*, ut illam operationem suspendat, vel deneget, qua interposita factum ab agente non produceretur.

III Cum vero semper rationem sufficientem habeat objectivam, cur quicquam velit, (§. 830.) non satis est philosopho, in reddendis rerum causis, cur existant, cur existant sic, nec aliter, ad solam voluntatem Dei provocare, sed ratio sufficiens ex objecto quoque ipso petenda.

SCHOL. Leibnitius eorum philosophiam, qui rerum rationes reddituri, unice ad voluntatem DEI confugiunt, vocat *philosophiam ignavorum*. Non enim multi laboris est, hoc modo omnium rerum rationes reddere. Sic, cum rationem reddere iussus fueris, cur magnes attrahat ferrum? Cur fluxus, & refluxus maris detur? Cur stomachus concoquat? dic; *Quia Deus ita vult*. Magno te labore liberasti. Voluit Deus, nos interiores rerum rationes indagare, & librum naturæ, oblatum cuivis, diligentius pervolvere.

§. 839. Datur adhuc alia via voluntatem DEI a priori naturaliter cognoscendi. Quia scilicet Deus sem-

semper eligit optimum sive perfectissimum, (§. 831.) inquirendum tibi est, an res aliqua sit perfectionibus divinis conveniens. Tum negative certus esse potes, quidquid perfectionibus divinis minus est conveniens aut consentaneum, illud non vult Deus.

§. 840. Superest tertia via voluntatem DEI cognoscendi, si scilicet Deus *immediate* voluntatem suam homini significet, quod vocamus *revelationem*.

SCHOL. Non nostri nunc est instituti, nec hujus loci, determinare, num ulla unquam extiterit, aut etiam nunc existat, revelatio. Nec definiemus nunc, quænam sit vera revelatio, inter tot revelationes jactatas. Criteria tantum veræ revelationis ex data definitione eruemus, & sana ratione in subsidium adhibita, notas ejusdem explicaturi sumus. Plurimi, nostra ætate, necessitatem revelationis cujusdam demonstrarunt, quorum argumentum huc redit: Deus vult, ut homines sint summe, & perpetuo felices, Deus ergo etiam vult serio, ut homini sint media perspecta, ad summam illam perpetuamque felicitatem perducentia. Qui enim vult finem, vult etiam media. Hæc media, ad salutem perducentia, ratio ignorat. Ergo necesse est, Deum eadem homini revelasse. Ergo datur, necesse est, revelatio.

§. 841. *Revelatio divina, pro actu revelandi summa, est miraculum.*

*Demonstr.* Cum enim, quidquid DEUS immediate facit, sit *miraculum*, (§. 458.) revelatio autem sit, cum DEUS *immediate* voluntatem suam homini significat, (§. 840.) consequens est, ut revelatio, quatenus scilicet sumitur pro immediata Dei significatione voluntatis suæ, sive pro actu revelandi, sit miraculum.

§. 842. *Revelatio debet continere veritates supra rationem.*

*Demonstr.* Ponamus enim, Deum, immediate signi-

# ET ATTRIBUTIS CUM EADEM &c. 395

gnificare veritates homini, quæ ipsi jam ex ratione sint notæ, aut ex ea certe cognosci possint, tum Deus faciet quid sine ratione sufficiente. Ea enim homini immediate revelare, quæ ipse propriis viribus indagare, & scire potest, id vere est, actum agere. Cum vero Deus sine ratione sufficiente nihil velit, nihil suscipiat, (§. 830.) consequens est, ut veritates, quas Deus revelare debet, sint supra rationem. Ergo revelatio debet continere veritates, supra rationem positæ.

SCHOL. Alii ita: In revelatione defectus, sive hiatus cognitionis naturalis suppleri debent. Ergo in revelatione tradi quædam debent, quæ ratio, sibi relicta, plane non assequi potest. Illæ vero veritates, quarum existentiam, vel possibilitatem ratio cognoscere nequit, dicuntur *supra rationem* positæ. Ergo in revelatione contineri debent veritates supra rationem positæ.

§. 843. Veritates, supra rationem positæ, sive quarum possibilitatem, vel existentiam ratio cognoscere nequit, dicuntur *mysteria*.

§. 844. *Revelatio in se continere debet mysteria.*

*Demonstr.* Cum enim revelatio continere debeat veritates, supra rationem positas, (§. 842.) ejusmodi autem veritates, quæ sunt supra rationem, sint *mysteria*. (§. 843.) manifestum est, revelationem debere in se continere *mysteria*.

NOTA. Possunt quidem, ob majorem perspicuitatem, & nexum cum aliis veritatibus, variæ veritates, quæ ex ratione possunt cognosci, admixtæ esse mysteriis, princeps tamen finis, ob quem revelat nobis DEUS voluntatem suam, est, ut veritates, eæque supra rationem positæ, & ad salutem æternam consequendam sufficientes, nobis innotescant.

§. 845. *Quamvis veritates, in revelatione contentæ, sint supra rationem, (§. 842.) non possunt*

ta-

tamen esse contra rationem, i. e. non possunt esse contraria veritatibus, ex ratione cognitis.

*Demonstr.* Cum idem non possit sibi contrariari, & adversum esse. (per princ. contrad.) Consequens est, ut veritas veritati non possit adversari. Ergo veritas revelationis non potest esse contraria veritatibus rationis.

SCHOL. Potest hoc quoque theorema ita stabiliri: Omnes veritates originem suam repetunt ab intellectu divino (§. 823.) si itaque veritas revelationis veritatibus rationis foret contraria, tum DEUS sibi ipse contradiceret, quod esset contra perfectionem intellectus divini, quæ omnem respuat dissonantiam sive contradictionem (§. 801. 802.)

SCHOL. Leibnitius in discursu præliminari, de Concordia Rationis, & fidei, in eo totus est, ut rationem scripturæ sacræ nequiquam adversari, probet. Leibnitii mentem brevibus his verbis complectitur Canzjus in usu Philos. in Theolog. p. 8., „ Aut ea, quæ a ratione possunt revelationis dog-  
„ matibus obverti, invicta demonstratione nitun-  
„ tur, aut non. Si prius, veritas veritati erit con-  
„ traria. Nam, quidquid demonstratione invicta  
„ nititur, veritas est æterna, nulli obnoxia dispen-  
„ sationi. Si posterius autem eveniat, probabilis  
„ tantum est rationis revelationi oppositæ objectio.  
„ Atqui ejus generis argumenta nihil adversus fi-  
„ dem proficiunt. Quis enim nescit, revelationem  
„ omni verosimilitudine esse superiorem? Idem  
„ Canzjus, consensum revelationis, & rationis illu-  
„ straturus, elegantem adducit comparisonem, quæ  
„ hujus est sententiæ. Quemadmodum aqua aquæ non  
„ contrariatur sive adversatur, sed altera alteri insi-  
„ nuatur, & amica est, quamvis altera, ex lacu hau-  
„ sta, vel de cælo delapsa, deterioris sit conditionis,  
„ limumque vehat, altera vero, ex limpidiori hausta  
„ scaturigine, generosioris sit conditionis. Sic veri-  
„ tates rationis, & revelationis, tantum abest, ut

pugnent, & adversentur sibi invicem, ut amicissimo potius nexu conspirent, quamvis veritates rationis sint villioris conditionis, quam veritates revelationis, p. 8.

§. 846. *Ut veritates revelationis non possunt ad-versari, & repugnare veritatibus rationis, & v. v. sic ipse quoque veritates, in revelatione conten-ta, non possunt sibi invicem contradicere.*

*Demonstr.* Cum enim veritates revelationis ha-beant suam originem a Deo (§. 840.), veritates revelationis non possunt sibi invicem contrariari. Quod enim si esset, Deus ipse sibi non constaret, maximaque in ipsius intellectu reperiretur imperfe-ctio.

§. 847. *In revelatione divina nihil occurrere de-bet, quod perfectionibus divinis sit indignum.*

*Demonstr.* Cum enim DEUS nihil velle possit, quod perfectionibus suis est contrarium, (§. 828. consequens est, ut nihil quoque possit revelare, quod suis perfectionibus est minus consentaneum. Atque adeo in revelatione divina nihil occurrere debet, quod perfectionibus divinis sit indignum,

Hinc fluunt hæc consectaria; Ergo stilus in re-velatione debet esse castissimus, sanctissimus; item ea sit stili in revelatione auctoritas, quæ hominum animis reverentiam erga Deum imprimat.

§. 848. *In revelatione, si scripto fiat, & verba certos significatus; & phrasæ certum determina-tumque habeant sensum.*

*Demonstr.* Cum enim revelatio fiat ideo, ut ho-mo perveniat ad cognitionem voluntatis divinæ, quam ope rationis, non poterat cognoscere, (§. 840.) consequens est, ut revelatio sit perspicua. Quod enim nisi esset, voluntas Dei non posset cognosci. Revelatio autem non potest esse perspicua, nisi verba certos significatus, & phrasæ certum determina-tumque habeant sensum.

§. 849. *Revelatio debet in se continere media ad salutem sufficientia.*

De-



*Demonstr.* Cum enim non sine ratione nobis revelat, suam voluntatem, (§. 830.) consequens est ut debeat finis esse, cur homini revelet quicquam. Quem cum nullum alium esse, quam salutem hominum, comprobet benignitas DEI, patet, revelationem debere in se continere media ad salutem sufficientia.

NOTA. Hæc sunt præcipua revelationis criteria, quæ num recte quadrent in librum illum, quem nos *Biblia* vocamus, quemque habemus pro vera revelatione, non est hujus loci, uberius disquirere.

§. 850. Viis ita ad voluntatem Dei rite cognoscendam monstratis quædam adhuc attributa Dei, cum voluntate ejus connexa, sunt exponenda. Huc pertinet *sapientia, bonitas, Justitia, omnipotentia*.

§. 851. Qui id eligit, quod optimum est, sive finibus suis convenientissimum, ille dicitur *sapiens*. Sapientia autem est perfectio, qua quis id, quod finibus suis est convenientissimum, & optimum, eligit. Alii sapientiam definiunt per scientiam media, & fines sibi invicem recte subordinandi.

§. 852. Ex his intelligi possunt gradus sapientie, & quando quis magis minusve dici possit sapiens. Quo *plura* quis ad finem novit media, eo est sapientior. Sapientior ille etiam recte putatur, qui per eadem media *finem ampliorem* obtinere novit, item: qui finem eundem mediis paucioribus, & simplicioribus obtinere scit, qui denique *plura media*, & fines ita novit sibi invicem subordinare, ut unum idemque simul, diverso tamen respectu, medii finisque locum sustineat. Quæ omnia si in summo adsunt gradu, tum illa sapientia dicitur summa.

§. 853 *Deus gaudet sapientia summa.*

*Demonstr.* Cum enim Deus, ob voluntatem perfectissimam, semper eligat id, quod optimum est, & finibus suis convenientissimum, (§. 831.) ejus  
modi

modi autem perfectio, qua quis eligit optimum, sive finibus suis convenientissimum, dicatur *sapientia*, (§. 851.) consequens est, ut Deus gaudeat sapientia. Et quia, quidquid Deo inest, id ipsi inest absolute, & in summo gradu, (§. 800. 802.) consequens est, ut DEUS possideat sapientiam, eamque summam.

SCHOL. Potest hoc theorema ita quoque demonstrari: DEUS gaudet intellectu perfectissimo, (§. 810.) & omniaabilia distinctissime cognoscit; (§. 813.) quicumque vero omniaabilia distinctissime cognoscit, ille novit quoque omnes mediorum & finium subordinationes, sive; ille novit, qua via quibusve mediis fines optimi possint impetrari. Scientia fines, & media sibi invicem recte subordinandi dicitur *Sapientia*. Ergo Deus habet sapientiam, eamque summam.

§. 854. *Deus ergo ad quemlibet finem omnia mediaabilia novit, finesque amplissimos mediis simplicissimis scit obtinere.*

*Demonstr.* Cum enim ad summam requiratur sapientiam, ut ad quemlibet finem omnia mediaabilia sciat, finesque amplissimos mediis simplicissimis novit obtinere, (§. 852.) Deus autem summa gaudeat sapientia. (§. 853.) manifestum est, Deum ad quemlibet finem omniaabilia media nescire, & mediis simplicissimis fines amplissimos scire obtinere.

§. 855. *Bonitas est promptitudo aliis perfectiones conferendi. Quo intensius itaque est studium, aliis perfectiones conferendi, quo plures perfectiones aliis conferre nitimur, quo denique plures sunt, quibus perfectiones conferre cupimus, hoc major est bonitas.*

§. 856. *Maxima itaque, & summa bonitas est studium intensissimum, entibus omnibus perfectiones omnes, quas capere possunt, conferendi.*

§. 857. *DEUS habet summam bonitatem.*

*Demonstr.* Cum enim Deus velit omne bonum, (§. 828.)

( §. 828. ) consequens est , ut Deus quoque velit creaturarum perfectiones , atque adeo studium in Deo est creaturis tribuendi perfectiones . Quod cum sit id ipsum , quod vocamus *bonitatem* , ( §. 855. ) intelligitur , Deum habere bonitatem . Quia vero , quidquid Deo inest , inest ipsi in gradu absolute summo ( §. 800. 802. ) sequitur , ut Deus habeat bonitatem summam .

§. 858. Quamvis Deus pronus sit , vi suæ bonitatis infinitæ , ad omnes omnino perfectiones cuique creaturarum conferendas , ( §. 856. ) cum tamen fieri nequeat , ut creatura quicquam recipiat , quod essentiae suæ non congruit , intelligitur , quid sit , quod Deus singulis creaturis tantum conferat perfectionis , quantum potest capere earundem essentia , & natura .

§. 859. Non itaque bonitati divinæ adversatur , cum magna bonorum inæqualitas in mundo obviæ reperitur . Tantum enim creaturæ cuique largitur Deus , quantum capere ipsa potest , & quantum sapientia Numinis , nexum , & convenientias rerum spectans , permittit .

§. 860. *Iustitiam* definimus per bonitatem , cum sapientia connexam , sive administratam .

SCHOL. Definitio hæc , quam VVolffio debemus , quamque copiosius evolvit *Cel. Bilfingerus in Dilucidat.* §. 445. prorsus convenit cum veterum definitione , qua iustitiam dicebant voluntatem , suam cuique tribuendi , *bonitas* enim tribuit unicuique , *sapientia* autem ostendit , quid sit illud tandem , quod tribuere liceat , aut negare oporteat , pro rei convenientia ,

§. 861. *Iustitia* ergo *summa* est bonitas summa , secundum sapientiæ perfectissimæ leges temperata , sive administrata .

§. 862. *DEUS habet iustitiam summam , sive est iustissimus ,*

*Demonstr.* Cum enim Deus bonitate summa gaudeat , ( §. 857. ) sapientiam item summam possideat ,  
( §. 853. )

(§. 853.) sapientia autem in Deo cum bonitate amicilime conspirare debeat, (ob perfectiones divinas summas, quæ omnem repugnantiam, & dissonantiam respuunt,) (§. 800.) consequens est, ut Deus iustitia summa gaudeat.

NOT. De hac Iustitiæ divina notione commodissime legi possunt Bilfingeri Dilucidat. §. 443, & Canzius in Usu Philos. in Theolog. p. 342.

§. 863. *Potentia* dicitur facultas possibilia perducendi ad existentiam. *Summa* itaque *potentia*, sive *omnipotentia* est facultas omnia possibilia perducendi ad existentiam.

§. 864. *DEUS est omnipotens, sive Deus gaudet summa potentia.*

*Demonstr.* Dum enim Deus hunc mundum, & quicquid in eo est, ad actum perduxerit (§. 778.) intelligitur, Deum possibilia ad actum perducendi vi gaudere. Quæ vero vis, possibilia ad existentiam, sive actum perducendi dicitur *potentia*, (§. 298.) Ergo Deus habet potentiam. Quia vero, quicquid Deus possidet, id possidet absolute, & in summo gradu, (§. 800. 302.) consequens est, ut Deus habeat summam potentiam, sive omnipotentiam. Deus ergo est omnipotens.

§. 865. *Impossibilibus omnipotentia Dei non potest largiri existentiam.*

*Demonstr.* Fac enim, Deum largiri impossibilibus existentiam posse, tum efficere poterit Deus, ut impossibilia sint possibilia. Id omne enim, quod acta existere debet debet esse possibile. (§. 52.) Quod vero cum sit contra principium contradictionis (§. 22.) vides, fieri non posse, ut producat Deus, & ad existentiam perducatur impossibilia.

SCHOL. Impossibile autem quid est, vel ratione *DEI*, vel ratione *rei*. Ratione *DEI*, id est impossibile, quod cum essentia, cæterisque perfectionibus divinis pugnat. E. gr. *peccare*, *mentiri*, est impossibile ratione *DEI*, quamvis non in se, & *Baum. Metaph.* C c sua

sua natura. Ratione vero rei id vocatur impossibile, quod in se, & sua natura involvit contradictionem. Exempl. grat. facere, ne bis duo faciant quatuor.

§. 866. *DEUS facere potest, quidquid vult.*

*Demonstr.* Dum enim omnia possibilia Deus ad existentiam potest perducere, (§. 864.) inter omnia autem possibilia recessario referatur, id quod optimum est, finibusque divinis convenientissimum; consequens est, ut Deus id quoque, quod optimum est, finibusque suis convenientissimum, possit producere. Deus autem non nisi vult optimum, quodque suis finibus est convenientissimum (§. 831.) Ergo Deus facere potest, quidquid vult.

§. 867. *Non autem vult Deus omnia perducere ad existentiam, quæ potest ad illam perducere:*

*Demonstr.* Iam enim Deus tantum vult optimum, (§. 881.) plura autem possibilia sunt, quam id, quod optimum est, palni est, Deum, qui omnia possibilia ad existentiam deducere potest (§. 864.), non velle omnia ad existentiam perducere, quæ potest.

§. 868. *Sanctitatis* vox generatim indicat quamcunque separationem, sive immunitatem. Sic majestas regia dicitur *sancta*, quia ab omni laesione privata est separata, item vasa, cultui divino consecrata, sunt *sancta*, quatenus ab usu vulgari sunt separata. *Sanctitas* autem, de Deo predicata, significat absolutam exclusionem omnium imperfectionum in Deo.

§. 869. *Deus est sanctissimus.*

*Demonstr.* Cum enim Deus omnes posibles perfectiones possideat, (§. 802.) vi oppositorum necessario sequitur, omnes omnino imperfectiones absolute ab ipso excludi. Quæ absoluta omnium imperfectionum exclusio, cum sanctitatem Dei constituat (§. 868.) manifesta est ratio, cur, Deum sanctissimum esse, ajamus.

§. 870. Ex his intelligitur, intellectui divino eatenus tribui sanctitatem, quatenus omnia possibilia necessario cognoscit, omnemque ignorantiam a se excludit. Voluntas autem DEI eatenus sanctitatem habet, quatenus omne bonum semper, & ubique appetit, & omne malum averfatur.

NOTA, Vide *Hoeseri dissertatio de Notione Sanctitatis divine*, Wittenbergæ 1729. habita.

§. 871. *DEUS non habet affectus.*

*Demonstr.* Dum enim affectus oriantur ex confusa boni malive representatione, (§. 619.) DEUS autem non nisi distinctissime, atque adeo sine omni confusione, sibi omnia repræsentet (§. 813.) consequens est, ut Deus omnibus careat affectibus.

§. 872. *Deus est spiritus perfectissimus.*

*Demonstr.* Cum enim Deus habeat intellectum perfectissimum, (§. 810.) item voluntatem perfectissimam, (§. 825.) substantia autem, intellectu perfectissimo, & voluntate perfectissima prædita, dicatur *spiritus perfectissimus*, (§. 474.) confitendum est, Deum esse spiritum perfectissimum.

§. 873. Explicata ita voluntate divina, attributisque, cum eadem connexis, intelligi nunc poterit quid sint *decreta divina*.

§. 874. *Decretum Dei est ipsa executio, ipse actus, & determinatio voluntatis, qua id, quod contingens est, existens redditur.*

SCHOL. Theologi decretum ita definiunt: Est actus voluntatis divinæ, quo Deus aliquid serio omnibusque circumstantiis consideratis vult ad existentiam perducere. Ea autem inter voluntatem decretumque Dei differentia assignatur. Voluntas Dei omnibus bonis delectatur, vultque omnia bona; cum vero, ob collisionem, omnia bona non possint obtineri, sapientiæque præterea divinæ repugnet, omnia, quæ bona sunt, ad existentiam perducit, *Decernit* Deus tantum optimum. Illa voluntas, qua Deus omnia bona vult, dicitur

*antecedens*, hæc autem, quæ Deus tantum decernit, & vult ex pluribus bonis optimum, appellatur *voluntas consequens*.

SCHOL. Voluntas illa, qua DEUS mundum hunc perducere ad existentiam voluit, dicitur *decretum DEI universale*, quod tantum unum est, quia unus est mundus. Atque hoc sensu definit *Thomæ magistri decretum* instit. Philos. V Volfianæ p. 229. ubi, *Decretum*, inquit, est Numinis voluntas de universo ad actum perducendo. Decretum vero hoc universale, ad quod omnia totius universi, maxima, minima, pertinent, accipit nomen *decretorum particularium*, quatenus hoc decretum universale ad hoc illudvè individuum refertur. Quatenus exempl. grat. Deus vult, ut Cajus in æternum salvetur, eatenus hæc voluntatis determinatio, respectu hujus individui, Caji, audit decretum Dei particulare.

§ 875. Cum ergo decreta sint determinatio voluntatis Dei (§: 874.) sequitur, ut, quidquid de voluntate Dei dictum est, idem quoque de decretis divinis dici debeat.

§. 876. (1) Cum voluntas divina sit immutabilis, (§. 835.) decreta quoque Dei sunt immutabilia.

(2) Voluntas divina est principium, & fons existentiarum rerum contingentium, (§. 837.) nihil potest ad existentiam pervenire, nisi quod Deus vult. Ergo nihil potest evenire, nisi quod Deus decrevit,

(3) Voluntas Dei est liberrima, (§. 836.) Ergo decreta Dei sunt liberrima.

(4) Decreta Dei certo executioni dantur. Quod enim nisi esset, aut mutaret Deus sua decreta, quod est contra num. I. aut ab alio impediretur, quod est contra independentium, §. 789. demonstratam.

(5) Decreta Dei sunt æterna. Quod enim nisi esset, fuisset aliquando tempus, quo Deus nondum

flum decreviffet, id quod postmodum decrevit : Sic Deo aliquando non omnia ipsi inuiffent, quæ ipsi inesse possunt; quod est contra (§. 802.) & simul successio daretur in Deo, quod est contra §. 808.

(6) Voluntas Dei semper ratione objectivè movetur ad appetendum. (§. 830.) Ergo nihil absolute Deus decernit, sed ob rationem, in objecto deprehensam, hoc illudve ab æterno decrevit.

## C A P U T V.

### *De operibus divinis.*

#### §. 877

**D**Ecreti Dei universalis exsecutio se, vel maxime exseruit tum, cum Deus hunc mundum *crearet*, sive ad existentiam perduceret. *Creatio* autem nihil aliud est, quam productio rei ex nihilo.

SCHOL. Ad opera divina; sive executiones decretorum divinarum dum aggredimur, notandum est; actiones Dei esse, vel *immanentes*, vel *transcuntes*. Illæ sunt, quarum objectum est ipse Deus; Hæ vero, quæ extra Deum terminantur. Inter actiones DEI transcuntes primo loco referenda est creatio, qua Deus hoc universum; cum antea nihil esset, existens reddit. *Bisfingerus* aliam adhuc format notionem *creationis*. Mea quidem sententia, *inquit*, foret etiam illa veri nominis creatio, si Deus ab æterno realitatem illi largiretur, quod ex sese nullam habet, adeoque de se ipso nihil est. *Conf. Dilucidat. philos. p. 186.*

§. 878. *DEUS liberrime mundum creavit.*

*Demonstr.* Cum enim voluntas Dei sit liberrima, (§. 836.) ratio autem sufficiens existentiae hujus mundi non contineatur in essentia Dei; sed in ejus voluntate, (§. 834.) facile intelligitur



tur, DEUM, dum hunc mundum produxit, egisse liberrime.

§. 879. *Finis, cur DEUS hunc mundum creavit, est perfectionum suarum manifestatio.*

*Demonstr.* Cum enim Deus, ob sapientiam suam infinitam, finem in creando mundo habuerit, necesse sit, (§. 853.) consequens est, ut finis hic, a DEO in creando mundo intentus, aut sit in ipso mundo, aut in Deo. In mundo ipse esse non potest, mundus enim id ipsum est, per quod finis promoveri, & obtineri debet. Ergo finis creationis mundi in Deo sit oportet. Cum vero Deo ejusque attributis ex creatione universi nihil datur, aut dari queat: Deus enim, quidquid in ipso est possibile, actu possidet, (§. 802.) restat ut affirmemus, nihil aliud Deum in creando mundo intendisse, quam suarum perfectionum manifestationem, sive, quod idem est, gloriæ suæ illustrationem. *Gloria enim Dei illustratur*, cum ejus perfectiones patefiunt, & manifestantur.

SCHOL. Cæterum de creatione mundi variæ in medium proferuntur quæstiones, quarum sequens vel maxime turbas concitavit. Quæritur scilicet, num mundus hic creari potuerit ab æterno? Non recensere hic omnia ea licet, quæ de hac quæstione ultro citroque ad eruditissimis viris sunt disputata. Ratio quidem determinare non potest, quo præcise tempore mundus hic sit creatus, nec definire ratio valet, quamdiu hoc universum duraverit. Id tamen ratio ex notione creationis colligere potest aliquando, cœpisse mundum. Ubi enim aliquid existens redditur ex nihilo, ibi initium existentiae statuatur necesse est. Atqui in omni creatione &c. Ergo. Quocunque etiam modo tibi conceperis *creationem*, quocunque modo tibi representaveris *quod creatum est*, nunquam profecto fieri poterit, ut id quod creatur, sive creatum est, sine initio existendi tibi con-

concipias. Hinc judicari poterit, nam mandus potuerit creari ab æterno? Nego & pernego. In re ipsa enim hoc involvit contradictionem, *creari* & tamen *ab æterno* esse, *Conf. Bilingerus in Dilucidat. p. 187.*

§. 880: Creationem excipit *providentia* DEI. Quam vero qui intelligere capit, is verò antea ea, quæ notionem providentiæ ingrediantur, rite perspecta habeat, & explorata. Quare, quid sit *concurritio*, quid *concurfus*, quid denique *gubernatio*, paucis ante definimus.

§. 881. *Si res creata existentiam suam continuare debent, necesse est, ut Deus voluntatem suam de creaturarum existentia continuet.*

*De monstr.* Solum ens necessariam existit per essentiam suam, (§. 177.) & est attributum entis a se, ut vi propria existat (§. 787.). Cum vero attributa rei sint incommunicabilia, (§. 81.) fieri nequit, ut DEUS creaturis, quippe quæ non sunt entia a se, aut necessaria, sed contingentia, (§. 410.) existentiam per essentiam det. Atque adeo necesse est, ut si creature existentiam suam continuare debent, DEUS voluntatem suam de creaturarum existentia continuet.

§. 882. *Conservatio* est continuatio voluntatis divinæ de rei creatæ existentia.

§. 883. *DEUS conservat omnia, quæ creata sunt.*

*De monstr.* Experiundo novimus, creaturas suam continuare existentiam. Dum vero creature suam existentiam continuare nequeunt, nisi DEUS suam voluntatem continuet de earundem existentia, (§. 881.) continuatio autem voluntatis divinæ de rerum creatarum existentia dicitur *conservatio* (§. 882.) palam est, Deum omnia, quæ ab ipso creata sunt, conservare.

SCHOL. In qualibet autem re, quam DEUS conservat, duo sunt a se invicem distinguendi, (α) *Reale*, & (β) *Limitatio*, sive defectus aliquis,

qui *non reali* adheret. Sic e. gr. in anima humana est vis repræsentativa, hoc est *reale*, & ab hoc *reali* omnes veniunt repræsentationes. At hæc vis adjunctas habet limitationes, ex quibus oriuntur repræsentationes *confusa*, *errores*, *præjudicia*. Illud, quod *reale* est, DEUS conservat, limitationes autem *non reali* adherentes, & in mera privatione, sive defectu ulterioris realitatis consistentes, non indigent influxu aliquo conservatorio, atque adeo DEUS limitationes non conservat.

§. 884. *Concursus Dei generalis*, qui extenditur ad omnes creaturas, est actio voluntatis divinæ, qua Deus id, quod in re quapiam reale, in vi activa conservat, & ad agendum creaturam aptam reddit.

SCHOL. *Wolffus in Theol. Natural. Tom. I. p. 873: concussum* ad actionem alterius definit per actionem, quæ in se continet aliquid rationis, cur agens agat, vel egerit.

§. 885. Ex hac definitione patescit; concursum divinum a conservatione non, nisi in eo, differre, quod conservatio sit continuatio voluntatis divinæ de continuatione existentie alicujus rei., concursus autem tendat ad id, ut vis rei cujusque activa permaneat.

§. 886. *Deus concurrit ad actiones creaturarum, quatenus sunt actiones, non vero concurrit ad actionum limitationes, a quibus provenit, ut actio aliqua sit præcise hæc actio, nec alia.*

*Demonstr.* Cum enim quævis actio, quatenus est actio, proveniat a vi agendi, tanquam principio, & fonte suo, ( §. 300. ) consequens est, ut, dum DEUS conservat vim agendi, ipsam quoque actionem patrari velit. Conservatio illa, qua DEUS vim agendi in subiecto quodam vult existere, dicitur concursus DEI generalis. ( §. 884. ) Ergo Deus concurrit generatim ad actiones creaturarum, quatenus sunt actiones, & a vi agendi proficiunt.

ſcuntur . Cum vero Deus limitationes rerum non conſervet ( §. 883. ) . Concurſus autem DEI ſit ſpecies conſervationis , ( §. 875. ) manifeſtum eſt, nec Deum ad limitationes actionum concurrere . A limitationibus vero virium provenit , ut aliqua actio ſit præciſe hæc actio , nec alia , ( nam , dum vis agendi eſt limitata , non poteſt ſimul ad omne niti . ) Ergo Deus non concurrat ad actionem , quatenus hoc illo modo per limitationem determinata eſt .

SCHOL. Theologi hanc poſitionem ita exprimunt : DEUS concurrat ad actionis *materiale* , non vero ad actionis *formale* , ſive ad actionis *cauſam* .

§. 887. Per *gubernationem* intelligimus directionem mediorum , & actionum ad certum aliquem finem .

§. 888. *Deus omnia gubernat .*

*Demonſtr.* Cum DEUS ſit ens ſapientiſſimum , ( §. 853. ) ſumme autem ſapiens cum finibus optimis connectat optima media , ( §. 851. ) conſequens eſt , ut DEUS omnia dirigat ad certum finem , Quod cum conſtituat Dei gubernationem , patet , Deum omnia gubernare .

§. 889. Qui omnia conſervat , ad omnes creaturarum actiones concurrat , omnia denique gubernat . ille omnium quoque curam gerere exiſtimandus eſt .

§. 890. Curam DEI pro creaturis dicimus *Providentiã divinã* , quique curam gerit creaturarum , iis *providet* .

SCHOL. *Volfius* Providentiã divinã definit per decretum Dei de conſervatione , & gubernatione rerum omnium in hoc univerſo , & concuſſu ad earundem actiones . *Theolog. Natural.* p. 896.

§. 891. *DEUS providet omnibus creaturis .*

*Demonſtr.* Cum enim Deus omnia conſervet , ( §. 883. ) ad omnes creaturarum actiones concurrat , ( §. 886. ) omnia quoque gubernet , ( §. 888. ) iſtæ autem , qui omnia conſervat ad omnes creaturarum

rarum actiones concurrunt, omnia denique gubernat, omnium rerum curam gerere dicatur, ( §. 889. ) confitemur, necesse est, Deum omnium rerum curam gerere. Is, qui omnium rerum curam gerit, *providet* his. Ergo Deus providet omnibus creaturis.

SCHOL. Hæc providentia, qua DEUS omnium creaturarum vult existentiam continuari, qua item vires activas creaturarum conservat, sive ad illas concurrunt, qua denique gubernat omnia, & ad finem certum, modo sapientissimo, dirigit, hæc, inquam, providentia dicitur *providentia generalis*. *Specialis* vero providentia est cura DEI pro bono, & contra malum. Hæc specialis providentia cuique fiet manifesta, qui expendet, mentes hominum divinitus ita esse conditas, ut malum non possint non averfari, & bonum non possint non appetere, qui item considerabit, Deum ita omnia connexuisse in hoc universo, ut ex bonis actionibus boni, & jucundi effectus, tanquam præmia naturalia, nascantur, & ex malis actionibus mali & injucundi eventus, tanquam pœnæ naturales, proveniant. Ut alia his taceam providentiæ DEI specialis contra malum illustria documenta.

NOT. *Id* tamen videri poterat providentiæ DEI speciali prorsus adversari, quod tam multa tamque enormia peccata, sive mala in hoc universo deprehendantur, quodque DEUS in hoc mundo innumera mala permiserit. Hic, quid sentiant recentiores, atque in his maxime Leibnitius, paucis recensebo.

(*α*) Leibnitius malum dividit in *malum metaphy cum*, *morale*, *phy cum*.

(*β*) *Malum metaphy cum* constituit in limitatione, sive in defectu ulterioris realitatis.

(*γ*) Cumque omnis creatura non possit non esse limitata, ipsaque limitatio fluat ex essentia creaturæ, quatenus est creatura, colligit hinc Leibni-

ni-

nitiſ, non poſſe non omnem creaturam eſſe malum metaphyſico obnoxiam, malumque metaphyſicum fluere ex eſſentia creaturæ, quatenus eſt creatura.

(8) Malum morale conſtituitur in transgreſſione legis.

(1) Hoc malum morale, qua *poſſibilitatem ſuam*, recentiores deducunt ex ipſa limitatione atque eſſentia creaturæ. Quatenus enim creatura limitata eſt, eatenus non omnia diſtinctiſſime cognoscit, & adeo confuſas habere poteſt ideas. Quatenus vero poteſt ideas habere confuſas, eatenus poteſt errare. Quodcunque errare poteſt, illud poteſt bonum pro malo, & malum pro bono habere, adeoque peccare. Ergo creatura, quatenus limitata eſt, poteſt peccare. En! originem mali moraliſ, qua *poſſibilitatem ſuam* deductam ex ipſa limitatione, ſive eſſentia creaturæ.

(2) Hoc tamen malum morale, quamvis intellectus limitatio adſit, poſſe evitari, ſi ratio, & intellectus recte adhibeatur, exiſtimant.

(3) Malum phyſicum, quod in perpeſſione doloris conſiſtit, oritur, ex ſententia recentiorum, ex malo morali.

(4) Ad DEUM auctorem mali metaphyſici, moraliſ, & phyſici originem non referri debere, ajunt, permiſſiſſe tamen DEUM malum, addunt.

(5) Affirmant, malum metaphyſicum non poſuiſſe impedire DEUM, quia limitatio eſſentia creaturarum adhæreat; Adeoque ſi DEUS impedire voluiſſet malum metaphyſicum, debuiffet non creaturas, ſed DEOS, creare, quod dictum eſt inconueniens.

(6) Malum morale, inquit, DEUS permiſit ob rationes ſuæ ſapientiæ convenientiſſimas, & ob bona majora obtinenda. Si convenientius fuiſſet, malum morale impedire, impediviſſet potius illud, quam permiſiſſet. Quicumque enim non poteſt minus bonum præferre majori, ille nec poteſt  
ma.

malum permittere, nisi ubi ex permissione mali majus oritur bonum, quam ex impeditione. At: qui DEUS, &c. Ergo, &c. *Conf. Leibnitii Theodicea, passim.*

§. 892. Quemadmodum corpori nostro id *præsens* esse, diximus, (§. 499.) quod in id agit, sic spiritui id esse *præsens*, patet, quod spiritus sibi repræsentat.

§. 893. *Deo omnia sunt præsentia.*

*Demonstr.* Cum enim Deus sit spiritus perfectissimus, (§. 872.) & omniaabilia sibi repræsentet, (§. 810.) id autem, quod spiritus sibi repræsentat, sit *spiritui præsens*, (§. 892.) palam est, Deo omnia esse præsentia.

§. 894. Id contra *præsens* alteri dicitur, quod in alterum operatur.

§. 895. *DEUS itaque est omnibus rebus præsens:*

*Demonstr.* Cum enim Deus omnes creaturas conservet, (§. 883.) ad omnes creaturarum actiones concurrat, (§. 886.) omnia denique gubernet (§. 888.), adeoque circa omnes creaturas operetur; is autem, qui in alium operatur, sit alteri *præsens*, (§. 499.) evidentissimum est, Deum esse omnibus rebus præsentem.

§. 896. Duo itaque momenta ad *omnipræsentiam* requiruntur, scilicet (α) distinctissima cognitio omnium possibilem, sive *omniscientia*, (β) *omnioperatio* divina, qua ad actiones omnium omnes concurrat.

NOT. De hac notione *omnipræsentia* videatur Canzianus in *Ufu philosoph. in Theologia* p. 331. Requirit scilicet Canzianus ad *omnipræsentiam* *repræsentare omnia*, & *operari omnia*. Hinc definit *omnipræsentiam* per statum operandi omnia in omnibus creatis.

## CAPUT VI

*De proprietatibus quibusdam divinis, quæ ex antecedentibus demonstrantur.*

§. 897.

**D***eus est ens ætuoſiſſimum.*

*Demonſtr.* Cum enim DEUS vi propria exiſtat, ( §. 786. ) omnis autem vis, niſi impedimentum adſit, agat, ( §. 300. ) ſequitur, ut Deus continuo ſit ætuoſus. Quis enim vim Dei agendi inhibere poterit, cum Deus a nemine dependeat ( §. 789. ) ?

§. 898. Atque in hac ætuoſitate continua, qua Deus per intellectum infinitum repræſentat ſibi omnia poſſibilia, ( §. 810. ) & propter voluntatem infinitam, vult omne, & ſolum bonum, ( §. 825. 828. 830. ) conſiſtit *vita Dei*.

§. 899. *Majeſtas DEI, ſive gloria divina* conſiſtit in complexu omnium attributorum, ſive divinarum perfectionum. Cum igitur DEO omnes, quæ modo poſſibiles ſunt, perfectiones competant, ( §. 802. ) manifeſtum eſt, DEO competere ſummam majeſtatem, ſive gloriam.

§. 900. *Deus eſt beatiſſimus, ſibi que ſufficientiſſimus.*

*Demonſtr.* Cum DEUS omnia diſtinctiſſime cognoscat, ſeipſum quoque diſtinctiſſime cognoscat, neceſſe eſt. Si itaque Deus ſeipſum omneſque ſuas perfectiones diſtinctiſſime cognoscat, exinde non poteſt non in Deo oriri ſumma voluptas ( §. 585. ), quæ, quia ob DEI independentiam turbari a nemine poteſt, ſemper, & perpetuo durat. Cum vero in ſumma, ſemperque duratura voluptate conſiſtat *ſumma felicitas*, ( per def. ) Deum eſſe beatiſſimum, patet.

*Porro*, quia Deus omnia habet actu, quæ habere



potest, ( §. 802. ) intelligitur, Deo nihil deesse Deumque adeo sibi esse sufficientissimum.

§. 901 *DEUS est Dominus omnium rerum.*

*Demonstr.* DEUS omnia conservat, ( §. 883. ) ad omnes creaturarum actiones concurrat, ( §. 886. ) omnia denique gubernat; ( §. 888. ) DEUS porro a nemine dependet, ( §. 789. ) atque adeo nemini rationem reddere tenetur: A DEI denique voluntate, tanquam fonte omnium rerum existentium, dependent omnia ( §. 837. ). Ex his conficitur, DEUM esse dominum omnium rerum. Eum enim merito dicimus *dominum*, cujus voluntati aliqua res ita subjecta est, ut nemini rationem reddere teneatur.

§. 902. Has ergo perfectiones, quibus majestas exsplendescit, qui distinctius pieque considerat, non poterit non ad sanctam aliquam Dei reverentiam, ad cultum religiosum, amoremque Numinis benignissimi incitari. Quem quidem religio sum DEI-cultum, ex diligentiori perfectionum divinarum consideratione oriundum, in doctrina morum, suo tempore, sumus exposituri.

Interim TIBI, sanctissimum, rebusque humanis proutium, Numen, gratias, quas possum, submississimas persolvo, quod percrementer mihi adesse volueris, ut laborem hunc, variis interruptum laboribus, feliciter ad finem perducere potuerim?

*Finis totius Metaphysices.*

## C A T A L O G O.

*Il Malmantile riacquisato* di Lorenzo Lippi 8.  
Vale Paoli 2: 5.

*Il Conquistò* di Granata di Giroiamo Graziani 8.  
tomi 2. Vale Paoli 5.

*Poesie Scelte* del Secolo XVI. 8. Vale Paoli 2: 5.

*Ritiramento Spirituale* in preparazione alla morte 12. Vale Paoli 1: 5.

*Riflessioni grammaticali* dell' Idioma Italiano paragonato col Francese 12. Val Paoli 1.

*Raccolta di meditazioni, riflessioni e pensieri morali* da praticarsi da ogni Cristiano che desidera condurre una buona vita, ad uso particolarmente de' confessori e direttori di comunità religiose 8.  
tomi 4. Vale Paoli 14.

*Le Odi di Orazio* Flacco nuova traduzione in versi di vario metro da Giuseppe Ottavio Savelli, bella edizione. 8. Vale Paoli 3.

*Il Diritto Romano* esposto da Giuseppe Cirillo tradotto da Giovanni Selvaggi, arricchito di considerabili annotazioni utili e necessarie per uso della studiosa gioventù. 8. tomi 2. Vale Paoli 5.

*Ars recte cogitandi, & intelligendi, sive præcipua Logica-criticæ Hermeneuticæque rudimenta ad usum studiose juventutis.* 8. Tomi 2 Vale Paoli 5.

*Di'esa dell' originario dattilo de' Spaurani* nel loro-rispettivi dominj secordo il genio di fra Paolo Sarpi. 8. tomi 2. Vale Paoli 10.

*Vita di Jacopo San ovino* Scultore e Architetto della Repubblica di Venezia descritta da Giorgio Vasari e da lui ampliata, riformata, e corretta. Edizione II. bellissima in 4. stragrande. Vale Paoli 4.

*Prato Spirituale*, ossia vite de' Santi Padri descritte da' SS. Girolamo ed Atanasio. 4. Val Paoli 3.

NOI

# NOI RIFORMATORI

Dello Studio di Padova .

**C**Oncediamo Licenza ad *Antonio Zatta* Stampator di *Venezia* di poter ristampare il Libro intitolato *M. Friderici Christiani Baumeisteri &c. Institutiones Metaphysicae &c. ristampa*, osservando gli ordini soliti in materia di Stampe, e presentando le Copie alle Pubbliche Librarie di Venezia, e di Padova.

Data li 12. Giugno 1788.

( *Girolamo Ascanio Giustinian K. Rif.*

( *Zaccaria Vallarezzo Rif.*

( *Francesco Pesaro Kav. Proc. Rif.*

Registrato in Libro a Carte 160. al N. 1435.

*Marcantonio Sanfermo Seg.*

AD  
1653.404

XXII  
L  
114







